

INSEGGNI  
BIBLICA

160

B

46.

BIBL. NAZ. NAPOLI


BIBL. NAZ.  
VITT. EMANUELE III


160

B

46

NAPOLI











Venerabilis Dei Servus  
**BARTHOLOMÆUS HOLZHAUSER**  
Vitæ cōmunis Clericorum Sæcularium  
ad formam SS. Canonum Restitutor.  
Obiit Bingæ Anno 1658. die 20 Maj.

*gd. Zauber & Co. d. D.*



BIOGRAPHIA  
VENERABILIS SERVI DEI  
BARTHOLOMAEI  
**HOLZHAUSER**

VITAE COMMUNIS CLERICORUM  
SAECULARIUM

RESTAURATORIS.

---

ACCEDUNT

**EJUSDEM** IN APOCALYPSIM COMMENTARIJ  
PLANE ADMIRABILES.

---

*Cum approbatione Superiorum.*



---

BAMBERGAE,  
SUMTIUS TOBIAE GOEBHARDT,  
BIBLIOPOLAE UNIVERSITATIS.

MDCCLXXXIV.

# IMPRIMATUR.

BAMBERGAE;  
Die 25. Febr. 1782.

JOHANNES ADAMVS.  
Episcopus Hymenienfis, Suffrag.  
& Provic. Gener.



## AD LECTOREM GERMANUM.

**S**i veteris Prophetiae Manuscriptum, quod in Monasterio Lehninenſi in Marchia Brandenburgica olim ſito inventum & ab illuſtri Seideliorum familia uſque ad hujus initium ſaeculi ſtudioſe aſſervatum praetenditur, Berolini, Břemae atque in aliis Germaniae locis praelo ſubjici poterat; cur non itidem liceat, aliud Manuscriptum propheticum illo belli tricennalis tempore, quod ab anno 1642 uſque ad annum 1655 effluxerat, a Sacerdote Catholico exaratum typis vulgare?

Enim vero Editores hujus aequae ac illius Manuscripti vehementiores nonnihil expreſſiones utriusque contentas propterea ſuas non faciunt, ſed id ſolum intendunt, ut deſiderio ſatiſfaciant tum Catholicorum tum Proteſtantium indagare cupientium, in quantum ejusmodi Prophetiae cum ſequiori hiſtoria convenient.



In Vaticinio Monachi Lehninenfis *Hermanni* valde paradoxum fuit, quod ab anno 1306 omnia tam exacte evenerint; illud autem magis percellit, quod post annum 1722, ubi Vaticinium hoc jam typis prodierat, visus fuerit Rex juvenis infra trigessimum aetatis Annum Regimen capeßere, dum Maria Theresia magnum Monarcham in utero habens ingemiscebat, perturbato Germaniae statui componendo Carolus VII. Imp. par non erat, ac Rex ille sat sibi roboris inesse sentiebat, ut Imperii Vexillo sese opponeret.

Quae omnia in Vaticinio illo metrico indigitata videntur.

Apud Venerabilem nostrum Bartholomaeum Holtzhauserum inter alia illud vehementius commovebat, quod anno 1778 in Anglia, & hoc anno 1783 in America provincia (Rodeisland) publicum Catholicae Religionis exercitium restitueretur, id quod teste theatro Europaeo Tom. 8. pag. 887. ab anno 1658 in Anglia, & in America Anglicana (Rodeisland) an. 1663 sub paena Capitali prohibebatur. Hoc modo ad amissum impletum est, quod Venerabilis noster Bartholomaeus jam anno 1635 nominatim de Anglia praedixerat in verbis — *Et intellexi jure sacrificium centum & viginti annis ablatum esse.* —

Quis



Quis nunc male vertet, si curiosus eventuum futurorum indagator inquirat, num & illud eveniat, quod saepe fatus Vir Ven. Holtzhauserus in expositione Apocalypseos praedixit, scilicet antequam saeculum effluerit, Venturum Monarcham fortem, qui contra Turcas terra marique ingentes Victorias reportaturus sit, postquam Turcae in Italia ac Romae adeo insignes devastationes ediderint &c. &c.

Hanc praecipue ob Causam Plures Manuscriptum Holtzhauseri utut centies & ultra jam descriptum sibi comparare desiderarunt. Quorum votis ut Editor faceret satis, praelo id subicere sibi proposuit. Quibus, quod addat, non habet, nisi quod S. Paulus 1 Thess. V. v. 20 & 21 scribit.

*Prophetias nolite spernere, omnia autem probate, & quod bonum est, tenete.*



*Protestatio Auctoris.*

**C**um in hac vita nonnulla sint inserta, quae vires humanas superant, ut miracula, vel praefagia futurorum, vel quae sanctitatem Ven. Bartholomaeo videntur asserere, protestor ea non aliter accipienda, quam fide humana, & historica, juxta Decretum S. Congregat. & Universalis Inquisitionis anno 1625. editum, & anno 1634. confirmatum, ac juxta declarationem SS. N. D. Urbani VIII. factam anno 1631.



PARS I.



**P A R S I.**

**COMPLECTENS VITAM VENERABILIS**

**SERVI DEI**

**BARTHOLOMAEI  
HOLZHAUSER**

Clerici saecularis, & vitae Communis Clericorum Saecularium  
juxta SS. Canones reſtitutoris moralibus Doctrinis illu-  
ſtrata, & in tria Capita diviſa.

**Q U O R U M P R I M U M**

**VITAM EJUS USQUE AD SACERDOTIUM  
PERTRACTAT.**

**S E C U N D U M**

**ILLAM A SACERDOTIO USQUE AD OBITUM  
PERDUCIT.**

**T E R T I U M**

**FACTA QUAEDAM MEMORATU DIGNA CUM  
ILLIUS OBITU ENARRAT.**


**JUXTA EXEMPLAR MOGUNTINUM**

**T Y P I S**

**JOANNIS JOACHIMI FRANCKENBERGII**

**A. D. 1737.**

*Cum ſuperiorum permiſſu impreſſum,*





## Caput I.

### Vita Bartholomaei ab adolescentia usque ad Sacerdotium.

§. I.

#### *Ortus Bartholomaei, & serpentis occisio.*

**O**rtum Bartholomaei vix aptioribus verbis exordiar, quam quibus magnus gentium Doctor suos olim instruxit Corinthios. 1. Cor. 1. v. 27. & seq. *Infirmi mundi elegit Deus, ut confundat fortia, & ignobilia mundi & contemptibilia elegit Deus, & ea, quae non sunt, ut ea, quae sunt, destrueret: ut non gloriatur omnis caro in conspectu ejus.* Nihil certe novi divinae seu bonitati, seu potentiae raptos a gregibus etiam regibus vates, ducesque destinare Exod. 3. Nil novi ex pastoribus de Thecuae Prophetas evocasse Amos 1. v. 1. De novissima Israelis tribu perditas quærentem asinas primum populo regem inaugurasse. 1. Reg. 10. Opilionem proprio pene parenti, fratribusque oblivione elapsam, de post foetantes acceptam, imperio, diademati, sceptroque designasse. 1. Reg. 16. Nil novi, Si suscitatur de pulvere egenum, & de stercore elevatur pauper: ut sedeat cum principibus, & salum gloriae teneat. 1. Reg. 2. v. 8. Huic Patris caelestis modulo Salvator intima quandoque ténacitate aggratulus. Luc. 10. v. 21. *Confiteor tibi, aiebat, Pater Domine coeli*

*U* terrae, quod abscondisti haec a sapientibus & prudentibus, & revelasti ea parvulis. Nec vero solum gratulari placuit, sed genuinus paterni moris haeres haud rarum esse passus est illiteratos a littore marino piscatores attrahere, hominumque sine retribus piscatores, sine opibus duces, sine scholis ac studiis Doctores efficere. *Matth.* 4. Nil novi statuta pufillos e sicomoro *Luc.* 19. sicque fatua evocatos virtute magnos, veraque sapientia mirandos reddidisse. Ecquid tandem caelesti patrifamilias familiarius *Matth.* 20. quam singulis horis exire, dissimulatisque peramplis mundi palatiis ex foro, nil minus, quam forensia capientes, invitare, suaeque vineae cultores oblato largae mercedis pretio conducere. Nec latuit ea res illos, ad unum omnes, quotquot sincero Christum vestigio sequi studuerunt, sive nobiles illi, sive divites extiterint, hinc omnium primum ac potissimum habuere, magnos ablegare titulos, abrogare fastus, ac tunc demum se genuinos Abrahæ filios credere, si circumciso mundalium praeputio, relictis omnibus parvulorum instar effecti non nobilitate stemmatis, sed systemate paupertatis suffulti, tanto fierent caelo viciniore, quanto longius a terrena celsitudine recessissent, uti Christus consolatur. *Luc.* 12. v. 32. *Nolite timere pusillus grex, quia complacuit Patri vestro dare vobis regnum.* Et *Luc.* 10. v. 21. *Etiā Pater: quoniam sic placuit ante te.*

Unde mihi persuadeo singulari dispositione Numinis effectum, ut ignobilis paupertas ac tenuitas, quam sanctiores quoque sectati sunt ex virtute, Bartholomaeum ad altiora disponendum stringeret ex origine. Ortum enim Bartholomaeus habuit et loco & parentibus humilem. Suevia natale solum in Longnau modico pago leucis aliquot Augusta Vindelicorum distante dedit. Parentes & conditione & fortunis tenues, virtutis tamen ac honestatis tenaces, optimi nominis fama divites fuere. Pater Leonardus Holzhauser opificio futor, sudore vultus ac labore manuum se, suosque sustentans, inter concives

cives aestimationem viri sincere probi, & aequi ad proprium quandoque damnum (si tamen damnum dici queat pro iustitia pati) amantis semper retinuit. Mater, cui Catharina nomen non minus a pietate commendata, liberos quoque suos maternae virtutis a teneris haeredes efformari cupiens ad omnem pietatem pro viribus educavit; in quorum undenario numero Bartholomaeus medium (id est virtutis) tenuit locum, circa festum S. Bartholomaei Apostoli (unde & nomen in Baptismo retulit) Anno Domini 1613. mundo natus. Porro ordo liberorum erat, qui sequitur: Georgius, Maria, Matthaeus, Anna, Vitus, Bartholomaeus, Martinus, Joannes, Laurentius, Leonardus, Melchior.

Neque hic silentio praetereundum est, quod Bartholomaeo tenerae etiamnum aetatis adolescenti contigit: cum enim aliquando ad crepundia & foras in campos reperetur vagabundo circuitu; ecce insolitae magnitudinis serpentem videt, quem baculo forte manibus presso interritus vibratu licet torvo intumescens percutit, feliciterque occidit non sine bono omine & praesagio, quam feliciter olim pugnaturus esset cum stygio serpente, quocum invisibiles licet, multas tamen postea tricas, pugnasque exantlavit, quia & Bingae, cum Decanum ageret, visibili eundem forma nigri canis specie ante foras Decanales intuens: *Tu mihi*, inquit, *non nocabis!* *At tu!*, resonuit bestia acherontica.

## §. II.

*Pueri Bartholomaei applicatio ad scholam vernaculam, Et relatio de viso Christo, B. V. Maria, Et magna cruce.*

Singularis vitae, morumque etiam puerilium innocentia cum non levi tractandorum libellorum ardore conjuncta pios ac simplices parentes induxit, ut filium pro discendis litteris ad vernaculam scholam amandarent, quousque succrescentibus annis ac viribus labori pauper-

6 *Cap. I. §. II. Pueri Bartholomaei applicatio*

culus maturefceret; sed nec istud pueris alias grave literarum otium sine graviore labore fortuna puerulo indulfit; deficiente siquidem Longnavii schola Werdingae oppido una circiter hora dilato desideratam instructionem quaerere coactus, longas viae molestias precibus quandoque levavit.

Ut vero undecimum circiter annum aetatis attigit, e schola redux aliquando non minori vultus, quam animi simplicitate & hilaritate Iosephi instar Patriarchae *Gen. c. 28.* fratribus retulit, quod Salvatorem nostrum Dominum Jesum Christum, ac sanctissimam ejus Matrem in via, in caelo autem mirae magnitudinis crucem perfulgidam conspexisset, ac licet simplicis pueri relatio domesticos parum initio moverit, nec ultra puerilis naeniae pondus quidquam authoritatis reportaverit, adeo tamen firmiter Auditorum memoriae inhaesit, ut duo fratres germani jam viri aetate maturi, Bartholomaeoque superstites Matthaeus & Joannes ad id jurato edicendum, quod in fratre puerulo observassent, requisiti, sancta fide inter reliqua narraverint, recentissima sese memoria relationem illam sibi pueris a puero factam retinere, tam de viso in via Christo Domino, ac sanctissima ejus Matre, quam de conspecta in caelo cruce. Nec vero ideo repeti jussum esse a viris autumes, quod a parvulo parvulis narratum est, quasi virorum repetitio puerilis visionis censeatur confirmatio. Ea enim, quae Bartholomaeus puer post istam visionem egit, adolescens continuavit, & vir factus crebro sanctius sibi notis ipsemet manifestavit, haud obscure declarant, puriorem in puero, fortiorem in viro veritatem extitisse, nec vanum puerilibus oculis somnium illulisse, sed sacro futurorum praeludio tenellis conatibus vires & calcar additum fuisse. Post illam enim visionem mox ultra puerum, ad caetera simplicissimus, divina sapere, sanctissimam Trinitatem, Dominum nostrum Jesum Christum zelo magis ignito adorare, Augustissimam Dei Matrem intensius amare, crucem Domini ferventius venerari; utque cre-

crescente indies devotione liberiores Deo vacandi viam sibi quaereret, repudiatis germanicis trivialis scholæ libris latinos affectare tanto desiderio coepit, ut quidquid pater ageret filio jam paulo robustiori ad opificium applicando, puer identidem patri pro subsidio, licentiaque studendi supplex instaret, quibus omnibus exacte consonat, quod de Bartholomæo jam Sacerdote Magnificus in Ingolstadiana Universitate pluribus annis SS. Canonum Professor Joannes Jacobus Lossius, & cum eo clarissimi nominis Sacerdos Georgius Gündelius confidentior Bartholomæi in Dominicæ vineæ cultura Socius & Collega, ac proximus post eum Praeses Instituti, scriptis manu propria testimoniis asseruit: Bartholomæum videlicet jam Sacerdotem pluries de cruce praegrandi & oblonga, quasi ex igniti ferri ramentis aut scoriiis compositi (quam in puerili simplicitate flexis genibus provolutus adorasset) a se visa, referre solitum, illudque ad divinam misericordiam, quam puer expertus esset, merito praedicandam subjecisse, quod ex illo crucis aspectu sibi alias rudi & ignoranti caelestium rerum lumen affulserit, indeque erga sanctissimam Trinitatem, Christum mundi Salvatorem, ejusque Virginem Matrem, & S. Crucem devotio singularis sibi obvenerit; ex ea insuper Crucis ostensione se sat aperte cursu temporis collegisse, multitudinem adversitatum, quas partim eo usque sustinuisset, partim etiamnum sustinendas exspectaret. Fidem dictis addent, quae Bartholomæus exinde studiosus fecit, scripsit, sustinuit, quae sine luminis altioris adminiculo neutiquam fieri potuisse per sequentia clarius innotescet. Tu interim non invidebis unum inter plures fratrem Josephum futura Deo disponente verius vidisse, quam salubriter somniasse.

## §. III.

*Bartholomaeus ad Latinas scholas aegre adductus, peste corripitur, & mirabiliter sanatur.*

**A**rdentissimo igitur studiorum desiderio flagrans Bartholomaeus indefessis precibus Patrem orat, ac tandem eo usque exorat, ut votis filii promitteret annuere, modo media suppeterent litterarum tyroni summe necessaria. Collatis ergo, collectisque in summa rerum omnium penuria tum consiliis, tum auxiliis id demum concluditur, ut filius divenditis, quae ex emendicato hinc inde lino, matre collaborante duxerat, filis, palliolum sibi compararet; Pater vero constituendo tantum diversorio Augustam Vindelicorum filium comitaretur (qui comitatus porissimum medium fuit, quo filium studiis applicavit) ubi pauperum studioforum more victu ostiatim quaesito vivens, Latinae scholae frequentandae copiam nancisceretur; quo utrinque praestito, voti sui tandem compos Bartholomaeus in schola pauperum ad S. Martinum Augustae assumptus, caetera sibi filius paravit mendicato vivens, canendo melos S. Francisci ad ostia civium, qui vel sic beatum se credidit, & tenui sua sorte mire contentus aliquamdiu vixit.

Nec tamen iis etiam fortunae micis diu gaudere potuit: nam pestilente, quae paulo post civitatem invasit, loc correptus, omni medio, subsidioque destitutus, conspuantibus in unum Bartholomaeum undequaque miseriis ita contringitur, ut non evadendi, sed solum superne evolandi restaret occasio. Sensit massam crucis in caelo visae non modicam humeros gravare, sed quam ipse ut verus discipulus crucis portavit. Collectis igitur viribus animoque ad Deum erecto diversorio egressus ad templum miraculosae hostiae gaza nobile, quod S. Cruci Augusta dicavit, aegro, lassoque pede properat, sed praecclusum ea tempestate ingressum notans, ante clausas Ecclesiae fores in genua provolvitur, dumque proruentibus imo de pectore singultibus preces lachrymis probe madidas



madidas fundens Divinae tutelae se tenerrimae commendat: subito concidit, quasi inflicto a tergo per quempiam retro, ut putabat, transeuntem colapho terrae illisus: mox autem sibi redditus, dum se colligit, denuoque erectus circumspicit, nemine viso tam se feliciter percussum advertit, ut eo ictu, se quidem territum, pestem vero discusso veneno prorsus fugatam, depulsamque salvus & incolumis viderit. Felix certe plaga, quae plagam omnem sustulit, dumque terrae allisit, tumulo eripuit. Quidni jocos Dei dixeris? qui sanando percussit, pereutiendo sanavit.

#### §. IV.

*Bartholomaeus grassante peste coepta studia relinquere coactus, iterumque ad ea incassum reversus, tandem studendi occasionem cantu insolito nanciscitur Neoburgi.*

Tam mirando, quam manifesto dispositionis Divinae remedio plenae sanitati restitutus Bartholomaeus, ut vidit grassante semper ulterius in urbe malo rerum simul omnium penuriam sibi accrescere, nemine suppetias amplius ferente, cogitur invitus urbe relicta domum repetere. Paternae disciplinae redditus una cum caeteris fratribus corium tractare, ac sutrinam exercere jussus, paruit tantisper, semestris hic annus, quo Bartholomaeus desiderii nobilioribus gravidus ad sutrinam sedit, lustrum videbatur studiorum avido;

Hinc quotidie precibus patris, matrisque aures pulsans, ut novam repetendorum studiorum vitam sagaci parentum cura sibi patefaceret: nec omnino cassae videbantur preces; nam Burekhemii (qui locus aliquot leucis Longnavio distat) a Parocho famulitio domestico cum spe scholas adeundi adnumeratus est. Verum ancillaribus, servilibusque operibus continuo distractus etiam ibi nec tempus, nec locum invenit libris. Iterum ergo spe sua frustratus iterato paterna terit limina, haud segnius,

quam ante ad studia anhelans, sed cum parentes consilio, subsidioque inopes diuturna fatigaret infantia, ipse tandem sibi occasionem studendi quaerere iussus, unicum a patre denarium duobus crucigeris aequivalentem pro viatico consecutus a matre vero Rosariolo precatorio instructus est, &, ut eo diligenter uteretur, sese autem Deo, D. Virgini, S. Angelo Custodi sedulo commendaret, monitus. Tantillo provivus viatico viae se committit; Eystadium versus, quae sede Episcopali & Gymnasio nominata civitas est; Rosariolum interea materni monitu nunquam immemor, crebro revolvens, & pro felici successu Deum enixe obsecrans. Uti vero multa spe plenus civitatem intravit, sic paulo post repulsam passus, animo tamen necdum dejectus exivit.

Ultimam Neoburgi ad Danubium, quae Serenissimorum Ducum Neoburgicorum olim erat Residentia, tentaturus aleam, quo dum devenit, mox inter alia comperit esse Neoburgi pro egentium, maxime studiosorum levamine, fundationem ac domum exinde *Praebendarum* dici solitam, vel Seminarium Ducale S. Crucis sub directione Societatis JESU, eos autem potissima prae reliquis spe susceptionis gaudere, qui Musices periti, Choro servire, musicalique concertui seu voce, seu instrumentis exactius admodulari possent. Quid hic ageret Bartholomaeus? paulisper substitit, probe gnarus, quod sicut talibus stipendiis summe quidem egeret pauper, sic illis tamen fruendi spes arcta superesset & modica, cum in tanta rerum omnium penuria, cui a cunctis inforDESCERE novercans semper fortuna coegerat; nunc suspirando, nunc aspirando, nunc ingemiscendo, duris tantum assuetus & asperis, mollium omnino ignarus, voce sola orationis modulari didicisset, notas autem musicas in triviali schola quandoque propositas obiter tantum notasset. Non possum, quin tecum, bone puer, paululum subsistam. Super flumina Babylonis mundi hujus tibi adversantis, inter affluentes undique miseras, variantis semper in deterius fortunae procellas illic infans sedisti & flevisi crebrius,

crebrius, quam ut cantui, risuive locum invenires; in falicibus amaritudinis in medio ejus suspendisti organa tua. *Musica* (enim) *in luctu importuna narratio*. *Ecclesi.* 22. v. 6. Nunc insuper in terra aliena constitutus interrogabere verba cantionum; quomodo cantabis canticum Domini, in terra aliena? Sed diutius haesitare nolens Bartholomaeus consilium coepit non in arena, sed oratione, qua se Deo, D. Virgini pupillorum Matri, Tutelarique Angelo, prout a matre edoctus fuerat, quam enixissime commendat. Inde ab oratione surgens recta domum *Praebendarum* petit, & obtento accessu Praefecto domus humillime supplicat: interrogatus de notitia cantus haeret Candidatus ad talia postulata; non ausus fuit affirmare statim, ne forte periculo experimenti inito minus habere convinceretur; nec negare, ne repulsam statim referret. Respondet ergo, se principia Musices aliquantum delibasse. Responsio haec verecundi fuit; qui non nimium dicunt, sed nec omnino nihil, ne sibi praedjudicent. Vocato igitur, qui tunc Choro praeerat Petre Societatis, cantio seligitur e difficilioribus una, quam triplum vocant, jubeturque novus hospes artis suae periculum subire, & cantus ac vocis specimen edere. Paret puer, susceptisque pagellis, ad notam, tactumve, ut vocant, Praefecti Musices, tanto vocis moderamine, gracilique modulo notas ordine decurrit, ut Praefectus, novi ac periti Musici adventu laetus, iterato caput pueri palps in haec verba prorumperet: *Subsis, puer, egregium te praebuisti*: sicque laudatum mensae primae, quae peritorum erat, assidere juberet. Ita cantus mire fami esurientis consuluit. Verum pinguior haec fors non diu duravit, sed mox induruit; paucis enim post diebus denuo vocatus ad pulpitem obmutuit, steteruntque comae, & vox faucibus haesit. Ergo paruit, quod res erat, vix ac ne vix quidem prima Musices rudimenta callere Bartholomaeum, qui prius tam perito ac dulci modulamine cum primis proxime certaturus videbatur. Miratus vero Chori Rector tam visam nuper peritiam, quam

quam modo deprehensam in puero Musices ignorantiam, eundem exactius observat, e domo sine dubio dimittendum, nisi pia pueri simplicitas & innocentis vitae integritas propositum ita mitigasset, a prima tamen mensa ad postremam relegatus est, ut cum idiotis aliis serviret ad cantorum mensam. Veruntamen diligens pueri conatus & industria in tantum profecit, ut brevi recipere-  
tur ad primam mensam. Perstitit quadriennio vel quin-  
quennio Neoburgi Bartholomaeus, non tamen in praedi-  
cto Seminario; receptus enim est a Domino Parocho, &  
quidem successive utroque; quorum primus fuit Leonar-  
dus Mayer ad S. Petrum, alter vero Dominicus Loth  
Parochus ad S. Spiritum, doctus uterque & probus ac  
exemplaris vitae, a quibus Bartholomaeus optima vitae  
praecepta & exempla sumpsit, quibus uteretur olim in  
Instituto suo, agnovit etiam, quanta sit misericordia illa,  
qua pauperibus pueris gratia & occasio praebetur ad stu-  
dendum, quam & suis Affectis commendavit, praedi-  
cens: Fore, ut floreat Institutum, quamdiu Sacerdotes  
ejus hanc charitatem erga pueros ad studia educandos ser-  
vaverint. Neoburgi humaniorum studiorum cursum  
complevit insignis modestiae, pietatisque nota notus omni-  
bus & commendatus. Nec vero suae sortis unquam obli-  
tus, sed crebro meminisse solitus est cantus illius, quo  
primam Neoburgi conditionem obtinisset, miratus ipse  
insolitam tunc vocis amoenitatem, tum Notas etiam igno-  
tas decurrendi dexteritatem, qua sibimet encomium tam  
periti Musici parvo licet tempore comparasset. Totum  
vero Divinae Bonitati, Beatissimae Virginis patrocinio, ac  
assistentiae Tutelarisi Angeli acceptum tulit, utpote quae  
voce alias imperita in concinnos adeo modulos modico  
quidem tempore inflexa posthaec longam ac largam ape-  
risset studiorum occasionem.

Exhinc mirandos collige Divinae, si lubet, Provi-  
dentiae modos ac motus, quibus eos plerumque per va-  
rios ac pene invios rerum anfractus ducit, aut verius pro-  
pellit, quos ad sanctiora nasci voluit, nec tamen a prae-  
fixo

fixo aberrat scopo, quidquid mundus econtra vel ludat, vel illudat: non enim sunt eadem caeli & mundi ludibria; & plerumque quod oculos humanos rapit, altumque sibi vendicat mundi respectum, caelo suspectum, vel omnino despectum est. Impervios humano captui meatus ambulat omniscius Deus, & per eos, quo vult electum, maxime tunc dirigit, cum minime perventurum ar. itre. ris. Mente tua, quos voles, repete, primos caeli amicos, & iis semper mediis intenta consecutos deprehendes, quae non intentionis media, sed impedimenta judicasses. Quis credat, magnum olim sanctioris populi Patrem ad Patriarcham non nisi domus paternae, cognatione & patriae plena cessione insueto prorsus modo supra modum ditandum; diuturnae sterilitatis perpeffione supra numerum arenae maris juxta numerum stellarum (quas numera, si potes?) multiplicandum. Posteris Palaestinam lacte & melle manantem haereditario Jure & Dominio tunc transcribendam, si eandem Pater, non Dominio possedisset, sed peregrinatione perlustrasset? Quis credat inclyto terrae Hus Principi duplicandam fore bonorum substantiam, omnia perdendo ac infimum in firmo locum tenendo? Quis credat Aegypti Salvatorem odio fratrum omnium amorem conciliasse, venditione sui regium favorem, ac pene regnum emisit? Quis credidisset terrorem Aegypti futurum Moysen aquis datum, ut fiscella Regis furori subtraheretur, eadem fiscella Regiis manibus offerendum, ne mergeretur; sic certe virorum perire multi, ne perirent, suoque discerent, ac docerent experimento: Divinis manibus haud rarum esse per summa rerum discrimina raptos sanctiores plerosque ad summa provexisse molimina. Animo tuo Bartholomaeum siste puerulum, pauperulum, simpliculum; peripsa credi poterat, aut abjecta non ludentis, sed illudentis fortunae pila, quamvis auram experiri iussa, & illa tamen quarumvis adversitatum conspiratio, fidelissimo Divinae dispositionis ordine Bartholomaeum eo deduxit, ubi destinata sublimioribus quandoque conatibus innocentia vitae

14. Cap. I. §. V. Bartholomaeus Philosophiae ac

tæ tutius fervaretur, & necessario litterarum adminiculo decentius perpoliretur: quod proinde more suo Societas Jesu Bartholomaeo saluberrime præstitit.

§. V.

*Bartholomaeus Philosophiae ac Theologiae studia  
Ingolstadii absolvit.*

**H**umanioribus litteris absolutis sub finem anni 1633. Neoburgi, venit Bartholomaeus Ingolstadium, ubi destitutus Mecaenate & subsidio temporali coactus est cum aliis pauperibus Studiosis mendicare stipem ad limina divitum, tecto receptus a civium aliquo. Successu temporis accepit victum a Collegio Societatis Jesu e domo S. Hieronymi, retinuit tamen consuetudinem mendicandi in favorem pauperum Studiosorum, aegrotorum & exulum, quibus acceptas eleemosynas distribuit, quibus etiam antehac residuum eleemosynae sibi superfluae elargitus pridie diei Veneris, quo die civitas consuevit eleemosynas largiri.

Triennali ibidem cursu metam assecutus est adeo feliciter, ut non obstantibus belli tunc ubique dire grassantis tumultibus eidem suprema Philosophici Doctoratus Laurea decerneretur, qua etiam cum pauculis aliis (sine publica tamen solemnitate, cujus ea tempestas omnino erat impatiens) donatus est anno 1636, per triennium professorem, ac evoluto triennio Promotorem nactus R. P. Leodegarium Hertenstein Societatis Jesu.

Nec vero per id tempus illi curae tantum erat, ut Philosophus esset, ac in Dialectica, sive Summulis Summularum perciperet materiam, terminos, definitionem ac divisionem bene apprehenderet, varie de variis discurreret propositionum & discursuum veritatibus, & sic discurrendo de reliquis Philosophiae partibus; sed potissimum Bartholomaei studium erat, ut Philosophiae principium omnium rerum Principio, Imenso sine termino *terminum*, Indefinito *definitionem*, Indiviso *divisionem*,

*sonem*, aeternae Veritati *propositionem*, primae Rationi *ratiocinium*, verbo: omnium perfectionum Summae totam *Summularum* materiam consecraret. In Logica hoc illi erat, ut ex *objecto materiali* faceret *attributum*, & tres mentis operationes ad Deum Trinum dirigeret, a *parte rei Uniuersale* illi erat Deo, ejusque Ecclesiae seruire, nec cordi ejus ulla vanae laudis adhacere *praedicamenta*, ei unicum in votis erat *praedicamentum* Christum crucifixum omnibus praedicari, & decem Praecepta observari. Moeror illi de *natura* tot vitiis corrupta, cura de *modis* eandem rite curandi, instantia precum de *concursu causae primae*, sollicitudo illi de *fato*, fatali prorsus & exitiali peccatoribus imminente, nisi converterentur, lamenta illi continua de *casu* tot animarum de *Monstris* enormium delictorum, de *motu* praecipiti tot immotarum mentium, vel per concupiscentiam carnis, vel concupiscentiam oculorum, aut superbiam vitae ad Tartara currentium, de *infinito* ac *continuo* malorum numero, de *vacuo* animarum virtute prorsus inanium, de *generatione* zizaniorum, *corruptione* Sacerdotum, *rarsfactione* bonorum exemplorum, *gravitate* scandalorum, *levitate* raorum. Hi, inquam, tituli, circa quos Bartholomaeus Philosophus saepe ac sancte versari consueverat, Hae sectiones cor ejus non raro ad singultus, oculos copiosam lachrymarum inundationem, erant secantes. Unde jam tunc consilia quaerere, media quaevis anxius indagare coepit, quibus obarmatus desipienti mundo pro quavis expeditione strenuum se Sophum opponeret.

Quo cum plurimum valitura cerneret studia Theologica, ea insuper Philolophicis superaddere statuit. Nec defuit foecundis hisce conatibus Divinae Clementiae Largitas, quae praedivitis cujuspiani juvenis Donabaur dicti, animum insperato favore ac liberalite Bartholomaeo sic acclinavit, ut is Bartholomaei amantissimus non modo instructione illius ac ductu spirituali familiariter uteretur, sed liberali etiam manu media suppeditaret, quibus

bus exacto in Theologia triennio pro confequendo Baccalaureatu egere conſpexerat. His ergo mediis Deo ſingulariter diſponente proviſus anno 1639. 11 Maji Theologiae Baccalaureus, ac anno inſequenti 1640. 19 Junii praeſiis examinibus Licentiaſus publice renunciatus eſt. Ne vero lateret in quam fertile ſolum ſua juvenis iſte beneficia diſſeminaret, tam felicem exinde Bartholomaeo Duce ac Duſtore ſpiritualium frugum ſegetem meſſuit, ut eadem ad altiora illeſtus, mundum nauſcabundo pede praeteriens, Ordinem S. Franciſci ſtrictioris Obſervantiae ingrederetur, tantum ſui deinceps (dubites merito) an debitoris, an creditoris, aut benefactoris memor, quantum de vita & virtutibus Bartholomaei depositum poſt mortem illius teſtimonium infra citandum declaravit.

### §. VI.

#### *Bartholomaei Studioſi de ſpirituali Duſtore ſollicitudo.*

**N**on praetereunda hoc loco mira ſollicitudo Bartholomaei, qua plures ſcientiae Doſtores unum conſcientiae Directorem anhelus inquiſivit. Eſi enim ea tempora, quae ſtudiis Bartholomaeus deſtinaverat, Marti potius, quam arti paſſim litarentur, Ingolſtadianae tamen Academiae florem ea bellicae tempeſtatis nec pruina deſecit, nec ruina detrivit, licet arctius non nihil alere coegerit. Praecerant tunc ſtudiis Theologicis Viri Doſtrina, vitaeque integritate praecellentiſſimi, Doſtores & Patres Societatis Jeſu maxime Eximii P. Georgius Lyprandus & P. Petrus Braierus in Speculativa, in Theologia morali vero P. Simon Felix, eratque Bartholomaeo perquam jucundum tantorum Virorum conſortio & inſtructione frui poſſe; unde primo ſtatim Logices initio P. Lyprandum in Confeſſarium, adeoque familiarem conſcientiae ſuae arbitrum elegit, ac toto, quo Ingolſtadii ſtudit, ſeptennio retinuit, ut totum ſeſe & intimas animi latebras ei candore prorſus inſolito ſemper aperiret,



ret, ne cogitationem quidem unicam, quae vel leuiusculi videri poterat momenti, eundem celans. Unde etiam haud dubie factum, ut praenominatus Pater non modo Bartholomaei & jam tum in eo pullulantium zeli gloriae Dei, ac succrescentium paulatim de Instituto cognitionum, subsequitque ejus initii plenam notitiam & cogitationem hauserit, sed illud ipsum Bartholomaei intentum contra varios obtreclatores, irrisoresque non raro mirifice tueretur; Exinde pluribus (quibus Humilis Bartholomaei simplicitas constabat apertius) non parum suspectus, quasi ipsemet instituti Author per stratagemam tantum Bartholomaeo tanquam instrumento uteretur ad inducendam hanc Cleri saecularis reformationem, cujus tam sublimes cogitationes in talenta Bartholomaei cadere posse nemini videbantur; & cum ea res plurimi laboris, eventus vero futura esset ambigui, existimabant Bartholomaeum a P. Lyprando pro subeundo isthoc periculo instigatum, ut, si successus intento responderet, honor utrique praeretur; sin minus, imprudentiae, ac praecipiti, minusque discreto simpliculi Bartholomaei zelo totum negotii disturbium impetaretur. Contra quam suspicionem P. Lyprandus & verbo ac scripto, publice protestatus est, ipsoque rei successu de facto innotuit, nec indiscreto, praecipitique zelo, nec simulationis fuco quidquam in isthac expeditione fuisse tentatum.

Ne precor, amice Lector, ad ulteriora pedem moveas, ni mecum ad duo parumper respexeris, quae currens tibi calamus obiter tacta memoravit: studium Bartholomaei, quo spirituales animi Directorem quaesivit; candoremque, quo se, suamque conscientiam illius directioni subiecit. Nostin, quae cura ditiores teneat, quos hinc liberalior fors bonis beavit, illinc agris, vineis amplioribus cumulavit? ut & illis de securiori vel foecundiori provideant aerario, & his eas potissimum manus quaerant, quae laboriosa fidelitate fructus uberiores referant. Rem acu, se suamet attigere sententia, qui rogati quondam a Salvatore *Matth. 21. v. 33. & seqq.*

Quid, *Homo Paterfamilias* (qui plantavit vineam, & ſepem circumdedit ei, & fodit in ea torcular, & aedificavit turrim, & locavit eam agricolis) faciat agricolis illis? illis, inquam, qui pro eo, ut penſum locati redderent, apprehenſis ſervis ejus, quos miſit, ut acciperent fructus ejus, alium ceciderunt, alium occiderunt, alium vero lapidaverunt? illud unanimi calculo reponſerunt: *Malos male perdet, & vineam ſuam locabit aliis agricolis, qui reddant ei fructum temporibus ſuis.* Audin? aliis, illisque locabit, qui reddant ei fructum temporibus ſuis. Ita videlicet in elocandis vineis peritiores inquit, ac fideliores terreni lucri, fructumve cupidus; procul abſit te adeo praepoſteris laborare curis, ut avidior perituris vineae, quam perennaturis animae fructibus inhies; majorive induſtria ſeligas, qui vites putent, quam qui vitam animae debita conſcientiae tuae directione dexterius promoveant. Nec vero rarum ita deſipiendi ſtudio homines tenet, ut domeſtico pecori paſcua, paſtoresque gregi faventiores, animae vero Duces quaerant caeciores ac ſurdiores, quaſi magnum naſti ſint emolumentum, ſi dum domi, forſique provido quaevis Moderator gubernantur, anima ſola vel illo careat omnino, vel non niſi raro neceſſariae directionis adminiculo fulciatur. Bartholomaeo mens alia, mos penitus extitit contrarius; unde quanto fructuum caeleſtium aſtuabat ſtudio, tanto etiam fervebat deſiderio pro vinea conſcientiae ſuae fructuoſius excolenda, peritiſſima, fidelisſimaeque opera talis Confeſſarii gaudendi, qui Argos eſſe, millenisque oculis occultiſſimas conſcientiae latebras diſpicere poſſet. Et quidni ſuo illud bono, tuo autem incitamento fecerit? cum ea communis ſit in curando etiam corpore infirmo ſollicitudinis humanae via, ut non quosunque fors obtrulerit, ſed quos peritia, feliciorisque curae ſcientia commendaverit, arbitros & tutores incolumitatis tuae ſeligas; & animae nobiliori longe portioni hominis inhumanior illudas, & eam tot hoſtibus cinctam ſublidio, tot periculis expoſitam comite, tot infirmitatibus

bus obnoxiam Medico, quem explorare possis optimo, juvare modice labores? Medicus animae Confessarius ac Director conscientiae, est honorandus omnibus propter necessitatem (haud erraveris addendo) inevitabilem. Amicus intimus est, intimorumque secretorum animae participes; imo tibi ad salutem Iudex. Moras hic loci non protraham, ubi ore Ecclesiastis unum te monuero: *Melius est ergo duos esse simul, quam unum: habent enim emolumentum societatis suae: si unus ceciderit, ab altero sulciatur, vae soli: quia, cum ceciderit, non habet, sublevantem se &c. Eccl. 4. v. 9. & seq.* Belle ad rem Augustinus (vel quisquis est Author, stylus enim pluribus suspectus est) lib. de Amicitia cap. 5. *Disce, quid utilitatis habeat amicitia, (addo non incongrue, amica cum Confessario tuo conversatio) cum in rebus humanis nihil sanctius appetatur, nil fructuosius teneatur; habet enim fructum vitae praesentis & futurae; ipsa enim omnes virtutes ostendit sua suavitate, vitia sua virtute confodit, adversa temperat, componit prospera, ita ut sine amico (Confessario) inter mortales nihil fere possit esse jucundum; & homo bestiae comparatur, non habens, qui secum collaetetur in rebus secundis, in tristibus contristetur; cui evaporat, si quid molestum mens conceperit; cui communicet, siquid praeter solitum sublime & livum accesserit.* Probat id, viciniorque tangit ex praedicta Salomonis gnome: *Vae soli &c. Solus omnino est, qui sine amico (Confessario) est.* At quae felicitas, quae securitas, quae jucunditas est habere, cum quo aequè audeas loqui ut tibi? cui confiteri non timeas, si quid deliqueris? cui non erubescas revelare in spiritualibus, quid profeceris? cui cordis tui secreta committas & commendes consilia? quid igitur jucundius, quam ita vivere animum alterius, & unum efficere de duobus, ut nulla jactantia timeatur, nulla formidetur suspicio, nec correptus alter ab altero doleat, nec laudantem alter alterum adulationis notet, vel arguat? &c. Hem! quid Bartholomaeum movere

potuerit, ut ad omnem juvenilis vitae rationem felicius instituendam de utiliſſima familiaritate, ac continua ſocietate peritioris Confellarii, ceu fidiliſſimi pro negotiis animae gerendis Amici tanta ſibi ſollicitudine voluerit eſſe proſpectum.

Alterum, quod imitetur, quiſquis recti amans haberi cupit, candor eſt, illaque mentis & vitae ſinceritas, qua totus Directori ſcientiae patere voluit Bartholomaeus. Quidni ſinceritatem hanc lucernarum illarum potiſſimam dixeris, quas eorum manibus teneri Salvator *Luc. 12. v. 35.* voluit, qui lumbis jugi mortificatione praecinctis Dominum exſpectarent e nuptiis reverſurum? Quidni ſacrae Sionis portas aeſtumes, innuente Pſalmo-grapho tantopere Domino dilectas? *Diligit Dominus portas Sion ſuper omnia tabernacula Jacob. Pſ. 86. v. 2.* Diligit Deus tabernacula Jacob opera ſcilicet bona, magis tamen diligit portas Sion patentis candoris & integritatis. Conveniunt plurium vota Chriſtum ſequi volentium: Et en, quam ferveat eorum unus. *Matth. 8. v. 12. Magiſter, ſequar te, quocumque ieris.* Repulſam tamen fert ille per acerbam, nulla laude, nullo tantae voluntatis praemio dignatus. Inde alium forſan tale nil cogitantem ad Te & ad Apoſtolatum Chriſtus vocat; qui oblatam conditionem praetenſa graviffimâ Patris ſepeliendi neceſſitate tantisper ſubterfugitans, retentus tamen, & in Diſcipulorum numerum relatus eſt. Jeſus autem ait illi *Ibid. v. 22. Sequere me, & dimitte mortuos ſepelire mortuos ſuos.* Unde, quaefo, tantus in reſtitantem amor? ut etiam tergiverſantem retineat, & tam grandia promittenti: *Sequar te, quocumque ieris,* nil aliud, quam ſaſtidio ſimile reſponſum Salvator gratioſiſſimo ore ſuo diſtillet; *Dixit ei Jeſus: Vulpes foveas habent, &c.* Peracute ſimul ac luculenter S. Auguſtinus obſervat *Serm. 7. de Verb. Domin. Iſtum declino, quia ibi video foveas,* ceu diceret: Non eſt hic aptus meo Magiſterio vel Miniſterio licet Angelum verecundia, ſermone Apoſtolum, contemplatione Moysen, zelo  
Eliam

Eliam referret, quia latebras amat, & speluncas excavat. Istum declino, quia ibi video foveas, cum eorum, a quibus regitur, consortium fugiat, & tenebras offundat actionibus suis, quarum interim lucem ostentat. Indubitata Tertulliano sententia *L. de Pudicit.* in sepulchro mentis cor illud extinctum jacere, quod ab obtutu suorum Praesulum (ac maxime Confessarii) recesserit. Pulcherrime ad rem, & scopum a nobis intentum: *Ovis*, inquit Augustinus, *non moriendo, sed errando; & drachma non intereundo, sed latitando perierunt.* Drachma aurea est conscientia tua, mi Christiane, quae fulget, dum patet, perit & semet amittit in pulvere, dum latet. Haud abs re verba Salvatoris huc pro rei summa, clausulaque traxeris *Joan. 12. v. 35. Qui in tenebris ambulat, nescit, quo vadat.* Nescit utique; quod probe scivit Bartholomaeus, unde, ut Confessario totus pateret, ne cogitationem ullam, quae vel levis esset, momenti celare voluit, indeque societatis, & cum Confessario collationis emolumentum in omni ac maxime periculosa carnis tentatione superanda sentiens hostiles quosvis incurfus elusit, confudit, & superavit. Verum ne aequo prolixior sim, &, ut ad Bartholomaei Doctrinam digrediamur; sit

## §. VII:

*Quorundam de Doctrina Bartholomaei  
judicium.*

**L**icet porro Bartholomaeus eo, quo Ingolstadii studeat, septennio singularem industriae, diligentiaeque laudem ab omnibus, quos habuit, Professoribus reportaverit, iis tamen rite pensatis studiorum impedimentis, quae & egestas propria, & amor egentium proximorum (quos collectis quotidie & dispensatis passim eleemosynis fovebat intensius) congesterunt, non vana plurium fuit conjectura, firmaque sententia, Bartholomaeum assistentia Magisterii sublimioris perfruitum,

quae affusis supernis luminaribus ita studium, doctrinamque suppleverit, ut tot quotidianis impedimentis, iisque tam continuis non modo nullatenus decreveret, sed tanto firmitus inhaereret, ac novis indies accrementis roboraretur. Nec aliunde procedere poterant ea, quae studiorum jam tempore visus est habuisse, animi lumina, quaeque de altioribus mysteriis tunc quoque conscribere caepit, tanto spiritu praegnantia, ut talentis Bartholomaei naturalibus adscribi neutiquam possint. Unde non immerito R. P. Sebastianus Scidenius Societatis JESU per Philosophiae cursum, & familiarior & observantior Bartholomaei Collega in suo, quod post hujus obitum debite requisitus manu propria dedit, testimonio inter alia, quod sequitur, asseruit; *Paucis usus est Bartholomaeus libris, propterea forte, quod internum haberet Magistrum Spiritum sanctum; assidue tamenolvebat sacram Scripturam cum libello Thomae à Kempis de Imitatione Christi, atque vita S. Francisci Xaverii, cujus impensissime cultui deditus erat, & non minus imitatione, quam admiratione adhaesit.* Nec abscludit illud Celebris Doctoris Joannis Jacobi Lössii sequentia, testantis: *Dum studiorum tempore (Bartholomaeus) sermo semper pro-terrarum orbe oraret, Lectiones suas semel & obiter lectas statim plene intellexit, ut omne studium ei fore infusum dici possit.* Nec ab hac sententia quisquam recedet, qui pensatis Bartholomaei talentis, arctam computaverit temporis portionem, quam continuas tum mentati, tum vocali Orationi, ac Officiis quotidianis, colligendaeque ac distribuendae pauperibus elemosynae, & aliis operibus fraternae dilectionis aegre subtractam, studiis indulgit, utpote quae ne felicissimo quidem, aut foecundissimo sufficeret ingenio, ad tanta tantillo tempore capienda, ut proinde merito Bartholomaeus doctrina caelitus affusa verius excelluisse, quam laboribus hausta claruisse visus sit.

Hanc piam suspensionem confirmat Bartholomaei lachrymarum donum, quod illi in hac lachrymarum valle

le fuerat datum, ut probabitur §. XI. Nam ut sentiunt S. Augustinus & S. Thomas, dono scientiae respondet tertia beatitudo: *Beati, qui lugent.* Luctus enim ex dono scientiae venit, quae est rectum iudicium circa res creatas, discernens credenda a non credendis, & appetenda a fugiendis. Hinc, ait S. Augustinus, *Scientia convenit lugentibus, qui didicerunt, quibus malis vincti sint, quae quasi bona petierunt.* Quae cum Bartholomaeus discerneret, toties humanam fragilitatem, hominumque malitiam deflevit, salutarique luctu implevit animum pro merito, ut postea consolationem acciperet pro praemio, conformiter promissioni incarnatae Veritatis: *Beati, qui lugent: quoniam ipsi consolabuntur.* Matth. 5. v. 5.

## §. VIII.

*Deliberatio Bartholomaei de certo vitae statu eligendo.*

**I**nter caeteras curas non ultimam fovit Bartholomaeus, anxieque ruminavit, quem vitae statum eligeret, cuique Religiosorum Ordinum sese sociaret, eo enim se proclivem a puero senserat. Nec huic animi fluctuantis deliberationi corporis commoditates irrepere passus est, in id solum semper intentus, ut nosset, in isthoc negotio, quae Dei voluntas bona, beneplacens, & perfecta esset, huius enim se nutui penitus devoverat, & consecraverat. Deum ergo, a quo sancta desideria, recta consilia & iusta sunt opera, ferventioribus, crebrioribusque precibus convenire more per omnia consuetudo decrevit; quo vero successu, referentem audi P. Lyprandum: *Toto tempore, inquit ille, quo Ingolstadii studuit, mihi confessus est, ejusque in scholastica Theologia Professor fui, ac quaecunque ad ipsius conscientiam, studium ac modum ea prosequendi spectabant, mecum semper candide contulit, a refectionemque reverenter suscepit.* Et infra: *Ne in re tanti momenti, qualis est ele-*

*Ello status, aberrarem, caute procedendum esse judicavi, ac proinde D. Bartholomaeo, si ulterius mihi confiteri vellet, tria facienda injunxi: Primum, ut totum suae vitae statum mihi scripto traderet. Secundum, ut nihil, quod divinitus se habere judicaret, occultaret, omnesque difficultates sive animae, sive corporis candide mihi aperiret. Tertium, cum utrumque insigniter & candide praestitisset, & quaedam occurrerent valde perplexa, petii facultatem ab ipso conferendi cum R. P. Wolfgango Gravenegus. Huic mandato obedivit filius obedientissimus, simplici, humilique candore revelavit omnia praecipue concernentia vocationis negotium, a quo salus aeterna dependet. Huic revelationi addidit juges preces in Sacello civico B. V. Mariae de Victoria, ubi perdius ac pernox vigilabat, & Matrem optimi consilii invocabat, hac invocatione frequenti & ardentissima oratione per intercessionem B. V. Mariae tandem impetravit, ut magis, magisque in proposito Clericalis vitae instituendae & reformandae fuerit confirmatus.*

*Ad hoc contulit multum illa visio de Christo in torculari per malos sacerdotes presso, & sicut botrus uvae sanguinem stillante. Dicitur etiam aliam visionem in eodem Sacello percepisse de eadem re, dum B. Virgo apparuit foris splendida, at cum interiori veste nigra, quo intellexit denotari extrinsecum sacerdotum honorem & auctoritatem conjunctam cum interna nigredine, seu corruptione, spurcitiis, & pollutionibus. Alia fuit Ecclesiae Sponsae Christi tristis valde quasi Matris Dei sub cruce stantis, unde intellexit Ecclesiae Catholicae dolorem propter corruptum Sacerdotium esse maximum. Hinc non male Cardinalis Pallavicinus in Historia Concilii Tridentini Lib. 1. c. 13. num. 3. veneno comparat malum exemplum, vitamque malam Sacerdotum. Adeo verum est, inquit, quemadmodum e vepra concisa phar-macum conficitur saluberrimum; ita ex optimi corruptione venenum nocentissimum consulari; nec aliunde in  
bomi-*



*hominum Rempublicam faciliorem invadere pestilentiam, quam e duabus rebus plane Divinis, & Sacerdotio scilicet & Doctrina; ubi ea depravari contingat.* Tantis Ecclesiae Spopsae Christi malis aliud medium dari non posse praevidit Bartholomaeus, quam fasciculum bonorum Sacerdotum conspirantium & ex pacto convenientium in vitam talem, qua tollatur familiaritas & cohabitatio cum mulieribus, otium auferatur insitendo melioribus exercitiis in fraterna Clericorum cohabitatione, supprimatur avaritia & prodigalitas per communitatem bonorum, secundum quam fieret dispositio de redditibus Ecclesiasticis conformiter SS. Canonibus & Superiorum Ordinationibus. Utque talis vita perseveret ac propagetur, directionem Superiorum adhibendam, Seminaria juventutis ad hanc vitam educandae instituenda, domos Emeritorum pro Senibus praeparandas, &c. esse judicavit.

Coronidis loco accipe, quod Bartholomaeus, cum aliquando Ingolstadii publicae Processioni interesset in solemni festo Corporis Christi; erga Divinam Majestatem in hoc SS. Sacramento latentem humillime prolixiore prece institerit orare pro idoneis operariis, qui secum in vinea Domini ad Dei gloriam & animarum salutem essent aliquando debite laboraturi. Et ecce Divinum intus accepit responsum, socios suos atomorum instar, quas solis radii ostentare subinde solent, multiplicandos. Nempe juxta illud Propheticum, quod percepit, dum exhiberetur sibi systerna alicujus Corporis Monarchici & numeri Sacerdotum, qui ex Clero saeculari, etsi in modica virtute, viles, despecti, contempti, ludibriisque expositi, surrecturi sint, & intra statum vocationis suae coram DEO ambulantes in immensum sint multiplicandi, atque Apostolicorum factorum & laborum imitatores futuri Deo ac Domino nostro JESU Christo voluntatem eorum bonam & patientiam respiciente, eorumque constus in conversione peccatorum & haereticorum ad incredibilem fructum benedicente.

Atque ne sine tuo, Lector benevole, documento hoc perlegas, disce hinc cujusvis status electionem soli Deo esse committendam: Nemini enim hoc in negotio licet pro libidine progredi. Solus Deus pro libitu vias disponit. Sunt equidem plures Romam versus & Parisios viae; non tamen quamlibet tuto in eas. Quam multi periere mari, quos incolumes terrestre iter deduxisset? quam multos stravit equitatio jumentis dejectos, quos cursus aut ambulatio servasset? pro diversa ratione virium diversa eligitur via; pro diversa ratione indolis diversum quadrat vitae Institutum. Videbis multos, non diffiteor, quos in statu Ecclesiastico otium & incontinentia pessumdedere, sed hi vel non fuerant vocati; vel vocationi non conformem duxerant vitam. Nec servi, nec Aulici est domestica involare officia, novit Paterfamilias, novit Rex, quo cujusque obsequio uti velint. Pro deliberationis negotio Sacerdotem delige timoratum & virtutum Magistrum. Solus navim secure moderatur, qui aquae expertus est. Nemo aegrotus navarchum advocat, sed peritum Medicum. Qui domum construit, non sartorem, sed Architectum inquirat. Caeterum duo sunt & nihil medium; aut in caelum ascenditur, aut in infernum descenditur. Voluptas brevis, poena aeterna! Elige, quod voles in morte, quod optabis in aeternitate.

Atque haec de vita Bartholomaei ab Adolefcentia usque ad Sacerdotium sufficiant. Videndum nunc, quibus virtutibus potissimum in juventute fuerit Bartholomaeus exornatus; &, ut a principalioribus exordiar; Sit

### §. IX.

#### *Virtutes Theologicae Bartholomaei Studiosi.*

**D**e virtutibus Theologicis, quibus Bartholomaeus in studiis jam abundavit. Possset ei singulare illud Christi effatum applicari *Matth. 8. v. 10. Non inveni tantam fidem in Israël*, vel in tota juventute studiosa, quantam in uno Bartholomaeo reconditam percipio. Neque

que enim supra mediocrem vel modicam fidem fundari potuissent tot, tamque nobiles visiones & Prophetiae. Neque tam eminens scientia, quali praeditus erat tot animarum lucro destinatus miles cum infernalibus monstribus & Haeresiarchis per se, vel per suos congressurus. *Haec est enim victoria, quae vincit mundum, fides nostra. 1. Joan. 5. v. 4.* Et cur fidem non habuerit, qui tot apparitionibus clarus extitit? *Apparet autem eis Dominus, qui fidem habent in illum. Sap. 1. v. 2.* Institutus autem est optime in fide a puero non in Catechesi & scholis duntaxat, sed & per factas revelationes & apparitiones, seu visiones, quibus mirifice fuit illuminatus: unde & insatiabile desiderium in Bartholomaeo fuit ad fidem convertendi omnes a fide aberrantes. Hinc aliquando Ingolstadii ad Danubii ripam, cum vidisset appellentes Haereticos quosdam, data occasione disputare cum ipsis coepit de fide unâ sanctificante, quos adeo convicit ratione & S. Scripturae textibus, ut illi ad silentium redacti publicae confusionis opprobrium sustinere non valentes eum in praeterfluentem Danubium attentarint precipitare, adeo importune, ut milites e statione occurrentes eum salvare coacti sint.

Magna in Bartholomaeo fuit spes & fiducia in Deum, attestante P. Lyprando, in quibuscunque necessitatibus, quae ei continuo occurrerunt in studiis suis continuandis & absolvendis; & siquidem desiderium actus est spei. Recole, qua ipse cupiditate, expectatione & conatu anhelaverit ad studia, quibus ad maiorem Dei cognitionem & cultum tendere posset; qua fiducia Augustae misericordissimum Deum exoraverit ad avertendam pestem; qua confidentia usus sit Neoburgi ad obtinendum accessum in Ducale Seminarium S. Crucis; quibus votis Ingolstadii Deum ac Beatissimam Virginem Mariam sollicitaverit, ut suis conatibus annuere vellent, quam saepe oraverit pro Orbe terrarum, pro Anglis, Haereticis, Clero; & omni genere hominum; qui omnes ingentis spei actus erant. Sicut & illi, quibus in paupertate sua quot

quot hebdomadis superflua erogans speravit nova ad necessitatem de manu Dei & piorum hominum recipere cum Psalmista dicens Ps. 70. v. 5. *Quoniam tu es, Domine, spes mea a juventute mea.* De spe sua sequentia humillimus scripsit in Epistola fundamentali *Fundament.* 4. *Credere didici contra spem, de spe in spem alteram: & accipere merui universale systema alicujus Monarchici corporis, de quo scitis, sed media ulterius non vidi, quibus propositum meum inciperem: proinde credidi tanquam caecus innitens basulo Divinae voluntatis, & credidi contra spem, de spe priori in spem alteram.* Ex quibus patet, quanta spe fretus, magnum opus Clericalis Restaurationis animo conceperit, cujus nec ipse media prospexit, nec alii prudentes possibile judicarunt, ipse vero in Domino sperans illud generose aggressus est, & feliciter consummavit.

Verum haec & omnia nihil sunt sine charitate, ut testatur Apostolus 1. ad Cor. 13. Nihil haecenus dixi, si charitate privatus extitit Bartholomaeus: Gratis & inutiliter distribuit facultates suas in pauperes; tradidit corpus flagellis, ciliciis, frigori; Frustra habuit fidem altissimam, scientiam infusam & Prophetias; haec omnia nihil ipsi profuere, si charitate caruit. Absit autem ea caruisse Bartholomaeum, quam tamen in praedictis signis manifeste deprehendimus, ipsique adstruimus. Charitas ejus tam liberaliter facultates distribuit in pauperes; tam patiens sustinuit flagella, frigora, contemptus, credidit, scivitque tanta mysteria, speravit tam magna; per ipsam fuit patiens, humilis, simplex, expers ambitionis, vindictae & iniquitatis, per ipsam viscera sua proximo exhibuit. Belle ad rem S. Gregorius Homil. 30. in Evangel. ait: *Probatio dilectionis exhibitio est operis. Amor operatur magna, si est, si autem operari renuit, amor non est.* Fumus ignem prodit, opus amantem. Ex his collige, amabo, amorem Bartholomaei; ejusdemque fidem, spem, & charitatem imitari aemulare.

Ego

Ego concludo: *Manent Fides Spes, Charitas, tria haec: major autem horum est Charitas. 1 Cor. 13. v. 13.*

## §. X.

*Bartholomaei adhuc Studiosi charitas erga proximum, & zelus animarum jam tum ostensus.*

**C**haritas patiens est, sed impatiens otii; omnia suffert, omnia sustinet, id solum sustinere nescit, ut amans otietur. Id publicata mundo diligentis olim confessio confitetur: *Amor meus, pondus meum, ab illo feror, quocunque feror.* Ut vel exinde noris horologia ponderis gravitate, piorum animos amoris sacri dulcedine semper plus ultra propelli. Patere poterat e factis Bartholomaei velut indice, quanto dilectionis pondere moveretur in terra, cum in simplici corde, duplici amore Dei videlicet ac proximi, velut igne, qui nunquam dicit, Sufficit, ita crebro succenderetur, etiamnum Tyro studiorum, ut Magister videri posset amoris proximorum. Quodsi enim dilectio proximi sit, privata commoda postponere causa perfruendi proximo (sicut dilectio Dei est omnia commoda & incommoda postponere causa perfruendi Deo) magna sane haec fuerit, necessum est in Bartholomaeo, cum magna sint ab eo pauperibus, contemptis etiam propriis commodis, frequenter exhibita charitatis obsequia. Prout P. Sebastianus Seidenius Societatis Jesu testatur: *In sublevanda aliorum egestate adeo promptus erat, ut sibi detractis necessariis alimentis indigentiae succurreret.* Obvenerunt ei e domo D. Donabaur centum floreni, hanc pecuniam ipse cuidam civi, cujus res familiaris in angusto erat, suppeditavit sine spe unquam recipiendi vel obolum; qui commiserationis actus certi sunt characteres charitatis erga proximum; de qua R. P. Lyprandus testatur: *Dum studuit Ingolstadtii, magnam erga pauperes ipse pauper ostendit charitatem & misericordiam, sive extra civitatem deserti jacerent, sive in civitate semi-mortui obor-*

oberrarent ob ingentem famem, quam bella induxerunt, quosdam etiam, ut intellexi, in domo junioris Donabaur (qui postea Rhetor ingressus est Ordinem Reform. S. Francisci, & D. Bartholomaeo valde familiaris) noctu collegit, ut ibi quiescerent, & eleemosynam acciperent contempto omnis contagionis periculo. Addit praeterea P. Sebastianus Seidenius: Opus charitatis insignis, Evangelico Samaritano Luc. 10. non absimile: Conspexit aliquando Bartholomaeus hominem ulcerosum in platea errantem, quem verius putridum, vivumque cadaver quis dixisset: adavolat confestim, & indāgat, quis & unde veniret? Quo tenderet? perceptoque eum non minus animo, quam corpore luem circumferre, utpote haerese infectum, redit ad socios, sibi que orat aliquos nummos dari, quos non satis habuit porrigere, sed insuper velut Evangelicus Samaritanus ita miseri curam suscepit, ut primo ei de hospitio prospiceret Hannenboff dicto, quo eum & propriis humeris portasse narratur, inde Patrem ex Collegio advocaret, qui haerese medicinam adferret; denique impetrata facultate ab Urbis Consule receptus fuerit in Nosocomium, quod extra moenia erat, ubi collectis eleemosynis, aliisque adjumentis, verborumque solatiis ita fovit aegrum suum, ut post aliquot hebdomadas, & animo & corpore sanum dimitteret. Saepe mihi, pergit P. Seidenius, suspicio venit, & forte non vana, hoc in aegro Xaveriana facinora a Bartholomaeo edita fuisse, quibus ipse sequentes apud Deum favores aut promeritus est, aut vehementer auxit.

Sed adhuc plura charitatis exempla exhibuit iis exulibus, qui ex Suevia in Austriam descenderunt, qui peculio vacui & fame pressi urbe excludebantur, pro quibus Bartholomaeus in urbe eleemosynas & cibaria conquisivit, & ad famelicos foras deportavit, atque distribuit. Nempe operis exhibitione probavit dilectionem, quae sola discernit inter filios Dei & filios Diaboli: *Signent se omnes signo crucis*, inquit Augustinus, *Respon-*

*spondeant omnes, Amen. Cantent omnes Alleluja, baptizentur omnes, intrent Ecclesias, impleant parietes Basilicarum, non discernuntur filii Dei a filiis Diaboli, nisi charitate. Et Discipulus, quem diligebat Iesus, asserit in sua 1 Epist. c. 4. v. 7. Omnis, qui diligit, ex Deo natus est.*

Ex hoc, quo erga proximum incensus erat amoris igne, exarsit zelus prorsus singularis, instruxit ignorantes in fide, ad patientiam tristes, ad fiduciam in Deum pusillanimes animavit, ut memores essent, haec mala non tam poenas esse peccatis innumeris debitas, quam paterna Dei erga se beneficia, quibus scilicet a malorum cumulo praeservamur, dum ab aeternis alterius vitae poenis eripimur &c.

Zelus ejus ad pueros quoque descendit, de quo R. P. Benedictus Millay Ord. S. Benedicti Reformationis Cassinens. ad S. Genesium professus, SS. Theol. Magister, sequentia refert: *Dum tempore recreationis, uti solet, vanis nos globulorum ludis, praecipue tempore Quadragesimae extra portas civitatis plus aequo intentos esse vidit, saepius caetum nostrum puerilem accessit, tentando, & ad mutuam aemulationem, ad magis seria pueriles animos accendens interrogando: quis nostrum tam promptae memoriae sit, ut istum vel illum versum omnium citius memoria complecti posset, sibi quoque vestigio recitare? cum peteremus versum (quisquis enim nostrum puerili aemulatione tanquam in certamine suam memoriam alteri hic praeferre conabatur) semper ille nos spirituali aut morali sententia quasi obruebat, quod eo fine (uti nunc primo intelligo) sine dubio faciebat, ut teneris puerorum animis semper aliquid boni & in futurum utile instillaret. Unius adhuc versiculi ab illo hausti adhuc recordor, quem super aurum & topazium aestimo in hanc sententiam: Vive, ut pauci, quia paucorum vita, vita proba est.*

Hic zeli ardor miras etiam excogitavit artes ad Catholicos a peccatis avertendos, inter reliquas duas accipe:

pe: Invaluerat in Civitate Ingolstadiensi abusus quidam, ut nocturnum tempus dierum festivorum & sacrorum (qui Deo sacri divinoque cultui destinati esse deberent) consecraretur conventiculis & conversationibus, non minus licentiosis, quam indecentibus, in quibus ad choreas, aliasque recreationes periculis plenas, utriusque sexus personae convenerunt. Quid ad haec Bartholomaeus? Ut omnes Christo lucrificeret, iisque a lapsu praecaveret, propter Christum stultus factus est; grandem trabem in crucis formam humeris imposuit, hac oneratus per medias plateas incescit; factus non tam spectaculum publicum civitatis, quam vulgi ludibrium, qui a suis diverticulis celeri pede accurrebant; effusorifu, sannis, luto, imo & saxis, cruciferum insequabantur; infantes crucis trahi infidentes se a Bartholomaeo proveli, protrahique sinebant. Gaudebat interea Bartholomaeus se scopum popularis & puerilis insolentiae factum, laetusque observabat quam plurimos ab indecentibus suis diverticulis abstractos, & a peccandi occasionibus revocatos. Non ab simili artificio medio usus est, ut illas morum dissolutiones dissiparet, quae ex occasione regnium festivorum, quos circa festivam lucem S. Joannis Baptistae, juvenes, male morati, accendunt, oriri solebant. Comparuit iterum cruce onustus, ubi convenerat male moratorum turba, ibique, nescio quae, lugubri tono ingeminabat, sicque scelera & illorum congressum interrupit. Verum non sine injuriis, opprobriis & ludibriis, quibus saturum Bartholomaeum dimiserunt: illo interim exultante & gaudente, quod dignus habitus sit pro nomine & honore Jesu contumeliam pati.

Ex praeclaudato zelo ardor ille incaluit, quo in colloquiis captavit ansam loquendi de rebus sacris, jucundo simul & salutari affatu, quem ambire solebant virtutis studiosi reputantes eum aliquid supra vulgus sapere & Spiritu Dei plenum esse. Non acquievit zelus Bartholomaei in oratione (cui ferventer, ut mox dicitur,



tur, insistebat) donec Deus ipsi mirabilia ostenderet: hinc vidit Ecclesiam Sponsam Christi lugentem; ipsum Christum torculari pressum ab indignis Sacerdotibus; vidit in septem animalibus enormia scelera saeculi hujus nequam; vidit in innumerabilibus vermibus horrenda bella, strages & devastationes; vidit Angliam conversam; Italiam bellis inflammata; Turciam ad exile regnum depressam; inspexit faciem totius orbis Christiani, ejus opitulari contendit meliori vitae formula Sacerdotum saecularium, quam ipse in suo Instituto conatus est effingere. Sic DEUS adhuc in terris illos honorat, qui honorem DEI, salutemque animarum zelant.

Ecce miras fraudes Bartholomaei lucrando animas, utinam! & similiter ab interitu praecavere, & e faucibus Diaboli eripere animas, addisceres, Lector Ovicula ejulat inter lupi dentes; & subvenis. Turtur gemit inter unguis accipitris; & accurris. Et subvenire renues animae? haec est formosa illa Rachel, pro qua Christus non quatuordecim, ut olim Jacob *Gen. 29.* sed annis triginta tribus serviit. Haeret inter interitus pericula, intra fauces infernalis Draconis; opitulare, Deum urge precibus, peccantem monitis. Per virtutes & studia stude te qualificare ad revocandos a via erroris Heterodoxos, & a via peccatorum Orthodoxos. Meliora sequi, doce verbo, suade exemplo, concionare modestia, vitam offer, sanguinem para, pro anima sanguinem suum fudit, qui propter nos homines, nostramque salutem descendit de caelo bonus pastor, ut ovem perditam inveniret, secumque in caelum adduceret; ubi est gaudium super uno peccatore poenitentiam agente. Ut testatur ipsemet apud *S. Lucam c. 15. v. 7.*

## §. XI.

*Orandi Studium, & Devotio Bartholomaei  
ad hoc Studiosi.*

**Q**uam vere singularia Divinae gratiae molimina ac opera suo tempore mortalibus utiliter exhibenda validae precum instantiae, ut plurimum alligata fuerint, S. Scripturae testimoniis atque Sanctorum exemplis abunde constat; ac licet turgentia semper ubera Bonitas Divina circumferat, & lac omnis dati optimi, donique perfecti Pater illi luminum desursum omnibus propinet, labia tamen aperiri, os dilatari vult, quod lac bonitatis sic impleat, ut, qui petit, accipiat, qui quaerit, inveniat, & pulsanti aperiatur; quin & illos ad unum fere omnes, quos providentia Numinis ad magna in Ecclesia sua vel incipienda, vel peragenda destinavit, praevidens ferventioris orationis dono sic sibi prius conjunxit, devotosque reddidit, ut liquido constaret tam rerum dextre gerendarum, quam animorum pro recipiendis ac dispensandis magnis, mirandisque caeli donis haud aptiorem esse dispositionem, quam perseverantem ac indefessam orationem. Atque hinc oratio, quae S. Augustino *serm. 226. de temp. Clavis arcarum Dei & caeli*. S. Gregorio Nysseno *lib. de Orat. Piorum robur, abundantia domus, regni vires, viatorum scutum*. S. Chrysostomo *in Genesin: Magna arma, magna securitas, magnus thesaurus*. S. Macario *Hom. 40. Caput totius boni Instituti, ac vertex honestarum actionum*. Agathon Abbati *in vit. Patr. Gravissimus & optimus in terris labor &c.* visa est. Eam etiam Bartholomaeus in quovis rerum eventu ceu cornucopiae cordi sic habuit, ut nemo nesciret, Bartholomaeum omnia posuisse in oratione. P. Sebastianum Seidenium hac de re scribentem audi: *Orandi studium in ipso Bartholomaeo summum enituit, & cum Deo agendi familiaritas. Mane, priusquam Sacrum audiret (quod gemitum audire consuevit quotidie) meditationem praemissit*

*misit per horam eam, quam huic exercitio solet tribuere Societas JESU, nec ante etiam frigidissimo caelo calidum locum subivit, quam cuncta ista persolvisset Numini. Accessit hora integra, quam singulis diebus in Oratorio Beatissimae Mariae Virginis de Victoria, flexis genibus ante prandium impendit. Itaque facile erat judicare, plus eum orationi, quam litterario labori dedisse, nihil tamen remissus, aut infelicius sectando scientias. Similia fidei testimonio deposuit R. P. Marianus Donabaur Ord. S. Francisci strictioris Observantiae Ambergae Guardianus, Bartholomaei olim Discipulus: Eum videlicet hora tertia matutina relicto strato exercitia spiritualia inchoasse, & per tres plerumque horas continuasse, tum ad minimum duo Sacra ordine audivisse, finitis lectionibus Philosophicis ad horam nonam ad Oratorium Beatissimae Virginis de Victoria, vel templum PP. Augustinianorum perrexisse, ac precibus jugiter invigilasse, eoque modo hora quarta circiter pomeridiana praedicta sacra loca revisisse, ita ut modo nominatus P. Marianus tunc adhuc Studiosus nunquam fere templum PP. Augustinianorum intraverit (quod tamen Bartholomaei monitu saepius facere consueverat) quin Bartholomaeus aut adesset, aut superveniret, per integram plerumque horam preces continuans. Hora quarta Officium Beatae Mariae Virginis minus cum domesticis recitasse. Denique addit modo dictus Pater, omnia precibus Bartholomaeum tribuisse, adeo, ut etiam sibi de Religiosi status ingressu deliberanti seriam, constantemque orationem Bartholomaeus unice commendaverit, & injunxerit. Unde patet Bartholomaeum per diem sex, septemve horis orationi tum vocali, tum mentali tribuisse, & quodam quasi flabro caelum precibus identidem afflasse. *Extra scholas* (scribit R. D. Gundelius) *Bartholomaeus totus erat in precibus, nullibi autem frequentior, quam in dicta Capella B. Mariae Virginis de Victoria, ad quam* (ut addit D. Doctor Lottius) *quoties deinde Ingolstadtum venit, accessit, &**

*Sacrificia inibi fecit, & tanto semper erga templum illud amore ferebatur, ut tanti causam affectus non potuerim non percontari. Respondit autem ibi mira sibi fuisse communicata, ac ideo etiam de nocte frequentissime in subselliis occultatum & inclusum mirabili ac Divina ambrosia & suavitate fuisse refectum. Nec omittenda putem, quae hanc in rem R. P. Georgius Lyprandus scripto reliquit: Magnum habuit Bartholomaeus zelum animarum, unde frequentissime orabat pro Ecclesia, etiam in campis, ubi DEUS ostendit visionem de Ingolstadiensi civitate; & sequenti die, dum Rosarium Beatissimae Mariae Virginis ibidem in campis recitaret, accepit de repente visionis illius explanationem. In oratione (verba sunt P. Seidenii) plurimam, imo omnem fiduciam & robur suum collocabat, quam aliis quoque persuadere saepe conatus est, quos rei alicujus desiderio teneri senserat: Orarent, precibus ad DEUM instarent, per orationem omnia haberi, &c. Et certe sic sentire propria poterat experientia Bartholomaeus, ex talentis naturae parum ad ea, quae eventus gesta commonstrat, idoneum obtinens, cumque sentiret, id in se precibus suppleri, quod natura negasset, hinc ut testatur P. Lyprandus, Omnia Deo, nihil sibi tribuebat, spem & fiduciam in Deo habens, in quibuscunque necessitatibus & magnis persecutionibus, quales ordinario eos sequuntur, qui ad magnum quid praestandum a Deo eliguntur.*

Ex hac orationis & paene continui cum Deo colloquii familiaritate non immerito provenisse censuit P. Seidenius, Ut magno sensu ac judicio de rebus Divinis loqueretur, imbutumque Divino sapore haberet palatum, gustaretque ac probaret facile ea, quae Divini Spiritus essent, sicuti commendare solebat, quam maxime illam S. Ignatii, quam de obedientia scripsit, Epistolam, spiritum hujus scripti summe admiratus, ejusque lectione & relectione creberrime delectatur. Ita videlicet, qui spiritu Dei egitur, sapit, quae Dei sunt,

nec

nec lucem quis facilius agnoſcit, aut ſuavius amat, quam qui lucis eſt filius, nec eos melliferi flores latent, qui Deo velut apes argumentofae deſerviunt.

Pietatem & orandi ſtadium etiam extra praediſta tempora pueri in compitis, Eccleſiis, & in campis abſque industria & ſtudioſa animadverſione in ſubitis caſibus & aliud agentes ſaepe deprehenderunt, qui ad virilem aetatem proveſti, memoriam deſuper refricantes, non ſine admiratione eadem recoluerunt. Unum produco, qui poſtea aequus arbiter & aeſtimator viſorum eſſe potuit. Is eſt R. P. Benediſtus Millay, qui manu propria ſequentia teſtatur: *Certa fide ſine ullo adulationis fuco fideliter reſero, quidquid hiſce oculis egomet vidi, aut indubitata fide reſerri audivi.* Primo itaque in memoriam redit, quod nullus unquam D. Bartholomaeum Holzhauserum (licet inter Studioſos verſantem) ullis recreationibus ſtudentibus conſuetis illis etiam, a quibus nec Magiſtri Societatis JEſu in publico abſtinent v. g. pilae luſu, uti viderit. Solitudinis quippe tantus amator erat, ut dum alii extra portas ac moenia urbis in campis inconditis clamoribus pilae luſu indiverſa acſto mire delectarentur, ſolus ille nunc ſub opacam arborem, nunc ad Danubii ripas abſtractus, & quaſi in Domino abſconditus aliquid vel legere, vel profunda cogitatione volvere nobis videretur. Haec quidem nos pueruli vidimus, ſed maturiore nunc aetate intelligimus, volebat etenim (quod de S. P. N. Benediſto Gregorius ſcribit). Dominus Holtzhauserus in ſolius ſupremi Inſpectoris oculis habitare ſecum; quare in Eccleſiis non niſi obſcuriſſimos, atque ab omni fere humano oculo remotos angulos ſibi deligere amabat, ſine dubio dulcedini devotionis ſuae aptiores. Vidi ego, aliiſque aetatis meae conſortes, dum puerili licentia per templum undique vagaremur ſub conſucta agonia Domini die Jovis in templo Academico Ingolſtadiano habita D. Bartholomaeum eundem infra januam inferioris portae in faciem prorum & abjectum, & audivimus uber-

rime lachrymantem, ut inter tot gemitus ac suspiria, singultusque vocem comprimere amplius non potuerit. Quae prima causa fuit, cur nos parvuli rationis usu adhuc pene destituti, nescio tamen, quid singulare in ipso ominaremur, imo formidaremus; vultum enim gerebat pueris nobis omnino cum occulta quadam veneratione formidabilem, profundis oculis, facie subpallida, & naso in Caroli Borromaei forma effigiato, pallio plerumque circa faciem (sine dubio ad summam sensuum collectionem) obvoluto. Taliter enim cum redivivum mihi per cogitationem sisto, & cum puer essem, apparebat. Verbo singulare quoddam & inusitatum praeter caeteris hominum moribus & vultus, & oculi, & totius habitus corporis tam in incessu, quam in externis actionibus prae se ferebat, ita mihi videbatur. Nihilominus tamen in vultu, quem meditati, & abstracto, & quasi profundissime absorpto similem semper gerebat (quamdiu cognovi) austera quaedam cum dulci sinceritate mixta mentis tranquillitas elucere, & quasi ex illo, nescio, quid consolatorium spirare videbatur. Memini quoque dum puerili more verno tempore extra portas Danubii avium nidis insidiaremur, nos eundem Bartholomaeum casu sub aliquo fruticeto lamentantem, & ad genua dimidio corpore in terram inclinatam, quasi oraret, invenisse, ubi, nescio, quid serius secum in spiritu profusis lachrymis & ubertim fluentibus (uti omnes nos pueri notabamus) infremuerit. Verum ubi ille homines adesse advertit, repente coram nobis pallio ori obducto, ne oculi lacrymis adhuc stagnantes notarentur, se contexit & abscondit; quo facto nos, nescio, quo puerili vel serio stupore correpti aufugimus. Noveramus tamen e vestium colore (color enim praeter communem usum Studioforum illi singularis erat & viridi & caeruleo mixtus) D. Holtzhauserum esse. Donum lachrymarum non solum nos imprudentes pueri in illo notabamus, sed & alii. Oculi enim illius, quisquis in studiis illum novit, quasi lachrymis natant.

bant. *Qua de causa* (quod jam primum rationabiliter, credo) ut hoc ipsum denuum a Deo sibi concessum absconderet, raro in publico apparebat, nisi pallio fere semper ori usque ad oculos convoluto. *Visus* saepe est non solum a nobis, sed & aliis corpore toto in terram abjecto, expansis brachiis intempesta nocte coram Oliveto apud PP. Franciscanos Ingolstadii per integram horam, tanquam insensibilis esset, in oratione (uti nunc certa fide credo) perdurare, non enim curiositas nostra expectare poterat, donec surrexisset. Hucusque P. Mil-  
lay. Ex quibus non solum insigne donum orationis & lachrymarum in Bartholomaeo viguisse, sed & ad vivum, quales habuerit mores, os, oculosque, & gestus totius corporis, habitumque luculenter apparet.

Unum ut hic discas, amandissime Lector, a Bartholomaeo, oro, assiduum scilicet orandi studium: sic consequeris, quod Bartholomaeus opere & verbo docuit, & promisit: Omnia impetrabit, qui constanter orabit. Hanc saluberrimam doctrinam a Magistro Veritatis didicit dicente *Matth. 7. v. 7. Petite, & dabitur vobis: quaerite, & invenietis: pulsate, & aperietur vobis.*

## §. XII.

*Mortificationis, & Abjectionis sui ipsius exercitium Bartholomaeo Studioso familiare,*

**O**rationi mortificationis studium omnino cognatum, individuumque comitem esse oportere, praeclare quondam innuebat S. Franciscus; interrogatus enim, quae preces Deo gratiores essent? *Istae*, respondit, *quas, propriae carnis comitatur mortificatio.* Oratio namque spirituale est thymiana, quod Deo offertur, sed odorem in hoc mundo non exhalat, nisi prunis mortificationum injecta, juxta votum Regii Psaltis *Pf. 140. v. 2. Dirigatur, Domine, oratio mea, sicut incensum in-*  
C. 4 *confi-*

*conspetu tuo.* Nequaquam a mente S. Gregorii *Homil. 22. in Ezech.* aberravit, qui pios precatores Altare aureum dixerit, cujus ignis mortificatio, thymiana oratio est. *Quid isti* (verba sunt S. Doctoris) *nisi Altare sunt aureum, in quorum corde aromata incensa sunt, quia virtutes ardent.* Hoc Altare cordis, quod Deo Bartholomaeus puerulus consecraverat, in studiis adolescenti adeo curae fuit, ut diem transire nullam sineret, qua non exinde perpetuus, quem fovit, ignis mortificationum, ihus orationis caelo transmitteretur: & quia (sicut perite notat S. Theresia) orationis gradu aucto, mortificationum fubeundarum, juxta ac contemptus sui desiderium simul augetur, hinc in Bartholomaeo notatum, continuo tum mentalis, tum vocalis orationis exercitio mortificationis quoque ac contemptus sui studium velut flammam affuso copiosius oleo magis indies exarxisse; cum praeter continuas afflictiones, quas inopia atque egestas propria majore ferme studiorum tempore nunquam non interrupto tractu induxit, ultiores sibi accensere tanto fervore satageret, quanto tales abolere, qui mollioris sunt sensus, consueverunt. De corporis mortificatione, quam in Bartholomaeo P. Seidenius observavit, tibi notanda transcripsit sequentia: *Afflictionem corporis, etsi non parvam adduxerit tenuitas victus, non tamen satis habuit, quo minus ciliciorum gestationem adderet assiduam cum quotidiana flagellatione.* Secretiora pia prodicione manifestat P. Marianus Donabaur, testis ocularis, de suo tunc Instrutore Bartholomaeo: *In cibo & potu, inquit, erat temperatissimus, in corporis mortificationibus assiduus, thoracem cilicinum habuit, mira quidem industria occultatum, semel tamen a me in loco occulto deprehensum, ubi cum post lotionem exsecandum expanderat.* His addebat consuetas in templis ac coemeteriis vigilias & orationes, quas prostrato plerumque in terram corpore & Evangelico Publicano simillimo ritu *Luc. c. 18.* in feram noctem crebrius extendit. Nec acrioris mortificationis



tionis nomine caruit ſolitaria illa & miſeranda commo-  
ratio in domo prorsus deſerta, quam per hyemem ſolus  
incoluit frigorebus undique expoſitus, ac rerum neceſſa-  
riarum penuria dire preſſus. Quae tamen omnia ſerena  
fronte perferre, quam a via mortificationis recedere ma-  
luit, unde etiam recreationem alias juventuti conſuetam  
vix unquam admiſſiſſe viſus eſt, ut retulit P. Millay ſu-  
pra §. IX.

Tametiſi vero Bartholomaeus adeo in ſemetipſum  
ſeverus extiterit, huiusmodi tamen afflictiones exterio-  
res ac rigores ſuis praefcribere communiter noluit, ſed  
interioris potius hominis mortificationem, reſignatio-  
nemque jugiter inculcans; tantum quemvis corpore  
mortificari voluit, quantum illud reprimendis animi  
paſſionibus vel neceſſarium vel utile, quiſque penſato  
conſcientiae ſtatu, ſentiret.

Et ſicut plerumque quo quis ſectando eccleſia Deo  
magis appropinquat, tanto longius ab aeſtimatione ſui  
contemnendo terrena recedit; ita Bartholomaeus, ut  
aequior evaſit aeſtimator, amatorque Dei, ferventior  
etiam exitit contemptor ſui. Vilipenſionem ſui ipſius  
in Bartholomaeo mirandam & miraculo vicinam fuiſſe  
P. Seidenius iudicavit ſequenti teſtimonio: *Contemptor  
ſui, rerumque terrenarum omnium eximius Uſque  
ad miraculum perſiſtit; nihil movebatur aliorum de ſe  
judiciis. Affixus Deo, nullo verborum vento ab inter-  
na animi pace ſe paſſus abſtrahi. Eleemoſynam, quam  
ipſi ſingulis ſeptimanis unus alterve civis dare conſue-  
verat, intra domum recipere noluit, ſed foris ad ſene-  
ſtram cum aliis eo tempore diſcurrentibus pauperibus  
nudo capite. In veſtibus eſt munditiam non negligere-  
ret, ſimplicitatem tamen in omnibus viſus eſt quaere-  
re, neque ſibi perſuaderi paſſus eſt, ut vulgo etiam  
inter pauperes ſtudioſos uſitatam veſtium formam non  
indueret, tametiſi non ignoraret, paſſim Academicis in  
ſe jocandi illo ſuo habitu occaſionem praebere.*

Interim, benevole Lector, scias velim, omni bel-lua ferociorem esse carnem tuam, quanto foves amplius, tanto plus nocet. Erat ea gratiae plenitudine instructus Paulus, qua ad tertium caelum admitti meruit. Tan-tus tamen Apostolus fatetur, nec innocentiae, nec salu-ti suae contulere se posse, nisi corpus in servitutem re-digat: *Castigo*, inquit 1 Cor. 9. v. 27. *corpus meum, & in servitutem redigo*. Hoc observarunt ad unum omnes, quos numerat caelum incolas, qui emacerarunt carnem jejuniis, cruentarunt flagellis, confixerunt cili-ciorum aculeis; Hos exemplo Bartholomaei imitare, ut cum eodem sis horum in caelis socius, quorum in ter-ris fuisti aemulus, paucis dico: Vexa vexantem te car-nem. Vexatio haec aeternum gloriae pondus opera-bitur.

## §. XIII.

*Bartholomaei adhuc studiosi castimonia.*

Quoniam vero tam praeclaris mortificationis & abje-ctiois sui ipsius exercitiis praefulgere non sufficit eis, qui Divino sese mancipavere servitio, sed duo sunt, quae jubentur (ut verbis utatur S. Gregorii Hom. 13. in Evang.) *& lumbos praecingere, & lucernas tenere: ut & munditia sit castitatis in corpore, & lumen ve-ritatis in operatione*. Hinc ab infantia Bartholomaeus anxie providit, ut in se, reliquis virtutibus & castita-tem nexu perpetuo confoederaret, atque in ipsis jam ra-dimentis ex singulari instinctu voto continentiae sese ob-stringeret (uti suo testimonio D. Lossius asserit) probe gnarus. (Uti pergit S. Gregorius) *Redemptori etenim nostro unum sine altero nequaquam placere potest: si aut is, qui bona agit, adhuc luxuriae inquinamenta non deserit: aut is, qui castitate praecinet, necdum se per bona opera exercet. Nec castitas ergo magna est sine bono opere, nec opus bonum est aliquod sine ca-stitate*. Utrobique sibi, totique Clero quondam con-sulturus Bartholomaeus ab infantia lucernas ardentes in  
mani-

manibus tenuit, cum per bona opera proximo lucis exempla monstravit; lumbos autem praecinxit, cum carnis luxuriam per maturum continentiae votum coarctavit.

Hic, amice Lector, pia, si lubet, mentis evagatione festinam ulteriora legendi cupidinem sistas. Quamque potens sit ad reprimendum, penitusque debellandum libidinis motum recursus ad Confessarium, Bartholomaei experimento, emolumento autem tuo notes velim. Vero verius est, quod vel ipsa Veritas protulit *Joan. 3. v. 20. Qui male agit, odit lucem.* Id omni quidem vitio commune, prorsus tamen singulare luxuriae, nil magis amare, quam latere posse; nil deterrius odisse, quam manifestari debere. Insolescit nempe, dum latet, Venus; dum proditur, erubescit haud ullius impatientior, quam Confessarii. Mira vis clamori desponsatae quondam Virginis inerat, quem tanto DEUS ipse privilegio praemiavit, teste Spiritu S. *Deuteron. cap. 22.* ut ex eo quandoque vita puellae pependisse referatur. Legem Judicibus inibi positam lege, reperiesque Virginem desponsatam, si vim alienam suae senserit integritati paratam, nec clamaverit, ream mortis cum delicti complice lapidibus obrui debuisse: quia non clamavit, cum esset in civitate. Si vero vim sentiens clamasset, nil mali passam, nec fuisse ream mortis. Pape! quantum Virgini vim passae sitam in clamore! Allegoriam lex ista tibi, Virgo anima, praelusisse potuit, quae Sponso caelesti desponsata, sanguinis ejus immenso pretio subarhata es: toties alienam castitati tuae vim parari sentis, quoties adversarius noster Diabolus ut leo rugiens circuit, quaerens, quem devoret, ut leno pelliens infestat, quem dejiciat. Dum leo est, resiste fortis in fide; dum leno est, proditiōe: aut clamandum, aut moriendum est. Familiarius quid communi meo, tuoque bono velim ausculta. Colaphizans Angelus Sathanae, vel ipsis etiam Apostolicis animis parcere nescius, ah quoties legem membris corporis nostri dicitat  
aliam

aliam a Lege DEI! Et quo stringat fortius, consentaneamque Numini turbet Oeconomiam animi tui, domesticos clandestina conspiratione corrumpit; sensus ad unum omnes, ut alienas species explorent, sollicitat; & cui plurimum plurimos tribuere novit, carnem nocivae flammae fomitem ac fomentum suas in partes occulte trahit, indeque tantum saepe suscitatur incendium, cui restringendo, vel si Benedictus esses, simplex aqua non sufficeret, ni cruento inter spinas volutabro copiosius etiam evocatum sanguinem admisceres. Hoc adusti alii jejuniis in multos dies protrahit tabescere, quidam ciliicinis inambulare ergastulis, plures duris laboribus & ad maciem usque durantibus luxuriantis carnis petulantiam frangere &c. At non quaevis cuticula spinarum se credit aculeis sauciendam, ut fanetur. Ut integer vitae, scelerisque purus animus perseveret, non cuiusvis integrum est, jejunia protrahere, labores subire, flagris cutem discindere, aut linguam cum Niceta Martyre praemordere, ut vi doloris vim pellat voluptatis, & si pudore lupa nolit, vel invita cogatur sanguine erubescere.

Haec, inquam, ac similia Majoribus olim sanctis usitata castimoniae servandae cataplasmata, moderni (ut noris), saeculi genio nimis accescunt, nec quidquam prorsus, quam ut pro divertendo tam saepe necessario, quam utilissimo rigore corpori blandiamur. Heu nimium; Sed esto, nolis, aut nequeas in frenando, torquendoque corpore post alios notae sanctioris viros pro servanda castimonia sequi, saltem vel unum hoc ac unicuique non displiceat cum Bartholomaeo ad Confessarium recurrere; & clamando paratas hostis infidias prodere, ne dubites, hanc Deus prodicionem amat ac praemiat, talemque te proditorem tanto firmabit gratiae subsidio, ut adjunctis Confessarii viribus adjutus abatto procul infidiatore larga, caelestique castimoniae quiete perfruaris. Id novo paene dixerim experimento didicit, docuitque Bartholomaeus, qui fuga prodicionemque hostis confessario

rio facta victor, quietusque castimoniae possessor evasit. Neque vero virtutem hanc in semetipso tantum fovere, illibatamque conservare studuit, sed & in aliis omnem ejus defectum perfectus est, sicut alter Bernardinus, ita ut quandoque a pueris aut ipsorum parentibus fuerit re-percussus. Cumque aliquando frater ejus lectum petens vellicaretur in cute ab altero lecti socio, audiens Bartholomaeus, querulas voces & causam intelligens statim poena vindicavit factum, prohibuitque ejusmodi attritus veluti castitati adversos, eapropter etiam conventicula puerorum & puellarum infecutus est, & abusum ignis S. Joannis, ubi frequenter sensuum & oculorum castitas laeditur. Tanto amatori castitatis Deus pollutorum in inferno degentium abominationem (de qua Bartholomaeus adhuc studiosus libellum conscripsit) & in aliqua visione Christum in torculari, hoc est Sacerdotum immundorum manibus pressum habuit spectabilem, ut jam bisdictum. Unde nimia commiseratione & dolore commotus firmatus est in proposito separandi mulieres a cohabitatione suorum Clericorum; hinc etiam emanavit illa intentio prima rosarii dolorosi ad mysterium sanguini sudoris Christi orando pro Clero saeculari. Interim, quia placuit anima ejus Deo, necesse fuit, ut tentatio probaret eum, prout ipse passus est uni sociorum, quod longo tempore vehementissimis carnis tentationibus obrutus & vexatus fuerit, ut saepe praeter unum nolle, nihil superesset pro remedio. Tandiu enim suggestiones noxiae Diaboli dominantur in nobis, quamdiu celantur in corde. Quod ergo preces, lachrymae, mortificationes, & ipsa passionis Dominicae meditatio non valuerunt emendare, sola tentationis revelatio Confessario facta potuit devincere ac depellere, etsi quidem non prima statim vice serenitas & quies redierit, paulatim tamen scrupuli rejecti sunt, & angustiae, & remorsus sopitus, & quies data; juxta illud Syracidis *Eccli. 27. v. 19. Si denudaveris absconsa illius (Daemonis) non persequeris post eum.* Ite ergo tentati, & ostendite vos Sacer-

Sacerdotibus. Certe leprosi illi *Luc. cap. 17.* dum irent, mundati sunt.

## §. XIV.

*Bartholomaei Studiosi Humilitas, Mansuetudo, & Patientia.*

Cum tot virtutibus fuerit conspicuus Bartholomaeus, cum non caruisse humilitate, exinde elucet, quod caeterarum basis ac fundamentum sit. *Magnus esse vis,* suadet S. Augustinus *Serm. 10. de Verb. Dom., a minimo incipe: cogitas magnam fabricam construere celsitudinis, de fundamento prius cogita humilitatis.* Haec exactissime observavit Bartholomaeus, dum se nihil esse, & nihil habere, nisi peccatum cognovit. Hoc duplex nihilum sui & peccati ob oculos non solum habuit, sed & illud verbo & facto professus est. Et quidem his verbis statim initio Prophetiarum suarum, dicens: *Visio ignis, irae, furoris Domini fortis, quam vidit pollutio menstrua humilis, & spuma superbiae miserabilis.* In factis autem suis omnibus humilitas mire resplenduit, sic ab aliis se laudari non est passus; ut testatur R. P. Donabaur: *Laudes suas, inquit, ferre non poterat, adeo, ut tali aliqua commendatione instituta, statim sermonem alio, etiam in iocosa converteret; nec quidquam fuit, unde laudem venaretur.* Bene sciebat Bartholomaeus illud *Isai. 3. v. 12.* *Popule meus, qui te beatum dicunt, ipsi te decipiunt.* De eadem Bartholomaei humilitate in factis testatur D. Lossius, qui, cum primum Bartholomaeum antea sibi incognitum obvium vidisset, ob admirabilem incesum, simplicitatem & neglectum mundi vanitatum in vestibus & omnibus actionibus, subsistendo eum contemplatus est. Erat enim pileo ac pallio elato ac defluente involutus, ut unus ex antiquis Philosophis videri potuisset; hinc pueri per ludibrium eum salutare solebant: *Sancte Aristoteles, ora pro nobis.* Et quia hanc despicientiam sui amavit, paupertatem tanquam custodem humilitatis retinuit. Ex eodem

eodem humilitatis amore dona sibi a Deo concedita hominibus celavit, sed idcirco meruit tot visiones, & revelationes, tot copiosiores a Deo caelestes favores, quos super humiles depluit: *Ad quem autem respiciam, inquit Deus, nisi super pauperulum & contritum spiritu. Isai. 66. v. 2.*

Humilitati mansuetudinem sociam jungebat Bartholomaeus, ut R. P. Lyprandus observavit. *In quacunque adversitate, inquit, ne unquam quid acerbius aut durius contra suos adversarios audivi effutientem, quamvis multa mihi narrarit, quae a variis Institutum persequentibus ipsi illata fuerunt, injurias quascunque egregie potuit decoquere. Quemadmodum M. Joannes Avila in tota Hispania zelo praedicationis celeberrimus monuit: Injurias feratis, inquit, cum gaudio, praeculcarum velitis ut lutum, minimi ac novissimi esse pro Christo. Hic vero attentione opus, nam si paululum haec cura remittitur, est ruina in proximo, quia oppugnatio non remittitur.*

Mansuetudinem coronavit patientia, quam in Bartholomaeo eximiam fuisse toto vitae tempore, patuit, dum a puero crucibus & adversitatibus pressus, aequanimiter omnia toleravit, ut Christianum decet. Unicum mansuetudinis exemplum adducere placet: Ingolstadii ad exsolvendum debitum pro hospitio probri & injuriis ab hospite fuit admonitus, ad quae probra tacens stetit Bartholomaeus cum admiratione sociorum, qui latus ejus stipabant, quasi Evangelicus ille servus indicias petiit *Matth. 18. v. 29. Patientiam habet in me, & omnia reddam tibi.*

Antequam Caput primum concludam de Humilitate, Mansuetudine, & Patientia, audi hortantem te, amice Lector, Bartholomaeum verbis illis, quibus olim magnus gentium Doctor adhortatus est Corinthios: *Imitatores mei estote, sicut & ego Christi. I Cor. 4. v. 16. & II. v. 1.* Qualis Christi fuerit humilitas, mansuetudo.

tudo, & patientia, ex vita ejus patet. Qui ex nihilo creaverat omnia, annos triginta domui suae, quasi intra nihilum latuit, subinde apparuit, quia palam ministrare, conterni, & pati voluit. Pudeat sub humillimo, mansuetissimo & patientissimo capite membrum esse superbum, iracundum, impatiens, quod pro principio habet nihilum, ex quo creatum est, & ex se nihil, nisi peccatum.

Concludo caput primum. Habes hic, benevole Lector, vitam Bartholomaei ab adolescentia usque ad Sacerdotium; ejus gesta & virtutes imitare. Et ut imitentur, opto, ab omnibus fidelibus praeprimis a filiis, & inter hos praecipue ab Alumnis, qui in Seminariis ad statum Sacerdotalem & vitam Clericalem ab ipso restauratam educantur. *Bonum est viro, cum portaverit jugum ab adolescentia sua. Thren. 3. v. 27.* Videlicet, si in adolescentia cum litterarum & morum profectu de virtute in virtutem progrediatur, verissimum enim est illud: *Adolescens juxta viam suam ambulans, etiam cum senuerit, non recedet ab ea. Prov. 22. v. 6.* Et alibi monet Spiritus sanctus: *Memento Creatoris tui in diebus juventutis tuae, antequam veniat tempus afflictionis, i. e. senectutis. Eccl. 12. v. 1.* Quemadmodum arbor, nisi opera hortulani, dum tenera est, in altum erigatur, & curvetur, postmodum curvitatibus correctionem non patitur; ita nec juvenus, nisi ab unguiculis in morum, virtutisque studium erigatur, pro-  
vectiori tandem aetate erit incapax.

*Capitis primi Finis.*



*Cap. II*





## Caput II.

### Vita Bartholomaei a suscepto Sacerdotio usque ad ejus obitum.

#### §. I.

#### *Bartholomaeus suscipit Sacerdotium, ejusque primae functiones.*

**P**ost exactos juventutis annos tot visionibus illustratus, manifestisque voluntatis Divinae nutibus allectus, atque ad zelandam Dei gloriam, & animarum salutem mirabiliter inductus Clericali militiae nomen dare, taleque vitae genus eligere decrevit, quo Dei gloriam, animarumque salutem promoveri maxime posse ac debere didicerat. Ea propter anno Theologicorum studiorum tertio ad Sacerdotium sese disposuit, atque a Reverendissimo D. Ordinario Eystadiensi anno 1639. Sacerdos ordinatus, ipso Pentecostes festo sacratissimam DEO primitus Hostiam obtulit Ingolstadii in Sacello civico B. V. Mariae de Victoriâ circa horam sextam matutinam, ubi jam pridem solitus erat frequenti oratione cor suum Deo offerre, eique corpus suaeque omnia consecrare.

Uique se caeteris sacerdotalibus muniis, curaeque animarum feliciter aptaret, Reverendissimo Vicariatui Eystadiensi se stitit, obtentaque approbatione Ingolstadtium reversus, in Ecclesia Parochiali S. Mauritii confessiones excipere, & alia Dei dispensare mysteria coepit adeo fausto, fructuosoque principio, ut inexpectatus omnino poenitentium numerus conflueret, & conscientiae latebris notae laudataeque vitae Sacerdoti manifestatis efficacia salutis monita copiosius reportaret. Verum felicibus adeo principiis ulteriorem progressum dira pau-

lo post aliorum aemulatio praescidit; utque fieri amat, sortem adeo sacrae invidiae sordibus conspurcatam pluribus animabus eripuit, haud absque maerore. Premi poterat hac tempestate Bartholomaeus, non supprimi; vix enim aemulos, ut jactari desinerent, suamet sponte declinaturus abiturire coepit; cum superioris, quae Ingolstadii potior est, Ecclesiae Divae Virginis Parochus Bartholomaeo sedem in sua Parochia confessionalem offert & addita subeundorum quorumvis munerum ac functionum Parochialium animarum curam concernentium plena potestate ad suam Ecclesiam peramanter invitat, quam conditionem Bartholomaeus ultro sibi delatam cum tanto majori plurimorum solatio ac emolumento suscepit, quanto clarius omnibus Bartholomaei Sacerdotis virtus ac probitas praeteritis jam annis innotuerat. In hisce porro curae animarum exercitiis praxin Theoriae conjungens Bartholomaeus quadriennalem simul Theologiae cursum complevit. Nec interea fidelibus hisce laboribus suam mercedem deesse passa est Dei miserentis providentia, nam singulari facultatis Theologiae favore Gewoldianum Bartholomaeo stipendium centum annue florenorum ferax, indulgit, donec desiccato bellicis tumultibus modo dictorum reddituum fluxu, Paedagogia & quinquaginta florenorum portione ex cassa Theologica provisos memoratum stipendium jamjam sterilefcens denuo dimisit.

Nec vero zelus Bartholomaei propriis tantum viribus in vineae Dominicae cultura strenue defudantibus acquievit, sed pensata vili, quae ab uno solo praestari posset, opella, quaeque cum ejusdem insuper vita nimis, quam praepropere terminaunda & interitura esset, etiam exteras sibi vires associare, cooperatores, & in vinea Dominica collaboratores tales inquirere statuit, qui probe radicato fervore, caepae semel intentionis, operisque in Ecclesia Dei tam necessarii, quam utilis quasi haeredes & propagatores succederent, serie, tractuque continuo, ac nunquam emorituro; in hunc finem Bartholomaeus haud

haud secus ac providus ille Paterfamilias *Matth. 20.* exiit primo mane conducere operarios in vineam suam. Numinis autem providentia factum, ut plane non deessent, qui suam laboribus adeo sacris operam sponderent, ac humeris de facto submitterent.

*§. II.*

*Trium primorum Operariorum accessus.*

**P**rimus, quem ad sui sequelam zelus Bartholomaei pertraxit, erat R. D. Georgius Kettnerus Ss. Theol. Licentiatius, jam biennio Parochus.

Hoc comite exivit anno 1640. circa tempus Paschae in Meilingen ad R. D. Georgium Gündelium, uno anni spatio praefatae Parochiae Meilingensis Parochum, ut hunc ad gradum Licentiae Theologicae secum sumendum disponderet. Sed hic cum videret Parochialis vitae periculosam laxitatem passim plus aequo invalescere, securiori via suae consulturus animae, vel Institutum Societatis JESU, vel Ordinem Recollectorum S. Francisci amplecti constituerat. Erat enim vir quo cum ab adolescentia creverat & fervor in precibus, ac zelus gloriae Dei, cultui Beatissimae Virginis singulariter addictus; tanto proinde minus adeo periculosae laxitati salutem animae credere voluit, metuens, ne qui vel amaret, vel non declinaret periculum, periret in eo. Sic ergo fluctuantem Gündelium (Deo procul dubio singulariter disponente) Bartholomaeus invisit, animadverso, quod res erat, sibi quoque passim invalescentem Cleri saecularis laxitatem mire suspectam esse, pro consueto candore manifestat, ac denique prorumpentibus imo de pectore singultibus, etiam, ait, universo pene in Clero obscuratum est aurum, mutatus est color optimus, infatum est sal, obtenebrata lux mundi. Ad haec Bartholomaeus reponebat, fatuitas statui non adhaeret, sed tepor (pro dolor!) cum tempore adrepsit. Esse Clerum, & pastores animarum omnino necesse est, ne sine

pastoribus oves dispergantur, fiatque certa lupis infernalibus praeda. Absit, ut ob status pericula statum deferamus. Mundo enim excedere oportet eum, qui periculis carere cupit. Nec ita gloriosum est pericula suo solius bono declinasse, quam pericula communi plurimum bono sustulisse. Misferi decet super turbam. Atque hinc noris eo gemitus cordis, eo vota, precesque meas dudum collinasse, ut maxime necessarium populo Cleri saecularis statum tot modo corruptelis hinc inde faucium vigori pristino Divina Clementia restituat; nec vero talis restitutionis media desunt, modo, qui strenue collaborent, non desint. In promptu modus est, quo procul depulso noxiae laxitatis periculo fructuosius nostram proximorumque salutem Clerici promoveamus in populis, quam si privatae tantum utilitati studeamus in claustris. Audendum aliquid est, ubi tot animarum cardo vertitur, nec subsistendum diu, vel horrendum, quando gravius est periculum, quod animas in Cleri saecularis defectu premit, ac perimit, quam quod Clericum animarum curatorem infestat. Quin imo corruptellam status saecularis serio timuisse, pene vicisse est. Haud meticulosus extitit S. Paulus, qui nullo non periculo tentatus optabat tamen insuper ipse anathema esse pro fratribus: *Rom. 9. v. 3.* Forſan, ut notes, cum gloriae Dei causa, proximorumque salus agitur, pericula non subterfugienda, sed quandoque etiam expetenda esse. Solari potest, ac debet, quod Salvator missis in medio luporum primis Cleri saecularis coriphaeis non semel adpromittit. *Joan. 14. v. 18.* *Non vos relinquam orphanos.* Metum ponamus, haud soli sumus. Audeamus, quod ausi sumus, dum Clericali militiae nomen dedimus, & statum de se facerrimum vindicemus potius, quam declinemus. Nec deterreat certamen laborum, quin potius mentem alliciat & delectet magnitudo praemiorum, piis conatibus non deerit, in quo vivimus, movemur, & sumus, ubique praefens DEUS. Haec similiave dixisse poterat Bartholomaeus, ac deius propius

propius animum de restituenda Clericalis vitae disciplina, praescindendisque tot defectuum radicibus aperiens; sic ambiguum de vocatione Gündelium firmavit, ut is bene coepti Clericalis status tenacissimus. omni prorsus anxietate liber data Bartholomaeo manu sese negotii cooperatorem condiderit, a quo & pro Licentia Theologica secum accipienda (quod ea feliciori coeptorum promotioni servire posset) invitatus est, qua etiam paucis post mensibus utrumque pro merito Theologica Facultas solemni munificentia donavit. Gündelius porro uti Bartholomaeo viventi semper intimus, ita defuncto in Praesidis officio proximus, fidelissimusque Successor extitit, quem post multas, gravesque curas ac labores infracto semper animo perlatos, praeclaris de Ecclesiae meritis praedivitem, communi bonorum luctu pestis Moguntiae anno 1666. morituris ereptum sine fine viventibus adjunxit.

Tertius Bartholomaeo socius accessit R. D. Michaël Rottmayer Lentingae Parochus. Hic qua ratione in Bartholomaei notitiam, societatemque devenerit, suamet depositione cum multa veritatis contestatione sic manifestat: *Anno circiter 1639. cum equo uestus Lentinga a Parochia tum mea devenirem ad cancellos inferiores portae Ingolstadiensis respicientes Feldkirchen, & cancelli illi essent clausi, ad cohibendos diversos hinc inde viatores, belli tempore adventantes, & non esset, qui mihi aperiret, forte a turba adstante excurrens Bartholomaeus jam Clericus, mihi hactenus prorsus ignotus, referavit mihi quam latissime cancellos istos, stupentem milite praesidiario, qui praesto erat, percomitemque me salutavit. Quo facto mire animum meum sibi devinxit, ut semper cum haberem in corde. Sociatus ipsi postea, cum saepius rememorarem percomitem illam charitatem dixit: Eo facto aperui tibi portam ad Institutum, & per hoc ad caelum. Fuit vero Michaël Rottmayer potiorum deinceps laborum Bartholomaei consors ac haeres, Institui Praefes Tertius. Lyncii demum De-*

canus & Parochus, ibidemque 28. Febr. anno 1681. in senectute bona pientissime defunctus, cum ante mortem suam ter felix Authoritate Apostolica confirmatum vidisset Institutum, pro quo taliter approbando plurimum semper laboraverat. Nec minori solatio, quam gaudio speciale diploma seu Breve a sanctissimo Domino Innocentio XI. P. M. ad se & Institutum datum legisset, atque in habita praecedente mense Januario apud Caesarem Majestatem audientia, inter alia plura ex ipsomet serenissimo Caesaris ore quavis Ambrosia dulciores hasce voces: *Vestrum Institutum nos haud modice delectat, Augustissime distillatas excepisset.*

Hi tres ergo fuere primi, qui pro gloria Dei & animarum salute purius zelanda suam Bartholomaeo fidem, operamque condixere, suis interea stationibus immorati, donec cum bona RR. DD. Ordinariorum venia Bartholomaei nutibus porro parere permissi sunt.

Antequam tecum ulterius progrediar, discursum Bartholomaei cum Gündelio habitum, alte cordi tuo inscriptum custodi, Confratrum Amandissime, qui fors ob pericula status tui in vocatione tua titubas, vel de eo penitus deferendo cogitas. Considera, ubi majora sunt pericula, majora & erunt caelestia praemia dicente Syracide, *Eccli. 31. v. 10. & 11. Beatus vir . . . qui potuit transgredi, & non est transgressus: facere mala, & non fecit: ideo stabilita sunt bona illius in Domino.* Hoc cognovit Mellissius Doctor dicens *Epist. 25. Inter bonos bonum esse salutem habet, inter malos vero & laudem: Illud tantae felicitatis est, quantae est securitatis: hoc tantae virtutis est, quantae est difficultatis.* Sed ut inter pericula sis laudabilis & innocens in timore Dei, & conformiter vocationi tuae ambula juxta exemplum tot SS. Clericorum saecularium, quibus aptare licebit illud *Ecclesiae in Resp. 1. Noctur. 2. de com. MM. Sancti tui, Domine, mirabile consecuti sunt iter, servientes praeceptis tuis, ut inventirentur illaesi in aquis validis hujus procellosi mundi pelagi.* Deficiente vero  
Dei

Dei timore, & observantia Constitutionum status, nulla loci securitas, nulla disciplinae severitas, nulla status asperitas a lapsu avocabit: *Si desit spiritus, non adjuvat locus, locique mutatio, cum in Paradiso Adam, in caelo peccaverit Satban, in monte Loth, qui fuerat sanctus in Sodomis.* Mens est S. Gregorii Homil. 9. in Ezech.

## §. III.

*Visa per somnium domo, ubi Institutum postea incipit, Bartholomaeus iter Salisburgum instituit, & quartum in via socium acquirit.*

**I**mpenso sic Theologicis studiis quadriennio Bartholomaeus cum Gündelio Licentiatu pro notis doctrinae meritis insignitus, exequendi propositi, suscipiendique Salisburgum versus itineris. viciniore capit cogitationes; ast angina, quae alios inter morbos Bartholomaeum quandoque vexare consueverat; uti periculose correptus, ita mox non sine manifesto Divini Numinis auxilio restitutus ad iter Salisburgum versus accingitur; in illa namque montosa patria primam Instituti sedem ponendam fore videbatur sibi ex illa de Lyco fluvio visione habita 1636. in mense Decembri. non obscure collegisse, in qua exundantis undique fluvii aquis ubique insequentibus fugientem montes receperant, tutumque refugium dederant; id, quod praesagio fuisse, paucis post annis subsequutus docuit eventus, hostilibus nimirum copiis Bavoriam inundantibus, misereque vastantibus, Salisburgensi patria salva, ad quam Bartholomaeus fugerat, & peramice receptus fuerat.

Antequam vero Bartholomaeus Ingolstadio discederet, variis cogitationibus ac curis agitatus in domo Weizerieggerana sopore in sellam deprimitur, indeque obdormiscenti perampla domus repraesentatur, certo fenestrarum numero ac ordine, Palatio parum dissimilis, eujus tecto mirus splendor emicabat. Expectatus illico

somnium hoc imaginationi licet altius impressum, non tamen aestimat ultra somni lufum, nec, ut alias de factis sibi visionibus solebat, Confessario quidquam refert, illud ipsum tamen futurorum fuisse praesagium paulo post innotescet. Ubi P. Lyprandi testimonium prius dederò, plenae, planaeque tum dictorum, tum dicendorum notitiae perquam commode subserviturum. Sic vero testatur modo dictus P. Lyprandus: *Et post aliquod tempus per inspirationem intellexit (Bartholomaeus) sedem sui Instituti primo ponendam esse in Archi-Dioecesi Salisburgensi. Quodam ergo die melancholia obrutus in domo Doctoris Weizerieggers in sella obdormivit, ac in somno vidit ingens ac pulcherrimum Palatium, ex cujus tecto magnus erumpebat splendor &c. Evigilans hoc somnium, ut inane, contemnit, ac proinde nihil de hoc somnio mihi dixit ante abitum suum. Studiis ergo absolutis profectus est, sex crucigeros solum habens, cumque Tiitmoningam transfret, vidit illud Palatium, iisdem cum fenestris, & aliis partibus Palatii, sicut ipsi repraesentabatur in somno, excepto illo splendore &c. Haec ille.*

Bartholomaeus igitur dispositis Ingolstadii reculis suis valere tantisper iussa civitate Salisburgum tendit, fratre Melchiore adhuc Studiofo comitatus, ac sex omnino crucigerorum viatico dives. Haec nimirum tota peculii, divitiarumque substantia, haec inchoandi Instituti dos erat superstes, cum paulo ante centum florenos dono sibi (ut supra memini C. I. §. X.) datos egenti, bonisque periclitanti civi Ingolstadiano, ne vel oboli quidem recipiendi spe facta, suppeditasset. Dum autem Numinis providentiae largius, quam viatico subnixus viam terit, Geisensfeldae divertit in Monasterio, in quo adscriptae erant duae filiae Doctoris Weizeriegger, apud cujus viduam pro filiis Paedagogum egerat, & ea occasione etiam sacris Virginiibus notus fuit, quibus etiam Tractatum de amore Dei vulgari Idiomate concrisperat adhuc Studiosus. Accidit autem, ut in Monasterio angina



gina morbo sibi alias familiari corripere, & cogeretur unum alterumve diem subsistere.

Verum Deo dante brevi remittit malum, & ipse iter suum profecutus venit Geisenhusium, ubi insperato quartum pie intentionis Collegam R. D. Leonardum Siberer nanciscitur, Divina dispositione sic duras itineris molestias mitigante, animumque proficiscentis uberius asscurante. Nam prope Landshutum Bavariæ civitatem sero vespere Geisenhusium intrat, cumque illapsæ noctis ibidem imperio pernoctare coactus, haud libenter hospitii publici tecta subiret, parochiales loci foras pulsat, hospitii charitatem una pro nocte quam humillime flagitans; nec cassæ fuere preces, submisso enim largiori symbolo, quo audacior hospitium intrare, coenamque lautiozem solvere posset, donatus est. Bartholomæus vero renuntiatis gratiis, quas potuit, maximis ob liberalitatem spe votoque suo largiorem, preces duplicat, ac obsecrat, ut illa saltem nocte parochiali tecto gaudere liceat, sibi utpote Sacerdoti satius inibi fore frusto panis contentum scamno incubare, quam lautiori mensa cauponis, aut lecto molliore frui, Sacerdotio tandem hunc honorem pro sua benignitate Dominus Parochus non invidet. Movetur iterata Parochus instantia, jussumque introire caenæ commensalem nominat; dein variis, ut fieri solet, caenam sermonibus utrinque condientibus inter alia Bartholomæus advertens, se ad virum maturissimi judicii, vitæque integerrimæ Sacerdotem divertisse, viæ suæ rationes indicare, intentionem prodere, vitam, quam moliretur, describere, quibusque ad illud vitæ genus stimulis agitur, manifestare tanto coepit eum audientis Leonardi stupore, ut is in os, oculosque loquentis Bartholomæi plene defixus, internæ commotionis ulterius cohibendæ aut celandæ prorsus impos, in publicam proruperit intentionis saluberrimæ commendationem, id unice voto suo, desiderioque reservans, ac gestiens operi tam sancto suam etiam operam addere posse. Bartholomæus optato latus effe-

Et manum porrigit, fidem poscit, occasionem a Deo subministrandam promittit, qua collaborare piis conatibus aliquando possit ac tunc ut verborum suorum memor vocantem sequi DEUM renuat, amicissime monet, quod etiam biennio post reapse praestitum, quando dictus modo D. Siberer, pluribus licet contra sentientibus, ac de sublatente forsan impostura caventibus, omninoque dissuadentibus, resignata nihilominus Parochia sua Geisenhusiana Bartholomaeum secutus, ejusdem proficua dispositione Canonicatu Tittmoningae potitus, ac dein ejusdem Collegiatae Decanus factus, pluribus annis suscepti semel Instituti semper apprime tenax belle supervixit.

Ultimam plures numeraret Leonardus imitatores, qui contemptis carnis, sanguinis, & amicorum persuasionibus sequerentur per Superiores vocantem DEUM, uniceque quaererent, ubicunque demum terrarum, majorem DEI gloriam, & salutem animarum promovere. Hoc contemptu lucrosius nihil esse potest juxta promissionem Christi *Matth. 19. v. 29. Omnis: qui dereliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, & vitam aeternam possidebit.*

#### §. IV.

*Repraesentatam in somno Ingolstadii domum Bartholomaeus Tittmoningae conspicit, pergit Salisburgum, & mirabili Dei providentia Tittmoningam destinatus ad curam animarum, illam ipsam domum accipit inhabitandam.*

Itaque novo sibi socio adscito jam alacrior Bartholomaeus ac majori in Deum fiducia concitator iter Geisenhusio prosecutus Salisburgensis Patriae limitibus paulatim imminet. Quas inibi cogitationes animus volverit, quos singultus precibus, quasque preces consiliis suis

suis admiscuerit, quot gemitus caelo praevious, Patriae, quae tendebat, haud procul ob oculos versanti obvius destinarit, brevior est calamus, quam ut emetiri possit; ut cuncta prospere ipsi evenirent B. V. Mariam apud Oetingam veterem sibi duxit ante omnia implorandam, quo recta contendit, ibi adveniens imploravit vitae suae Patronam, ut progressum Instituti sui apud Filium Divinissimum impetrare dignetur.

Ulterius iter Salisburgense prosequens prima in oculis itinerantis erat Tittmoninga civitas Archi-Dioecesis Salisburgensis, qua Bavariam respicit, limitanea, Salzae fluvio adjacens, arce pervetusta & Collegiata Ecclesia Deo sub S. Laurentii Patrocinio dicata, vicinis oppidis insignior. Huic vicinior factus Bartholomaeus ad sacram Statuam viae, quae pergebat, appositam in genua provolutus primum diu cogitatae terrae ingressum Deo hospitatori medullitus commendat, ac dein vix civitatem, alias nunquam visam, ingressus in declivio collis, cujus verticem arx occupat, arcem inter & praedictam Ecclesiam Collegiatam ad pedem collis situm, caeteris eminentius aedificium Palatio persimile conspicitur, dumque domum illam sagacioribus oculis lustrat, eandem structuram, eundem notat fenestrarum numerum ac ordinem, ac uno verbo, nil prorsus differentem ab ea, quam sibi recordabatur Ingolstadii in somno repraesentatam, uno ac solo splendore desiderato, quem e tecto somnians emicare conspexerat. Erat vero domus ista Canonialis & perampla, plurium Canonorum cohabitationi peramoeno situ magnificentius accommodata. Hanc ergo domum accurate contemplatus vicinam Collegiatam Ecclesiam intrat, adoratoque Deo in sanctissimo Sacramento, se, iterque suum enixissime ulteriori commendat Dei providentiae. Dein e via fessus & famelicus cum fratre hospitium intrat, ac petito pro peculii tenuitate cibo viliori crumenae vires non exsuperante, mensae assidet, allatis autem ferculis, ut Bartholomaeo videbantur, lautioribus, quam ut illa contingere aude-

ret;

ret; flaccidae nimium crumenae diffusus, caupo restitantiem, & tum de solutione plus anxium, quam in summa etiam esurie famelicum ad manducandum invitat, de solutionis impotentia denique sollicitum protestantemque vehementius incitat, ut tandem humanitate cauponis factus audentior acerbius infestantem sumpto cibo famis, sitisque represserit importunitatem. Fugata fame dum Bartholomaeus ferculorum pretium perquirat, opinione liberaliorem experitur cauponem, qui nil praeter Deo gratias debere respondet. Unde miratus insuetam hospitis hospitalitatem cauponi gratias dicit pro viribus maximas, ratulurum se promittens, par praestitae humanitati obsequium, ubi fors melior obtigerit, quod hospiti illi per se, suosque postea strenue servandi occasionem nactus est Bartholomaeus, & re ipsa praestitit, Parochia civitatis & Collegiata Ecclesia simul, ut videbitur, deinceps obtenta.

Tam lauta refectioe denuo refocillatus suo pergens itinere Tittmoninga egreditur, sed iterum, iterumque respicere quasi ab intimo impulsore cogitur, memoratae domus imagine identidem in animum intensius, quam oculos occurrente. Ignorabat vero tunc Bartholomaeus, hoc indicio caelestique praesagio locum sibi suisque Divina providentia destinatum, & paulo post obventurum. Oculis tandem peraeagre avulsis digreditur, & Salisburgum currente Julio perveniens, apud Consiliarium quendam Ecclesiasticum (nomen studiose reticetur) cujus tunc in rebus agendis opera maxime praecipua censebatur, sese insinuat; quo motu adveniat, cujus a puero intentionis extiterit, quidque nunc pro eadem exequenda meditetur in omni simplicitate & candore proponit. Consiliarius proposito mire collaudato, bono animo Bartholomaeum esse jubet, spondetque, se modos haud dubie inventurum, quibus intentioni tam laudabili suffragari possit. Mox re ad Illustrissimum & Reverendissimum Episcopum Chiemensem Joannem Christophorum natum Comitem de Lichtenstein &c. Archiepiscopus

Episcopalis Consilii Praesidem delata, quae nimirum circa necessariam Cleri aedificationem Sacerdos quidam peregrinus consilia agitet; Episcopus, ut erat rerum attentus & capax, de Cleri autem integritate mire sollicitus, Bartholomaeum sibi fisci poscit, eumque accedentem perquam clementer excipiens, ac iteratis aliquot vicibus auditum, examinatumque aestimare, & familiarius adhibere incipit.

Et idcirco de Bartholomaeo maturius accommodando sollicitus Parochiam ad S. Joannem in Pangaw forte fortuna vacantem confert eo usque ad ministrandam, donec fors lactior conditionem referaret ampliore. Instructo sic commendatitiis & commenda Bartholomaeo, jamque ab Episcopali audientia digresso, Tittmoninga nuntius advenit, Canonicatum ibidem obitu Canonici vacare coepisse referens, pro quo sibi conferendo nuntiator ipse R. D. Sebattianus Feist supplices porrigebat. Eo percepto Episcopus mox Bartholomaeum revocari mandat, ac sine mora reverso: Contuli (inquit) Parochiam in Pangaw, sed est, quod mentem mutari suadet. Canonicatus in Tittmoningen defuncto Canonico vacat, intentioni vestrae promovendae longe futurus aptior, quam modo dicta Parochia: Hunc ergo vobis revocata Parochiae commenda conferimus, simulque curam animarum ibidem vobis exercendam demandamus, Parochiam autem in Pangaw suscipiat, qui pro Canonicatu supplex accessit. Hem admirandam providentiae Divinae dispositionem! Ita Bartholomaeus suscepto Canonicatu cum animarum cura Tittmoningam redit, per amplam domum in somnio Ingolstadii visam, & Tittmoningae inventam cum suis hac ratione tandem inhabitandam obtinet; itaque patere coepit saepe dictae domus imaginem non vanis Morphei lusibus praesentatam, sed caelesti futurorum vaticinio praemonstratam fuisse. Solebat vero Bartholomaeus horum perquam frequenter meminisse, Divinaeque providentiae ductus exinde suis Sacerdotibus luculentius explicare; Quia Opera Dei re-  
velare,

velare, & confiteri honorificum, ut ait Archangelus Raphael Tob. 12. v. 7.

## §. V.

*Bartholomaei Tittmoningae fructuose laborantis  
in morbidos & moribundos charitas; accessus  
aliorum Sociorum.*

**U**bi Bartholomaeus Tittmoningae advenit Julio mense finiente anno 1640. primum illi erat catechesin magno zelo inchoare, concionibus vitae Christianae fundamenta explicare, severa Dei judicia praevaricatoribus intentata manifestare, peccatorum gravitatem, & quae conscientias terrorem desuper incutere possent, proponere; unde notabilis mox fructus pullulare coepit, ac tunc potissimum copiose succrevit, ubi eodem anno D. Gündelius in subsidium evocatus circa festum S. Nicolai 1640. etiam Tittmoningam venit, quo cum Bartholomaeus operas curae partiebatur. Id vero magnum praedicationi pondus addidisse visum est, quod sive in civitate Tittmoningana, sive foris in pagis & villis conciones & catecheses haberent, alter alterius materiae & conceptibus insisteret, & ab altero prius dicta suis quoque confirmaret, unde vehementes animorum mire perculsorum motus suboriri confessiones generales institui, inimicitiae prorsus inveteratae radicitus evelli, ac brevi temporis intervallo vitae correctioris ratio notari.

Omnium vero admirationem potissima sibi violentia rapiebat Bartholomaei charitas & cura morbidis, moribundisque quibusvis impensa, illos in fide, spe, charitate & quovis exercitio virtutum rite disponendo, his etiam, quo confidentius, animosiusque mortem subirent, offerendo, promittendoque auxilia precum & sacrificiorum, monendo insuper, ut secundum Divinam confessionem post mortem etiam (si juvare ipse posset) redirent, deque suo statu & ferendo subsidio monerent. *Idque revera ita factum, scribit Gündelius, ut redi-*

runt

vent animae, darentque signa opis necessariae; & recordor (pergit Gündelius) cum semel ascendisse Salisburgum ad Reverendissimum Episcopum Chiemsensem, quod saepius alias factum, ut per triduum vel ultra maneres cum Principe, mihi vero dixisse, ut usque ad reditum in cubiculo suo dormirem, pro majori asscuratione scriptorum suorum & aliorum secretorum &c. ubi expergesfactus sum, importunas animarum ab ipso venire jussarum pulsationes audiui & hac & illac per totum cubiculum gestari videbar, Certe non dormivi, omni plenus timore & angustis. An phantasia fuerit tam fortis, nescio. Hoc illi etiam adhuc in Tyrolis ordinarium. Concanonici quoque Collegiatae Ecclesiae Tittmoninganae tametsi primo Bartholomaeum non nihil vitarent, & ob Episcopi Chiemsensis in eum pronam inclinationem timerent, postea tamen inculpatas ejus vitae exemplo moti, comperta, qua coram Deo ac hominibus procedebat, sinceritate, venerari ac magis indies amare, preces cum illo dicere, conscientias in confessione credere non intermiserunt, ut etiam in oculis exterorum alia brevi Collegiatae illius Ecclesiae facies, & excellentior forma splenderet.

Successere in hanc patriam Salisburgensem plures Bartholomaei Sacerdotes, & Cooperatores, inter quos D. Michaël Rottmayer, D. Georgius Ketner, D. Leonardus Siberer, D. Martinus Walraff. Alii tum ex Salisburgensi Archi-Dioecesi, tum ex Bavaria plures Sacerdotes nomen Instituto dabant, inter quos D. Martinus Gerhaher, cum suo Sacellano, D. Andreas Rittler, D. Matthias Talmann in Aula Episcopi Chiemensis Sacellanus, D. Joachimus Widemann, D. Joannes Jacobus Sturm Theol. Licent. vir a singulari pietate commendatus. Ex his in Collegiata Tittmoningana quinque constituti curam animarum simul exercentes, aliis alibi applicatis.

Unum opto, ut hic observes, amice Lector: Vix exemplariter cohabitare in unum coeperant Canonici Ecclesiae

clesiae Collegiatae in Tittmoning, alia fuit illius facies, & excellentior forma. Verissime canit de cohabitatione fraterna Regius Propheta Ps. 132. *Ecce, quam bonum & quam jucundum habitare fratres in unum.* Ac si diceret: Sunt quaedam bona, sed non jucunda, ut Martyrium; item sunt quaedam jucunda, sed non bona, ut voluptas, sed cohabitatio fratrum in unum bona est, & jucunda. Utrumque ostendit gemina comparatione: *Sicut, inquit, unguentum in capite, quod descendit in barbam, barbam Aaron, quod descendit in oram vestimenti ejus,* quasi diceret: Quemadmodum unguentum illud sacerdotale, cum effunderetur, odorem suum latissime spargebat, omnes recreabat, & in extremitates usque vestium defluebat; ita & omnes mire fraterna sacerdotalis cohabitatio recreat, imo in omnes suam diffundit utilitatem. Altera comparatio est: *Sicut ros Hermon, qui descendit in montem Sion,* i. e. sicut ros, qui descendit primum quidem in montem Hermon, tum ex eo altiore in montem Sion; ita & cohabitatio fratrum velut ros caelestis gratissimus a pastoribus in oves descendit, miram fertilitatem ac foecunditatem affert, quam DEUS sua benedictione secundat, de qua subjungit: *Quoniam illic mandabit Dominus benedictionem, & vitam usque in saeculum.* Haec cum ita sint, cum S. Petro admonco: *Fraternitatem diligite. 1 Petr. 2. v. 17.* Exemplo vestro, domesticaque pace & concordia alios aedificate; sit inter vos cor unum, & anima una.

## §. VI.

*Bartholomaeus obtinet Decanatum Leoggenthalensem in Tyrol, & interposito juramento stabilit inter suos vitam communem*

**R**elictis posthaec, uti paulo ante meminimus, Tittmoningae suorum Sacerdotum aliquot Bartholomaeus ex clementissima Reverendissimi Chiemseensis Episcopi ordinatione Parochiam & Decanatum ad S. Joannem



nem in Leoggenthal per mortem A. R. D. Friderici Gery Itali vacantem suscipit, ipso Beatissimae Virginis purificationis festo anno 1642. Insuper altifatus Reverendissimus Episcopus Bartholomaeum Vicarium, ut vocant, Foraneum totius illius Districtus constituit.

Ut vero Tittmoningae factum, sic ibi etiam omnia meliorem in ordinem redigit, editis pluribus zeli parochialis, aliarumque virtutum exemplis, quae talem illi passim ac maxime apud incolas & parochianos vitae probatoris, integerrimaeque conversationis Clericalis existimationem conciliaverunt, ut unanimis vox ac fama populi Bartholomaeum hoc nomine prorsus incomparabilem asserens, in ea crebro formalia proruperit. *Si nosser ista Decanus statui suo sacerdotali congruenter non vivit, non possumus existimare quempiam in orbe Christiano superesse, qui hoc praestet, &c.* Eratque vita Bartholomaei tanto magis in omnium ore ac admiratione, quod ea tempestate plura circumquaque scandala e Clero in populum communi rumore prodiissent, quorum omnium non modo suspiciones declinari, sed etiam occasiones removeri, sedula Bartholomaei cura, vigilantiaque praeccludi, cernerent. Illi namque primum erat, sumpto ab ipsa Decanali domo reformationis adeo salutaris exordium, ut, quia ob inevitabilem pro tunc alendi pecoris necessitatem famulitio muliebri carere non posset, facta domus divisione ac separatione habitacula Sacerdotum & Studiosorum, ac aliorum domesticorum a mulierum habitaculo non modo sejungeret, sed etiam ad eam domus partem, quam Parochus, sui que Sacerdotes & Studiosi incolebant, aditus noctu foeminis omnino maneret interclusus, de die autem non nisi per ambitus foris patentes sola operis faciendi necessitate intrmitterentur, nec cuique ad locum, ubi foeminis habitare concessum, accedendi sine socio ac teste licentia esset. Annua mercede conducti famuli domestici munus erat, lectos sternere, ligna comportare, musaea, cubaculaque evertere, cibos per urnam versatilem intro porrectos

mensae inferre; claustris ferreis alios quosvis accessus undique praeccludentibus. Sustentandi pecoris emissarii permolestum, aedesque parochiales haud ita decens onus, parochialibus tamen bonis pro loci consuetudine adiunctum, removit, factaque conventionem pacifica & largiore laboris ac molestiae refusione in oppidanum devolvit. Et sic separationem mulierum praedicavit Bartholomaeus, quam suis praescripsit.

Haud minori zelo catechesin, doctrinamque Christianam tam adultis, quam junioribus tradendam urfit, tum in ipso Parochiae loco, tum etiam in vicis, villis, ac praediis circumjacentibus, emissis eo Sacerdotibus sibi cohabitantibus, quo ab hominum memoria Catechista vix exierat. Ipse etiam Bartholomaeus id docendi munus obire, scholas frequenter invisere, parentes ad sedulo mittendas in scholam proles adigere, pro iis, qui paupertatem praetenderent solutionem ludimoderatoribus offerre ac facere; pueros in aedes parochiales evocatos sacrae potissimum Communioni maturescentes, ad eam sanctius paschali tempore suscipiendam instruere, nihilque prorsus intentatum relinquere, quod redintegrandae, stabiliendaeque disciplinae servire posset. Quae prioribus annis insueta, raroque visa diligentia non modo magnam Parochi aestimationem, reverentiam, amoremque in plebe peperit, sed adultos etiam hac sedula juventutis instructione sanctioris disciplinae capaciores reddidit, ac tenaciores.

Quo etiam tendebat utilissimus sane concionandi modus, de talibus plerumque materiis, quae pro loci, personarumque necessaria tum instructione, tum aedificatione ac emendatione quadrare noscebantur. Decalogo crebrius inculcato, perque praecepta singula discussio, iis maxime locis instantia vehementiore dictum est, ubi pertinaciori consuetudine delictum fuisse notabatur. Unde (sic refert Gündelius) *Magni animorum motus, Confessiones generales plurimae, senes de anterioribus annis cum ploratu se accusantes, inveteratarum inimicitia-*

*citiarum depositio, & notabilis morum emendatio.* Contribuitque non modicum comoedia aut tragoedia insueto talibus spectaculis populo exhibita, ubi vindictae Divinae gravitas, peccatorum turpitudine, damnationis aeternae pericula, cruciatus & acerbitas repraesentabatur tanta cum energia, subsecutoque fructuum spiritualium proventu, ut is intra parochiales Leoggenthalii terminos contineri nescius vicina quoque loca salubriter irrogata mirifice foecundarit; quo & factum est, ut de locis sat longe distitis fama, quae de Bartholomaei pietate percubuerat, plures excitati Bartholomaeum Leoggenthalium adierint, necessitates ac maxime conscientias aperuerint, consilia ac solatia quaesierint, energumenos aliosque afflictos adduxerint, de quibus infra suo loco dicetur uberius.

His curis in varia distractus Bartholomaeus, sociorum tamen numero auctior, pro majori Instituti stabilitamento sibi, sociisque inducendo, uti anno 1640. cum quibusdam in simplici proposito fecerat, sic anno 1642. in festo B. Virginis in templo praesentatae voto cum sociis Sacerdotibus sese obstringit, nominibus subscriptis, quod biennio sequenti ea mente repetitum est, & ut annue recurrente hac eadem festivitate Virginis praesentatae continuaretur, votum erat venturum. Verum ne talis annua voti repetitio suspensionem pareret, novi status Religiosi per Institutum forsan introducendi visum est votum juramento, quod renovari non solet, commutare. Urget tamen etiamnum, ac firmiter adhaeret singularis praedicti festi memoria, pro juventute nimirum per intercessionem B. V. Mariae ob gratiam suae in templo praesentationis ad Instituti finem innocue educanda.

Interea, quisquis haec legis, curae tibi sit cura parvulorum, ut bene instruantur. Horum instructio est dilectionis Dei probatio. Interrogat Christus Petrum *Joan. 21. v. 15. & seqq. Simon Joannis, diligis me plus his?* Id asserenti, bis dictum est ei: *Pasce agnos meos, i. e. parvulos.* Ecce, bis curam agnorum & se-

mel ovium, i. e. adultorum recommendat Pastor bonus. Quia plurimum refert, si parvuli imbuantur in tenera aetate in Christianae fidei & virtutum solidis principiis & doctrinis, ut bonus Christi odor sint, longe lateque morum & virtutum spargant odorem. *Quo semel est imbuta recens, servabit odorem, testa diu.*

### §. VII.

#### Bartholomaeus Seminariolum Salisburgi erigit.

**Q**uemadmodum plurimum interest Reipublicae Christianae, ut bene ab unguiculis instruantur parvuli, ut mox dictum; sic pariter maxime interest Ecclesiae, ut Ecclesiastici ab adolescentia in disciplina Ecclesiastica rite instruantur: Cum adolescentium aetas, verba sunt Concilii Trident. Sess. 23. cap. 18. de Reform. Nisi recte instituatur, prona sit ad mundi voluptates sequendas; & nisi a teneris annis ad pietatem & Religionem informetur, antequam vitiorum habitus totos homines possideat, nunquam perfecte, ac sine maximo, ac singulari propemodum Dei omnipotentis auxilio in disciplina Ecclesiastica perseveret: Ideo statuit, ut erigerentur Seminaria; in quibus in studiis, moribus, virtutibus & omnibus, quae requiruntur in exemplari Ecclesiastico, instruantur ingenui adolescentes. Conformiter huic sanctissimae Ordinationi Seminariolum erigi laboravit Salisburgi Bartholomaeus. Observaverat enim sagaciter Bartholomaeus cum veteranis, suoque modo vivendi assuetis, ita dextere restaurationem primaevae honestatis Clericalis geri non posse; insuper noscebat, sapientissimam Dei Providentiam conservationi humani generis providisse per continuam generationem, per quam illi, qui in humano genere per mortis imperium quotidie intereunt, supplentur; sic etiam prudenter Bartholomaeus Instituto Clericali a se restaurato conservando in debito vigore & flore, providere statuit per generationem quandam

dam spiritualement per indefessam scilicet juventutis educationem & instructionem in Seminariis, in quibus semina jaciuntur omnigenarum in Ecclesiastico requisitarum qualitatum, quae fructum centesimum Ecclesiae & Reipublicae Christianae afferre possint.

Idcirco omnibus consensibus adnissus est initium Seminarioli alicujus Salisburgi, in cujus Archi-Dioecesi Institutum felix sumpsit exordium, in hunc finem impetravit per Reverendissimum Episcopum Chiemseensem Capellaniam civicam, cui fuit Praefectus D. Michael Kottmayer, Vir ad omnia aptus, cui & Seminarioli directio fuit concedita. Parro Alumni Seminarioli anno 1643. feliciter inchoati erant sequentes. Melchior Holtzhäuser germanus Bartholomaei Frater, Andreas Kettner, Melchior Neumayer, Matthaeus Wolleder, Sebastianus Widemann, & successive Matthias Starck, Georgius Panheimer, Christophorus Wallraff, Marcus Fellner. Sumptus Seminarioli sustentandi partim propriae necessitati suae detrahebat Bartholomaeus, partim sui Sacerdotes ad tam pium opus perlibenter contributebant, partim ex singulari gratia Reverendissimus Chiemseensis Episcopus ducentos florenos de beneficio Bartholomaei ad mensam Episcopalem alias annue pendendos, quoad vixit, pro suo zelo promovendi Dei gloriam & salutem animarum per exemplaris vitae Sacerdotes, clementissime Bartholomaeo donavit in praedictae juventutis educationem applicandos.

Ast, ut DEUS solet adversis & sinistris minimeque speratis eventibus suos probare, probavit & Bartholomaeum. Post obitum enim Reverendissimi Athesati Episcopi Chiemseensis, is, qui post Michaelē Kottmayer Seminariolo praecerat Superior, Studiosos suae fidei & directioni conceditos coepit domo expellere, Instituto valedicere, insolenterque agere, quae tamen omnia illius Consilarii (cujus nomen studio reticui C. II. §. IV. ne in factis, quae deinceps subsequuta sunt, odiosis, perfonam detegam) patrocínio, si non sunt omnia laudata,

saltem fuerunt dissimulata. Haec ubi Bartholomaeo sunt delata, haud mutata fronte illud Apostoli 2 Cor. II. v. 20. Et 1 Cor. 7. v. 15. pro responsione subiecit: *Siquis devorat, siquis accipit, siquis extollitur, &c. Quod, si infidelis discedit, discedat.*

## §. VIII.

*Mors Chiemseensis Episcopi, & subsequitae Bartholomaei adversitates.*

**A**nni 1643. finientis epilogus luctuosam Bartholomaeo, sociatisque Sacerdotibus tragoediam ordiri coepit, non aperta, sed clausa vitae scena, dum altéfato saepiusque memorato Reverendissimo Episcopo Chiemseensi fatalem dictavit horam. Hic vero Princeps, etiam post mortem immortalis sane nominis & gloriae, sic animo Archi Praefulis Salisburgensis agglutinator haerebat, ut Archi-Episcopus ejus praesentia carere vix posse videretur, utpote, quae & conversatione perquam jucunda, & consilio probe moderandi regiminis saecundissima, sublevandis ferendisque oneribus Archi-Episcopilibus indefessos saepe humeros submiserat. Huc accesserat singularis eloquii blandioris gratia, rerum quarumvis capiendarum expediendarumque mira dexteritas, zeli gloriae Dei, atque exinde scaturientis exemplaris vitae sanctitas, Sacerdotum, ac quorumvis bonorum fraternus amor, & favor ille vel maxime eximius, quo miseros ac exules prosequabatur magno numero in patriam Salisburgensem confugientes, milite Suecico tum Bavariam, tum Sueviam misere devastante. Uti porro neminem gratiosae suae munificentiae reliquit expertem, ita Bartholomaeo cum primis affectus, praesentiam ejus, conversationemque tanti semper aestimavit, ut haud dubie quandoque diceret, si libero sibi ad hoc esse liceret, se relicta civitate Salisburgensi reliquum vitae in Tyroli Bartholomaeo convicturum, cumque tanto fovaret affectu, non absimili fovit effectu. Sic Instituti promoven-

di causae hactenus intentus, ut in illis initiis omnis spes humanitus affulgens hoc laudatissimo Praefule niteretur.

Abierat vero Bartholomaeus suscepta peregrinatione Oettingam ad Beatissimae Virginis Sacellum miraculosum, magnae suae Matri ac Tutrici rem. Instituti commendaturus, redieratque Salisburgum Decembris initio, Synopsis Instituti descriptam Reverendissimo Chiemseensi Episcopo, prout iussus fuerat, exhibiturus. Ast ita redux lethali morbo correptum intelligens fidum Instituti Patrem ac Patronum Episcopum Chiemscensem mire indoluit; admissusque in conspectum decumbentis: *Heu Princeps Illustrissime, ingeminat ut video praeproperè nimis mors vitam vobis, spem mihi, meisque invidet longiorem; isque duro mortis imperio abitum parat. Et obitum, cuius praesentia summe mihi foret necessaria!* Haec verbis, caetera gemitibus agentis: *Ne turbemini,* respondet Episcopus, *Deus vobis auxiliabitur.* Plura colloqui hinc dolores, illinc lachrymae prohibere: pauloque post optimum hunc Principem, verumque patriae Patrem morte sublatum, Bartholomaeus coram vidit & ingemuit, tam funesti divortii prodromum ipsis defuncti Principis insignibus Bartholomaeo praeludentibus, quae gratae recordationis ergo limini conclavis sui super imposita Bartholomaeus sedula cautela fixerat & firmaverat, ea enim nulla vi, manu vel levissime tacta, rupta tamen in plura dissiliere fragmina, non vano tot adversorum praesagio, quae magno numero in Bartholomaeum sociatosque sibi Sacerdotes patrociniæ tanti Patris orbatos, vereque tunc orphanos irruerunt.

Hoc insperato casu res Instituti vix exsurgentis vehementer labefactari, spes suspendi, adversariis autem quidvis contra machinandi latissima via patere coepit; adeo namque favor Illustrissimi Principis & crebrior commendatio tenellos Instituti progressus solidaverat, ut Eminentissimus Archi-Praeful Paris Instituto pariter clementissime faverit, Parochias aliquot redivitis ferti-

liores contulerit, quin etiam de facto consenserit, ut Collegiata Tittmoningensis Bartholomaei Sacerdotibus integre jam collata certis quibusdam conditionibus Instituto stabiliter unienda traderetur; sed expeditarum jam desuper litterarum vigor cum Illustrissimi Chiemsfeensis Principis valetudine titubare, cum eroriente sic emori coepit, ut literae ne in lucem quidem prodierint.

In tantis ergo tamque diuturnis post Episcopi Chiemsfeensis mortem pressuris undequaque novo semper cumulo incurrentibus constitutus Bartholomaeus, licet ipse animo semper infractus esset, omnia tamen in perturbationem vergere, & quasi generalem Instituto defectionem imminere advertens, longam illam & spiritu plenam Epistolam anno 1644. scripsit, per quatuor ibidem posita fundamenta ad suos tunc Sacerdotes adversitatibus pressos, posterosque inter ejusmodi adversa in vocatione sua solidandos, animandosque. Alias etiam orctenus crebro ad illos distitare inter adversitatum procellas fuit solitus. *Esti omnes vos hodie me deseratis, cras de novo incipiam; scio ego, quae in hoc voluntas Dei sit, quid ab eo agendum acceperim, si vos abeat retrorsum, Deus alios habet, quos substituat.* Ita res Instituti, quae spem inter & metum pendere, vel malleum potius inter & incudem arctari videbatur, paulo robustior substitit. Solet enim Deus suos premi, sed non opprimi, solet adversis probare, sed insuper gratiam dare ad illa perferenda: ut testatur maximis vexatus & probatus adversis S. Paulus 1 Cor. 10. v. 13. *Fidelis autem Deus est, qui non patietur vos tentari supra id, quod potestis, sed faciet cum tentatione preventum, ut possitis sustinere.*



## §. IX.

*Instituto accedit D. Rieger, illudque Bartholomaeus promovere in Dioecesi Curienti satagit.*

Post creptum dura mortis necessitate optimum Patriae Principem, maximum Instituti Patronum, Bartholomaeus in Tyrolim ad suam Parochiam reversus vias, moerorisque comitem secum deduxit D. Joannem Weissenrieder Sacerdotem ex Italia reducem, quia juniorum DD. Comitum de Lichtenstein in Aula Chiemseensis Principis Instructor designatus rebus fatali casu Principis pariter collapsis ac mutatis, tanquam olim a studiis notus a Bartholomaeo ad hunc comitatum percomiter invitatus fuerat, nec invitationi paruisse poenituit, nam mensibus aliquot Bartholomaeo convivens ita placida illius consuetudine capiebatur, ut semper eidem convicturus nomen Instituto daret.

Solebat autem novus hic Instituti hospes frequentius meminisse zelosissimi cujusdam Sacerdotis Joannis Udalrici Rieger a se ante annos aliquot in peregrinatione ad B. Virginem in Eremito vulgo *Änsiedlen* conspecti, qui & Notarius Apostolicus, & a SS. Theologiae & SS. Canonum scientia nominatissimus Dilingae Doctor cum publico ac summo plausu renunciatus, ac dein Constantiae variis honestissimisque officiis dotatus, iis tamen praevalente animarum zelo dimissis, nunc Parochum agat in sua patria Fetsstetten loco non procul Schaffhusio ad Rhenum distante. Hinc Bartholomaeus, cui perquam jucundum erat crebriores de zelosis Sacerdotibus audire sermones festiva tanti viri mentione plurimum recreatus cogitare coepit, an non in rem suam vir illè quadraturus esset, nec multum deliberans re Deo commendata nunquam alias viso vel cognito litteras spiritu plenas scribit, sic easdem exorsus: *Novi te in spiritu &c.* has addita synopsi Instituti modo dicto Joanni Weissenrieder ad Riegerum perferendas committit, qui mense Majo 1644. iter aggressus litteras Riegero detulit, quibus perlectis,

elevata manu ac voce Riegerus: *Digitus Dei*, exclamat, *est hic, tu mihi affers magnos labores & magnas crucis*. Ac mox responsoriis per eundem Weissenrieder non absimili spiritu rescriptis talem sine dubio se prodidit, qualem Bartholomaeus eum esse opraverat; neque deinceps crucibus, laboribus & adversitatibus caruit, quas sibi obventuras praeviderat vix veracior sibi ipse Vates, si etiam duplicem Eliae spiritum consulisset. Bartholomaeus relatis ad se responsoriis ex manu virum, ex ungue leonem noscens tanta laetitia perfusus, tantaque coram videndi Riegeri cupidine succensus est, ut quamprimum licuit eodem videlicet anno 1644. sub finem Augusti praedicto Joanne Weissenriedero in viaducem & comitem assumpto Constantiam profectus, exindeque pergens in Fetsfetten Riegerum inviserit, quo cum triduo commoratus habita de pluribus peramica collatione, inclinatoque in partes Instituti Riegero itineri, quod fructuose coeperat, denuo insistere perrexit, ac pia peregrinatione ad caelitus consecratas B. Virginis aedes, in Eremo vulgo *Einsiedlen* perveniens etiam ibi triduo, ac ipso quidem S. Michaelis Archangeli festo, substitit.

Atque ut Oettingae similibusque locis Almae Virginis sacris facere consueverat, negotio Instituti Augustissimae caelorum Reginae humillime commendato digressus, per Helvetiam in Grisoniam, Curiam (quae sedes Episcopalis est) pervenit, ubi etiam triduum moratus RR. DD. Joanni Episcopo Curiensi S. R. I. Principi ferriem Instituti ac synopsis obtulit tam felici successu, ut mox non solum approbationem ac Instituti in Dioecesin introducendi licentiam obtinuerit, sed etiam publico Praefulis ac Principis illius Decreto Curiae 13. Octobr. anno 1644. dato omnibus Sacerdotibus Dioeceseos hoc Institutum amplecti liberrime permissum fuerit, addita pro eodem ferventius sectando adhortatione tali, qua tanti Principis zelus luculenter innotesceret; nec hisce lassata Praefulis clementia, commendatitias etiam superaddidit, quibus Curia discedentem Bartholomaeum benignif-

nignissime profecuta, Magistratui Feldkirchiano eundem magnopere commendavit. His a Principe provifus Feldkirchium intrat Bartholomaeus, exhibitisque ac publice lectis in Curia commendatitiis 15. Octobr. res in deliberationem tracta, integroque octiduo tractata, tandem ternis felfionibus pro Sacerdotibus Inftituti cum habendarum fcholarum onere in civitatem affumendis decifa eft, Magiftratu praeter aedes peramplas omnia promittente, Bartholomaeo autem duos Sacerdotes intra bimeftre mittendos viciffim fpondente. Ita fluente ad votum itinere Bartholomaeus nil ultra cunclandum ratus ad Parochiam properat, ad eamque fub finem Octobris reverfus D. Martinum Wallraff & D. Bartholomaeum Lechle, quos huic miffioni judicabat idoneos, Salisburgum tendere ac dimiffionem a Cura & Canonicatu Tittmoningano quaerere jubet. At his quidem juffa quam promptiffime exequentibus fupra faepe memoratus Confiliarius pro fua, qua in confilio Ecclefiaftico pollebat, authoritate obfiftens, dimiffionem negari facit, juffis dein iterato fortius inftare, fortius obfiftitur, & pertinacius dimiffio negatur: ut adeo multum ultra condiclum bimeftre protractis moris ac remoris opportuniffima illa Feldkirchianae conditionis occasio avolaverit, qua elapfa dimiffio binis illis Sacerdotibus, fed fero nimis, data eft, nam fub initium anni 1645. ambiguo itinere Feldkirchium profecti, Magiftratum mora diuturniore fufpenfum alio jam modo providiffie intelligentes, viam in Tyrolim relegere debuere, plaudentibus adverfariis, fic a prioribus beneficiis dimiffos pro confequendis ulterio-ribus etiam in vanum cucuriffie, ac fic utrobique fuiffe delufos.

## §. X.

*Bartholomaeus conatur Institutum introducere  
in Dioecesin Augustanam.*

**E**tsi vero nocivis adversariorum machinis proficua Bartholomaei consilia cum missione Feldkirchiana pepitatus dissipata fuerint, ita tamen absterreri non potuit, quin ultiores semper Instituti progressus meditaretur, ac maxime, qua via, quibusve mediis illud in Augustanam Dioecesin (quae Bartholomaei patria est) introduceret. Hujus intentionis facilius exequendae vicinam spem peperisse videbatur prona Parochi Fridbergensis obsequia Bartholomaeo delata, qui, ut totus illius esset, Instituto se dederat, cumque locus illi uno duntaxat milliari Augusta distet, eo jam cogitationes tendebat, ut ibidem Seminariolum aliquod adolescentum constitueretur; quo sine bona quaedam Fridbergae adjacentia Bartholomaeus emptione comparaverat, notabilemque pretii portionem, quinque florenorum millia excedentem inparata pecunia, tam a suis Sacerdotibus, quam aliis benefactoribus, collecta jam persolverat, bonorum illorum, uti & Seminarioli erigendi Administratore designato Parocho Fridbergensi; sed res haec sat quidem bene a Bartholomaeo intenta, non tamen sat belle secundum saeculi styllum ponderata, pluribus obstaculis & impedimentis ex emptione haud satis astuta negotiandi peritia & aemulorum vigilantia incurrentibus, progressum non habuit, sed cum ingenti plurium millium damno, quod emptio illa intulit, ac post se deinceps traxit Bartholomaeum cum suis sequacibus peracerbe prostituit, & confudit, ea maxime tempestate, qua tum Salisburgi ab adversariis dire pressus, tum Tittmoningae ac alibi turbis etiam intestinis ac domesticis agitatus, foris pugnas, intus timores absque numero sentiebat undequaque irruentes, ut mirum sit Bartholomaeum animo tunc diminutum non esse, sed tanta fortitudine, perseverantiaque pie caeptis inhaesisse.

Verum

Verum cum certus esset Bartholomaeus opus a se urgeri, quod duplici titulo Dei opus esset, utpote a Deo & pro Deo; idcirco associato huic certitudini amore Dei omnia vincente, ac vinci per omnia nescio, tanto fortius vires exercuit, quanto pertinacius se circumquaque premi conspexit. Hinc quamvis emptio tum sinistro eventu successisset, aliud tentavit remedium, ut sine intento potiretur. Augustam contendit & Reverendissimo illinc Capitulo Cathedrali una cum libello supplici summarium Instituti sui, ea, qua par erat, reverentia & humilitate porrexit, ejusdemque in Dioecesin illam introducendi facultatem sollicitavit. Ad hujus negotii faciliorem successum, cum multos singulatim informasset, erant inter reliquos in Capitulo Cathedrali duo fratres uterini, alter Reverendissimus D. de Rechberg, postea Praepositus Elvacensis & S. R. I. Princeps, & alter Reverendissimus D. Joannes Christophorus a Freyburg, qui contrariam opinionem tuitus, rejiciendum Institutum censuit ob exemptionis periculum; Primus contra nitebatur contempto periculo ut improbabili, sed Secundi opinio praevaluit, & jussus est Bartholomaeus facessere cum suo Instituto. Successu temporis, qui Instituto favebat Celsissimus D. D. de Rechberg, ad extrema deductus est, quem invisit frater uterinus de Freyberg, huic ille Institutum denuo commendat, uti rem Deo placitam, ejusque gloriae propagandae apprimae natam, nec non ad gravia in Clero scandala & peccata arcenda, multorumque aeternam salutem procurandam; atque idcirco, *Ego, inquiebat, mitius memet a Deo, coram cujus tribunali propediem me statutum intelligo, judicandum spero, licet Domino Fratre, aliisque contra nitentibus intentum obtinere tunc non poterim. Veruntamen universae carnis viam jamjam ingressurus Domino Fratri hanc eandem causam D. Bartholomaei & Instituti ejus commendare & synopsis, quam Capitulo Cathedrali obtulit, & hactenus penes me retinui, consignare in manus velui, rogans & ob-*  
*testans*

*testans etiam atque etiam, ut illud non tantum apud se retinere, sed & cordi habere dignetur.* Atque una synopsis in manus tradidit Domino de Freyberg, qui illam certo loco deposuit absque efficaci tamen voluntate Institutum promovendi. Moritur interea Reverendissimus Praepositus D. de Rechberg, & in ipsius locum succedit ipse Dominus Frater de Freyberg. Ad quem, cum aliquando diverteret Reverendissimus D. D. Franciscus Ludovicus Faust a Stromberg Ecclesiarum Cathedralis Herbipolensis Praepositus & Equestris Comburgensis Decanus retulit ei de Instituto, quod illud Herbipoli receptum sit, & Seminarium S. Kiliani eidem ad dirigendum commissum. Ad haec Dominus Praepositus ait: Ad hanc nostram quoque Dioecesin Augustanam admitti petierunt, verum rejecti sunt ex eo, quod membra Instituti a Superioribus regantur, unde gravis conjectura & suspicio est, eos aliquando fore exemptos a DD. Ordinariis, quemadmodum & multi Religiosi Ordines, unde & non minus cum illis, quam cum istis habituri sunt Episcopi tricas & rixas inextricabiles. Ad quae nullum prorsus, respondit RR. D. Faust a Stromberg, hujuscemodi exemptionis periculum ab hisce Clericis aliquando timendum est, cum sancte & jurata fide promittant se nulla ratione cooperaturos, ut haec ipforum vita RR. DD. Ordinariorum jurisdictione aliquando eximatur: quae cum RR. D. Praepositus difficile crederet, id D. Faust a Stromberg se ex instrumento desuper confecto demonstraturum promittit, aiebat Reverendissimus D. Praepositus videre documenta, quae & in tempore a D. Faust de Stromberg Herbipoli reduce submissa sunt. Solutus dubio RR. D. Praepositus, ac de caetero salutarem statum animadvertens, statim duos de Instituto Sacerdotes evocavit Herbipoli, quos in suo Districtu & in ipsa Praepositura promovit. Interea synopsis relegere volens certo loco depositam, mittit famulum, qui libellum afferret, is lustratis locis assignatis nihil reperit, & regreditur, quem Dominus denuo mittit, ut his & his

his locis accuratius inquirat, & redit vacuus, dumque RR. D. Praepositus miratur, ubi delitescat libellus. Ecce! Mopsus, dilectus canis domesticus in ore portans chartam ludit coram Domino suo cui Princeps blanditur, ut chartam ad se deferat, hanc ille obsequiose offert Domino ad manus suas, quam cum inspexisset princeps, miratur eundem libellum esse, quem inquiri tam sollicitè mandaret. Tunc nutum Dei apprehendens intellexit, ea suavi insinuatione indubie a Deo sibi commendari Institutum. Post haec factus Episcopus Augustanus recepit illud etiam in Dioecesin Augustanam collatis pluribus Parochiis & beneficiis Sacerdotibus Instituti; insuper Seminarium Dillingae (quae ordinaria Sedes Episcopalis celeberrima Academia incluta civitas est) sub titulo S. Francisci de Sales juxta Constitutiones Instituti erexit anno 1665. ejusdemque directionem Sacerdotibus Instituti clementissime demandavit. Atque per hujusmodi eventus insperatos DEUS multo suavius, quam rationibus aut sollicitationibus, importunisve intercessionibus humiles perducit ad fines suos.

## §. XI.

### *Bartholomaeus cogitat Romae confirmationem Instituti impetrare.*

Cum ergo Bartholomaeus experientia doceretur, gregem suum pusillum in varias terrarum partes dilatari, ac inter adverſa crescere, eique se aggregare piissimos Sacerdotes, inter quos erat nobile par Virorum D. Joannes Uldalricus Rieger, & D. Joannes Vogt SS. Theol. Doctor Parochus & Decanus in Deisendorff amplo & celebri Archi-Dioecesis Salisburgensis oppido. Ambo Viri, quorum pietas non defuit ea tempeſtate, horum consiliis & auxiliis familiariter utebatur Bartholomaeus, cum quibus & statuerat Romam petere, & apostolicæ Sedi negotium Instituti proponere, dum maxime, quando comitantibus Serenissimi Ducis & Electoris

ris Bavariae Maximiliani comendatitiis litteris, quae in fine huius §. adjunguntur, expeditionis serenior spes affulgere videbatur. Verum cum ad hujusmodi iter perficiendum necessaria fuerit licentia, & quidem Joanni Vogtio ab Ordinariatu Salisburgensi, Bartholomaeo vero a Chiemseensi, & hanc licentiam non invenirent, sed ambo in suis Parochiis omnino subsistere essent jussi, Bartholomaeus libellum supplicem ad Innocentium Papam X. Riegero committens, eundem cum Electoralibus commendatitiis anno 1647. circa finem Martii Romam ablegat, qui procurante Illustrissimo Farnesio, antea Lucernae in Helvetia Nuntio Apostolico, dum vero S. R. E. purpurato Patre, magno Riegeri Fautore ac Patrono ad osculum pedum suae Sanctitatis admissus, libellum exhibuit, ac deia a sacra Congregatione Episcoporum & Regularium auditus, hoc responsum reportavit: *Rem Instituti hujus piam & sanctam, & juxta antiquos Ecclesiae Canones esse, quae confirmatione non indigeat, cum profiteatur hoc ipsum, quod primae Christianitatis Clerus fecit; eant igitur in pace, & cum omni benedictione deducant in praxin.* Quid porro de Instituto Serenissimus Bavariae Dux & Elector Maximilianus senserit, ejus litterae ad Summum Pontificem datae, manifestant, quae, quia fidem juxta ac lucem narratis haud obscuram superaddere possunt, hic subjunguntur; *Beatissime Pater! Inter caetera, quae ardentibus votis a Deo jam dudum duxi esse expetenda, istud non est inter postrema, nimirum ut proborum Sacerdotum, quibus Parochiarum & animarum cura tuto & cum fructu committatur, ea sit copia, virtus & industria, quos tanti momenti res & populorum pretioso sanguine redemptorum necessitas requirunt. Ad hoc genus operae videtur hisce difficillimis temporibus, cum sat magna in hisce regionibus est talium operariorum infrequentia, & hominum sortis inferioris, ruditas, Divina Benignitas excitasse animos quorundam Presbyterorum, quibus id unice propositum est, ut juxta normam SS. Canonum & vi-*

sac



*sae Ecclesiasticae, quoad ejus fieri poterit, honestatem atque puritatem parochialibus functionibus penitus ad- dicti DEI honorem & salutem animarum sincere atque vigilanter una cum propria perfectione procurent. Coe- perunt hi tum in meis ditionibus, tum in vicinia ali- quot abhinc annis suorum laborum, pietatis, zeli, integritatis, & in orthodoxa rudiorum institutione, non mediocris doctrinae cum magna eorum, apud quos versati sunt, approbatione, specimen egregium, edere, ut spes sit longe uberioris emolumenti, si in aliquam Congregationis formam, prout ipsi quam maxime desi- derant, solide coalescere & mutuis sese tum auxiliis, tum directione atque excitamentis ad eam, quam sibi proposuerunt, vitae purioris normam constanter pro- vehere Divina gratia opitulante valeant. Ad quod, cum imprimis Sanctitatis Vestrae Suprema Autoritas & Benedictio sit necessaria, ejusce Instituti secundum Deum Author Reverendus & mihi sincere dilectus Bar- tholomaeus Holtzbauser SS. Theologiae Licentiatus, Episcopi Chiemseensis Vicarius, & ad S. Joannem Leog- enthalii Decanus una cum duobus aliis ejusdem propo- siti Sociis ad Sanctitatis Vestrae pedes supplices futurè Romam proficiscuntur. Non potui verò eos mea com- mendatione non prosequi, ratus me & Divino Numini & Sanctitati Vestrae rem gratam praestare, qua possum (ut quidem facio) animi contentione & devotione sup- plicando, ut Sanctitas Vestra pro summo suo in rem Christianam & gregem a Deo sibi commissum affectu eos benigne, elementerque accipere, & eorum votis (quod laetius ipsi expectabunt) paterne dignetur annuere. Faciet Sanctitas Vestra rem Caelitibus acceptissimam, Clero proficuum, plebi valde necessariam, mihi vero apprime jucundam, meque novo singularis plane bene- ficii nexu sibi reidet obstrictum. Datae Isereggii die 9. mensis Augusti 1646.*

## §. XII.

*Bartholomaeus Tyrolensibus suis in fame succurrit, Seminario suum Salisburgo Ingolstadtum transfert.*

Circa annum 1649. rarefcentibus in Tyroli frumentis fames haud modice circa loca ubi debebat Bartholomaeus, invaluit, ac licet ea, quae Bartholomaeus reservaverat frumenta partim iis, qui solvendo erant, mediocri pretio divenderet, partim tenuioribus gratis distribueret, partim etiam in egenos eleemosynae loco profunderet, tantilla tamen portione reprimendae communi plurium necessitati se non sufficientem fore advertens, talia meditari consilia coepit, quibus non solum animarum se, sed corporum etiam ac vitae Curatorem, Tutoremque monstraret: hinc mutuo conquisita in Jochberg pecunia Sacellanum suum D. Georgium Eberle Monachium misit, Serenissimo Elefctori Maximiliano supplicaturum pro licentia quaedam e Bavaria frumenta in Tyrolim evhendi; severa namque prohibitione cautum erat, ne frumentorum quidquam extra patriam distraheretur. Impetrata ex clementissimo ac singulari prorsus favore facultate pro trecentis septuaginta quinque saccis avehendis, mox ad ea Bavariae loca, ubi Sacerdotes Instituti habitabant, litteras ablegavit, ac frumentis partim parata pecunia solutis, partim dono acceptis, quadraginta quinque trahas ex Tyroli una vice hyemali tempore missas onerari fecit, ac in Tyrolim transportari, quo pluries facto plurimorum, qui alias fame periclitati erant, necessitatem sublevavit, ac penitus sustulit, pauperibus quidem gratis subministrando, opulentioribus autem quibusdam medio, nonnullis infimo pretio divendendo, sicque plurimorum necessitati consulens famem longius abscedere coëgit.

Circa tempus idem videns Bartholomaeus Alumnos suos ab anno 1643. Salisburgi sustentatos haud amplius ibidem

ibidem subsistere posse, tum propter annonae caritatem, tum plures etiam alias ob causas Ingolstadium, illos numero decem misit designato D. Joanne Weissenrieder eorundem Doctore ac Praefecto, Sacerdotibus autem & Parochis linteamina, calceos, aliaque vestimenta contribuentibus. Ingolstadii vero a D. Doctore Joanne Jacobo Lossio domo accepti & victu, lectis, aliisque necessariis ad quatuor fere annos quoad magnam partem benedice provisi sunt, Bartholomaeo, ac Sacerdotibus ejus subinde, quantum poterant, subsidia addentibus, quae tamen eo tempore modicum effectura fuissent, nisi dictus D. Doctor Lossius, ejusque Domina Conjux adrepentes crebro defectus sua liberalitate supplissent, quam tanto praestitere libentius, quanto se per Bartholomaeum a Deo largiori benedictione ditatos ambo profitebantur.

Quia etiam memoratum D. Doctorem Lossium tanta tenuit cura, studiumque, salutarem Bartholomaei intentionem promovendi, ut non modo eundem ac virtutes ejus passim depraedicaret, sed omnibus etiam, quos nosse poterat, Sacerdotibus author esset ac suaderet, ut, si vitam sacerdotalem integram, inculpatamque vivere, ac suas in securo animas servare vellent, Bartholomaeo ac Instituto se adjungerent. Nec surdis fabellam tanti viri cecinit Authoritas. Plures namque tunc ac deinceps e Clero Saeculari ruminato, probeque discussio talium consiliorum pondere inclinati in partes Instituti transierunt, & quidem praecipui sunt sequentes: Andreas Burckard, D. Wilhelmus Pfister, Cooperatores ad S. Mauritium Ingolstadii, D. Joannes Casparus Kühner SS. Theol. Licent. postea Episcopus Centuriensis & Suffraganeus Frisingensis, D. Joannes Gerstmayer, D. Stephanus Weinberger, SS. Theol. Licent. dein Episcopus Domitiopolitanus & Suffraganeus Herbipolensis, D. Michael Meillinger, D. Casper Eisenberger, D. Joannes Sermodi, D. Adrianus Wolfgangus Neffzer, & alii usque ad annum 1650.

## §. XIII.

*Bartholomaeus cum Episcopo Ratisbonensi de Seminario constituendo tractat.*

**A**nno 1650. apud Reverendissimum & Cellissimum Principem Franciscum Wilhelmum Comitem de Wartenberg, Episcopum Osnabrugensem, Mindensem & Verdensensem, etiam Episcopum Ratisbonensem, ac deinceps S. R. E. Cardinalem Bartholomaeus innotescere coepit, qui, ut erat vere Episcopus doctrina, longoque curae pastoralis usu & experientia, zeloque praepriis insignis, Instituti ratione percepta, de Seminario & Alumnatu Ratisbonae per Instituti Sacerdotes ordinando, cum Bartholomaeo clementissime convenit, illudque praecipue tunc conclusum, ut circa 22. Septembris eodem anno currente Sacerdotes Instituti haud dubie securi de clementissima dispositione ac omnimoda provisione Principis pro regendo Seminario, administrandaque Parochia S. Udalrici Ratisbonam accederent: sed casus, quo plura corrumpere consilia, negotio necessariam Episcopi praesentiam subtraxit; inopinato namque nuntio mortem Serenissimi Archi-Episcopi & Principis Electoris Coloniensis Ferdinandi divulgante, qui circa Idas Septembris 1650. vivere desierat, Ratisbonensem Episcopum Coloniā omnino properare necesse erat, quapropter Aula festinantis imperio Principis ad iter altera statim post acceptum nuntium die inchoandum accingi iussa, Episcopus indicto altero mane Consiliariis conventu inter alia, quae circa Seminarium suum & Alumnatum statuisset, ac porro fieri vellet, mandat: unde mox D. Michael Rottmayer ad S. Udalricum Parochus, ac simul Seminarii Praefes esse jubetur. Verum Episcopo Ratisbona Coloniā, indeque paulo post ad suos Episcopatus in Westphaliā digresso, cum ante annum 1652. vix reversurus crederetur, & quidam non postremae virtutis viri rem Instituti difficilem arduamque redderent, Michael Rottmayer, ne incertae sese fortunae exponeret, relicto apud

apud Alumnos D. Joanne Weissenrieder ad Parochiam suam Erdingenfem reversurus discessit, cumque Alumni ac eorundem Praefecti praeter alia gravamina quotidianam etiam Chori frequentationem sibi cernerent imminere, ad unum omnes Seminarium deseruere, solo D. Weissenrieder tantisper subsistente; donec rationibus oeconomicis aliisque Episcopo transcriptis & ipse tandem munere ac loco cum bona gratia cessit; ac licet Cellissimus Princeps mox, ut sinistrum suae intentionis successum inaudiret, vehementer commotus litteris Ratisbonam datis eos peracerbe culpaverit, qui mandatum post se relictum evertissent, tot tamen tractu temporis impedimenta, tamque varia intervenerunt obstacula, ut de restaurando Seminario consilia priora nec prosequi, nec nova meditari permiserint. Nec tamen Cellissimus ille Princeps & a pastoralis vigilantia, zeloque commendatissimus Episcopus Instituto, ejusque Affectis clementissime favere desiit, quando suamet autoritate ac publicis litteris Clero suo Ratisbonensi Institutum proponens anno 1653. licentiam omnibus fecit, illi, quotquot vellet, sese adjungendi. Denique favorem, quem erga Institutum ejusque membra, gratiose habebat, per hoc publice fuit attestatus, quanto quatuor Sacerdotes Instituti vocavit Ratisbonam ad solemnitatem insignium duorum corporum Sanctorum Osnabrugo allatorum, quorum Lypsana praedicti, quatuor Sacerdotes deportaverunt in humeris suis.

#### §. XIV.

*Bartholomaeus magna rei familiaris necessitate premittitur propter ablatas decimas.*

NOVAE ac triennalis tragoediae prologum annus hic 1651. Bartholomaeo ac Sacerdotibus ejus, totique familiae tristi scena praelusit, in qua tamen, orando & perorando, agendo & patiendo Bartholomaeus personam suam insigniter exhibuit, gravibus & mirandis afflictio-

nibus ex improvifo turmatim irruentibus per id tempus vehementer agitatus. Poſcebantur Archi-Ducalis Regiminis Oenipontani Mandato ſteurae ſeu tributa a Bartholomaeo, & aliis ſub Decanatu Clericis, caeterum inconſuetae, & quae contra libertatem Eccleſiaſticaſe eſſe videbantur, nec poterat Bartholomaeus, quin tam inſolitas exactiones RR. D. D. Ordinario ſuo Epifcopo Chiemſcenſi, qui tunc ex Comitibus de Spaur erat, pro Decanalif officii diſclamine referret. Cum vero Chiemſcenſis Praeful tantum libertatis Eccleſiaſticae praejudiciuſ ferret iniquiuſ, Bartholomaeo ſevera prohibitione vetuit, ne vel ipſe talia tributa penderet, vel ea, a quoquam in Decanali Diſtrictu praeflari permetteret. Iguir praetenta libertate Eccleſiaſtica apud exactores ſeſe Bartholomaeus excuſat; verum nil attenta quantumcunque juſta excuſatione via facti proceditur contra Bartholomaeuſ, inchoato ab executione proceſſu, qua decimae, quas in Jochberg loco duabus circiter horis a reſidentia Decanali diſtante collectas granario, utpote principaliorem parochialiuſ reddituum portionem, jam intulerat, vi ſublatae & aveſtae ſunt; ac licet pro his recipiendis crebrior inſtantia moveretur, nil tamen plus contra fortiorem vires Chiemſcenſis Epifcopi, quam preces Bartholomaei proſecerunt; quin penitus evanefcente recipiendaruſ frugum ſpe, quo doloroſius plaga plagam contingeret, nova paulo poſt executione etiam pecora ſunt abacta.

Ita neceſſariis alendae familiae mediis circumquaque deſluentibus ſola Bartholomaeo remanſit durae materiae patientiae. Tametſi vero multiplici reruſ clade & peracerba potiſſimorum proventuum ſubtractione Bartholomaeus cum familia & Studioſis Ingolſtadii degentibus mirum in modum arctari coeperit, his tamen novercantis fortunae injuriis haud animo minui vel frangi potuit, quin potius iis ceu ſtimulis uſus alacriori niſu ſpes ac res ſuas Bonitati, Providentiaeque Divinae tranſcripſit, & totuſ quantuſ in Dei voluntatem reſignatuſ domeſticos pariter non raro monuit, ne vel modicuſ

tot

tot inquietae fortis assultibus turbarentur, sed meminissent acerbiora etiam sanctioribus tentamina obvenire non ad dejectionem, sed probationem, nec dubitarent sese modicum nunc passos, sereniori post nubila Phoebo recreandos, atque ut, quos firmabat verbo, firmius solidaret exemplo, eadem semper frontis serenitate ac manu liberalitate, pauperibus eleemosynas, familiae duodecim personis supra famulitium constanti, nil prorsus imminutae consueta vitae stipendia ac subsidia, hospitibus quotidie ob frequentem loci transitum adventantibus solitam hospitalitatem peramanter indulgit, nil horum ulli unquam deesse passus, unicum vero ac firmissimum ea tempestate in precibus tam frequentioribus, quam firmioribus asylum & ipse quaesivit, & aliis quaerendum confidentius suasit, quibusque potuit, injunxit; unde etiam, qui cum eo preces horarias dicere consueverant, tunc potissimum observavere, ubi in hymno Ambrosiano ad ea verba deventum: *In te, Domine, speravi, &c.* constrictis fortius manibus, mendentibus & in caelum elatis oculis, ac non raro copiosas lachrymas distillantibus ea verba protulisse, ac singultibus imo pectore prorumpentibus miscuisse.

Familiares insuper Bartholomaeo erat ad mensam suos ad fiduciam adhortari, jubereque, ut bono essent animo, quandoque etiam interrogare, an in victu aliquid desiderarent, non raro dicebat. *Ecce, omnia mea mihi ablata sunt, sed Deo, qui dat jumentis escam ipsorum, misericorditer disponente nihil nobis in necessariis deest*, idque tam veraciter asserere poterat, ut Sacellani tum temporis eidem cohabitantes scripto reliquerint, manifestam se Dei benedictionem per illud tempus observasse, miratosque saepe esse quomodo fieri potuerit, ut in tanta rerum penuria tam liberali mensa ita constanter fruerentur, & quomodo familiae tam numerosae, hospitibusque quotidianis res Bartholomaei tunc tam arctae sufficere potuerint. Sed & Studiosi Ingolstadio in vacantia ex Seminario digressi, atque ad te-

rendas fructuosius ferias vacantiarum in domo Decanali divertentes notavere, quod dum bene famelici ad mensam accederent, crebriusque timerent cibos appositos esuriei suae nullatenus suffecturos, quamvis strenue semper manducaverint, ciborum tamen imminutionem advertere non potuerint, quin etiam ipsomet Bartholomaeo mensae aliquando adstante & ad manducandum animante saturatis omnibus plus visum sit a mensa reportari, quam illatum fuerat, Bartholomaeo mira vultus serenitate in haec verba prorumpente: *Ecce benedictio Domini.* Nec raro Deus in hac aut simili necessitate parem prorsus, aut etiam miraculo viciniorem succurrendi modum Bartholomaeo reservavit.

## §. XV.

## De Vocatione Bartholomaei &amp; suorum in Franciam, &amp; Archi-Dioecesi Moguntinam.

**D**egustatis igitur in Tyroli ac decoctis ultra decennium pluribus, iisque amarissimis ac pene continuis invidae fortunae bolis, tandem dulciora promeritus Bartholomaeus ex iis montium asperitatibus, valliumque angustiis in liberiores auras Divina dispositione mirabiliter evocatus est, ut forte fortis lactioris fertilitate paululum respiraret, qui morosioris decennali sterilitate multum angi & algere debuerat. Agebantur Ratisbonae Comitibus Imperialia circa annum 1653. quibus Imperator ipse Ferdinandus III. praesens, ac Praefes erat cum Serenissimo Filio Ferdinando IV. Romanorum Rege noviter electo, quem quasi in flore tantummodo imperio ac orbi ostensum fatali, pruina mors insperata non multo post decoxit magno populorum luctu. Nec xero amor Imperatoris, quam eminentia muneris ab iis Comitibus abesse patiebantur. Eminentissimum S. R. I. Principem Electorem JOANNEM PHILIPPUM, per Germaniam Archi-Cancellarium, Archi-Episcopum Moguntinum, Episcopum Herbipolensem & Franciae Orientalis



talis Ducem ex Illustrissimo stemmate de *Schönbörn*,  
cujus jam tunc virtutum, illustriumque laborum ac ma-  
xime prudentiae fama postremis Europae terminis inno-  
tuerat. Huic immortalis memoriae Principi lapsus Rhe-  
dae brachium tam graviter affixerat, ut laesioni, do-  
lorique mitigando de Medicorum consilio necessarium  
e Thermis remedium petendum decerneretur, suade-  
bantur autem illae, quas cura feliciori inclytas in Kastein  
loco Patriae Salisburgensis haud dubia plurium vota  
commendaverant. His thermis ad votum fluentibus  
perutiliter usus dum Ratisbonam revertitur, summis ab  
Archi-Episcopo Salisburgensi per Archi-Dioecesin, qua  
iter erat, honoribus afficitur, addito ex Nomine Archi-  
Episcopi per patriam honorario viae Comite ac Ductore  
Reverendissimo ac Illustrissimo Domino Carolo Comite  
de Lichtenstein Metropolitanae Salisburgensis Decano,  
ac dein Archi-Episcopo. Cumque secunda Salza flumi-  
ne navigio descendentibus transitus esset per Tittmonin-  
gam; primo statim ingressu fama tanti Electoris evocata  
civitas concurrit, inter varios spectatorum cuneos ad  
muros coemiterii sex ordine Sacerdotes demissa reveren-  
tia praetervectum rheda Principem humillime salutari-  
tes, sua devote stitere servitia: Horum conspectu tantus  
Electör, dum, qui nam ii essent Clerici, Comitem in-  
terrogat, mox eos esse intelligit, quorum paulo prius  
in navi mentionem fallendi temporis studium, variique  
discursus ingesserunt; illos ergo prius discursu, nunc  
ipsomet visu sibi perjucunde descriptos Sacerdotes orete-  
nus alloquendi, deque eorum vitae ratione viciniora  
cognoscendi cupidus Electör, ubi in arcem Tittmonin-  
ganam devenum est, ibidemque pernoctare decretum,  
eorum Sacerdotum unum vocari poscit, ac sine mora  
Collegiatae Decanus Leonardus Siberer (cujus supra C. II.  
§. III. memini) adesse jussus, clementissima potitus est  
audientia: Exinde de statu Collegiatae Ecclesiae, Sacer-  
dotum numero, convivendique modo, ac potissimum  
Instituti norma, rationeque interrogatus perquam mo-

desse respondit. Flagitanti autem Eminentissimo Archi-Praefuli, ut, quae de Instituto partim oretenus retulisset, partim ulterius referenda nosset, scripto consignata traderet, secura fide promisit, effecturum se, ut intra paucas septimanas plena series Instituti per ipsummet ejus Praelidem Bartholomaeum in Tyroli de facto morantem Ratisbonam vel mittatur, vel quod ominari pronius posset, ipsomet Praefide bajulo transferatur: rem sibi pergratam fore subjecit Elector, seque Ratisbonae tantisper Imperialibus negotiis immoraturum, ipse Praefidi locum ac tempus eodem accedendi non defuturum. Nec in hisce Bartholomaeo communicandis Decanus segnis extitit, quare de petito, desiderioque perquam cupidi Principis certior factus, adorata Divina Providentia ex Tyroli in Bavariam Erdingam se confert, communicatisque cum loci Parocho Michaeli Rottmayer consiliis, quin & ipsomet Parocho in viae comitem assumpto Frisinga Ratisbonam contendit, sed avernalis piorum omnium adversarius itineri datos variis & miris impedimentis identidem agitare, ac Michaeli Rottmayer insuper in praesentissimum vitae periculum inducto remorari conatus est: cogitationes nimirum incremento gloriae Dei, totque animarum bono natas inprimis incunabulis suffocaturus, aut certe tam salutaria consilia parturientes inultos esse haud passurus.

Eluctati tandem ubi incolumes Ratisbonam in Aulam Electoralem advenerunt, nimia negotiorum Imperialium mole, quae Principem gravabat, quotidie praeventi, nonnisi triduana tandem expectatione aditum ad Eminentissimum Principem consecuti tantoque clementius excepti sunt, quanto diutius aditum praestolari debuerant. Dein Bartholomaeus diuturno Principis voto tali relationis zelo, ac nervo dictionis respondere coepit, ut animum Principis primo statim alloquio venatus, etiam imo de pectore latentia suspiria pluries evocaverit. Nec poterat se cohibere zelosissimus Princeps, quin audita narratorum serie crebrius in haec verba prorrueret:

rueret: *Deus omnipotens vos ad me direxit: Diu rem talem agitavi, sed virum, qui manum praeberet, negotiumve dirigeret, habere non potui.* Dehinc Eminentissimus Elector Seminarii S. Kiliani Herbipolensis meminisse, interrogareque coepit, an ejus curam, directionemque suscipere & Alumnos ad Instituti normam educare vellet? pro quo Bartholomaeus ad deliberandum tridui spatium rogavit, eoque perlubenter dato, quam potuit enixissime rem Divinae Bonitati commendavit, ac certis postea conditionibus acceptationem oblatae susceptionis resolvit, conventumque fuit, ut circa 22. Novembr. 1653. Sacerdotes tres, qui Seminario praecessissent, Ratisbonam ablegarentur, inde cum Reverendissimo & Illustrissimo D. Decano Metropolitanae Moguntinae Domino de Saal (qui circa id tempus reditura Moguntiam versus meditabatur) Herbipolim ituri, ad hanc spartam sunt delecti Joannes Udalricus Rieger, Andreas Burckardt, & Joannes Weissenrieder, qui praestituti temporis observantissimi Ratisbonam appellentes ad ultimam anni periodum ibidem subsistere sunt coacti, donec finiente Decembri Ratisbona discedentem Decanum Metropolitanum Reverendissimum & Illustrissimum D. de Saal comitati, 5. Januarii subsequenter anni 1654. Herbipolim attingerent. His tribus in Seminarium S. Kiliani Eminentissimi Nomine introductis Reverendissimus de Saal tertio statim post die Moguntiam descendere cogitarat, sed podagrae doloribus iter omnino prohibentibus retentus, lectoque ad sex circiter septimanas affixus est; Deo forsan tanti viri gressus sistente, ne inchoatus Instituti progressus sisteretur: nam primo statim introitu Herbipoli unum perinde fere erat novos hospites videre, ac iis invidere, circaque illos, ac introductionem Instituti talia movebantur, quae in Electoris absentia nonnisi illustrem praesentiam saepe dicti Reverendissimi tantisper revereri velle videbantur, ubi tamen circa Pentecosten Archi-Praeful Ratisbona redux, patriae redditus est, Eminentissimi tanti Principis authoritas

tas & prudentia subortas nebulas sua dexteritate suppressit, vel serenavit; id tamen introducto jam Instituto ingenuè persaepe fassus, se per totum sui Regiminis tempus tantas oppositiones, quales in Instituto in Dioeceses suas introducendo persensisset, nunquam habuisse.

## §. XVI.

*Nibustus ab Eminentissimo Joanne Philippo Ingolstadium mittitur, ejusque de Instituto relatio.*

**A**udiens interea temporis Eminentissimus Elector, Bartholomaeum habere Seminarium & Alumnos Ingolstadii, voluit pro sua prudentia & sagacitate, ne caecus incognitos assumeret, de eorum vita & moribus paulo accuratius indagare & inquirere per suos. Misit idcirco Bertholdum Nibustum intimum suum, postea Erfordiensem Suffraganeum, Ingolstadium, ut apud viros graves plenam notitiam eorum habentes de veritate edoceretur; qui talia audivit, quae nullo modo abluderent a praeeconcepta optima opinione & praesumptione de tali vita Clericali. Quae vero praedictus Commissarius ex auditu retulit Eminentissimo Electori, ea postmodum & scripto consignavit, hic adnectere placuit: *Sub Martii proximi finem, cum excurissem Ratisbona Ingolstadium ex D. Joanne Jacobo Lossio, J. U. Doctore & Professore, nec non Consiliario Electorali Bavarico (apud quem P. Heferi ductu diverteram) praeclara multa, imo admiranda cognovi, dum de D. Bartholomaeo Holtzhausero (quem jam inde ab adolescentia perspectissimum sibi esse amicum dicebat) tum de Instituto, Seminarioque Ingolstadiensi, cujus utriusque idem iste Author. Ingeminabat ille Doctor Lossius, ex quo caepisset additus esse penitus, ac beneficium se praebere & viro ei, & sectatoribus ipsius benedictionem a Deo sibi, suisque obtigisse notabilem. Addebat rerum ad D. Bartholomaeum pertinentium neminem alium magis conscium esse duobus Patribus Societatis JESU P. Georgio Lyprando, &*  
P. Pe-

P. Petro Breiero SS. Theologiae Doctoribus & Professoribus apud Ingolstadienses, ut aetate, sic doctrina atque auctoritate primis, ipse quippe D. Holtzhauseri Magistris Academicis, & illo etiam Confessario; quos deinde accedens comperi & consentire prorsus D. Loffio (quem profitebantur quoque esse gnarum cum primis momentorum hic omnium) & majores etiam agere Encomiastatum D. Holtzhauseri, tum instituti, nec dubitanter asseverare, quod digitus Dei esset ibi omnino, & boni maximi spem faceret Germaniae Regnisque pluribus, ubi desiderantur Parochi moribus integri. Adeoque P. Breierus Seminarium Bartholomaeorum Ingolstadiense maximis afficiebat laudibus, & cum valedicerem, suam finiebat narrationem hoc Epiphonemate: Quicumque Institutum hoc promoverit, commendaritque, benedictionem caelitus insignem experietur. Prolixum nimis foret proferre sigillatim omnia, quae meis tunc auribus percepi ex ore viri Ingolstadiensis intelligentissimorum. Virorum, quae dixi, & paulatim etiam ea quoad rem detegenda suis locis confido, caeteroquin Autographa de hisce testimonia facile foret impetrare per D. Loffium Academiae nuperrime factum Rectorem Magnificum. Subjungere duntaxat libet, quae trigesimo sequentis mox Aprilis ad me scribere dignatus est Illustrissimus & reverendissimus Nuntius Apostolicus Colonienfis D. Josephus, Archiepiscopus Consentinus, Sanfelicius genere, cui ex catalogo Francofurtensium feceram indicium libelli solidi (cui titulus: *Vita Clericorum saecularium in communi viventium*) a D. Udalrico Rigero in lucem emissi. Vidi, inquit, libellum, de quo in epistola Dominationis vestrae fit mentio circa Institutum Congregationis Clericorum Authore Bartholomaeo Holtzhauser; posset equidem appellari Medulla sacrorum Canonum; & quod majus est, audio, illos bonos Sacerdotes impigre laborare pro disciplina & verbo Dei. Putarem posse aliquando unum aut alterum divertere in has partes ad introducendum exemplum & utile Institutum.

94 Cap. II. §. XVII. Bartholomaeus cum quibusdam  
tum. Ita Patronus ille meus insignis. Ego benevole  
rogatus Bertholdus Nibufus manu mea scripsi Herbipoli  
16. Junii 1654. Hucusque Epistola.

### §. XVII.

*Bartholomaeus cum quibusdam Sociis in Fran-  
coniam proficiscitur; inde Bingham destinatur,  
& Regi Angliae colloquitur.*

**H**ic igitur tanti Principis clementissimus favor simul  
& auctoritas administrationem Seminarii S. Kiliani  
supra nominatis Bartholomaei Sacerdotibus jam ante  
commendatam stabilivit, unde Bartholomaeus promissis  
stans Herbipolim non modo Sacerdotum, sed & Studio-  
rum suorum aliquot, quos Ingolstadii sustentaverat  
missis, Seminario S. Kiliani primum semen & initium  
posuit, paulo post ipsemet subsequiturus, sed infirmitate  
praeter expectationem correptus in Tyroli subsistere ac  
subsequentis anni, Verisque initium expectare coactus  
est: ac tum demum assumptis secum tribus adhuc Sacer-  
dotibus, videlicet Casparo Kühner, Stephano Weinber-  
ger, Joachimo Widmann, ex Tyroli per Bavoriam per-  
gens in Franconiam, ubi clementissime ab Electore ex-  
ceptus est.

Annunte dein Reverendissimo & Illustrissimo Ca-  
pitulo Metropolitano Moguntino Bingae ad Rhenum &  
Noam Parochus & Decanus constituitur. Quantis porro  
in votis Eminentissimo Archi-Praefuli Bartholomaeus  
fuerit, Epistola manu Electorali propria exarata, qua  
decumbentem in Tyroli Bartholomaeum invisit abunde  
testatur, quae, ne legendi cupidum Lectorem lateat,  
inspicienda subjicitur: *Reverende in Christo, nobis sin-  
cere Dilecte. Ex tuis secunda Januarii ad nos datis  
litteris aegritudinem tuam cum dolore percepimus, spe-  
ramus tamen Dominum, qui mortificat, & vivificat,  
pristinæ valetudini te brevi restitutum, & ad nos cum  
Sociis,*

*Sociis, qui in vinea Domini laborare parati sunt, te incolumem reduclurum, adventum tuum avide expectantes, & nos tuis precibus ex animo commendantes. Haec tibi propria manu scribit, qui te ex corde amat. Moguntiae 3. Februarii 1655. Joannes Philippus Elector Moguntinus mppria.* Neque dici facile, credive potest, quanta gratia Laudatissimus Archi-Praeful Bartholomaeum complexus sit, nam eo familiariter est usus, ac intimis, & secretis quibusque cum illo collatis, ejus conversatione sic delectatus est, ut potiorum non raro diei partem, retento secum in conclavi Bartholomaeo, tribueret: quin etiam consuetum potioribus Electoralis Aulae Ministris signum erat, illis diebus Eminentissimum foris parum, raroque visum iri, quibus Bartholomaeum Aula praesentem conspexisset. Quod tum singulariter observatum est, cum Eminentissimus in Rhingaviam secundo Rheno Moguntia descendere quandoque solet; ubi Binga trans Rhenum in Rhingaviam evocatus plerumque Bartholomaeus, in seram noctem protrahis Eminentissimi colloquiis detentus est, ut proinde visa toties uti clementissima admissione, sic aegerima dimissione Bartholomaei parum abesset, quin Aula novo proverbio diceret, Eminentissimum Electorem hujus viri praesentia in seram usque noctem alligari consuevisse, praecipue, si Reverendissimus D. de Saal Metropolitanae Decanus potissimus & ipse Bartholomaei Fautor & Patronus una praesto esset. Nec insolitum Eminentissimo Archi-Praefuli, digresso subinde Bartholomaeo, ac post hunc etiam Gündelio, in sua sella confidere, manus complicare, gratias evocatis imo de petore suspiriis DEO referre, utpote cujus providentiae se tales viros omnino debere agnosceret, quorum susceptione, usuque conscientiam levare, seque secunda spe felicius coram Deo subsistendi obarmare posset. Unde non rarae voces optimi Praefulis: quas exacte notatas postea retulerunt, qui tunc a cubiculis Eminentissimo fuere: *Gratias ago Deo, qui misit mihi viros istos, ac*  

*Sacer-*

*Sacerdotes, qui conscientiam mihi alleviant, & securum me faciunt, ut coram Deo aliquando queam subsistere, sum Episcopus, incumbit mihi cura meorum subditorum etiam quoad animas, ut salus animarum recte procuretur, sic (Deo sint laudes) sum securus, quod bonos animarum Pastores & Parochos modo babeam, & per illos alios educare possim, &c. His similia coram aliis etiam Potentioribus eloqui, & quam honorifice de Bartholomaeo sentiret, continua vitae ac virtutum ejus commendatione passim ostendere consueverat.*

Unde cum Carolus Rex Angliae, suo tunc adhuc Regno exul, serenior tamen ejusdem recuperandi spe recreatus ex Germania reditum pararet in Angliam, & Eminentissimo Comitante secundo Rheno descendens in Geisenheim oppido Rhingaviae munificentissima Principis hospitalitate detentus pernoctaret, inter varios tantorum Principum discursus etiam Bartholomaei memoria locum non ultimum tenuit; quasi prius finienda non esset Regia sermocinatio, quam eam vel interrupisset, vel attemperasset festiva Bartholomaei mentio. Rex hic ipsomet Electore narrante compererat, in vicinia Sacerdotem degere, qui mira de Angliae Rege ac Regno dudum praesagiisset, ejus Sacerdotis mox videndi tanta Regium animum cupido succendit, ut ab altera Rheni parte Binga sub seram noctem evocatus Bartholomaeus in medio flumine adversantibus de repente ventis ac procellis haud levibus periculis innataret, donec tandem superata venti reluctantis intemperie circa noctis duodecimam littus attingeret, ac Regi praesentatus, deque visione, quam de Regno Angliae, percussioneque Regis habuisset, interrogatus pluribus responderet. Tunc vero Bartholomaeus fidem Catholicam ac laborantes pro eadem in Anglia Sacerdotes enixissimis precibus obtestando Regi commendavit, qui etiam porrecta clementissime dextra se tam seriae petitionis memorem fore, pollicitus est.

Incre-



Incredibile porro dictu est, quanto exhinc aestu flagrans Bartholomaeus Anglicani Regni conversionem in votis habere perrexerit. Haec medulla cogitationum, hic scopus sermonum, haec unica summa votorum erat, sanguine, si liceret haereseos errores eluere: Nec aliud animo firmitus statuerat, quam ut ipsemet in Angliam pergens neglecto vitae periculo restituendae Religionis Catholicae tentaret initium. Huic itineri nihil, nisi Eminentissimi Electoris venia restabat. Veniam etiam profuso precum nervo sollicitasset, nisi potentioribus a Gündelio & Vogtio precibus ipse praeventus, ac eo permotus esset, ut cogitatus, quos auferri ab animo nollet, saltem in unum adhuc alterumve annum differret, interea vel sic inchoatum Instituti negotium sua tantisper praesentia firmaret, ut ejus postea ferre facilius absentiam valeret. Itaque difficulter ac aegre retentus susceptam Bingae Parochiam administrare circa curam, animarum omnia, quae Parochianorum saluti conducere, diligentissime providere, catechesin zelosa sedulitate tradere; apertis per suos scholis latinis inferiorum Gymnasium erigere, magno Bingenium & circumjacentium locorum emolumento coepit.

Nolim hinc animum abire jubeas, amice Lector, ni prius eundem ad dicta a §. VII. usque huc paululum reflectas. Legisti, quam plurima, quae quasi conspirasse sunt visa in exitium Instituti & Bartholomaei, sed haec quotidianam exercendae patientiae palaestram Bartholomaeo aperuere, ubi tamen invictum animi robur lassari non potuit, ne dicam enervari, sed quotidianis his patientiae exercitiis quasi obdueto tandem collo ad quaevis perferenda fortius induruit, ut adeo praeclara hic patientiae fortitudinisque trophaea a Bartholomaeo adscribi possent; at haec dissimulamus; & te ad imitationem hortamur. Nosti quanta sit plerumque vitae Sanctorum mixtura? Laetis tristitia, prosperis infausta, serenae nubila, dulcibus amara semper videbis inspersa, quin etiam persaepe praevaletentia. Miraberis, cur ille,

G

qui

qui tui, omniumque nostrum ac praecipue piorum est  
 amantissimus Christus tot adversis suos premit; ast scru-  
 tare, quod singulariter S. Bernardus observavit *Serm. 74.  
 in Cant.* in illud verbum *Revertere Cant. 4.* asserens:  
*Ideo forte dilectus subtraxit se, quo avidius revocaretur,  
 teneretur fortius. Nam & aliquando simulabat se longius ire,  
 non quia hoc volebat, sed volebat audire: Mane nobiscum, Domine, quoniam advesperascit.  
 Praeteriens teneri vult, abiens revocari. It, & redi  
 pro beneplacito, quasi visitans diluculo & subito probans.*  
 Id Sancti quique novere, illis Christum amato-  
 rem suum passibus ire, his redire: It nempe cum ir-  
 ruentibus undique adversitatibus, ad tempus longius  
 electis abesse videtur, redit vero cum foenore; quan-  
 tum enim exterior afflictio molestat, tantum, imo su-  
 perabundantius, cum venerit cum foenore, interni so-  
 latii plenitudo compensat. Hunc Christi modum edo-  
 cti quique majores Sancti, nec adversis dejecti, nec pro-  
 speris elati, sed in fideli Dei servitio, resignationisque  
 clypeo perflitere securi. Quin imo, quo fortius foris  
 ulsit ignis adversitatum, tanto ferventius semper exarsit  
 interna pietas actionum. Ecce: Beatificamus eos, qui  
 sustinuerunt. Ergo & tu *Disciplinam Domini, fili mi,  
 ne abicias, nec deficias, cum ab eo corripieris. Prov. 3.  
 v. 11.* Quem enim diligit Dominus, corripit, & quasi  
 pater in filio complacet sibi. *Patientes igitur estote  
 fratres, usque ad adventum Domini. Ecce, agricola  
 expectat pretiosum fructum terrae, patienter ferens,  
 donec accipiat temporaneum serotinum. Jac. 5. v. 7.*  
 Id Bartholomaeus suo bono didicit, nostro bono docuit  
 totus patiens, & in Dei voluntatem integerrime resigna-  
 tus: unde etiam, si quid a Deo flagitaret enixius, hanc  
 familiariorem precandi formulam usurpavit: *Domine  
 meus, & Deus meus, credo, quod possis, spero, quod  
 velis, resigno me in tuam sanctissimam voluntatem.*

Hucusque placuit secundam partem vitae Bartholo-  
 maei: extendere, reliqua facta memoratu digna, ejusque  
 obitus

obitus ad tertium Cap. reservantur, ad quod an-  
quam descendam, virtutes refero, quae in Bartholo-  
maeo, eo nimirum tempore, quo super candelabrum  
Ecclesiae in domo Dei reluxit, resplenduerunt; & ut  
principium faciam ab ea, quae omnium virtutum prin-  
cipium & basis est; sit

## §. XVIII.

### *Bartholomaei Sacerdotis fervor in Fide.*

**T**ametsi de virtute fidei, quae singulariter in Bartholo-  
maeo semper enituit, expressius aliquid adducere  
merito superfedere possim, quod ejus crebriora specimi-  
na ex dictis pateant attento Lectori, magisque adhuc ex  
dicendis patebunt; haud tamen convenire judicavi, vir-  
tutem, quae Principem in Bartholomaeo locum tenuit,  
primo loco excludere. Crevit namque cum Bartholo-  
maeo exercitium fidei ab infantia, quam novis indies fo-  
mentis perquam sollicitè foecundavit, genuinus hortu-  
lani peritioris aemulus cui perquam familiare est, dum  
arbores plantat, in excolenda radice laboris nervum po-  
nere, cum in omnes ramos arboris redundant beneficia  
radicis; ita sedulus virtutum cultor Bartholomaeus omne  
studium fovendae, augendaeque fidei tribuit, probe-  
gnarus ab ea tanquam necessaria radice vigorem ac robur  
in omnes virtutes emanare. Audi, si lubet, quid hanc  
in rem senserit Augustinus in *Psal.* 31. *Magnum opus,*  
*sed ex fide; laudo super aedificationem operis, sed vi-*  
*deo fundamentum fidei; laudo fructum boni operis, sed*  
*in fide agnosco radicem.*

Sic index fidei vita est, ut merito quis dixerit:  
*Ostendam tibi ex operibus fidem meam. Jac. 2. v. 18.* Vis  
nosse fidem Bartholomaei, opera relege, vitam attende,  
zelum discerne, uti puerulo nil sapidius, quam fidei  
doctrina imbui; sic Sacerdoti nil jucundius, quam sin-  
gulis haustam fidei lucem pro viribus accendere; exin-

deque scaturiit illa catechizandis rudibus impensa sedulitas, fundendi pro fide sanguinis flagrantissima prodigalitas, intensa pro convertendis Haereticis precum frequentia, profusa pro eluenda perfidia peccatorum lachrymarum inundantia. Magnum ipsius fidei argumentum sunt, vis, quam adhibuit cum efficacia in exorcismis, prophetiae ipsius, & revelationes, praescriptae suis Aëclis Constitutiones, ac verbo tota vita, Vocationis ac Instituti norma, qua suos sequaces induxit verbo, traxit exemplo, ut juxta propriam, proximorum quoque saluti studerent, instructioni vacarent, atque ad id totos sese impenderent, quo fides dilatari posset ac promoveri.

Si S. Bernardo de 12. grad. humil. assentias: *Qualis sit cujusque fides, tribulatio probat.* Memoria, si lubet, repete quantis agitatus adversitatibus, quot vexatus tribulationibus Bartholomaeus vitae cursum a cunis ad tumultum usque consummaverit, nil fide vacillans, quin etiam ad alteriora semper sustinenda pro fide potius anhelans; & colliges fidem haud exiguam extitisse, quae quibusvis tribulationibus superior illapas adversitates vincere, non illabentes intrepide provocare potuerit.

*Quia sine fide impossibile est placere Deo. Hebr. 11. v. 6* Fides omnibus necessaria est; magis tamen Sacerdoti & Pastori animarum, fidei Magistro. Quomodo enim sine fide viva cum debita reverentia ministrabit Sacramenta? si non firmissime credat Sacramenta, esse fontes e latere Christi fluentes. Quomodo sine fide viva aequaliter quaeret animas divitum aequae ac pauperum? si non indubitanter credat animas coram Deo esse aequales, & aequaliter Christi sanguine redemptas. Quomodo superabit tentationes & pericula; si non in omnibus sumat sentum fidei inexpugnabile, quo possit omnia tela nequissimi ignea extinguere: *Adversarius vester diabolus tanquam leo rugiens circuit, quaerens, quem devoret: cui resistite fortes in fide.* Admonitio est Principis

cipis Apostolorum, *Epist. 1. c. 5. v. 8.* Quapropter fervorem fidei in Bartholomaeo observatum, praepri-  
mis, mi Paroche, imitare. *Sine fide nihil sanctum, nihil castum, nihil vivum unquam esse potest.* Ut in-  
quit S. Leo *Serm. 4. de Nat.*

## §. XIX.

### *De firma Bartholomaei Sacerdotis spe, ac fiducia in DEUM.*

Familiare S. Francisco, ut Fratribus iter capeissentibus non e crumena, sed sacro Davidis aerario Regium subministraturus viaticum illud, *Psalmi 54. v. 23.* depro-  
meret: *Facta super Dominum curam tuam, & ipse te enutriet.* Hanc ipsam Bartholomaei aurifodinam meri-  
to dixeris, e qua quidquid necessitas exigebat, indubi-  
tante haufit. Hinc nulla terreri penuria, nullo insuf-  
ficientiae metu frangi unquam potuit, qui omnem a  
Deo sufficientiam infracta spe derivandam confidit. Pie  
simul ac scite S. Cyprianus illud *Deuteronomii 11. v. 24.*  
*Omnem lotum, quem calcaveris pes vester, vester erit.*  
exponit: *Pes vester utique spes vestra est, & quan-  
tumcunque illa processerit, obtinebit.* In omni certe  
vita pes Bartholomaeo spes erat, qua processit, quoque  
perrexit, nec quoquam tendere libuit, quo non vel pari  
passu spes ac pes ambularent, vel gressum pedis festinan-  
tior spes praecessisset. Aëtus ad unum omnes pondera,  
quibus se virtus haec manifestare consuevit, & senties,  
omnes Bartholomaei actiones, proposita, quin & opes,  
ac vires nulla re magis, quam firma spe constitisse.  
Quot ab incunabulis Bartholomaeum pressere necessita-  
tes, ac fere penitus suppressere, quas tamen superavit  
non vi repellendo, sed spe superando: *Samper enim,*  
ut cum Gregorio *super Ezech.* loquar, *bene novit in ex-  
terioribus miseriis subsistere, qui scivit de spe interna  
semper gaudere.* Recogita, quot difficultates piis Bar-  
tholomaei conatibus obstitere? quot machinae vias,

omnes obstruxere? quantorum consilia salutaribus ejus propositis obmurmuravere? ut vicinius esset succumbere debere, quam contra torrentem niti posse. Nec tamen seipso fortior animus vacillavit unquam. Haud dubie secutus Psalmographi monitum *Pj. 26. v. 14. Expecta Dominum; viriliter age, & confortetur cor tuum, & sustine Dominum.* Hoc clypeo spei quaevis adversa perripit, & vicit.

Eam vero vultui licentiam nunquam indulgisse visus est, ut vel verbulo pro communi fragilitatis humanae stylo tribulationibus aut adversitatibus obmuscitando, vel contractis taedio labiis insolecendo, vel rugatis morositate superciliis obitrependo, consuetam frontis serenitatem parumper obnubilaret, idem semper deprehensus in asperis, qui visus in prosperis, nisi quod exterius oculos intensius caelum suspicere, interius suspiria numerosius ad Deum properare juberet, Susannae exemplum secutus, *quae fluctibus angustiarum innatans flens suspexit ad caelum.* *Erat enim cor ejus fiduciam habens in Domino. Dan. 13 v. 35.*

Hac firma in Deum fiducia non raro Apostolicae factus est scellator laetitiae, gaudens, quod dignus habitus esset, qui aut innocens pateretur, aut si nocens esset, innocentiam patientia repararet. Hac velut robustissimo brachio tam arctis Deo nexibus adhaesit, ut nulla separaret adversitas, nulla sejungeret pusillanimitas: gustavit nempe, quod David sensit vel censuit, asserens *Psal. 72 v. 28. Mihi autem adhaerere Deo bonum est, ponere in Domino Deo spem meam.* Si quando (qui frequens piarum mentium scopulus est) tentatis omnibus & sagaciter adhibitis mediis nil tamen ad votum fluere, vel desiderio Bartholomaei responderet, non modo retenta mentis serenitate voluntatem suam Divinae conformavit, sed hoc ipsum suavissimam Dei dispositionem, ordinationemque interpretatus contra spem in spem credidit, nec diffidentiae tepori vel minimum in animo locam cessit. Uti porro spe ac fiducia planus extitit,  
ita

ita se cohibere non poterat, quin ejus virtutis semina colloquentium animis ubertim infereret, eamque velut universale remedium contra quosvis insultus suis instillaret, ac unice commendaret. Hoc scutum, quo quasvis in vocatione difficultates elisit, objectiones refutavit, sollicitudines, anxietatesque praescidit. Hoc illud denique Bartholomaei condimentum ac aroma Sacerdotibus Institutum. sectantibus etiam in extremo vitae spiritu paterno testamento transcriptum, quo quodvis insipidum condire, quaevis acerba dulcorare, quaevis aspera lenire deberent ac mitigare. Adeo quocunque loco, statque constitutus, illud Psalmographi *Psal. 4. v. 10.* sibi vindicare poterat: *Quoniam tu, Domine, singulariter in spe constituisti me.* Singularissime notatum fuit quod tunc, quando devenit ad ultima verba Hymni Ambrosiani: *In te, Domine speravi, non confundar in aeternum*, elevatis in caelum oculis & madentibus ediderit haec verba.

Imitationem spei a te spero, amice Lector, cujus summa est necessitas praepremis in Sacerdote & Pastore animatum. Quomodo hic sine spe firma indefesso animo portabit pondus diei & aestus laborum & adversitatum; si non speret firmiter copiosum gratiae auxilium, felicem successum, copiosum laborum praemium; si se non animet verbis Gentium Doctoris: *Non sunt condignae passionis hujus temporis ad futuram gloriam, quae revelabitur in nobis. Rom. 8. v. 18.* Quomodo oves suas pusillanimes animabit, tristes consolabitur, dejectas eriget, desperabundas misericordiae Divinae & veniae spe confortabit? nisi in ipso sit spes firmiter radicata, impleque cum Davide dicere possit: *Quoniam tu, Domine, singulariter in spe constituisti me. Psal. 70. v. 2.*

## §. XX.

*Bartholomaei Sacerdotis Charitas, & Religio erga Deum.*

**Q**uoniam nil Deo pretiosius virtute dilectionis, nil desiderabilius Diabolo extinctione charitatis; hinc Bartholomaeo curarum prima tale Deo eor suum Altare devovere, in quo ignis semper arderet, e quo flamma charitatis ad Deum indefinenter ascenderet. Hoc igne tametsi Bartholomaeus a puero in plerisque suis actionibus mire scintillaret, a suscepto tamen Sacerdotio si aestuavit, ut non modo quidquid haberet, sed etiam quidquid esset, ad obsequium, amoremque Dei impenderet, ac quoad fieri posset, super impendi flagrantissime desideraret; eo cogitatus & affectus, eo labores & studia, quin & valetudinem, vires ac vitam suam collimare iussit imperio nullatenus ac nunquam retractando. Bona quaevis & media, quae vel functio laboriosior, vel alia fors foecundior, ei quandoque subministrabat, amoris Divini spoliū esse voluit, ita semetipsum omnibus amore Dei despolians, ut quod suum reputaret, nil omnino retineret, sed in commune conferret, quo ad ampliandum Dei servitium plures induceret, attraheret, uberius foveret, fructuosius instrueret, & felicius aptaret. Uti vero (quae sincere amantium iudoles est) de intrinseca infinitaque Dei perfectione affectus intima teneritudine gaudebat, Deoque gratulabatur; ita externum Dei bonum, nimirum Dei gloriae dilatationem, anhelus desiderabat, sacro amore vulneratus unice & amarissime dolebat obsequia Divini servitii tot impedimentis infringi, tot obstaculis retardari, tot negligentis obfuscarī, tot peccatis annulari, ac fere penitus aboleri; ex toto corde miserabilem mundi ac praecipue Ecclesiae statum deplorabat, cujus maternum gremium filii vix numerabiles haereticis intoxicati venenis deseruissent, ac multi etiamnum degeneres tum rarefcente nimirum Dei cognitione, tum execranda tanti Numinis oblivione foedarent. Nec ra-  
riores



riores Bartholomaei gemitus extorsit nauscabundus ille plurimum tepor, neglectus, parumque dignus Dei cultus. Ut pro viribus has obsequii Divini remoras amoliretur, anxie desudans, aliorum consilia coegbat, si quid medellae concepissent, precibus extorquebat, quid sibi videretur, quidque propositi parturiret vicissim proponens, rogansque si salubriora nossent, ut manifestarent, & in asserendo, stabiliendoque Dei cultu socii fierent. Haud alia remagis delectabatur, quam cum singulare quid a quocunque demum pro Divini honoris incremento gestum intelligeret.

Tunc vero maxime praecipua gestire laetitia, voluptateque videbatur, si forte discurrentium sermonibus Instituti mentionem admisceri notaret, quod hac ratione largam sibi viam patere cerneret, tum ut suam de Divina Bonitate spem ac fiduciam, qua tale opus Dei promovendum consideret, ostendere; tum maxime, ut ad idem pro gloriae Dei ac salutis animarum incremento ferventiori studio sectandum plures inducere posset, remonstrando, quam vicina spes affulgeat, ut hujus Instituti progressu totius Ecclesiae status ad primaevae Christianitatis integritatem reduci, in Ecclesiasticis sancta quaedam Charismatum meliorum aemulatio provocari, potissimum vero bonorum ac sedulorum Sacerdotum & Pastorum multiplicatione facies Ecclesiae sanctius exilarari, animarum sagaciori cura votis omnibus exoptanda renovatio depravatis mentibus induci, atque sic orbis universus emendari possit: cum Sacerdotum sanctificatio universi populi sit emendatio.

Quantum vero ad particularia Religionis & Amoris erga Deum exercitia, quibus Bartholomaeus constanter insistebat; erat is recollecto semper intus apud se animo, in Dei praesentiam, venerationemque tam seria & meditata sui ipsius observatione & cura intentus, ut ea etiam exterius luculenter notari posset; id, quod manifestius elucebat in functionibus parochialibus & officiis Ecclesiasticis obeundis, ac potissimum in SS. Sacrificii

oblatione, quam modo gravi ac modesto, quoad poterat, quotidie sic peragebat, ut exterioris actionis Religio, devotionis internae luculenta fieret demonstratio, quae praesentium quoque fervor ac pietas occulta quadam vi, caelestique energia moveri sentiretur, ac vehementer excitari. Preces & horas Canonicas cum aliis orando plerumque persolvens ea semper instructus attentione fuit, quae verbis affectus accommodaret, imo de corde suspiria protruderet, largas ex oculis lacrymas evocaret, sicque latentes interius animi motus citra ullam affectionem proderet. Orandi modum tenuit simplicissimum, ac persaepe, uti puer edoctus erat, pro retinenda facilius attentione, internaque commotione vernacula lingua usus est. Ac licet alias loquendi parcior esset, ubi tamen de Deo, Divinisque rebus agendi vel leviusculam occasionem sermo colloquentium aperuit, facundus plane fuit, ac eloquens, praecipue si de Divinis perfectionibus, aut mysterio SS. Trinitatis sermocinandum esset, in quo colloquio sacratori singulari prorsus illuminatione donatus esse videbatur. Uti porro subinde non desunt, qui pro fallendo tempore semetipsos gravius fallentes mutuis concertationibus sua laceffunt, imo fatigant ingenia, uter eorum concinnius inveterata mundi mendacia novis itentidem figmentis accumulare, suamque scientiam artificiosiore falsitatis inventione verius ementiri possit, quam emetiri; Sic econtra non rarum Bartholomaeo, familiarius sibi notum pio certamine provocare, uter e duobus perfectiorem amoris Divini actum elicere videretur, ubi tamen plerumque concertantis actum prae suo Bartholomaeus laudavit, prout semel Riegero concessit primas sive ad illius crebriorem excitationem, sive ad suam majorem depressionem.

Erga Dominum & Salvatorem JESUM, sanctissimamque ejus humanitatem tenerrime semper afficiebatur, hinc ejus vitae mysteria constanti meditatione ruminans; ita Dominicae Passionis contemplatione medullitus exardebat, ut; sicut alias frequenter intimo compassionis affectu

affectu totus animo colliqueſcebat, ita cum in ſeptimana ſancta Paſſionis hiftoriam aliquando in templo decantare coepiſſet, praevalente ſingultuum & lachrymarum vi ac impetu, cum ſibi temperare non poſſet, a cantu deſiſtere debuerit. Ad haec ſolemnis illi, quotidianaque devotio certis per diem horis templum adire, ad pedem Altaris coram Venerabili Sacramento provolvi, tantaque mentis ac animi teneritudine preces & lachrymas fundere, ut earundem uberiore deſtillatione madefactos aſſeres, plerumque relinqueret profusae pietatis & teſtes & proditores.

Horum Bartholomaei exercitiorum charitatis & Religionis erga Deum & Chriſtum, amice Lector, non eſto nudus ſpectator, ſed etiam imitator. *Nunquam amor Dei otioſus eſt*; ait S. Gregorius Hom. 56. in *Evang. operatur enim magna, ſi eſt: ſi autem operari renuit, amor non eſt*. Felix es, ſi Deum & Chriſtum amas, ſic enim te amaſſe nunquam poenitebit. Amantur opes, pecuniae, aurum; quid periculoſius? amantur honores, tituli, dignitates: quid vanius? amantur deliciae, voluptates, illecebrae: quid ſaeditius? amantur equi, canes, aliaeque animalia: quid vilius? etiam, quae odio digniſſima ſunt, mundus, caro & Daemon, amantur: quid damnoſius? haec omnia, ſi ames, te in aeternum, ſed ſero nimis, poenitebit. Ama igitur modo illum, qui maxima dilectione te praevenit, tibi-que juſtiſſime praecipit: *Dilige Dominum Deum tuum ex toto corde tuo. Matth. 22. v. 37.* Et ne recuſes cor tuum Deo offerre, illique ſoli conſecrare, qui illud condidit, eique impreſſit deſiderium ſui, & tamdiu inquietum reddit, quamdiu Deo caret, qui ſolus illud implere poteſt: *Feciſti nos, Domine ad te, & inquietum eſt cor noſtrum, donec requieſcat in te*; verba ſunt S. Auguſtini lib. 1. *Confess. cap. 1.* Verum non ſolum ama Deum, ſed & Chriſtum, qui pro te deſcendit de caelo, & homo factus eſt, corque tuum emit pretio ſanguinis ſui, teſte S. Paulo 1 *Cor. 6. v. 20.*  
Non

*Non estis vestri; emoti enim estis pretio magno. Hunc si ex toto corde amare renuas; jam lata est sententia: Siquis non amat Dominum nostrum Jesum (Christum), sit anathema, 1 Cor 16. v. 22.* Hunc Dei & Christi amorem prae reliquis in Sacerdote & animarum Pastore expeto; partim quia est ad perfectionem majorem ob status excellentiam obligatus, quae in charitate sita est, docente Apostolo, qui *Coloss. 3. v. 14.* charitatem vocat *vinculum perfectionis*; partim ob officii conditionem. Quomodo sine Dei amore quaeret majorem Dei & Christi honorem & gloriam dilatare? quomodo homines ad imaginem Dei creatos & pretiosissimo sanguine Christi redemptos salvare? Unde & Christus cum Petro oves & agnos suos pascendos commissurus erat, rogavit *Joan. 21. v. 15.* *Simon Joannis, diligis me plus his?* Partim denique quia haec contulit prae reliquis fidelibus majores gratias; ut sunt potestas Sacramenta administrandi, a peccatis absolvendi, Corpus Christi consecrandi, quam sublimissimam dignitatem & gratiam Angelicis spiritibus denegavit. Ama ergo amantem te. Sit tua conclusio, quae fuit vere amantis Pauli: *Quis ergo nos separabit a charitate Dei & (Christi)? tribulatio? an angustia? an fames? an nuditas? an periculum? an persecutio? an gladius?* quanto minus aliqua tentatio aut difficultas? Certus sum enim, quia neque mors, neque vita, &c. neque creatura alia poterit nos separare a charitate Dei, quae est in Christo Jesu Domino nostro. *Rom. 8. v. 35. & seqq.*

## §. XXI.

*Filialis Bartholomaei ad B. V. Mariam &  
SS. Patronos devotio.*

**S**umma gloria est, o Maria, post Dominum te videre. Sententia est S. Bonaventurae in *summa spec. c. 6.* & mens Bartholomaei; hinc post Dominum & Salvatorem Hyperdulia prorsus filiali veneratus est Salvatoris Virgi-

Virgineam Matrem, probe callens eam, quam fidelibus S. Bernardus dictavit, lectionem *Hum. 2. super missus. Ipsa est praeclara & eximia stella, super hoc mare magnum & spatiosum necessario sublevata, micans meritis, illustrans exemplis. O quiquis te intelligis, in hujus saeculi profluvio magis inter procellas & tempestates fluctuare, quam per terram ambulare, ne avertas oculos a fulgore hujus sideris, si non vis obrui procellis.* Hic inter primos Bartholomaei pueruli affectus, sic Augustissimae caeli Reginae famulatio inardescere, ut nulla se ratione sineret avelli. Nam ut primum eam, quam Cap. I. §. II. tetigi de visa Beatissima Virgine relationem puerulus fecit, ita sanctissimae Virginis hujus impotens amore flagravat, ut eam in Dominam, Patronam, Advocatam, Tutricem, ac Matrem eligeret, seque totum ejus cultui perpetuo devoveret, Nil facile solitus moliri, quod non cum Domina sua prius contulisset, nil inchoans, quod Patronae non commendasset, nil prosequens, quod Tutrici non subjecisset, nil amans, quod Matri displicere posse meminisset. Quidni vaticinam de Bartholomaeo censcas sententiam S. Bernardi: *Ipsam sequens non devias, ipsam cogitans non erras, ipsam rogans non desperas, ipsa tenente non corruis, ipsa protegente non metuis, ipsa Duce non defatigaris, ipsa propitia pervenis &c.* Hanc actionum suarum regulam Bartholomaeus tenuit sine exceptione. Hujus maternae pietati se suumque Institutum devovit ac devinxit, utque continuam hujus vinculi tesseram statueret, perpetuum illi, quoad potuit, pensum decrevit, ab omnibus Instituti membris huic Divae Matri quotidie persolvendum. Praeterquam enim, quod omnes Instituto quandoque adnumerandos a primo vocationis aggressu huic Sanctorum omnium Reginae per omnia devotos esse voluit, certa quaedam ac singularia quotidianae pietatis exercitia commendavit & injunxit, merito nunquam intermittenda; taleque fuit, ut omnes mane decenter vestiti, lotique Litaniis Lauretanis (quas pro incremento cultus Mariani

riani in Leoggenthal fecit diebus Sabathinis cantari) Deiparentem Virginem cum Sponso sanctissimo Josepho filiali affectu salutantes eas diei ac devotionis primitias Deo sub patrocinio tantae Tutricis offerrent. Tale & illud, ut qui dicendo Breviario necdum tenentur, recitandi Divae Virginis Officii quotidianum morem, modumque teneant; nec minus & illud, quod omnibus pariter commune esse voluit, ut suorum sequacium nemo facile cubitum secederet, quin prius assignata diei parte Psalterii, sive quinque decadam Rosariolo, caelorum Reginae diurnam memoriam coronasset, itaque per recollectionem quindecim mysteriorum, & annexas cuique decadi particulares intentiones precatorias (quas hac magna Matre suggerente Bartholomaeus scripsisse putatur) integrum Psalterium per hebdomadem bis perfolvisset.

Loca largioribus Beatissimae Virginis favoribus inclyta, & ejusdem cultu, venerationeque celebriora laboriosis quandoque peregrinationibus invisit, praecipue vero divinitus consecratum Eremitae Sacellum in Helvetia vulgo Einsiedel, Miraculosum Veteris Oettingae in Bavaria, pluraque alia longo & communi gratiarum singularium experimento famosa, in quibus causas & necessitates Instituti tantae suae Patronae ac Matri confidentius exposuit, intensiusque commendavit. Ingolstadio, quo eum Studiosorum ibidem in spem Instituti degentium cura crebrius tendere cogebat, nunquam discedere potuisse visus est, quin in Sacellum Beatissimae Virginis de Victoria sibi adhuc Studioso tam familiare prius, ac frequentius intrasset, & beneficiorum ibidem per patrocinium Beatissimae Virginis acceptorum multo gratissimam memoriam recolisset, ac se suosque de novo semper devovisset. Imaginem Beatissimae Virginis immaculate conceptae e ligno affabre sculptam & deauratam in Sacello domestico exposuit, ubi cum Sacerdotibus, Studiosis & domesticis, mane, meridie, ac vespere preces praescriptas Bartholomaeus perfolvere consueverat, ad hanc saepius per diem recurrere, flexisque genibus necessita-

cessitates quasvis explicare solebat, ut etiam domesticis exinde certa conjectura proderetur, siquid gravioris momenti Bartholomaeo vel evenisset, vel eventurum immineret. Ibi majoris ponderis litteras ad Magnates subinde dandas concipiebat, ac non raro flexis genibus exarabat, quo modo ac stylo nonnullas Maximiliano Electori Bavaro & Episcopis quibusdam scripsit. Ad hanc Matris ac Magistrae suae imaginem in multam saepe noctem vigil exubans, & sacram Scripturam praecipue S. Pauli Epistolas legens a suis deprehendebatur, prout semel circa medium noctis a suo Sacellano Georgio Eberle, contemplationi immersus fuit deprehensus, vel librum flexis genibus manu tenens, vel eo deposito quasi meditabundus gemitibus & suspiriis tempus infumens. Festivitates omnes, aliasque solemnes SS. Virginis memorias indicibili devotionis affectu celebrabat, singulari zelo fervens in festum Praesentationis, tum quod ille cum primis suis Sacerdotibus anno 1642. in unionem vitae communis voto se devinxisset, ut dictum C. II. §. VI. (Quam animorum conventionem praesentatae Virginis patricinio referebat acceptam) tum etiam quod confideret, fore ut Augustissimae Virginis interventu ob memoriam suae in templo Praesentationis juventus in spem Instituti sustentanda gratiam facilius impetraret in sancta innocentia, Deique timore ac templo virtutis firmius persistendi, indeque in templum gloriae quandoque felicius evolandi. Idco voluit diem hunc juventuti suae litterariae solemnem, in qua se praesentarent Filio Dei ut Pastori omnium fidelium ad perpetuum obsequium in cura animarum toto vitae tempore in statu Clericali exhibendum.

Post Beatissimam Virginem potiore venerationis affectum Principibus Apostolorum & Primariis Cleri animarum curam exercentis Ducibus ac Patronis SS. Petro & Paulo, aliisque Tutelaribus Angelis & Sanctis tribuit; nominatim vero S. Franciscum Xaverium Indiarum vere Apostolum ac indefessum plurimum millium anima-

animarum Patrem & Pastorem, quas in Christo per Evangelium genuit, singulari semper devotione suscepit, utpote cujus vitam Studiosus saepe studiose relegerat, cujusque zelum & opera, quantum apparet, in pluribus imitatione perquam sedula secutus est.

Nullatenus de tuo, amice Lector, in Mariam affectu dubito, quam colunt omnes generationes, prout ipsa prophetavit *Luc. 1. v. 48. Ecce enim ex hoc, quo Deipara sum, beatam me dicent omnes generationes.* Idque maximo satis lucro: idem enim est Mariae dilectum esse, quod electum. Idem a Maria amatum, quod beatum. Mater Dei est, ergo potest a Filio petere & impetrare gratiam finalem, a qua dependet immarcescibilis aeternae vitae corona. *Sola enim gratia est, inquit Mellissius Doctor Serm. de Nativ. B. V. qua egemus, sola est gratia, qua salvamur, quid nos alia concupiscimus? quaeramus gratiam, & per Mariam quaeramus, quia ipsa, quod quaerit, invenit, & frustrari non potest.* Porro ut Maria te amet, & pro te oret, te oro, ut illam imiteris: Similitudo morum, est Mater amorum, Est Maria, gaudens fateor, Mater tua & omnium hominum, quam non soli Joanni, sed omnibus hominibus in Matrem dedit Christus moriens. *Joan. 19. v. 1. dicens: Ecce mater tua.* Monstrabit se esse matrem, si te monstres esse filium, ejus monita sequendo, illam imitando, illiusque cultum & venerationem promovendo. Illud facienti promittit: *Qui eluciant me, vitam aeternam habebunt. Eccli. 24. v. 31.* Igitur, adhortor cum S. Bernardo *Serm. de Assumpt. Dilectissimi, amate Mariam, quam colitis, colite, quam amatis; quia tunc vere colitis & amatis, si imitari velitis, ex toto corde, quam amatis.* Quae de imitatione Reginae Sanctorum omnium suasi, etiam de cultu SS. Caelitum dicta sunt; & horum optimum cultum imitationem esse mens est Ven. Bedae *Serm. 18. de Sanctis. Haec sunt, inquit, vestigia, quae nobis Sancti*



*Sancti revertentes in patriam reliquerunt, ut illorum semitis inhaerentes consequeremur & gaudia.*

## §. XXII.

*Bartholomaei Sacerdotis amor erga proximum,  
& zelus animarum.*

**S**i quis dixerit, quoniam diligo Deum, & fratrem suum oderit, mendax est. Qui enim non diligit fratrem suum, quem videt, Deum, quem non videt, quomodo potest diligere? Praeclare 1 Joan. 4. v. 20. philosophatur Theologorum Vertex S. Joannes, universam verae Philosophiae ac Theologiae Summam ponens in dilectione; Quia mandatum Domini est. & si hoc fiat, sufficit. Huic tam necessariae virtutis studio quantum Bartholomaeus adhuc Studiosus tribuerit, Cap. prius §. X. sat luculenter monstravit; jam enim tunc videri poterat illius Magistri Discipulus, qui brevissimam, longissimamque dictavit lectionem: *Filioli, diligite alterutrum.* Hinc non obscure concludes, quid Sacerdos factus & in animarum cura parochialique munere constitutus fecisse censendus sit, isthoc officio talia fraternae dilectionis opera non modo perurgente, sed occasione etiam quotidianas ad eadem largiter suppeditante Omnes quidem ac universi, quotquot animarum curatores constituti sumus, hac lege tenemur: *Et hoc mandatum habemus a Deo: ut, qui diligit Deum, diligat & fratrem suum.* Ibid. v. 21. Adeo cognatas virtutes Dei videlicet ac proximi dilectionem nullo Bartholomaeus divortio sejunxit, in ea, quae Deum respicit, se summe intendens; in illa, quae proximum tangit, pro viribus indies longius sese extendens. Perquam scite ad mores verba Psalmographi. Ps. 132. vertit S. Augustinus in Spec. Eremit. Dilectio unguentum est, quod primo effunditur in ipsum caput (i. e. Christum) & ab hoc descendit in barbam (i. e. Majores, deinde in oram vestimenti (ad Minores) Cum Christum Salvatorem Bartholo-

H

maeus

maeus tenerrime diligeret, oleoque dilectionis hoc summum caeli & terrae caput indies magis ac magis illineret, non poterat, quin hoc oleo proximus seu minor five aequalis pro sua vel indigentia, vel capacitate pinguesceret. Unum alterumve, si lubet, e pluribus hujus rei paradigma memoratis superaddendum, ausculta.

Non sine causa conditionem suam exuere jussus fuerat Sacerdos quidam Joannes Stilboch dictus, Parochus & Decanus Foraneus in partibus Bavariae. Illa igitur & alio quovis auxilio nudus confugit ad montes in Tyrolis modico pago Haedicolle vulgo Künzbühl, modice vivens & misere delitescens; in privata, vulgarique domo, cum famula, qua cum non parum suspectus fuerat; utque bis miser esset, etiam morbus fugientem infecutus lecto affixit, ac dire afflixit. Cum vero locus ille sesqui vel duabus tantum horis a S. Joanne, ubi Bartholomaeus morabatur, distaret, nec ea, quae de male habente Sacerdote fama volabat, Bartholomaeum ultra latere posset, mox Sacellatum suum Georgium Eberle eodem amandat, exploratum, quid circa decumbentem Sacerdotem ageretur, atque illo reduce ac de multiplici corporis miseria, quantumque videretur, etiam animae non levi periculo referente mox submisso curru Sacerdotem illum ad se invitari, trahique fecit; & amice in domum parochialem & curam suam suscepto, proprium etiam famulum pretio conduxit, qui decumbentem vigilantiori ministerio observaret, Bartholomaeo interim omnia necessaria magno charitatis affectu liberaliter providente: Qua beneficentia Sacerdos ille si motus, captusque fuit, ut Bartholomaeo, ejusque ductui se totum crederet, vitae prioris cursum seria poenitudine revolveret, animi vere contriti signa uti manifestiora, sic & frequentiora in quintam septimanam supervivens ederet, ac tandem SS. Sacramentis ab ipsomet Bartholomaeo provifus, inter seriae compunctionis lachrymas vitam clauderet. Noverat nempe Bartholomaeus non raro beneficio corporis etiam animos capi ac conservari,

servari, perque temporales eleemosynas, ad spirituales promptius admittendas corda felicius praeparari: capropter sibi, suoque corpori in victu ac vestitu crebro detrahebat, quo tam corporalibus, quam spiritualibus adminiculis largius instructus miseris succurrendi facultate polleret ampliore. Tuomet certe calculo insignioribus & dilectionis proximi & zeli animarum actibus hunc annumerabis, miserum tanta sollicitudine quaesivisse, ignotum tanta benevolentia suscepisse, aegrotum tanta liberalitate fovisse, ac se suosque interim tot tantisque taediis amore proximi fatigasse.

Nec imparem eximiae dilectionis indicem prae se feret, quod idem Bartholomaeus viro nobili praestitit ad extrema redacto. Hic ad Febris fontem (vulgo *Stieber-Brunn*) locum duabus circiter a S. Joanne horis distantem habitans, in eo multiplici torquebatur adversae sortis assultu, tum quod charissimam conjugem potiore nobilis oeconomiae basin morti praedam cedere coactus esset, tum etiam, quod rem familiarem egestate nimium prostitui, premique cerneret, ut status Nobilitati decantiaeque, vel sustinendis familiae sumptibus impar esset. Unde sic animo concidit, ut abscedere jussis spe simul ac famulis cum duabus filiabus parvulis domui & conclavi velut ergastulo fatali firmiter obseratis januis semet includeret, fame vitam, miseriamque finiturus. Quod crudele desperationis vel initium vel supplicium, quo miser se suosque multare decreverat, ut primum Bartholomaeo innotuit, assumptis secum duobus sociis & curru conductitio, quam potest, celerrime locum perit exhibendae pusillanimitatis tragoediae destinatum, resecrataque famulorum ope porta & effracta conclavis janua ter miserum, anxieque spirantem patrem cum una filia vivis adhuc superstiti, altera vero jam defuncta reperit, ac bonis verbis, sacrisque solatiis primo resectum, tibi-que exinde parumper restitutum caetera debilem & calamitosum secum ad aedes parochiales abduxit, & filiola supervivente honestioris interea foeminae fidei cura tan-

tisper commendata patrem toto trimestri secum retinuit, adeoque sedulam illius curam habuit, ut eum sanae, bonaeque menti redditum, largiter impensae beneficentiae memorem & agnocentem ad suam denuo paterne dimiserit. *Plura hujusmodi (ut testatur Gundelius) fecit diversi generis hominibus.*

Dum Bartholomaei amorem erga proximum ejusque zelum animarum consideras, quod Christus olim dixit *Luc. 12. v. 37.* Sacerdotibus & Levitis: *Vade tu, & fac similiter.* Idem tibi, amice Lector, dico: *Vade, & fac similiter,* scilicet proximum ama, illi succurre, ejusque salutem indefesso zelo quaere. Quaerant alii fortunae lusus, honorum instabiles ventos, divitiarum luteas massas, voluptatum venena; tu quaere proximo benefacere, Christoque animas lucrificare. Dic, ut olim Rex Sodomorum: *Da mihi animas, caetera tolle tibi. Gen. 14. v. 21.* Has quaesivit, qui adeo laboriose insudavit hominum saluti Jesus, ut in ea fatigatus supra fontem quiescere debuerit *Joan. cap. 4.* quando ad hauriendas aquas Samaritana accessit. Sitis solatium, non ab hydria, sed ab anima haurientis expectans. Rogat hauritum aquae, ut rependat fluvium gratiae. Cibos, quos Apostoli attulerant, fastidivit. Et ut gulae suae genium prodat, palam edicit: *Ego cibum habeo manducare, quem vos nescitis v. 32.* quem statim exponit *v. 38.* dicens: *Meus cibus est, ut faciam voluntatem ejus, qui misit me, ut perficiam opus ejus.* Haec est & Dei voluntas, ut animas salves, mi Pastor animarum, nec desine, donec perfeceris hoc opus, ad exemplum S. Pauli, qui de se fatetur: *Ego autem libentissimo impendam, & superimpendam ipse pro animabus vestris. 2 Cor. 12. v. 15.* Et rursus *1 Cor. 15. v. 31.* *Quotidie morior (i. e. pericula mortis sustineo) per vestram gloriam, fratres.* Hanc mortem subire aestuabat Bartholomaeus, ut dictum C. II. §. XVII. & dum nocte quadam somniaret, se in Anglia ad rogam damnatum, ut vivus pro Christo cremaretur, tanta fuit exhilaratus laetitia, ut

ut verbis exprimere par non esset. Hic enim est verus zelus, qui ex amore ejus, qui pro nostris animabus vitam suam dedit, reciproce pro animabus proximorum paratissimus est vitam & omnia immolare. Tu si non in effectu saltem affectu imitare zelum istum.

§. XXIII.

*Bartholomaei beneficia erga pauperes & egenos, & quomodo Deus subinde miro modo compensarit?*

**V**erissime S. Gregorius *lib. 19. Moral.* inquit: *Nunquam est vacua manus a munere, si arca cordis repleta est bona voluntate.* Unde mirum non est, inter plurimos pauperes ad Bartholomaeum quotidie confluentes nullum extitisse, qui manus illius vacuas unquam expertus esset. Alexander Magnus in suos amicos liberalissimus, interrogatus aliquando, ubi suos thesauros reposuisset; circumstantes amicos demonstrans: *In illis, aiebat, scrinia.* Si de reculis aut pecunia Bartholomaei quaestionem movere scrutatori libuisset, non scrinia, sed pauperes monstrare potuisset, in quibus, quaecunque potuit, perpetuo servanda collocavit, sapienter cum Boetio *de Consolat. Philos.* sentiens, *tunc solum pretiosorem esse pecuniam, cum usu largiendi desinit possideri.* Nec alium statuit hujus beneficentiae modum, quam quo filium pietissimus Pater Tobias instruxit. *Tob. 4. v. 9. Si multum tibi fuerit, abundanter tribue: Si exiguum tibi fuerit, etiam exiguum libenter impertiri stude.* Quo modo potueris, esto misericors. Bartholomaeus adhuc Studioli modicum, quod habuit, libenter impertiri studuit, Sacerdos & Parochus, quod obtinuit, abundantius etiam tribuit. Ut etiam de pauperculis Alumnis, quos domi sex, octo Salisburgi, & postea plures Ingolstadii sustentare solebat, altum taceamus, quousque in Leoggenthal commoratus est, in expendendis elemosynis & nomen vehementer

menter largi retulit, & ejus nominis partes omnes implevit. Nam praeter quotidianas in cibo & potu elemosynas mendicis magno indies numero parochialia limina terentibus porrectas & aegris lecto affixis de mensa crebro submissas binis in septimana diebus, Martis nimirum & Jovis de manu propria pecuniarias quoque largiebatur, ita se ipsum frequenter nudans, ut etiam a suis Sacerdotibus commodato saepius acciperet, quod indigentibus gratuito tribueret. Monitus subinde, ut parciore esset, consideretque, quos alibi sustentandos suscepisset Alumnos, respondit: *Dominum Deum divitem esse in misericordia, ipsumque bene provisurum.* Atque ita revera factum fuisse, paulo post in hoc §. adhuc ostenditur.

Uti potro nil tam Divinum habet homo, quam de aliis (maxime pauperibus) bene mereri; sic Deo ter Optimo, Maximo vix quidquam adeo primum, quam homini, quae liberaliter in egenos seminaverit largissima benedictionis ubertate metenda refundere: ut merito putare queas, divinius quid sapuisse Ciceronem lib. 2. de fin. dum pensato liberalitatis effectu libere pronuntiavit, quod liberalitate qui utuntur, benevolentiam sibi conciliant, & quod aptissimum est ad quieto vivendum, charitatem. Nec erravit, qui notato sanctius Dei more docuit Sapiens Prov. 11. v. 24. quod alii dividunt propria, & distiores fiunt: Alii rapiunt non sua, & semper in egestate sunt. Bartholomaeo certe non rarum omnibus suis propriis divisus in tali subito circumstantia Deo disponente ditari, qui miraculi speciem certius praese ferrent, quam ut fortuito sortis eventui possent ascribi. Unum e pluribus cape sis experimentum. Anno 1650. jam ad ultimos Menses inclinante, cum Bartholomaeus egenorum commiseratione ipsam fere medullam oeconomiae exsugendam, variis per annum praecedentem indigentibus adeo praebuisset, ut emulae penitus crumenae nil amplius vegetabilis illius (quo mundus viget) sacci superesset, nec ulla comparandae pecuniae media

media suppetere, cuius tamen submissio pro Studiosis Ingolstadiensibus Bartholomaei potissimum cura sumptu-  
que viventibus indies urgebatur; ut necessaria vestium,  
aliarumque rerum comparatione contra duram praesentis  
jam hyemis infestationem praemuniri possent, ac ita  
Bartholomaeus in angusto positus non pro se, quam pro  
suis sollicitus Divinam vehementius opem sollicitaret,  
ea nemine simile quid somniantem vir habitu, vultuque  
gravis, prorsus tamen ignotus in Leogenthal ad aedes  
parochiales divertit, qui petito ad D. Decanum aditu  
sine mora admissus blando Bartholomaeum alloquio sa-  
lutavit primum, ac dein gracili narratione exposuit,  
quod suo itinere hac transeuntem singularis erga D. De-  
canum confidentia ad parochiales aedes traxerit, maxi-  
me, cum nummorum aliquali pondere gravetur, quos  
securis manibus asservandos credere, quam ultra portare  
mallet, modo D. Decano, uti aiebat, eosdem in deposito  
retinere grave non esset. Interim etiam contentum se esse,  
ut, si pecuniae penuria prematur, eosdem nummos ad  
unum omnes suis usibus servire pro tempore jubeat,  
repetiturum se summam illam, si quandoque hac via  
reverti contigerit; dehinc notabilem nummorum portio-  
nem offert. Miratus Bartholomaeus insolitam hospitis  
ignoti fidem, suumque vicissim offert in asservando,  
restituendoque deposito fidelitatem: dein modeste mo-  
dernam suam prodit indigentiam, ac subjicit, se quidem  
hac temporum angustia nummis perquam vehementer  
egere, hos tamen depositos eatenus contingere non au-  
dere, cum certus non sit, an in termino redditus tantam  
summam refundere possit. At depositor omnem istam  
solicitudinem ponere, pecuniaque necessitati obviare ju-  
bet, spondens se non rigidum exactorem fore, sed tali  
se rediturum tempore, quo solutio nequaquam futura  
sit difficilis. Unde magis obstupescens Bartholomaeus,  
cum creditor nec undenam esset, prodidisset, nec quo  
tenderet, manifestaret, Chirographum offert, quo de  
fidei refusione sincerius caveret, sed depositor omnem

cautionem retractat, sat tibi securam in D. Decatio fidem esse replicans; igitur suscepta pecuniae portione notabili post collocationem bene longam, exhibitumque vicissim promeritae hospitalitatis affectum abiturientem depolitorum in optima pace dimittit; qui vero pecuniam reposeret, vel depositorem usque huc novisse aut vidisse ponerit, nemo extitit. Bartholomaeus interea larga depositoris usus licentia pecuniam partim vestiendis ac debite curandis Studiosis suis Ingolstadii degentibus, partim sublevandae necessitati oeconomicae impendit, saepe tam fidi creditoris meminisse solitus, an forte, & quandam rediturus esset; id evidentius conjecturans, pecuniam illam in praesentissima tunc necessitate singulari Divinae Bonitatis dispositione fuisse subministratam.

Aliam similem Bartholomaei necessitatem stimulantem conscientia licet ex improvviso minori summa mitigavit Studiosus quidam, inter primos Bartholomaei Alumnos, quos Salisburgi sustentare coeperat, susceptus; Hunc ita pecuniae cupido fascinaverat; ut sicut Apostolum olim fecit Domini sui proditorem, sic & hunc redderet foedifragum suae vocationis desertorem; nam furtive subtrahens, quos habere poterat nummis, abiit, excessit, erupit, evasit. Verum aliquot post annis, cum denuo Bartholomaeus magna laboraret pecuniae penuria, adeo vehementibus conscientiae stimulis agitatus, ut ad Bartholomaeum redierit, & agnito reatu triginta florenos retulerit, qui eidem pro tunc opportune tollendae penuriae subservierunt.

Ita Divina Bonitas sperantem in se Bartholomaeum nunquam deseruit, verumque esse illud *Prov. 19. v. 17.* docuit: *Foeneratur Domino, qui miseretur pauperis.* Unde S. Basilii *Homil. 6. in Ditescentes* inquit: *Dedisti esurienti? tibi consuluit, quod dedisti, ad te cum auctario revertetur. Quomodo enim frumentum in terram cadens lucrum projicienti parit; sic & panis in esurientem projectus, multam tibi in posterum reddet utilitatem.* Qua similitudine usus etiam est, ad per-



persuadendam liberalitatem Apostolus 2 Cor. 9. v. 6 sic loquens: *Qui parce seminat, parce & metet; & qui seminat in benedictionibus, de benedictionibus & metet.* Hanc benedictionem metent in gaudio misericordes praecipue in die iudicii, ubi audient illud ex ore Christi: *Venite benedicti Patris mei, possite paratum vobis regnum a constitutione mundi. Esurivi enim, & dedistis mihi manducare: Sitivi, & dedistis mihi bibere: hospes eram, & collegistis me: natus, & cooperuistis me: infirmus, & visitastis me.* Matth. 25. v. 34. & seqq. Metuant alij diem hunc, non metuet illum misericors. An metuet iudicem, quem pavit famelicum, vestivit nudum, hospitem domo recipit: cujus Chirographum servat: *Beati misericordes: quoniam ipsi misericordiam consequentur?* Matth. 5. v. 7. Neutiquam. Idcirco non claude viscera misericordiae pauperibus, sed illis, si non secundum exemplum Bartholomaei, saltem Christi succurre, qui, dum videbat olim turbam, & cum non haberent, quod manducarent, misericordia motus dicebat Matth. 9. v. 2. *Misereor super turbam; Si videris pauperes, dic: Misereor super turbam.* Da elemosynam: *Elemosyna a morte liberat, & ipsa est, quae purgat peccata, & facit invenire misericordiam & vitam aeternam.* Ait Angelus ad Tobiam Tob. 12. v. 9.

## §. XXIV.

*Bartholomaei Sacerdotis Humilitas &  
Mansuetudo.*

**N**ulla (si D. Bernardo credas) *splendidior gemma in omni praecipue ornatu summi Pontificis, quam Humilitas: haec nempe si amittitur, illa virtutum aggregatio non nisi ruina est.* Nec vero tantum Pontifices humilitas ornat, quam omnibus increata Veritas a se discendam inculcat Matth. 11 v. 29. dicens: *Discite a me, quia mitis sum, & humilis corde.* Id a teneris pauperculo Bartholomaeo perquam familiare sub caelico

Christi Magisterio scholam humilitatis frequentare, ac discere, quod mitis sit & humilis corde, talesque suos sequaces ad unum omnes fieri mandet decreto nuspiam limitando. Hinc ut primum se nosse potuit, nemini magis, quam sibi ipse vilescere coepit ad ima seipsum semper abiciens. Id vero singulari studio cavit, ne fucata virtutis hujus umbra sibi illuderet, quod S. Hieronymus perquam familiare pluribus adstruit *Epist. 27.* inquiens: *Multi humilitatis umbram, veritatem pauci sequuntur.* Perfacile est aliquem habere vestem contemptam, salutare submissius, manus deosculari, genua curvare, inclinato in terram capite, oculisque dejectis humilitatem polliceri, lenta tenuique voce sermones infringere, suspirare crebrius, ad omne verbum peccatorem ac miserum se clamare; sed si vel levi sermone offensus fuerit, continuo videbis attollere supercilium, levare cervicem, & delicatum illum oris sonum insano clamore repente mutare. Procul hos humilitatis fucos vita, moresque vere humilis Bartholomaei depulere; & quo magis crescebat aetate, tanto magis etiam proficiebat vera humilitate, adeo, ut Sacerdos factus vix quidquam illa firmitus teneret, probe semper assensus S. Gregorio *lib. 8. Moral. Perit omne, quicquid agitur, si non in humilitate solidatur.* Haec virtus officium pastorale in Bartholomaeo sic attemperavit, ut is Parochianorum, ac omnium, quibuscum versabatur, affectum raperet, & singulari confidentia dotaret; praecipue cum sociata sibi modestia, singularique comitate quasvis actiones, functiones, universam Bartholomaei conversationem individua societate comitaretur, quin etiam ex incessu, vestitu, totoque corporis habitu sic eluceret, ut eam in tanto ejus cultore nemo non adverteret, ac suspiceret. Cumque continuo virtutis hujus usu didicisset, quod ejusdem graves quandoque docuere Professores S. Chrysostomus *Hom. 30. in Act.* & S. Basilii *c. 17. Const. Monast. Nihil, videlicet, conferendum humilitatis virtuti, cum ea mater, radix & alitrix, & fulci-*  
*mentum*

mentum & vinculum sit bonorum, imo tutissimus omnium virtutum thesaurus. Hinc humilitatem Alumnis suis implantare, Sacerdotibus inculcare, elationis econtra occisiones, quantum poterat, amputare, & longissime removere satagebat; sat eos contra quasvis difficultates obfirmandos ratus, si fortes in humilitate persisterent. S. Chrysostomum hac tantae, tamque necessariae virtutis commendatione est imitatus, qui, *Nihil*, inquit, *humilitate potentius: fortior est petra, solidior adamante, & in majore nos securitate collocat, quam queant vel turre, vel urbes, vel muri, omnibusque Diaboli machinamentis sublimior facta, contingere volentibus insuperabiles facit.*

Ex hoc constanti retinendae semper humilitatis affectu promanasse videtur illa sententia, qua Bartholomaeus suos Sacerdotes ruri tantum in animarum cura catechizandaque rudiori plebe decreverat occupandos; de qua quid suo referat testimonio R. P. Lyprandus, ex adjectis intellige: *Praeterea cum suos tantum ruri occupandos censeret (Bartholomaeus) diligenter Parochianos catechizando, congregationem Rosarii amplificando, juxta alia consuecta Parochialia, & consequenter non ita magnam in suis doctrinam desideraret. Ego contra vehementer suasi, ut illos, qui apti judicarentur, non solum ad gradus Theologicos acceptandos disponeret, verum etiam urgeret, ut Juri Canonico diligenter incumberent. Mibi enim omnino persuasi, Ordinarios saltem quosdam (nam scivi non defuturos ex illis Adversarios hujus Instituti) libenter tales Clericos probatae vitae & in Theologicis ac Canonicis studiis optime instructos ad consistoria sua admissuros, ubi unus talis plus Ecclesiae prodesse, & Ecclesiasticam disciplinam promovere possit, quam plures haerentes ruri in Parochiis; quamvis si ad tales Parochias plerique eorum attendant, valde semper approbarim. Atque in hoc me recte sensisse, nunc ipsa experientia convinxit Instituti sequaces, &c. Hucusque P. Lyprandus.*

Licet

Licet vero Bartholomaeus his, aliisque rationibus, quas Viri docti, atque ipsa etiam experientia suggerebat, permotus de prima sua sententia ac proposito non nihil remiserit, illud tamen permittendo potius, quam volendo fecisse visus est, in hoc constanter intentus, ut non attento quocunque temporali dispendio suos in modestia & humilitate conservaret. Uti altiora beneficia gloriae vel magni nominis ambitione quaeri noluit, vel ea suscipi, quibus promovendae gloriae Dei, salutisque animarum uberior spes non inhaereret; ita in iis, quae vel RR. DD. Ordinariorum autoritas, vel singularis animarum utilitas suscipienda contulisset, illaefam perpetuo servari voluit humilitatem, illud crebro repetens: tunc eos de propria & aliena salute per se procuranda optime considerare posse, quando in humilitate, patientia, & indifferentia omnium rerum hujus mundi plurimum profecerint.

Ad saepe dictae virtutis aestimationem omnium animis profundius inserendam, libellum conscripsit de humilitate & sui ipsius agnitione, qui post mortem illius, eo stylo typis datus prodiit, quo ante mortem in viventis conversatione omnibus praeluxit. Unde qui libellum sua censura prodire jussit, hoc eundem prius elogio notavit: *Tractatus iste genuinum sui Auctoris spiritum refert, qui sicut scripsit, ita & vixit, verae humilitatis & simplicitatis amator & cultor.* Haec porro saepe dicta, semper usurpata humilitas sicut per omnia plurimum Bartholomaeo profuit, sic in hoc non paucos afflixisse potuit, quod plurima notatu dignissima nimis humili silentio suppressa notitiae posterorum subtraxerit, nil proficientibus eorum precibus, qui posteritate laboraturi non raro submonuerunt, ut quae circa se pluribus aliquando profutura contigissent, manifestare, fidoque calamo parumper consignanda credere vellet, quibus pro responso humilitas fuit, qua se hominem inutilem & peccatorem asseruit, quasi memoria posteritatis dignus haberi nollet, nisi de magnitudine in-

digni-

dignitatis. Et ita magnam scripti praesentis partem oculis humanis extinxit, obliuio sepelivit.

Percepisti, amice Lector, Bartholomaei humilitatem, ad quam frequenter suos adhortatus fuit verbis, & praeiuit exemplis; eandem vero ante eum docuit Magister Veritatis tum verbis *Matth. 11. v. 29.* dicens: *Discite a me, quia mitis sum, & humilis corde: & inuenietis requiem animabus vestris.* tum exemplo suo, quando dignatus fuit immensus intra Virginis uterum & sinum se concludere, aeternus fieri infans unius diei, imo immortalis se morti subicere. Erras igitur a via, & aberras ab aeterna caelestique vita, ni sequaris humilimum Jesum, qui est Vita, Veritas & Vita; ut de se testatur *Joan. 14. v. 6.* Non diffiteor hanc Deo charam, hominibus vero esse raram virtutem, humilitatemque inter paucos reperiri, dum & inter Apostolos fuit altercatio, Quis eorum esset maior in regno caelorum? *Matth. 18. v. 1.* Quibus recte respondit ille, qui incarnata Veritas est, & hinc errare nequit. *Ibid. v. 3. & 4.* *Nisi conversi fueritis, & efficiamini sicut parvuli, non intrabitis in regnum caelorum. Quicumque ergo humiliaverit se sicut parvulus iste, hic est maior in regno caelorum.* Ecce, in caelum nonnisi admittitur, nisi qui contractis quasi, & quasi in exiguum quid compressis, membris per angustam portam luctatur introire. Nec in caelis magnus nisi humilis erit: *Omnis, qui se exaltat, humiliabitur, & qui se humiliat, exaltabitur,* inquit Christus *Luc. 14. v. 11.* Sic humiliavit & ad inferni barathrum detrussit Luciferum cum assellis suis, humiles econtra exaltavit: *Deposuit potentes de sede, & exaltavit humiles. Luc. 1. v. 52.* B. Virginem super omnes puras creaturas exaltavit, eo quod esset humillima: hanc maternitatis ipsamet allegat causam, dicens: *Respexit humilitatem ancillae suae. Luc. 1. v. 48.* Haec de humilitate. Modestiam, quod concernit, ea fuit prorsus extraordinaria in exemplari nostro, ut testatur *S. Luc. 4. v. 22.* his verbis: *Mirabantur*

bantur in verbis gratiae, quae procedebant de ore ipsius, scilicet Christi, unde merito inter tria vota S. Augustini praecipuum erat: Videre Christum in terris conversantem. Et S. Pauli ac meum votum est: *Modestia vestra nota sit omnibus hominibus. Philipp. 4. v. 5.* Sunt enim omnes, quotquot ad statum Ecclesiasticum vocati sunt lux mundi, & consequenter lucere per modestiam, bonaque opera tenentur, ut glorificetur Pater, qui in caelis est. Haec cum ita se habeant, petitionem meam accipite: *Modestia vestra nota sit omnibus hominibus*, id, ut impetrem, obsecro vos per mansuetudinem & modestiam Christi. 2 Cor. 10. v. 1.

## §. XXV.

*Bartholomaei Sacerdotis Castitas.*

Mirandam multis, veram omnibus propalavit S. Hieronymus in Epistola quadam sententiam: *Quacunque virtute polleas, quibuscunque opibus niteas, si cingulo castitatis careas, omnia per terram trabes.* Quam vicinam huic sententiae mentem Bartholomaeus foverit, haud obscure zelus ille prodit, quem pro illa in se suisque conservanda, & in universo, si posset, Clero stabilienda, monstravit. P. Lyprandum ea de re sequentia scribentem ausculta: *Castitatem, inquit, valde adamavit, eamque quomodo in Instituto suo conservare, sicque potissimum Cleri saecularis defectum corrigere posset, consideravit. Initio sui Instituti sibi proposuerat (ut mihi ipsemet indicavit) non admittere acinceps in Institutum suum, nisi parvulos innocentes, qui conserventur in sua innocentia, adhibitis spiritualibus mediis & exercitiis, & revera multos tales acquisivit.* Haec P. Lyprandus. Et hinc cautela illi maxima quaevis amoliri, quae periculosam sensualitatem suis procurare possent illecebris, olanculariae conversationis, prorsus impatiens; ac licet in aliis pro sua mansuetudine semper fuerit indulgentior, in hoc tamen se semper praebuit

praebuit maxime severum, ut, si vel umbram lasciviae in aliquo notaret, ex Alumnorum suorum eum numero & domo sine mora ejiceret: ex inclinationibus tenerioris aetatis, de adultiore, quid metuendum esset, capiendi conjecturam.

Atque in eo puritatis & castimoniae zelo tum in familia, tum in aliis conservando Religiosus omnino fuit & accuratus. Quin etiam, quod de S. Philippo Nerio in ejus vita refertur, sanctum hunc Virum per virginitatis perpetuo cultae studium id assecutum, ut eos, qui puritatem colerent, ex odore, qui secus, ex foetore dignosceret; idem etiam Bartholomaeo concessum fuisse videri possit, cujus exemplum Jurium Doctor Jacobus Lossius saepe citatus refert: *Illud est etiam mirabile, quod, cum cuidam comiti commensali meo assisteret Bartholomaeus, questus, undenam comes ille tam turpiter foeteret, cum tamen nullus alius quidquam olfaceret; hac super re facta inquisitione intellexi, homines Veneri deditos, qualem & ipsum comitem deprehendi, castissimo huic viro bene semper olenti, pessimo oluisse, &c.* Quanta vero curarum mole Bartholomaeus anxie gravidus & gravatus anhelarit, & castae puritatis studium in suis Sacerdotibus ac universo Clero debito semper virore ac vigore floresceret, potissima principioris intentionis Instituti pars, & Constitutiones de separatione mulierum liquido manifestant; eo enim non tam Bartholomaei, quam saluberrimo SS. Canonum praecepto (cui se, suosque Bartholomaeus novo foedere subiectos ac devotos esse voluit) reviviscente, fereque demortuam vim Legis recipiente (Restitutore videlicet ac Restauratore Bartholomaeo) propinquior saltem & communior tot excessuum occasio praecluditur, & a Clero tot allisionibus obnoxia perra scandali removetur.

Nec praetereunda hoc loco responsio Bartholomaei, qua vulgarem plurium oppositionem elisit verius, quam elusit: cum enim Bartholomaeo non semel objicerentur plurimae tum difficultates, tum etiam incommoda, ac

Varia

varia damnorum genera tam ab ipsismet Ecclesiasticis, quam eorum oeconomis famulatio muliebri destitutis perferenda, sine cunctatione respondit, quin imo plura & maiora merito sufferenda esse, praestareque commoditatibus istis destitutum annos aliquot praemori, quam in tam propinquis peccandi illecebris, & Deum offendendi occasionibus, aeternaeque damnationis incurrendae periculis vivere.

Mediū conservandae castitatis a Bartholomaeo ex SS. Canonibus traditum accipe, fugam scil. & separationem quoad cohabitationem mulierum. Quam periculosa cum mulieribus conversatio & cohabitatio sit, tot casus tragici fortissimi Samsonis, sapientissimi Salamonis, sanctissimi Davidis docent, hos bene perpendens, & ut cautē ac castē ambulet Nepotianus Clericus, ad eundem scribit in Ep. 2. S. Hieronymus his verbis: *Ne sub eodem tecto cum muliere mansites, nec in praeterita castitate confidās; nec sanctior Davide, nec Samsonē fortior, nec Salamone potes esse sapientior: memento semper, quod paradisi colonum de possessione sua mulier ejecerit.* Ex his, quam periculosa sit cohabitatio cum mulieribus, si sapias, perspicies. *Felix, quem faciunt aliena pericula cautum.* Si tamen ob officii rationem, vel loci constitutionem sit tibi conversatio, aut quoad cohabitationem mulierum separatio inevitabilis, eam saltem adhibe circumspectionem & separationem, quae timoratis sufficiens videbitur, ne jaeturam patiaris castitatis, quam velut animam status Clericalis considerabat Bartholomaeus: *Sicut enim, dicebat, corpus sine anima vivere non potest, sic status Clericorum, qui ad sacros Ordines promoti sunt, sine castitate nec esse potest, nec subsistere; sint ergo Sacerdotes templum vivum Jesu Christi Domini nostri, sed purum, immaculatum, integerrimum & ab omni umbra, nomine & titulo impudicitiae alienum. Corpus Sacerdotis sit Dei domus animata, anima sit sacrarium Spiritus sancti, ubi castitas instar Dominae absolutae & sacrae militiae Reginae*



*ginas gubernet, membra plenissimo & perpetuo dominio.* Et recte castitas anima dicitur status Clericalis, quam praescribit praecipue Ecclesia Clericis in sacris Ordinibus constitutis, ut vitam caelibem instar caelitem ducam, qui *neque nubent, neque nubentur*, ut Christus ait *Matth. 22. v. 30.* Hinc S. Ambrosius *lib. 1. de Virg.* ait: *In caelo est patria castitatis; hic advena, ibi incola est.* Quem porro magis oportet Angelica puritate & caelesti vita super alios eminere, quam Sacerdotem? Sane in S. Scriptura Sacerdotes Angeli nominantur *Malach. 2 v. 7.* *Labia enim Sacerdotis custodient scientiam, & legem requirunt ex ore ejus: quia Angelus Domini exercituum est.* Et quomodo non Angelicam puritatem imò hac majorem postulat tremendum SS. Altaris Sacramentum! ubi Rex Angelorum est Sacerdos, altare, & victima, audi S. Augustinum *Serm. 149.* dicentem: *Omnibus castitas pernecessaria est, sed maxime Ministris Christi Altaris, quorum vita aliorum debet esse eruditio, & assidua salutis deprecatio. Tales enim decet Dominum habere Ministros, qui nulla contagione corrumpantur.* Si gravibus minis Deus antiquae Legis Sacerdotibus munditiam legalem inculcavit *Levit. 22. v. 3.* dicens: *Omnis homo, qui accesserit de stirpe vestra ad ea, quas consecrata sunt, & quae obtulerunt filii Israel Domino, in quo est immunditia, peribit coram Domino.* Si tanta, inquam, poena irrogabatur, qui cum aliqua legali tantum immunditia ad illa antiqua Sacra accederet, quae non erant nisi egena & vacua elementa, quid illi exspectent, qui virginei corporis Sacramentum & Agnum immaculatum impuris manibus tractant, sordido corde & corpore recipiunt? Fugiant igitur omnia castitatis pericula, inter quae fere praecipuum est familiaris cum altero sexu conversatio; cum quo exigit status officium, non diffiteor, saepius conversationem, haec tamen magna cum cautela & circumspectione peragatur. Prout exemplum praebet Angelus cum Agar colloquens. Agarem ancillam e domo Abrahami fugientem in deserto

desertam ab omnibus convenit Angelus, jussit redire ad Saram Dominam suam multisque cum illa collocutus, tandem evanuit, tum illa: *Profecto*, inquit, *hic vidi posteriora videntis me*, sive Angeli. Gen. 16. v. 13. Ergone Angelus ancillam allocutus ipsi tergum vertit? quae & quanta haec inurbanitas? Verum ad nostram instructionem noluit Angelus, in forma viri mulierem solam & vagam in loco solitario allocutus, faciem illi conspiciendam objicere, ut quos magna utilitas, vel necessitas, aut officii ratio ad foeminarum colloquia adigit, discant, qua modestia oporteat aspectum oculosque continere.

## §. XXVI.

*Bartholomaei Sacerdotis Patientia, &  
Resignatio.*

**N**unquam, ait Divus Gregorius lib. 11. Mor. est patientiae virtus in prosperis. Ille autem vere patientis est, qui & adversis conteritur, & tamen a spei reſtitutione non curvatur. Ut noris, nil Bartholomaeo defuisse, quo minus vere patientis diceretur, nec prosperitas patientiae locum surripuit, nec spei reſtitutionem adversitas curvavit. Prius norunt, quotquot Bartholomaeum, vel Studiosum, vel Sacerdotem novisse potuerunt, cujus vita mera fuit adversitatum palaeſtra, ea potissimum parte, quam a suscepto Sacerdotio in animarum cura constitutus caepit, ultimo annorum ternario forſan excepto, quo Bingae in Archi-Dioceſi Moguntina commoratus. Etſi apertam vim adverſariorum & perſecutionum non ſenſit, curarum tamen nil minus habuit. Aegritudines & corporis morbos per duodecim circiter annos, quos in Tyroli vixit, varios ſuſtinuit, potiori tempore valetudinarius, & ab angina perſaepe preſſus, tanta ſemper patientia, reſignatione, & indifferencia, ut haſce dotes non modo conſtantiffimo mentis affectu retineret, obſervaretque, ſed etiam ſuis in ſum-

ma perpeſſione dolorum, harum fieret verbis, factisque commendator, & Praeco virtutum, ſine dubio non neſcius dicti S. Ambroſii *Serm. 74. Infirmiſtas corporis ſobrietat mentis eſt, virtutum officina eſt.*

His corporis incommodis & conſuetis paene valetudinis infeſtationibus afflictiões animi, perſecutiones, calumniae, ſimiliaque gravamina plenis agminibus ſe crebrius adjungebant, quibus & ab externis, ac non raro a ſuis acerbis exercebatur, ut vere ſoris pugnae; intus timores raro deſſent. Quid? quod ne cathedrae quidem & ſacra veritatis ſubſellia, quae nec nugis foedari, nec calumniis aut falſitatibus pollui decet, jactis in Bartholomaeum atrocibus injuriis relinquerentur immania, e quibus ſomniator, ſtolidus, ſtupor, Phantaſta, &c. etſi teſto; ſic tamen aperte deſcriptio proprio nomine, proclamatus eſt, ut nemo Bartholomaeum talium convitiõrum unicam fuiſſe metam ignorare poſſet. Quae tamen omnia Bartholomaeum unitis licet viribus frequenter aggreſſa nonnili pilos infeſtare, bilem autem movere, vel, ut patientia leviter titubaret, efficere non potuerit. Nec mirum: *Qui enim* (ut cum S. Bernardo loquar) *initiatuſ a timore, crucem Chriſti ſuſtinet patienter: qui proſcit in ſpe, portat libenter: qui vero conſummatur in charitate, amplectitur eum ardentem.* Ita Bartholomaeus patienter ſuſtinuit, ut quid acerbius, duriuſve in adverſarios aut laedentes dicere nunquam ſit auditus, ſed Apoſtolicam *1 Theſſ. 3. v. 3.* ſecutus regulam: *Nemo moveatur in tribulationibus iſtis: ipſi enim ſcitis, quod in hoc poſſit ſimus.* Ita pertuli libenter ac ardentem; ut laeſiões, velut oblatam ampliſſimi lucri materiã exorata ſuper hoſtes DEI miſericordia compenſaret, ac profluentibus ſaepe lachrymis verba *Pſ. 53. v. 7. Averte mala inimicis meis pro eorum ſalute ſuſpirans ac ſupplex maxima teneritudine repereret,* cujus tot ſunt teſtes, quot in hoſis Canoniciſ comprecatores. Alias intimorum ſuorum cuipiam per literas de ſuis

miseriis loquens fatebatur, non raro ternas, quaternasque suis humeris cruces, easque gravissimas incubare solitas, tanto pondere deprimentes, ut in densissimis desolationum tenebris constituto, nil, nisi pati, & indifferentem se habere superesset: & particularius rem tangens Bartholomaeus: *Eo, inquit, die passus sum tantam eclypsin animae meae, ut ignorarem, quae ante scivi, & gustavi: interim indifferentem me gessi per gratiam Dei. Altero die suffusus sum consolatione & lachrymis, & iterum intervenit triste nuntium, &c. Quid ergo cogitem in his aliud, nisi voluntatem Dei, qui peccatores magnos per crebras castigationes paterno affectu disponit, ut cogitare incipiant de vita aeterna, ne pereant in aeternum.* Hem genuinum Divinae dispositionis interpretem Bartholomaeum, Augustinianae methodi perquam tenacem, quam hic sanctus Pater in Ps. 48. commentatus dicitur: *Igitur, quando bene est, lauda misericordiam, quando male, lauda justitiam.* Nec minus tenuit illud Eccli. 2. v. 4. & 5. *Omne, quod tibi applicitum fuerit, accipe: & in dolore sustine, & in humilitate tua patientiam habe: quoniam in igne probatur aurum & argentum, homines vero receptibiles (seu acceptabiles) in camino humiliationis.* Ita in omnibus tam adversis, quam prosperis Bartholomaeus sibi constare novit, ut nec his efferretur, nec illis unquam animo diminueretur; saepe solitus asseverare, se tristitia laetis, adversa secundis, dura mollibus in hoc mundo perlibenter praeeligere, quoque tribulatio major, aut crux gravior irruat, eo majori se gaudio interiorius abundare, ut sua forte probaret experientia, quod sua Sapiens prodidit scientia Eccli. 1. v. 29. *Usque in tempus sustinebit patiens, & postea redditio jucunditatis.* Aut illud Apostoli vicinius, recentiusque: *Sicut abundans passiones Christi in nobis: ita & per Christum abundat consolatio nostra* 2 Cor. 1. v. 5. Bene sciebat viam caeli esse viam S. Crucis; & si oportuit Christum pati, imo & mori, ut intraret in gloriam suam,

ut

ut ipsemet testatur *Luc. 24. v. 26.* Non refugit pati Bartholomaeus, ut intraret in gloriam alienam.

Erras igitur, amice Lector, si pati renuis, cujus occasionem quotidie occurrentia adversa se offerunt praecipuis in pastoralis cura. Calicem afflictionum, adversitatum, contradictionum tibi propinat Deus, Pater tuus, qui haec permittit, & ad suos probandos immittit. Dic igitur obgannienti amor proprio: *Calicem, quem dedit mihi Pater, non vis, ut bibam illum. Joan. 18. v. 11.*

### §. XXVII.

#### *Bartholomaei cura de Domesticis, & conversatio cum illis.*

**H**orrende quondam Doctor Gentium contra domesticorum incurios ac neglectores. intonuit 1. *ad Tim. 5. v. 8.* qui *suorum ac maxime domesticorum curam non habet, fidem negavit, & est infideli deterior.* An non ex hinc aures tinniant, pili horreant, corda paveant, artus omnes contremiscant, ac velut fulmine concussa rigeant, quos vel nullius, vel neglectae domesticorum curae conscientia reos agit! fidem negasse, infideli deteriorem esse, quid aliud autumes, quam omnia, quin & se ipsum perdidisse? Grande piaculum, insolens nocumentum: omnia perdidit, qui domesticos neglexit. Huic malo tam communi, quam nocivo peritissimus Medicus Bartholomaeus extitit, qui quod in Episcopo & animarum sedulo Pastore magnus gentilis orbis Apostolus requirit 2 *Tim. 3.* ut domui suae praeesse norit, ad unguem observare Bartholomaeus continua laboravit industria, curam familiae gerens & oeconomicam & spiritualement: uti namque in necessariis corporis cuiuspiam suorum nil facile deesse patiebatur, ita nil utilium quoad animam subtraxit unquam, quo minus omne consilium Dei suis annuntiaret, atque ad illud verbo, factoque fideliter induceret, quod ex sequentibus ad oculum clarescet.

Quotidie matutino, meridiano, & vespertino tempore familiam dato campanulae signo convocabat ad ordinarias preces hora statuta simul persolvendas, quibus ipse assiduus intererat. Officia domestica, ne quidquam confusione fieret obnoxium, per ordinem sic erant disposita, ac distributa, ut quisque, quod suum erat, statuto tempore, modoque perficeret. In communi triclinio prandium omnibus & coena porrigebatur, ea tamen lege, ut semper spirituali vel S. Scripturae, vel alterius libri Ascetici lectione jentacula condirentur, sicque non minus animus, quam corpus reficeretur. Finita lectione pro temporis aut dierum vel exigentia, vel differentia discursus varii de sacris vitae ac doctrinae Christi aut salutis nostrae mysteriis instituebantur, & his Bartholomaeo plerumque materiam suggerente, mentis per saepe miscebatur de mundi, rerumque mundanarum vanitate, vitae humanae fugacitate, cura gloriae Dei & salutis animae humanae nimis exigua, ac etiam de inaeestimabili animarum pretio, ac erronea nihilominus plurimorum vilipensione. Quamvis refectiorem his similibusve condimentis probe dulcoratam sublata mensa subsequerentur variae Studioforum relationes, quas ex assignato quivis Authore communi notitiae, bonoque promebat. Annuae recollectionis faciendae tempus singuli retinebant. Si quem adversa quandoque valetudine premi contingeret, is omni cura medica corporis & spirituali animae perquam sollicitè fovebatur, ac pro possibili sublevabatur, ut adeo tota Bartholomaei oeconomia videri potuisset verae disciplinae, morumque sanctiorum officina.

Si qua particularis necessitas immineret, mox in dilectis in Sacello domestico vel etiam adauctis precibus ad eam aut avertendam, aut certe mitigandam omnia inducebantur; si qua vero gravior, publicaeque utilitati minitans calamitas instaret, translata in templum devotione coram Venerabili preces fundebantur, id, quod

Oñum

Oënum fluvium trajicere & in patriam Salisburgensem irrumpere tentabant, de quo C. III. §. V. plura: altera vero, quando pluribus annis post, clandestinis machinationibus urbi Pragenſi præter expectationem imminentes iidem hostes partem civitatis unam subitanea irruptione occupabant; cum enim de improvvisa diſtæ civitatis invasione nil penitus in Tyroli conſtaret, nec præpropere cuiquam innotescere potuiſſet, Bartholomæus præſago malorum impendentium zelo fervens octo & pluribus diebus hora conſtituta domesticos & familiam univerſam ad templum cogeſcit, ipſeque coram Venerabili proſtratus multis precibus & lachrymis adeo Divinam Clementiam indefinenter evocabat, ut teſte Georgio Eberle Bartholomæi tum temporis Sacellano, præ ſtctu & ſingultibus in oratione vocali, qua cæteris præibat, aliquando pergere non potuerit, omnibus, qui aderant, attonitis, dubioque ſuſpenſis, quid tam calidæ, madidæque preces portenderent: donec tandem Archi-Duce Ferdinando in partibus illis venationi inſiſtente Dominus Siegelſchneider Archi-Ducis Cubicularius Bartholomæo triſte nuntium de parte civitatis Pragenſis occupata referret. Addit vero ſupra nominatus Eberle, firmiſſime ſe credere, periculum hoc civitatis a Bartholomæo præviſum, ejusque precibus Divina favente Clementia eate-nus mitigatum fuiſſe, ne tota civitas occuparetur.

Cum porro mos in aliquibus Tyrolenſis patriæ locis receptus eſſet, ut Sabbathinis diebus circa ſecundam vel tertiam pomeridianam ſerviles labores finirentur, & reliquum diei ſpatium honori B. Virginis ſacrum eſſet, ne tempus illud otio, quo res jam degenerare coeperat potius, quam Divæ Virginis cultui dicaretur, Bartholomæus in Sacello ſuo domeſtico Litanias Lauretanæ eo tempore decantari fecit, nec vicinos ea devotione captos & intereſſe volentes prohibuit. Unde paulo poſt vicinis pietatem iſtam mire commendantibus major Parochiano-rum numerus confluxit, quam ut eos domeſticum Sa-

cellum capere posset: ut igitur omnibus Marianae pietatis occasio latius pateret, devotionem illam in Ecclesiam parochialem transtulit, ad eamque solemni majoris campanae pulsu Parochianos convocavit, ac magno pietatis cultusque sanctissimae Virginis incremento devotionem illam Sabbathinam in loco & populo sibi concredito stabilivit, S. Ambrosii ductum secutus: *Quod populo praecepturus es (vel suaturus) prius a domesticis exige.*

A Bartholomaeo me avertō, & ad te, Lector benevole, me converto. Habes hic vitam Bartholomaei a suscepto Sacerdotio usque ad ejus obitum cum virtutibus praecipuis in Bartholomaeo Sacerdote observatis, harum ut sis strenuus aemulus, te obsecro in Domino, hic enim te vult tenere lucernas ardentes in manibus *Luc. 12. v. 35.* Ardentes lucernas manibus geris, si bonis operibus, virtutibusque fulges, qui fulgor Sacerdoti & praeprius Pastori animarum necessarius est, hic si desit splendor, fulgentibus verbis tenebras offundent obscura opera. Ergo imitentur Sacerdotes & Pastores exemplum Sacerdotis secundum ordinem Melchisedech & Pastoris animarum nostrarum Jesu Christi, *qui, ut S. Cyprianus lib. de lapsis ait, fuit in verbis Doctor, consumator in factis.* Quaecunque enim docuerat, prius fecerat juxta illud *Act. 1. v. 1. Coepit Jesus facere & docere.*

*Capitis secundi Finis.*



**Cap. III.**





### Caput III.

Faëta quaedam memoratu digna  
Bartholomaei, ejusque obitus.

#### §. I.

*Bartholomaeus spectris infestatur.*

**N**e interromperem ortum & progressum Instituti opera Bartholomaei Doctoris & Ductoris, facta quaedam memoratu digna silentio in parte praecedenti praeterivi, & ad praesentem reservavi; inter quae non postrema sunt illa, quae Bartholomaeo a spectris acciderunt. DEUS ille, qui Moyfi mandavit tanta in Ægypto patrare miracula, permisit pariter, ut Magi Pharaonis similia ad apparentiam duntaxat prodigia fingerent *Exod. cap. 7.* utque in eodem campo, ubi bonum semen sparsum fuerat, inimicus homo supersemisaret zizania; ita simili modo cum singularibus visionibus & revelationibus Deus Bartholomaeum honorasset, ut partim ex dictis jam patet, partim adhuc magis ex dicendis patebit, permisit etiam e contrario, ut ad meritorum ejus augmentum eundem Diabolus spectris exagitaret, ex quibus sequentia ponere libuit.

Cum Bartholomaeus adhuc Studiosus B. V. Mariae praecipue devotus Ingolstadii Sacellum civicum Mariae de Victoria dictum quotidiana consuetudine frequentaret, tanto loci illius affectu non raro retentus est, ut ibidem etiam pernoctare soleret crebrius in oratione Dei. Aegrius autem insuetas eo loci vigilias tulisse videntur inferi, tanta quippe, tamque diversae ac terribilis formae concitavere terribilimenta, ut loco cedere, piamque stationem deferere coactus forte fuisset, nisi solida prudentis Confessarii directione roboratus eos omnes

assultus contemnere didicisset, utpote quibus infernalis inimicus caelestis impulsus & consuetae pietatis exercitia praepedire, vel saltem interrompere, ac sic eximium quandoque bonum a DEO singulariter intentum subvertere conaretur. Hoc igitur spiritalis Directoris adhibito semper auxilio quasvis hostis insidias declinavit, terrores & astus enervavit.

Paribus omnino molestiis Bartholomaeus ad S. Joannem in Leoggenthal a spectris exceptus est, quando cum Michaëli Rottmayer Cooperatore suo Parochiam suscepit administrandam; nam prima statim nocte tres diversi se spiritus obtulere, quorum unus vellicando cervical totam fere noctem insumpsit, tandemque a Bartholomaeo, quid desideraret interrogatus, indicavit precibus & Sacrificio ejus sibi suppetias ferri posse, quibus etiam conditiis, & altero statim mane perfolutis, nil amplius ab hoc molestiae notatum est, duo reliqui validis exorcismis abscedere jussi, domumque suis infestationibus immunem relinquere coacti sunt. Verba Michaëlis Rottmayer adjungo: *Cum aliquando ad S. Joannem Cooperatoris officio functus ambulare in atrio domus medio, prorumpit Bartholomaeus ex cubili pallida facie, perterrito haud dissimilis. Interrogavi ergo (notavi enim viro alioquin sibi semper praesenti, in vultu subitaneum aliquid accidisse). Noluit primo indicare, nam parcus fuit valde in secretis suis propalandis, & nonnisi pluribus instantiis vincendus, sed crebrius instanti mihi fassus est, sibi spectrum aliquod horribile, quale mihi dicere non posset, turpissimum obviaffe, fugasse autem illud signo S. Crucis.*

Nec illud memoria videtur indignum, quod circa virum in Leoggenthal Bartholomaeo evenit. Hic nescio, qua vel capitis vertigine, vel animi fluctuantis turbine, domo, familiaque deserta diffugerat, nemine conscio, conjuge vero tam misere viduata multum tristi; cumque nullum fugae vestigium explorari posset, uxor profugi Bartholomaeum adit, utque pro marito, quem

quem perditum metueret, Sacrum offerret, enixe rogat. Nec hic abnuere poterat adeo sanctum Deo, proximoque serviendi studium, utpote cui consuetum afflictis non modo compati, sed etiam, ut totus in eorum esset obsequio, sollicitè providere. Promittit ergo Sacrum altero proximoque mane offerendum, & bono esse animo jussam dimittit. Vix aurora subsequētis diei nuntia fugientes noctis tenebras discutere coeperat, cum Bartholomaeus ostium sui cubilis importuno tumultu reserrari & aperiri, virumque venatoris habitu intrare conspicit, qui truci, minacique vultu Bartholomaeum intuitus frementi similis, mox janua cubiculi pari prorsus tumultu clausa denuo disparet. Bartholomaeus, quid insolita larva portenderet, nescius, relicto strato, promisso se Sacrificio peragendo accingit, ac illo statuta hora devote oblato, paulo post virum fugitivum interea sibi, suisque redditum intelligit, ac simul retulisse, quod sibi circa proximum pagum, rivum transire volenti ex adverso venator steterit obvius, & ex arcu, quem gestaverat, globum in caput impetu vehementi impegerit, quo ictu accepto in horreo sub foeno sese abdiderit, & ibi sopore hucusque continuomersus paulo ante primum denuo evigilaverit. Unde Bartholomaeo conjecturare licuit, quis ille venator esse potuerit, qui mae tam insolenter in cubile irruperat.

## §. II.

### *Bartholomaeus diversos afflictos liberat.*

Cum Bartholomaeus Parochiam ad S. Joannem in Leoggenthal administrandam suscepisset, & primo statim initio plura zeli sacerdotalis ac vitae sanctioris, curaeque sacratoris exempla passim omnium oculis irradiare coepissent, intra breve tempus adeo longe, lateque fama vitae ac nominis ejus evolavit, ut non modo viciniore loca pervaserit, sed ad remotiora etiam & longius dissita non obstante plurium aemulatione penetraverit

verit; unde plures afflicti, morbidī; vel aliis quibuscunque vexati miseris ad eum hinc inde perlati spiritalia suis defectibus medicamina, subsidiaque quaerebant; quos omnes ad fidem, spem, & charitatem, ac devotum verae poenitentiae & Sacramentorum usum primum erectos, salutaribus monitis instructos, aqua, cera, herbis benedictis provisos a se dimisit, tanto plurimorum emolumento, ut (teste Gündelio) *U hominibus U pecoribus optati sanitatis effectus ac fructus ubertim succreverint*, atque ut unius vel alterius faciamus mentionem.

Dum ad S. Joannem in Leoggenthal degeret, puerulus utroque pede claudus Bartholomaeo praesentabatur. Compatiens calamitati hujus creaturae Bartholomaeus oleo modico lampadis ante aram Praecursoris Christi accensae partes laesas inungens in momento liberum & sanum domum remisit.

Ita pariter maligna feбри correptus D. Malgarita a Bartholomaeo visitatus, persoluta ab eodem oratione integerrimae sanitati restitutus ab omni malo liber evasit.

Cum esset expositus ad obsequia pestiferorum D. Pfister, & intellexisset Dei Servum Sacris pro se operatum, ac in S. Communionē verbis illis apud Deum instituisse: *Non dimittam te, nisi benedixeris mihi*: idcirco pro certo semper habuit, se ab omni infectione praeservatum, & perfecta sanitate gavisum fuisse in grandi ista multitudine infectorum propter Bartholomaei preces.

Haec tria exempla sufficiant ad probandum multos a variis morbis liberatos esse a Bartholomaeo. Silentio involvimus alios; quos a corporis, innumeros vero, quos ab infirmitatibus liberavit animae.

### §. III.

#### *Bartholomaeus diversos energumenos liberat.*

**Q**uod promissit suis Apostolis liberalissimus Salvator *Marc. 16. v. 17. Signa autem eos, qui crediderint, haec sequentur: In nomine meo daemonia ejicient.* Pariter impletum fuit in Bartholomaeo Viro vere Apostolico.

Inter alios mulier anno 1642. circa solemnitatem Corporis Christi accessit, filiam nomine Walburgam deducens ab annis octo penitus mutam, tantisque non raro furiis agitatam, ut obsessam daemonio non immerito querela mater suspicaretur, tumultuans etenim nulla vi cohiberi poterat, aut compesci. Bartholomaeus auditis matris afflictæ lamentis, cum in hujusmodi negotiis consuetam semper singularis providentiae cautelam praemitteret, suadet, ut ad chirurgum loci se conferat, qui ore puellæ inspecto forsitan hærentis linguae defectum deprehensus, mediaque convenientia dictaturus sit, quibus adhibitis loquela revocari queat, & restitui. Paret mulier, & jussu Bartholomaei chirurgi fores pulsas, admissaque mutam filiam sistit, ac pluribus accessus sui causam inter singultus explicat, ea cognita, dum os puellæ perlustrat, mox vermis e collo sese exerentis caput conspicit, & prioribus digitis deprehensum extrahere vano, castoque nisu conatus forcem sibi, qua caput vermis resecari possit, dari postulat, reliquum medicinae vi depulsurus; at vermis reformidanti similis aciei forcicis se subtrahens disparuit, puellam vero deinceps tantis agitare furiis perrexit, ut mater tumultuantis filiae furorem ferre non amplius potens, ad Bartholomaeum recurrere, ab eoque remedium iteratis precibus extorquere coacta fuerit. Jubet is in diem alterum expectare, ac interea re Deo devote commendata puellæ tempore statuto redeunti panem & vinum usuale praebere, ac illo perquam avide ingesto, panem benedictum superaddi mandat, cumque hunc deglutire non valeret, sed

sed terribili vultus ac oris diductione respueret: *Note*, inquit Bartholomaeus, *quis te vexet inquietus*. Exorcismum tamen adhiberi certis de causis eo tempore distulit, ac mulierem interea solatio non nihil refocillatam denuo dimisit. Tandem circa festum S. Michaëlis Archangeli cum filia tertio reversa multis precibus gemitibusque Bartholomaeum ad ferendas miserrimae filiae suppetias urget, quibus ille permotus, exorcismos inchoavit, & eosdem per se, suosque deinceps frequentius repetivit, & licet non modo cacodaemon apertis se proderet indicis, sed & imperata quaevis exequi cogeretur, ut tamen puellam defereret, toto biennio compelli non potuit. Demum anno 1644. Bartholomaeus quindecim Sacra sub honore B. Virginis ob memoriam quindecim mysteriorum sacri Rosarii (quae summa semper veneratione ruminavit) eo ordine obtulit, ut decimum quintum in vigilia SS. Virginis assumptae legendum incideret, quo peracto sancta fiducia plenus exorcismum repetiit, maximaque vehementia continuavit, donec & ipse fessus, & puella pro more miserrime jactata & horrende distenta deficientibus pene viribus lassò respiraret halitu; offam dein pro ea refocillanda dari jussit, qua perquam avide absumpta, *Ecce*, inquit, *haec offa emendicata & amore Dei data fuit, & ego amore Dei pariter illam dari curavi*. Vix haec effari poterat Bartholomaeus, cum superbus spiritus ingenti ructu puellam distendens, offam, uti contenderat, in scutellam revomere fecit. Instante tamen Bartholomaeo puella rejectam offam denuo devorare coacta est. Quo facto exorcismus finit, & toto negotio Divinae Bonitati per Patrocinium Beatissimae Virginis commendato puellam ad diversorium reduci jussit. Dum vero puella hospitium repetens pontem fluvio Achen inaedificatum transire parat, in immensum iterum distendi, sicque ad vomitum urgeri coepit, ut ad latus pontis inclinans inter foedissimas sordes tres quoque nigras volucres veluti corvqs in praeterlabentem fluvium vomitu ejecerit, & mox

mox mire se alleviatam sentiens ad domum parochialem reversa, quibus poterat signis ac nutibus rem, ut gesta fuerat, indicaverit, & paucis post horis, redeunte insuper loquela, sibi plene restituta, gaudens ac laetabunda verbis sine titubatione retulit, quod prius nutibus intimaverat. Ita igitur haec puella tot annis muta, misereque confecta, daemonio tandem liberata loquebatur recte. Bartholomaeus porro gratis Divinae Bonitati perquam ferventer actis tantum materiae hausit in Beatissimae Virginis pervigilio, quantum excitandis ad colendam eandem Virginem auditoribus sufficeret in die festo. Nec enim poterat facundius, quam de muta loqui, quae, dum Dei Miseratione, Deiparae Virginis intercessionem loquendi facultatem recipit, ad tanti Numinis encomia, tantae Virginis Patrocinia solemnius loquenda mutas linguas solvit & provocavit.

Quae interea ante hujus energumena sat mirandam liberationem accidisse constat, duo singulariter observata reperio, unum, quod, dum Bartholomaeus illo bienii spatio, quod pellendo miserae puellae tortori tribuere debuit, exorcismos aliquando vehementius adhiberet, ita subito furore daemon puellam concitaverit, ut in Bartholomaeum irrueret, ac utroque brachio conclusum adeo constringeret, ut nulla se ratione movere amplius posset, imperterritus tamen, mentis adhuc & linguae potens Bartholomaeus, *Si, inquit, potestatem habes a Deo, fac quod vis.* Quo dicto manus, quasi ambustione graviter laesisset, sine mora puella retraxit. Indignante sine dubio pessimo tortore, quod nequidem terrere potuisset, quem terrere tentasset. Alterum, quod, dum finito vice quadam exorcismo stolam & superpellicum Bartholomaeus supra mensam deposuisset, ac una pars ejusdem stolae dependens totam illam ad pavimentum detraxisset, Bartholomaeus energumena mandaverit, ut stolam a pavimento sublatam in mensa reponeret, multum vero cunctantem, quin etiam pertinaciter reluctantem vehementius urserit. Unde vim ulteriorem  
parti-

pertimescens manum tandem extendit, sed eandem stola vix extremis digitis leviter attacta mox retraxit, quod postquam crebrius repetiit, subito denique motu stolam in mensam projiciens, ita manus excussit, quasi carbonibus ignitis easdem dolorosius adussisset. Indicio certe non inani, quantum infernalis inimicus tum talia benedicentis, tum benedicta sic usurpantis Ecclesiae morem & auctoritatem horreat, ac pertimescat.

Breviori tempore, faciliiori modo mulier quaedam ex Jochberg spiritu maligno liberata est, ea communi, quae de Bartholomaeo percrebuerat sanctitatis opinione mota, viri potioribus omnium votis commendatissimi subsidium imploratura ex Jochberg, ad parochialem Bartholomaei residentiam fuerat adducta; cujus miserandam constitutionem, cum Bartholomaeus manifestis explorasset indicibus, id primum pellendo malo remedium adhibuit, ut tremendo Missae Sacrificio DEUM placaret, quo ferventer oblato stola collum energumენae circumdat, sicque ligatae, dum exorcismos adhibet, aquam lustralem porrigit, qua vix hausta mulier ingentes vomitu spurcicias ejecit, interque illas animalia plura locustarum speciem referentia; quibus ejectis maligni spiritus infestationibus immunis mulier evasit.

Aliam de simili prorsus infessore suspectam, cum sibi fisti Bartholomaeus cerneret, exploraturus, num revera tam diro stygis inquilino torqueretur, jussit, ut Deo gratias ageret, & orationem Dominicam recitaret, quod cum perfunctorie, frigide, contemnentique similis egeret nec unquam rite, pleneque persolveret, iterum, iterumque repeteret jussa, in ultima semper petitione, *Sed libera nos a malo*, titubavit, vel mutilatis, vel mutatis, vel alias ita pressis verbis, ut genuine nunquam pronuntiaret, donec tandem Bartholomaeus post crebram orationis repetitionem sagaci attentione notaret, mulierem in ultimae petitionis pronuntiatione germanico idiomate facta fallaciam posuisse, dum loco germanici nominis *lúbel*, nomen *lúbel* supposuerat, qua fraude  
notata



notata serio quidem Bartholomaeus urfit, sed non extorlit perfectam ultimae petitionis pronuntiationem. Unde sine mora parvulum vocat, jubetque complicatis manibus, erecto in caelum vultu orationem Dominicam, integre, clare, distincteque recitare, Daemonem vero, cujus praesentiae nullum amplius restabat dubium, aggressus: *Ecce, inquit, inveterate nequam, damnate spiritus, puer hic totus adhuc a baptismo innocens te debet docere, perge ergo nunc & sequere praecorantem.* Dum vero Diabolus apertissime se prodere, quovis modo reluctari, in omnem se partem torquere, spumare, ac ringi coepit, quo tamen non attento Bartholomaeus exorcismos adhibuit, itaque hostem avernalem pressit, ut tandem integre petitionem, prius toties vitiatam, exprimere, itaque exorcizantis imperio cedere coactus fuerit.

Exhinc Bartholomaeus ansam, occasionemque sumpsit suos Sacerdotes instruendi, ut in exorcismis usurpandis magna in Deum fide animos erigant, multis sermonibus, & caeremoniis alias non consuetis, abstinuant, imò nec in magnarum aut multarum Reliquiarum usu tantam vim politam autument; sed omnia in firma in Deum fiducia, profunda humilitate, & humili simplicitate peragere studeant, cum spiritus hosce superbissimos magis humili, communi, & simplici exorcizandi modo confundi, premique manifesta crebro docuerit experientia exorcismosque ut plurimum peragant finito Sacrificio Missae; tunc enim securius ex alieno corpore ejici posse daemones credebat, dum hospitio receptus est Deus.

#### §. IV.

*Bartholomaeus diversos favores accipit  
variis visionibus.*

**P**ater luminum, qui mirabilia sua abscondit Prudentibus & Sapientibus mundi, & revelat ea parvulis, complacuit sibi, manifestare ea & revelare Servo suo  
K humili

humili Bartholomaeo. Visiones, quas ipsi revelare dignatus est, dum in tenera etiamnum aetate vivebat, retuli C. I. §. II. & aliquas, quas Studiofo & Sacerdori facere dignatus est eodem Capite §. VIII. & C. II. §. III. His adde visionem de septem animalibus, per quae intelliguntur septem vitia capitalia; de arbore & terra sacerdotali; de multitudine vermium, sive hostium Imperatoris, & verme grandi, sive Imperatore & Cato, sive Duce fideli, cujus providentiam Deus statuit &c. Verum cum Bartholomaei Prophetias recensere, ab ipsoque datam interpretationem non intendam, illasque typis evulgandas expectent alia tempora, vitam Bartholomaei prosequer.

Cum esset Parochus & Decanus in Leoggenthal ex consilio suorum Confacerdotum & cum speciali licentia RR. D. D. Episcopi Chiemsensis mense Januario ad finem vergente anno 1646. compilavit visionum suarum caelitus haustarum maximam partem in libro quodam, & grandi vehementia spiritus impulsus cum indicibili velocitate properavit Lincium civitatem Austriae & humillime illum Ferdinando III. Imperatori ad templum eunti obtulit cum longa paroenese ad Germaniam; & inde non cum minore celeritate, quae fugae similior erat, Monachium properavit, ejusdemque dicti libri copiam Electori Maximiliano Bavariae Duci praesentavit. Cognitus autem a R. P. Joanne Vervaux e Societate Jesu, qui eidem Principi a Confessionibus erat, rogatusque, ut & sibi copiam communicaret, visionumque expositionem; satisfecit huic petitioni, visionum expositionem Leoggenthalio praefato Patri Confessario transmittendo. Quid de his visionibus senserit R. P. Lyprandus ex ejus verbis patet, quae placet recensere: *Quod attinet ad Prophetias D. Bartholomaei varii varie, uti fieri solet, senserunt, alii, ut vanas rejecerunt, alii, itaque, pauci approbarunt. R. P. Simon Felix insignis quondam in hac Provincia Theologus meus in Theologia Academiae Ingolstadtensis Collega, &*  
per

per unum circiter annum ibidem D. Bartholomaei Professor, Vir acris judicii, cum legeret Prophetias D. Bartholomaei, judicavit stylum esse vere propheticum, nec spectata natura & talentis D. Bartholomaei, quam optime noverat, eas potuisse suo Marte fingere. Idem sensit R. P. Petrus Bjaerus & ipse D. Bartholomaei Professor, ac meus olim Collega in Theologia.

Ego tres primas Prophetias, quae consistebant in visione quadam & vigilantia & oranti pro Ecclesia contigerunt, nempe de Lyco, de Ingolstadiensi civitate, & de regno Angliae, statim intellexi, & examinavi; quia tamen scivi, facile in his aberrari posse, ac saepe deceptiones varias in variis contigisse, & contingere, duas primas non aestimavi, sed postquam mihi narravit Prophetiam de Regno Angliae, quod nimirum illud deveniendum sit ad summas misérias, & totum situm esse, ut percutiatur Rex, postea pacem redituram, & Regnum Angliae convertendum ad Catholicam & Romanam fidem, ac deinde Anglos plus facturos pro Ecclesia, quam olim post primam suam conversionem fecerint, vehementer horruí, & timui, ne mala, quae de Lyco & Ingolstadio praedixerat, evenirent; & hoc ideo, quia similem plane Prophetiam, de Regno Angliae habuit R. P. Collnagus inter Prophetias, quas sub obedientia iussus est a Superioribus conscribere, quas sciret se divinitus habere, easque legi ab eodem R. P. Collnago Italice scriptas, ac succincte usque ad annum 2. hujus saeculi, & mihi communicatas circa annum 19. ejusdem saeculi a R. P. Ruperto Rendelio meo tunc Confessorio Viro valde prudenti & spiritali; in Prophetia tamen R. P. Collnagi nulla sit mentio Regis percutiendi, nec de illa tempestate, de qua D. Bartholomaeus.

Post aliquot annos, cum praedictus Dominus Salisburgo Ingolstadium rediret, suos juvenes hic in studiis morantes visitaturus, & ante hic publicus fuisset rumor, Carolum Regem Angliae pronum esse ad profitendam fidem Catholicam, atque D. Bartholomaeo objicerem,

*Hunc rumorem non cohaerere cum Prophetia, quam habuisset de Regno Angliae, mihi valde asseveranter ita respondit: Carolus Rex Angliae nec de facto est, nec unquam erit Catholicus; quod eventus probavit. Eodem tempore mihi indicavit, se divinitus intellexisse Suecum nullum pedem habiturum in Imperio, Rhenum suo tempore rediturum ad suum antiquum Dominum. Caeterum loquendo universim de Prophetiis D. Bartholomaei, ego semper judicavi, cum sine fraude procedere, nec naturalia ejus talenta suffecisse ad hujusmodi consingenda, in qua sententia me non parum confirmavit quaedam epistola, quam scripsit ad quendam magnae dignitatis Virum, in cujus prima parte cum vehementi spiritu reprehendit, & mala praedixit, nisi aliter se gerat, in posteriori parte quaedam alia adjecit, in illa videbatur ut vir, imo supra Virum loqui, in hac vero ut parvulus. Quamvis autem satis probabile, imo probabilissimum censeam, illum a Deo accepisse donum Prophetiae, an tamen ea semper recte intellexerit, affirmare non ausim; notum enim est apud Theologos primum stare posse sine secundo. Hucusque P. Lyprandi de Prophetiis Bartholomaei judicium, quod rogatus post obitum Bartholomaei dedit. Antequam ad §. sequentem descendam, unam a Bartholomaeo visionem habitam annectere Lectori ingratum non erit.*

*Cum diversi generis adversitatibus undequaque irruentibus peracerbe Bartholomaeus torqueretur, ea reliquis afflictio superaddita est, quod in visu sibi repraesentari cerneret, quomodo in medio Collegiatae domus Tittmoningianae, quam Instituti Sacerdotes plures inhabitabant, atrio diabolus lebetem magnum felle ac sordibus, immunditiisque plenum effunderet, pro quibus tollendis, cum Bartholomaeus multum contristatus Deum enixissimis precibus adorasset, mira mox vicissima consolatione roboratus est, exhibito sibi oblongo illorum catalogo, qui a tempore, quo ipse ac Sacerdotes Instituti sui Collegiatam illam cum animarum cura rexerant,*

& administraverant, coelo fuerant adscripti, tanto numero, ut vix tot interea putaret ibi fuisse defunctos, parvulis insuper, qui a baptismo innocentes decesserant simul repræsentatis. Dum vero quid fellis & immunditiarum effusio portendere posset, sollicitus perquirat, reapseprehendit, plurium discordiarum & confusio-  
num zizania inter eosdem Sacerdotes de saclo pullulare coepisse, quæ congruis remediis, quam potuit matu-  
rissime radicitus evellere laboravit.

§. V.

*Quaedam futurorum prædictiones à Bar-  
tholomæo factæ.*

Cum quedam subinde Bartholomæus diversis even-  
tura prædixisset, quæ licet ratio naturalis prævidere,  
aut in illis circumstantiis tanta certitudine polliceri non  
potuisset, eventus tamen semper subsecutus confirmavit;  
hinc earum prædictionum eum subsecutis eventibus  
quasdam hic apponere libuit, ne talium legendarum  
cupido Lectori plus promississe, quam servare voluisse  
videar. Quid hac in parte de Bartholomæo D. Doctor  
Joannes Jacobus Lossius senserit, scripto suo testimonio  
patere voluit, dum in futuris prædicendis Bartholo-  
mæum Miraculosum fuisse asseveravit. Quod tanto sibi  
certius licere credidit: quanto manifestius præter conju-  
gis, privignæque testimonium idipsum suomet etiam  
experimento comperit, ut ex sequentibus haud obscure  
notabis.

Quando postremis Theologicorum studiorum annis  
Bartholomæus in domo Præcellentissimi Medicinæ Pro-  
fessoris Ingolstadiani, D. Doctoris Weitzerigger Pæ-  
dagogiam administrabat, tanto pietatis & virtutum ex-  
emplo, ut non modo domus illa singularem se a Deo  
per Bartholomæum accepisse benedictionem agnosceret,  
sed unicus etiam filiusfamilias virtuoso Pædagogi do-  
mestici

messici exemplo permotus Societati Jesu, tres autem filiae Monasteriis Religiosarum Virginum sese sociarent. Defuncto Patrefamilias, vidua probatae passim ac laudatae virtutis Matrona sinceram Bartholomaei conversationem summopere suspiciens, in rebus dubiis ejus consilia perquam sollicite requirere non destitit, utpote quod sibi suisque nunquam non saluberrimum extitisse crebriore didicerat experimento. Offerente se igitur occasione contrahendi cum D. Doctore Lossio tunc adhuc in Italia commorante Matrimonii rem cum Bartholomaeo confert, in negotio tam ambiguo non alio; quam hujus usura consilio. A quo mox certas circumstantias attendere jubetur, quas si evenire cerneret, matrimonium faustum fore, non dubitaret. Succedentibus ergo prout Bartholomaeus enumeraverat iisdem circumstantiis, Matrimonium quoque tale mutuis utrinque votis successit, quale Bartholomaeus in Salisburgensem interea patriam discedens, fore praedixerat.

Longe memorabilius aliquot post annis extitit, quod D. Doctori Lossio in praedicto jam matrimonio constituto evenit. Hic hostili Suecorum in Bavariam irruptione indeque secuta bonorum & praediorum suorum direptione tantam cladem sibi sensit illatam, ut de statu suo periclitari visus, magno se moerore, tristitiaque conficeret. Bartholomaeus interim ex Tyroli, ubi tunc degebat, DEO singulariter disponente Ingolstadium regressus, ubi tanti viri lamenta percepit, aequo animo esse jussum instanter urget, ut quidquid vel pecuniae vel rerum alias pretiosarum haberet, id omne comparandis, congerendisque frumentis, quae pretii levioris erant, impenderet, nec ulli pretio in accumulandis, quantum posset, frugibus parceret; fore enim, ut hac ratione damnum ab hostibus illatum refarcire, pristinaeque fortunam omnem revocare brevi temporis intervallo valeat, intra paucos namque menses frumenti pretium ad summum elevatum iri. Quod prudentia humana tunc non aestimasset, D. Lossius accedente praefertim

sertim uxoris suasu atque instantia consilium acceptat, residuamque nummorum substantiam coacervando frumento contrahit, ac brevi post intervallo, quod 10. florenis coëmerat, 30. florenis dividens, rem suam familiarem ita restituit, ut magnorum deinceps Comitum, Baronum, maximeque praecipuorum Studioforum hospitacionem largiter exerceret, itaque pinguiori fortuna de repente mire denuo ditesceret. Nec vero subita prosperitate felix ita supercilium sustulit (quod felicitati commune est malum) quin agnosceret, palamque praedicaret, omnem Dei benedictionem sibi ex usurpata Bartholomaei familiaritate promanasse; sed & vicem beneficentiae reddere sedula liberalitate studuit, Alumnos Ingolstadtium Salisburgo missos intra domum recipiendo, lecticalia, & alia necessaria praebendo, ac totis quatuor annis novem vel decem juvenum sustentacionem parte magna contribuendo, ut relatum C. II. §. XII. fuitque deinceps domus Lothii diversorium singulare, ac receptaculum Bartholomaei, & Sacerdotum ejus, quorum plures etiam Instituto se aggregaverunt, sincero tanti viri moti consilio, vel ejusdem valido tracti incitamento.

Quando Suecorum exercitus Bavariam hostiliter ingressus, vicinam quoque patriam Salisburgensem tanto terrore complevit, ut commune consilium in fuga esset, Bartholomaeus vero in Tyroli existens, precibus ante Venerabile profusis avertendo malo jugiter instaret, intellexisse visus est, patriam illam ab hostis hujus invasione tutam fore; nam Sacerdotibus aliquibus cis Oënum habitantibus nuntiari fecit, ne vel res suas moverent, vel a domibus parochialibus fugerent, sed suis in stationibus peristerent, certoque scirent hostes irrito conatu Oëni transitum tentaturos, quin etiam in medio flumine disjectis machinis suis quibuscunque ad revertendum compellendos. Utque praedixerat, paulo post accidit; nam pontem Oëno insternere moliti, cum in fluminis medium jam processissent, aquarum vis opus omne disjecit, & abripuit, simulque cogitatus & conatus ho-

stiles abruptit, penitusque retorfit. Id tamen Bartholomaeus confidentius tibi notis eodem tempore, modoque praedictionis addiderat, tamen si patriam Salisburgensem modernis invasionibus immunem fore praenisset, metuere se tamen, ne civitati Salisburgensi alia plaga perferenda immineret, cum ibi montem viderit sanguine perfusum. Haec visio, num luctuosae forsan fuerit stragis illius praesaga, qua pluribus post annis a monte divulsa moles praenominata civitas em funesto pluribus, cruentoque casu preffit, DEUS omniscius novit, cujus inexhausta bonitas ulteriora mala procul averrat.

De certa quadam linea domus in Imperio valde sublimis Bartholomaeus quibusdam familiariori consuetudine notis perquam asseveranter dixerat, crebriusque repetierat, lineam illam post paucos annos cessaturam, nec fore, ut diu amplius subsistat; et tunc superstitis essent adhuc duo fratres, eorumque unus in matrimonio non sterili vivens foecundam diu propagando stemmati spem polliceri videretur. Nec multi fluxerunt anni, cum ultimus effluxit fratri in matrimonio constituto. Quo defuncto, secundus stemmati consulturus matrimonium meditari coepit, jamque pacta connubii sancire decreverat, cum etiam hic contraria mortis decreto parere jussus, ac tumultum e thalamo ingressus haerede masculo non superstiti, lineam finivit ultimo vitae puncto; obstupecentibus mirum in modum omnibus, quibus de Bartholomaei praedictione decem circiter annis ante facta constabat.

Sacerdos quidam haud ignoti nominis, quem ex maxima calamitate, nec minori animae periculo prius Bartholomaeus extraxerat, cum vicino Sacerdote ac Parrocho jurgiis dissidebat, eoque contentio aliquando exarserat, ut vicino Parrocho viro alias probo ac simplici sat petulanter insultans, ictum insuper pede, perquam contumeliose impeggerit. Re ad Decanum, qui Bartholomaeus erat, delata, cum percussor conculcata etiam paterna correptione proterve correctioni obfisteret Bartholom.



tholomaeus hominem frustra monitum intuitus: *Iste*, inquit, *pede lues, quo percussisti Sacerdotem meliorem se.* Abiit ille vel incurius vel nescius, quam vera suus Decanus fuisset vaticinatus; sed non multo post illam rei pedis proterviam tanti dolores, tamque acres & acutae puncturae vindicare coeperunt, ut intolerabili pedis illius cruciatu ad mortem usque contabuerit, nec vis acutissimi doloris pedem deseruerit, donec in mortem ire coëgerit. Tantum Sacerdoti nocuit vel Sacerdotem pede protrivisse, vel Sacerdotem pie monentem contempsisse, vel utrique contumeliosum extitisse.

Erat quidam Consiliarius Ecclesiasticus, qui Religiosi Ordinis professus erat, hic vanae phantasiae, vel nimiae praesumptioni, vel stoliditati tribuebat Bartholomaei Visiones & Prophetias, indeque Authorem phantasiae, stolidi, praesumptuosi, ac similibus calumniae titulorum cognominibus impetebat. Ad haec Bartholomaeus demisse conticuit, omniaque consuetae patientiae sufferenda committens obmutuit, factus ut homo non audiens, & non habens in ore suo redargutiones. Deinde vero quidam, qui rei gestae, factaeque; durioris increpationis notitiam habebat, de titulis istiusmodi forte quidquam repetenti, haec pauca verba reddidit: *O Deus bone, isti Patri parce in aeternum! video illum in altissimis montibus per Italiam fugiendo errantem.* Quam ab hac visione Bartholomaei quaevis praesumptio, stoliditas, & phantasia longe absuerit, haud multo post rei eventus eum ipsum docuit, qui Bartholomaei Visiones, ut veras videre noluerat; ut vel sic suomet experimento sentiret, quam vere vera, quam & futura Bartholomaeus videre potuerit, ac praevidere. Nam cum Vir hic aliquanto post tempore in partes Styriae ad Praelatum quendam (cui super Monasterii sui quibusdam Juri- bus cum Archi-Episcopo Salisburgensi Paride controversia erat) se contulisset, & Praelato eidem Romam eunti comitem sese adjunxisset, Archi-Episcopus re comperta hunc suum Consiliarium (quod rupta violata-

que fide Confiliarii juramento firmata contra suum *Archi-Episcopum* agere, & adversario argumenta suggerere infimulatus, satisque convictus esset) perjurii primo condemnavit, missis dein *Roniam* litteris a Pontifice *Innocentio X.* illum utpote perjurii reum non tantum non audiri, sed etiam comprehensum, securisque manibus traditum ad se remitti petiit, quod etiam sine dubio praevalente *Romae Archi-Episcopi Paridis* autoritate factum fuisset, si non ab Eminentissimorum Cardinalium uno favente Confiliarius ille de instante sibi infortunio praemonitus subita fuga sibi consulisset, quam mutato habitu, assumptoque mentiente capillitio per devia & montes Italiae, ne a persequentibus deprehenderetur, errabundus arripuit, *Neapolim* tendens, ac sic Summi Pontificis & *Archi-Episcopi* manus declinavit. Deinde vero ad dictum Praelatum in *Styriam* clanculo reversus, ibidem usque ad obitum *Archi-Episcopi* non sine metu delituit.

Multoties de divite quodam & opulento dicere auditus est; post mortem primae conjugis, perditis omnibus facultatibus, ad extremam miseriam & incitas redactum iri, & totum evenit; mortua enim uxore ad summam necessitatem deductus, contra omnium expectationem edictali processu bonis excidisse declaratus est, & extorris ac vagabundus fugam iniit, filiis partim mortuis, partim undequaque dispersis.

*R. P. Lyprando* praedixit, necem Regis Angliae secuturam per suorum manus; devotionem Palatinatus, aliaque funesta, quae recens in Germania acciderunt, quae testimonium reddunt, *DEUM* favore singulari Servo suo abscondita arcana atque secreta & occulta admirabilis suae & inscrutabilis Providentiae revelasse.

Plura modo narratis similia referre brevitatis hujus operis initio promissa non finit, quae tamen tempus veritatis index & judex impofterum manifestabit. Ut notes aut noris, quanta succrescat ubertas gratiarum, ubi viget firma tolerantia tribulationum; ne paradoxum semper

per esse putes, colligi de spinis uvas, aut de tribulis ficus, vix enim talium olfacies rosas gratiarum, ni prius vitam pupugerit dolorosa spina tentationum, nec facile caelestium favorum dulcedine pascitur, qui nunquam afflictionum amaritudinibus exercetur. Dulcia non meruit, qui non gustavit amara. Hinc non miraberis Bartholomaeum, plura videre, ac scribere subinde caelo dictante didicisse, si memineris ab eodem patientiae, tribulationumque palaestram saepe tritam fuisse.

§. VI.

*Lucubrationes & scripta a Bartholomaeo  
relicta.*

**P**lacuit Divinae Voluntati, ut Bartholomaeus Ecclesiam non sanctitate solum & virtutum suarum splendore, verum etiam variis operibus, quae manu propria exaraverat, & post se reliquerat, illustraret. A morte vero illius inventa sunt sequentia.

I. *Viso pollutorum in inferno* singulari libello ab ipso adhuc Studioso conscripta, de crudelissimis & acerbissimis peccati illius suppliciis.

II. *Traктatus de Humilitate* Ingolstadii, dum adhuc in studia incumberet, exaratus, & ex mandato Eminentissimi Archi-Episcopi & Electoris Moguntini Joannis Philippi typis datus 1663. variis in locis reimpressus, & hoc anno hic Moguntiae.

III. *Libellus germanicus de Amore Dei*, quem etiam Ingolstadii composuit in utilitatem Monialium sibi olim notarum, filiarum scilicet D. Doctoris Weitzerigger in Monasterio Virginum in Geisenfeld professorum.

IV. *Corpus & Systema Instituti*, ubi omnia illa describit, quae vitam Clericalem concernunt, quoad exercitia, praxin, & directionem. In hoc opere comprehenditur etiam libellus Romae 1682. & 84. & alibi denuo impressus sub hoc titulo: *Instructiones de Via perfectionis, & Principiis practicis pro Statu Clericali*

*5 Pastoralis.* Crediturque hoc opus ab illo etiamnum Studioſo compoſitum.

V. *Conſtitutiones cum Exercitiis Clericorum Saecularium in Communi Viventium*, Quae ex mandato Alteſati Archi-Epiſcopi & Electoris Moguntini impreſſae ſunt anno 1662. primo Coloniae, dein vero Herbipoli, Romae, Moguntiae, Leodii, Dilingae, Ingolſtadii, Pragae, &c. Et confirmatae ſunt auctoritate Apoſtolica anno 1680. 7 Junii ab Innocentio XI.

VI. *Conſtitutiones pro ſpirituali & temporali directione ejusdem Inſtituti.* Liber hic ex corpore Inſtituti eſt depromptus, & a S. Sede approbatus anno 1684. 17 Auguſti ab eodem Innocentio XI. eodemque anno Romae, & ex poſt Dilingae excuſus.

VII. *Synopſis Corporis & Syſtematis Inſtituti*, quam ex mandato Epiſcopi Chiemſeſis elucubravit, & diverſis Principibus & Magnatibus obtulit.

VIII. *Opusculum Viſionum variarum*, quas Leogenthalii in ordinem redactas, Ingolſtadii a Theologia approbatas, Author ipſemet Auguſtiſſimo Caefari Ferdinando III. & Maximiliano Duci & Electori Bavariae, ut dictum ſupra §. IV. praefentavit.

IX. *Interpretatio in Apocalypſin S. Joannis*, in qua eſt ſingularis & mirabilis temporum & rerum connexio, ob quam dicebat Vir quiſpiam rem bene intelligens, qui hanc legerat interpretationem: *Videntur mihi alii Interpretes ſcripſiſſe in Apocalypſin ſicut pueri, reſpectu hujus Viri.* Et proſecto; eſt enim Apocalypſis deſcriptio & revelatio myſteriorum futurorum in Eccleſia & Imperio Dei & Chriſti militante in terris uſque ad finem mundi, de quo auſus fuit dicere S. Hieronymus: In Apocalypſi tot eſſe ſecreta, quot verba, imo in verbis ſingulis multiplices difficultates & intelligentias. His tamen non obſtantibus Bartholomaei interpretatio ſingulis verbis textus accommodatiſſima, ſponte fluens, & lympidiffima eſt, cum veritate fidei Catholicae, & hitoriae Eccleſiaſticae concordantiſſima, atque Syſtema

Thema perfectissimum generale totius Ecclesiae a principio usque ad consummationem saeculi continet. Et quamvis interpretatio a Bartholomaeo tantum sit continuata usque ad Versum quintum Capitis decimi quinti, ex iis tamen, quae interpretatus est, reliqua aecum expolita facile intelligi possunt. Regatus vero a Sacerdotibus suis, ut continuaret, & absolveret suum Commentarium, ingenue respondit: destitutum se illo spiritu, quo primo coeperat, non posse se illum porro continuare, futurum autem tempus, ut suorum quispiam eidem coronidem & complementum imponeret. Scripsit hanc interpretationem Leoggenthalii in Tyroli, dum maximis afflictionibus agitaretur, & in oratione perseverans, dies integros cibi & potus expers perageret ab omni humano consortio separatus; cum autem idipsum secunda Paschatis die fecisset 1657. interrogatus a suis, cur in tanta solemnitate festi omnino jejunos degeret, respondit, Christum Dominum nostrum hac ipsa die Discipulis suis reconditum Scripturarum sensum exposuisse, sibiue pariter declaratum locum difficillimum Apocalypseos, ad cujus intelligentiam obtinendam diu multumque laborasset frustra, unde necesse fuisse tota animi contentione se applicare, & ejusdem sensum genuinum in chartam projicere. Alio tempore interrogatus, quo sensu interno motus esset, dum haec scriberet: *Non aliter*, dixit perfusus lachrymis, *quam infans, qui scribit uno dirigente & manu ducente.*

Scripsit & alia varia documenta, quae hic referre supersedeo, quamvis sint omni recommendatione dignissima. Taceo quam plurimas Epistolas spiritu Dei plenas, quas tam ad Magnates, quam Confratres, aliosque fideles exaravit,

## §. VII.

*Qualitas & forma Vitae communis a Bartholomaeo restauratae, & quam exacte illam ipsemet observaverit?*

**P**er decursum hujus operis saepius mentionem feci Instituti Clericorum saecularium ad formam sacrorum Canonum, cujus Venerabilis Dei Servus Bartholomaeus Holtzhauser est Restaurator (quem utrumque titulum eidem dedit, & approbavit Roma 1688.) Hinc voto Lectoris benevoli non ingratum judicavi qualitatem & formam vitae communis a Bartholomaeo restauratae & observatae brevissime hic annexere; quae ad intelligendam totam historiam hujus vitae multum contribuet.

Cum vocatio Sacerdotis saecularis, & maxime Pastoris animarum, in eo consistat, ut saluti propriae & alienae se sedulo impendat, existimavit Bartholomaeus optimum medium ad assequendum hunc laudabilissimum finem esse, si & sibi & aliis Sacerdotibus illam formam praescriberet, quae a SS. Canonibus, distante utique Spiritu sancto, praescripta est, quaeque duos fines principales habet unum respectu sui, alterum vero respectu proximi.

Finis respectu sui alius non est, quam simpliciter recipere eum vitae tenorem, qui a JESU Christo omnis perfectionis exemplari perfectissimo sumpsit exordium, quem SS. Apostoli sub Christi magisterio verbo & exemplo edocti fuere, & ad imitationem multorum practicare, quem subinde Clerus saecularis plurimum saeculorum decursu continuavit gloriatus in illo *Ephef. 2. v. 19. & 20. Ergo jam non estis hospites & advenae: sed estis cives Sanctorum & domestici Dei: superaedificati super fundamentum Apostolorum, & Prophetarum, ipso summo angulari lapide Christo Jesu.*

Ad hunc tam dignum finem consequendum cognovit esse omnino necessarium, amovere a se & aliis Sacerdotibus, causam tot malorum sanctitati Clericali opposito-

positorum, arripiendo media a SS. Conciliis, SS. Canonibus, sanctisque Patribus nunquam non inculcata. Sunt autem tria praecipua. Primum fraterna duorum, trium aut plurium Clericorum in eadem domo sub unius directione pia, sobria & sancta conversatio ac cohabitatio, simul orando, repetendo, & practicando ea omnia, quae scientiam, pietatem, & populi fidelis aedificationem fovere possint. Ut sic vita otiosa, quae est vitiosa, evitetur, imitando SS. Apostolos, quibus fraterna conversatio fuit familiaris, & pro posse usitata secundum ordinationem Christi *Luc. 10. v. 1. Designavit & alios septuaginta duos, & misit illos binos &c.* Hinc ex Actis Apostolorum liquet Principis Apostolorum S. Marcum vel alios, Gentium Doctoris S. Lucam vel alios fuisse socios. Alterum est mulierum separatio, quae & propria corruptio, & fidelis populi offensio, suspicioque caveatur, insistendo exemplis SS. Apostolorum, qui ad Apostolatam vocati continuo relictis omnibus secuti sunt Jesum. Si omnibus relictis, utique & uxoribus relictis secuti sunt eum. Hinc tam confidenter nomine omnium alloquitur Christum, qui omnium autoritate primus erat, S. Petrus dicens: *Ecce, nos reliquimus omnia, & secuti sumus te: quid ergo erit nobis? Matth. 19. v. 27.* Tertium est Communitas bonorum, vi cujus redditus Ecclesiastici (exclusis patrimonii bonis) in communes & pios usus conferantur. Hujus finis est avaritiam & prodigalitatem Clericorum profligare, aemulando SS. Apostolorum & primorum Christianorum communitatem, de qua refert S. Lucas *Act. 4. v. 32. Multitudinis autem credentium erat cor unum, & anima una, nec quisquam eorum, quae possidebat aliquid, suum esse dicebat, sed erant illis omnia communia.* Denique ut praedicta tria media exactissime observentur, addidit privatam Superioris alicujus directionem, qui invigilet, ut praescripta accuratissime observentur. Haec tamen Superiorum directio privata tantum est, & in nullo praepjudiciosa RR. DD. Ordinariis.

Finis

Finis autem Instituti hujus, quantum proximum respicit, alius non est, quam ut boni Clerici & Pastores animarum ubique formentur. Ad hunc obtinendum elegit Seminariorum directionem, quae sunt veluti S. Ecclesiae horti, ac florum topiaria, in quibus tenellae plantae adolescentum, quos innocentia morum commendaret, educuntur, qui Spiritu Ecclesiastico imbui certam spem facerent juxta mentem SS. Concilii Tridentini feliciis proventus fructuum secutorum. Quibus etiam scientia & doctrina guttatim instillarentur, ut tandem Sacerdotio initiati ad domos parochiales transferrentur, ubi ipsa praxi modum administrandi Sacramenta, & alia officia addiscerent, ac tandem juxta dotes animi beneficio Ecclesiastico provisi hujus vitae tramitem sequerentur.

Atque in his veluti compendio consistit vita Clericorum Saecularium in Communi Viventium, quam publico solemnique diplomate confirmavit S. Sedes Romana, & S. Caesareae Majestati, & Germaniae potioribus Praefulis ac Principibus papali oraculo commendavit. Recommendationes sicut & grandes existimationes, quas de Instituto habuerunt Altesati Magnates, cum jam vel sint notae, vel obviae, non lubet in iis referendis prolixiorum esse. Ut autem innotescat non solum ore & calamo, sed etiam exemplo fuisse vitam communem Bartholomaeum, pauca hic recensenda erunt; nam ex dictis abundantissime patet, Bartholomaeum iis fuisse ductorem exemplo, quibus se Doctorem exhibuit verbis.

Quam exacte coluerit, observaveritque Bartholomaeus fraternam cohabitationem, exinde perspiciet amicus Lector, quia nunquam solus vixit; quibus vero convivit tam amabilem, mansuetum, patientem & humilem patrem & fratrem se exhibuit, ut semper Encomiastes ipsius agerent. Qui vero Tittmoningae in communi vivebant fratres, adhortatus fuit his verbis, in ea quam ad eos scripsit epistola: *Hoc itaque perseveranter constantia observantes, studio charitatis & fraternae dilec-*



dilectionis omni possibili conatu se tradant. Quae veluti altera natura omnium animos intimo affectu conjungens vere germanos fratres vos efficiat. At hujus plantationem plurimum faciet, si unus alterum honore praeveniat, affectus amoris in omnibus, in quibus possunt, erga se invicem externe ostendant; si humilitate & abnegatione rerum sensibilibus cedendum, pie & modeste invicem decertent, in externa conversatione per omnia modestiam, mansuetudinem, & patientiam, & suavitatem prae se ferant. Et paulo post. Pacem habete, vinculum fraternitatis inter vos contexite, & ad eum unitatis concentum ac uniformitatem vestrarum voluntatum, judiciorum & opinionum vos invicem secundum superioritatem & inferioritatem concinnate ad modum Citharaedi diversas fides in cithara concordare facientis. Ea demum vera fraternitas est, & pax Christi, qui conventus hominum ultimate beat, & fratres suos affectus, humorem nativum, antipathiam & alias suas qualitates, passionesque secundum Superioris voluntatem & secundum regulam cum suavitate sciant concordare. Si frater tuus canit in octavo tono, i. e. malae inclinationis, passionis, tu te subde in quarto tono humilitatis, patientiae, caritatis & mansuetudinis. Et sic omni tempore domus vestra quasi nardus dans odorem suavitatis in conspectu Domini & totius Curiae caelestis evaporabit, & tanquam bene concinnata cithara concentum dabit. Ex relatis C. II. §. VI. & §. XXV. quomodo praestitaverit separationem mulierum, ad oculum patet. Nec minus excellens erat in Bartholomaeo bonorum communitas, ut ex propriis illius verbis haud difficulter colligi poterit. Felix, qui se agendorum potest statuere exemplum! Notum vobis est, inquit, quam optime, quantum ad hoc usque temporis expenderim, me ipsum nempe, meaque omnia, expendamque & imposterum, quamdiu vel guttam sanguinis habuero in corde & pilum in capite. Subjungitque alibi. Aliorum ruina cauti & sapientes ardenti de-

L

fiderio

*fiderio & filiali amore communionem bonorum amplectamur, veluti viam maxime securam ad vitam aeternam.*

Quam autem sedulo labore, laboriosaque sedulitate Bartholomaeus studuerit efficere, ut omnes homines, maxime vero Ecclesiasticis vitam ducerent DEO, sanctaeque Ecclesiae acceptam, me silente libere liber praesens eloquatur, & in specie C. II. §. XX.

Haec, quae ipse observavit, ut ab omnibus observentur, gestiens etiam in extremis desideravit. Certior de morbo Bartholomaei factus Gündelius quanto ocyus advolavit, & pro sua erga Bartholomaeum confidentia in haec verba erupit: *Quid est hoc? ergone mori statutum est? cum quam plurima primum incepta sint, & nondum perfecta? & quid tandem nobis de Instituto faciendum est, si nos in hisce necessitatibus deseris, Pater?* Respondit ad haec Bartholomaeus: *Habetis essentiam Instituti, bonorum communitatem, fraternam Clericorum cohabitationem, foeminarum separationem, directionem privatam seu oeconomicam Superioris; state fideles in horum observantia; de reliquis vobis praescriptis observate sine sollicitudine & angustia animi, quantum potestis.* Quasi diceret: Puncta substantialia Instituti, & media ad Clericalem honestatem & sanctitatem conservandam a SS. Canonibus collecta observate, quantum potestis pro locorum qualitate; omnia enim a Constitutionibus praescripta ad litteram exequi, non est vestrae potestatis. Cohabitare non potestis, si Autoritas Altioris non accedit, aut beneficii facultas non suppetit. Mulierum separationem ex integro observare non valetis, si familia rustica earum operam exigit, nec vestrae aedes ita sint aptatae, vel a vobis aptari possunt; aut si adsint aliae circumstantiae, ob quas mulierum separatio sit impracticabilis. In commune conferre nihil potestis, si vobis nulla superflua restent. Vestrum igitur est

est bonam promptamque ad haec omnia ferre voluntatem, quandocunque facultas in manu vestra erit, ea omnia in actum deducanti. Pergite ergo Sectatores vitae huius viriliter implere partes vestras, ubi, quando, & quantum potestis, facientibus enim, quod in vobis est, DEUS non denegabit gratiam, dabitque plura semper posse. Ne hilum a vero discessero, si verbis his Bartholomaei verba S. Pauli addam: *Obsecro itaque vos, ego vinculus in Domino, ut digne ambuletis vocatione, qua vocati estis. Ephes. 4. v. 1.* Finio verbis illis, quibus finem imposuit Bartholomaeus epistolae prius allegatae ad Confratres Tittmoningenses: *Haec ex intimo & sollicito corde & amore erga vos, & erga propositum vitae nostrae, quod Dominus mihi concedidit, conscripsi. Sequimini quaesro, filioli mei, & vocationem vestram ita exornate, ut Deus nostri misereatur.*

## §. VIII.

### *Bartholomaeus Bingae vitam sancte finit.*

**D**um vero Bartholomaeus suis Sacerdotibus ac Instituto stabiliendo providentissimi Patris, suis Parochianis laudatissimi Pastoris omnes Partes ad amissum implet, non minori labore, quam solitudine caelo metamorphosin penitus insperatam dictante circa initium Mensis Maji anno 1658. calida, lethaliique feбри corripitur, ea per tres circiter septimanas dire vexatus, ut primum vel modicum vis morbi remisit, totus in actus Fidei, Spei & Charitatis solutus ore crebro protulit, quod corde semper tenuit: *Credo &c. spero &c. diligo &c.* Imminente paulatim fatali die, cum suos omnes insperato vicinae mortis praenuntio percussos adverteret, salutaribus eos monitis corroborans, Deo firmiter adhaerere, spem omnem in eo ponere, vocationi constanter insistere, Instituti substantialia potissimum infraeto semper animo viriliter observare, de reliquo curam omnem

Deo, qui omnia facturum esset, consignare iussit. Commendatis praeter alias virtutes dein zelo gloriae Dei, Ecclesiae, & salutis animarum, humilitate, patientia, & plena in Deum fiducia. ceu necessario patrimonio Curatoribus animarum ab optimo summoque Pastore Christo transcripto, Sacramentis Ecclesiae rite provifus sub quatuor fuorum Sacerdotum precibus, dum ad verba illa, *Subvenite Sancti Dei*, in commendatione animae perventum esset, circa nonam Matutinam die 20 Maij anno 1658. suam animam exhalavit. Anno vitae suae 45. Sacerdotii 19, inchoati vero Instituti 18. Corpus ejus Bingae in Ecclesia parochiali ad Altare S. Crucis tumulo clausum quiescit, lapide sepulchrali sequentem inscriptionem exhibente:

*Venerabilis Vir Dei Servus Bartholomaeus Holtzbauer SS. Theologiae Licentiatum, Ecclesiae Bingenfis Pastor & Decanus, Vitae Clericorum Saecularium in Communi Viventium in superiore Germania Restitutor obiit anno 1658. die Maji 20.*

Valde vero super hac tam insperata morte Eminentissimus Archi-Praeful Moguntinus indoluit, erga suos graviter conquestus, quod de periculo Bartholomaei non monuissent, cum haud dubie illum visitaturus, ac singularia cum illo collaturus fuisset. Caeterum non lubet in referendis Bartholomaei, & ab eo restaurati Instituti elogiis prolixiorem esse, quae legere licet in fine vitae ejusdem Romae & Ingolstadii editae, ac in Brevibus Apostolicis Constitutionibus adjectis. Coronidis loco porrigo inscriptionem sepulchralem Reverendissima manu Matthiae Starck Episcopi Coronensis annotatam tenore sequenti:

*Siste Viator*

*Largas affunde lacrymas, & dic:  
jacet, eheu! qui stetit fortiter in adverso  
nunquam fractus infortuniis,  
Qui dicere potuit (a) Oculus sui coeco, & per clauda.  
Vere Pater pauperum;  
(b) Si ambulavi in vanitate;  
Et festinavit in dolo per meus,  
Appendat me Deus in statera,  
Et sciat simplicitatem meam!  
Hic confractum alligans, infirmum consolidans;  
Letbo infirmatus, confirmatus, interiit.  
Vab! vix plene quadraginta sex natus annos.  
Dies paucos & malos,  
Ex hac mortali in immortalem vitam  
Transit  
Hanc ei applaude,  
Lacrymas contine,  
Ac sequi contende.*

(a) Job. 29. v. 15. (b) Job. 31. v. 5 & 6.

F I N I S.





# INDEX

## PARAGRAPHORUM.

---

### Caput I.

Vita Bartholomaei ab. adolescentia usque ad  
Sacerdotium.

- |   |    |
|---|----|
| §. I. <b>O</b> rtus Bartholomaei, & serpentis occisio.  | 3  |
| §. II. Pueri Bartholomaei applicatio ad scholam Vernaculam, & relatio de viso Christo, B. V. Maria, & magna Cruce.  | 5  |
| §. III. Bartholomaeus ad Latinas Scholas aegre adductus, peste corripitur, & mirabiliter sanatur.   | 8  |
| §. IV. Bartholomaeus grassante peste caepta studia relinquere coactus, iterumque ad ea incassum reversus, tandem Studendi occasionem cantu insolito nanciscitur Neuburgi. | 9  |
| §. V. Bartholomaeus Philosophiae ac Theologiae studia Ingolstadii absolvit.   | 14 |
| §. VI. Bartholomaei de spiritali Ductore sollicitudo.   | 16 |
| §. VII. Quorundam de doctrina Bartholomaei Judicium.  | 21 |
| §. VIII. Deliberatio Bartholomaei de certo vitae statu eligendo.  | 23 |
| §. IX. Virtutes Theologicae Bartholomaei studiosi.  | 26 |
| §. X. Bartholomaei adhuc Studiosi charitas erga proximum, & Zelus animarum jam tum ostensus.  | 29 |
| §. XI. Ejusdem adhuc studiosi orandi studium, & devotio.  | 34 |
| §. XII. Mortificationis & abjectionis sui ipsius exercitium Bartholomaeo studiose familiare.  | 39 |
| §. XIII. Ejusdem adhuc Studiosi castimonia.   | 42 |
| §. XIV. Ejusdem adhuc Studiosi humilitas, mansuetudo, & patientia.  | 46 |

Cap. II.

## Caput II.

Vita Bartholomaei a suscepto Sacerdotio usque  
ad ejus obitum.

- §. I. **B**artholomaeus suscipit sacerdotium, ejusque primae functiones. 49
- §. II. Trium primorum Operariorum accessus. 51
- §. III. *Visa per somnium domo, ubi Institutum postea incipit, Bartholomaeus iter Salisburgum instituit, & quartum in via socium acquirit.* 55
- §. IV. *Repraesentatam in somno Ingolstadii domum Bartholomaeus Tittmoningae conspicit, pergit Salisburgum, & mirabili Dei providentia Tittmoningam destinatus ad curam animarum illam ipsam domum accipit inhabitandam.* 58
- §. V. *Bartholomaei Tittmoningae fructuose laborantis in morbosos & moribundos charitas, accessus aliorum sociorum.* 62
- §. VI. *Bartholomaeus obtinet Decanatum Leoggenthalensem in Tyroli, & interposito juramento stabili inter suos vitam communem.* 64
- §. VII. *Bartholomaeus Seminariolum Salisburgi erigit.* 68
- §. VIII. *Mors Chimseensis Episcopi, & subsecutae Bartholomaei adversitates.* 70
- §. IX. *Instituto accedit D. Rieger, illudque Bartholomaeus promovere in Diaecesi Curienfi satagit.* 73
- §. X. *Bartholomaeus conatur Institutum introducere in Diaecesin Augustanam.* 76
- §. XI. *Bartholomaeus cogitat Romae confirmationem Instituti impetrare.* 79
- §. XII. *Bartholomaeus Tyrolensibus suis in fame succurrit, Seminariolum suum Salisburgo Ingolstadium transfert.* 82
- §. XIII. *Bartholomaeus cum Episcopo Ratisbonensi de Seminario constituendo tractat.* 84
- §. XIV. *Bartholomaeus magna rei familiaris necessitate premitur propter ablatas decimas.* 85
- §. XV. *De vocatione Bartholomaei & suorum in Franconiam, & Archi-Diaecesin Moguntinam.* 88

- §. XVI. *RR. Nihusius ab Eminentissimo Joanne Philippo Ingolstadtium mittitur, ejusque de instituto relatio.* 92
- §. XVII. *Bartholomaeus cum quibusdam Sociis in Franciam proficiscitur; inde Bingam destinatur, & Regi Angliae colloquitur.* 94
- §. XVIII. *Bartholomaei sacerdotis fervor in fide.* 99
- §. XIX. *De firma Bartholomaei sacerdotis spe, ac fiducia in Deum.* 101
- §. XX. *Bartholomaei sacerdotis charitas, & Religio erga Deum.* 104
- §. XXI. *Flialis ejusdem ad B. V. Mariam, & SS. Patrones devotio.* 108
- §. XXII. *Bartholomaei sacerdotis amor erga proximum, & Zelus animarum.* 113
- §. XXIII. *Ejusdem beneficia erga pauperes & egenos, & quomodo Deus subinde miro modo compensarit.* 117
- §. XXIV. *Ejusdem sacerdotis humilitas, & mansuetudo.* 121
- §. XXV. *Bartholomaei sacerdotis castitas.* 126
- §. XXVI. *Bartholomaei sacerdotis patientia, & resignatio.* 130
- §. XXVII. *Ejusdem cura de domesticis, & conversatio cum illis.* 133

### Caput III.

Facta quaedam memoratu digna Bartholomaei, ejusque obitus.

- §. I. **B**artholomaeus spectris infestatur. 137
- §. II. *Bartholomaeus diversos afflitos liberat.* 139
- §. III. *Bartholomaeus diversos energumenos liberat.* 141
- §. IV. *Bartholomaeus diversos favores accipit variis visionibus.* 145
- §. V. *Quaedam futurorum praedictiones a Bartholomaeo factae.* 149
- §. VI. *Incubrationes & scripta a Bartholomaeo relictæ.* 155
- §. VII. *Qualitas & forma vitae Communis a Bartholomaeo restauratae, & ab ipso observatae.* 158
- §. VIII. *Bartholomaeus Bingae vitam Sanctæ finit.* 163





**P A R S II.**  
**SISTENS**  
**VENERABILIS SERVI DEI**  
**BARTHOLOMAEI**  
**HOLZHAUSER**

**INSTITUTI CLERICORUM**  
**JUXTA SACROS CANONES**

**IN**  
**GERMANIA RESTAURATORIS**  
**INTERPRETATIONEM APOCALYPSIS**

**USQUE AD**  
**CAPITIS DECIMI QUINTI**  
**VERSUM QUINTUM.**

---

*Notam Viri plane eruditi adjicere, & huic parti secundae praefigere necessum duxi; Viri hujus, cujus publica in orbe literato fama est, manibus scripta praesentia credidi, & quae sequuntur, amico mihi Calamo rescripsit:*

» *Apocalypsis mysteriorum liber est, quem Patrum pauci scriptis illustrarunt; eo pluris aestimanda est Autoris praesentis opera, quo fortius sibi cohaeret;*  
» *Vir venerabilis profundam passim scientiam, multam gestorum notitiam, & laudandam prodit eruditionem.*  
» *Vix pauculos textus relinquit, quos non factis in ipsis ecclesiae annalibus celebratis illustrat; Mira & singularis est ecclesiae militantis septem in Epochas diviso, lectuque dignissimum, quod qualibet in epocha speciale adponit.*

» *Quinque priores epochae iis, quae hucusque facta sunt, ad unquem respondent, fidemque, quam viro jam ante saeculum pie defuncto debemus, vindicant. Sextam nunc epocham vivimus, & lector fidem ex fide colligenti attentus redditur, & futura eodem praesignata calamo miratur.*

» *Dolendum est unicum, quod ad calcem adpono; genius moderni saeculi scripta biblica nauseat, & vix aegrum rebus ejusmodi assensum praestat, quae futura praedicantur.*

» *Hinc, quid optimum factu videatur, ii judicandum relinquo, cui me ex aße dico.*

N. N.



VENERABILIS SERVI DEI  
**BARTHOLOMAEI HOLZHAUSER**  
Instituti Clericorum Juxta SS. Canones in Germania Re-  
stauratoris Interpretationis in Apocalypsin.

---

**LIBER PRIMUS**  
**IN TRIA PRIORA CAPITA.**

*Descriptio septem Statuum Ecclesiae Catholicae a Christo  
usque ad consummationem Saeculi futurorum, &  
significatorum per septem Ecclesias Asiae; item per  
septem Stellae, & septem candelabra.*

**Sectio I.**

**IN CAPUT PRIMUM.**

*De Introitu Libri Apocalypsis.*

**§. I.**

*De Inscriptione, auctoritate, fine, & materia libri  
Apocalypsis. Cap. I. v. 1. usque ad v. 8.*

**CAPUT PRIMUM.**

Verf. 1. *Apocalypsis Jesu Christi, quam dedit illi  
Deus palam facere servis suis, quae oportet fieri cito,  
& significavit, mittens per Angelum suum servo suo  
Joanni.*

I. Student plerumque scriptores libris suis tales  
praefigere titulos ac inscriptiones, quibus id efficiant  
apud omnes, ad quorum manus sua scripta pervenerint,  
ut

ut tollant, legant. Ita & longe majori robore facit divina sapientia in praesenti Apocalypsis Libro, cujus versu initiali innuitur.

- 1) Inscriptio ac Titulus Libri.
- 2) Ejusdem auctoritas.
- 3) Facultas Superioris.
- 4) Finis edendi hunc librum in lucem.
- 5) Libri materia.
- 6) Voluntas Regis permittentia.
- 7) Brevitas temporis.
- 8) Modus revelantis.
- 9) Nomen Scriptoris.
- 10) Denique persona assistentis.

II. *Primum & secundum* habentur ibi *Apocalypsis Jesu Christi*. Quo praefixo quasi titulo Lectori innuitur, qualis, & quantus sit ille liber, scilicet revelatio coelestium secretorum ac Mysteriorum, non facta ab aliquo homine, & Rege terreno, qui possit mentiri, vel falli, sed a Jesu Christo, qui nec fallere, nec falli potest. Ex quibus verbis constat dignitas summa, & infinite digna hujus libri auctoritas.

III. Facultatem edendi hunc librum Apocalypsis Christo secundum Humanitatem, qua minor est Patre, concessit Deus Trinus & Unus, ut eo, tanquam Manifesto regio, devotis Fidelibus suique studiosis, qui in catholica Ecclesia sunt, fuerunt, vel erunt, sufficienter manifestarentur tribulationes, quas ad probationem & augmentum gloriae ipsorum Deus ita in praesenti militantis Ecclesiae Christi regno fieri volens, ab aeterno permisit, ut & debitae praescientiae contra omnia adversa, tam praesentia, quam futura, praemuniremur clypeo, & consolaremur in brevi tribulationum nostrarum, respectu aeternitatis, transitorio, & subsisteremus fortissime, absorpti in divinae voluntatis & permissionis beneplacito, quod frustrari non potest, uti constat ex verbis

verbis Textus: *Quam dedit illi Deus, palam facere servis suis quae oportet fieri cito.*

IV. Modus, quo Christus Dominus Sancto Joanni haec omnia revelavit, fuit perfectissimus, quem nemo Prophetarum antehac fuit expertus; consistit autem in tribus; nempe

- 1) In visione imaginaria
- 2) Intelligentia Mysteriorum plena, &
- 3) Assistentia Angeli instruensis;

quae omnia in conscribendo hoc Apocalypsis Libro Sanctus Joannes habuit, ut colligitur ex textu sequenti: *Et Significavit, mittens per Angelum suum* (S. Michaellem) *servo suo Joanni*; hoc est: misit Angelum suum (S. Michaellem) qui in persona Christi instar aliqujus Legati regii, sancto Joanni Evangelistae apparens ostendit mysteria Dei tum circa Ecclesiam militantem in terris, quam triumphantem in coelis, eumque *exterius* plena cum intelligentia circa eadem instruendo edocuit.

V. Vers. 2. *Qui testimonium perhibuit Verbo Dei, & testimonium Jesu Christi, quaecunque vidit.* Commendatur his verbis *auctoritas* scribentis, qui alius non fuit, quam Sanctus ille Joannes Evangelista, prae ceteris Magistro suo dilectus Discipulus, *qui testimonium perhibuit verbo Dei*, quantum ad generationem ejus aeternam Joann. 1. dicens: *In principio erat Verbum, & Verbum erat apud Deum, & Deus erat Verbum.* De Jesu Christo vero, quantum ad ejus Incarnationem temporalem: *Et Verbum caro factum est, & habitavit in nobis, & vidimus gloriam ejus &c.* Ideo subditur: *Et testimonium Jesu Christi*, id est, de Jesu Christo, *quaecunque vidit* in ejus conversatione, miraculorum operatione, morte, & resurrectione in illius, sicuti patet, Evangelii persecutione. *Idem hoc testimonium perhibuit*, in persecutione Domitiani, confitendo, & praedicando fortissime in tormentis Jesum Christum Crucifixum verum esse Filium Dei & Filium hominis.

VI. Vers. 3. *Beatus, qui legit & audit verba Prophetiae hujus: & servat ea, quae in eo scripta sunt tempus enim prope est.* Hic reddit Auditores attentos ex hujus Libri utilitate, quae consistit in beatitudinis consecutione. *Beatus, qui legit, quantum ad Doctores, alios ex Verbis prophetiae hujus instruendo ad justitiam & timorem Domini ob poenas scriptas in hoc libro, & confortando in adversis ob amorem Christi, & proemium vitae aeternae.* Beati illi, qui enim alios erudiunt ad justitiam, fulgebunt tanquam Stellae, in perpetuas aeternitates. *Et, qui audit, quantum ad Discipulos, studiosos, ac homines simpliciores, Verba prophetiae hujus, credendo, ac in corde servando viam justitiae, & patientiae Christi quae in ipsa describuntur.* *Et servat ea, quae in ea scripta sunt,* Scil. labores, & tribulationes futuras patienter sustinendo usque ad consumationem. Beatus enim vir, qui suffert tentationem, quoniam, cum probatus fuerit, accipiet coronam vitae, quam promisit Deus diligentibus se. *Tempus enim prope est,* id est, cito transiens; quasi diceret: Labor patientiae brevis est, & praemium beatitudinis aeternum. Unde Apostolus ad Rom. 8. Non sunt condignae passionis hujus temporis, ad futuram gloriam, quae revelabitur in nobis.

VII. Vers. 4. *Joannes septem Ecclesiis, quae sunt in Asia Gratia vobis, & pax ab eo, qui est, & qui erat, & qui venturus est, & a septem Spiritibus, qui in conspectu throni ejus sunt.*

Vers. 5. *Et a Jesu Christo, qui est testis fidelis, primogenitus mortuorum, & princeps Regum terrae, qui dilexit nos, & lavit nos a peccatis nostris in Sanguine suo.*

Vers. 6. *Et fecit nos regnum & sacerdotes Deo & Patri suo: ipsi gloria & imperium in saecula saeculorum. Amen.*

Vers 7.

Verf. 7. *Ecce venit cum nubibus, & videbit eum omnis oculus, & qui eum pupugerunt. Et plangent super eum omnes tribus terrae. Etiam. Amen.*

Verf. 8. *Ego sum a' & ω; principium & finis, dicit Dominus Deus, qui est, & qui erat, & qui venturus est omnipotens.*

Haec Asia est quaedam majoris Asiae provincia, ubi erant septem civitates, & in iis septem Ecclesiae cum septem Episcopis, quarum metropolis Ephesum. His septem Ecclesiis utpote sibi in divisione Apostolorum commissis, scripsit, & misit Sanctus Joannes hunc Apocalypsis Librum. Quo septenario numero, sicut multarum aliarum rerum, ita recte universitas omnium Ecclesiarum designatur, quas benevolae ad audiendum & legendum volens reddere, incipit ab humilitate sui tituli simplicissimi ac nominis eos salutare, dicens: *Joannes septem Ecclesiis &c.* Quod nomen ubicunque audiebatur, erat gratissimum, & gaudio spirituali plenum.

VIII. Salutationem sequitur bonorum precatio, quae fulcrum esse solet captandae benevolentiae: *Gratia vobis, & pax*; id est, precor vobis gratiam perseverandi in bono; consolationem in adversis; fortitudinem in arduis; pacem vero cordis, & unitatem animorum, ac fidei intus, forisque, & requiem sempiternam, quae cum sint dona Dei, secundum id *Jacobi 1. v. 17.* Omne datum optimum, & omne donum perfectum de sursum est, descendens a Patre Luminum. Statim adjungit fontem verae pacis & gratiae dicens: *Gratia vobis, & pax ab eo, qui est, & qui erat, & qui venturus est.* Quibus verbis nemo, nisi solus Deus, omnium bonorum Origo, illiusque perfectas & auctoritas nobis rem aliter intelligere non valentibus, per differentiam temporis praesentis, praeteriti, & futuri exprimitur. Est itaque sensus: Gratia vobis, & pax a Deo, qui est nunc, & erat ab aeterno, & venturus est ad

ad iudicium cum beatis suis victurus in aeternum per se, in se, & a se, & propter se.

IX. *Et a septem Spiritibus, qui in conspectu throni ejus sunt.* Per septem spiritus intelliguntur dona spiritus Sancti, qui septiformiter in die Pentecostes super Apostolos effusus, & in totum mundum missus; a quo omnis gratia & pax vera in Ecclesiam descendit. Quamvis enim spiritus Sanctus in eadem gloria & maiestate verus Deus sedeat cum Patre & Filio in throno; dicitur tamen esse in conspectu Throni, ob septiformem largitionem donorum, & gratiarum spiritualium, quam secundum aeternum voluntatis suae beneplacitum elargitur in ministerium salutis nostrae, quemadmodum dicimus de secunda Persona Verbi Dei: *Propter nos homines, & propter nostram salutem descendit de coelis.* Item intelligitur per septem spiritus universitas Sanctorum Angelorum, qui in conspectu throni ejus sunt parati & constituti a Deo administratorii spiritus in nostram salutem, & Ecclesiae suae ac Praelatorum ejus gubernationem, & adjutorium, usque ad finem mundi, prout divinae bonitatis voluntas ab aeterno secundum diversa tempora eos facere jussit.

X. *Et a Jesu Christo, qui est testis fidelis paternae Glorae, & Majestatis, & veritatis.* Testis fidelis de Verbo divinae praedicationis, miraculorum operatione, & effusione sanguinis sui pretiosi, factus obediens usque ad mortem, mortem autem crucis: Ideo est *primogenitus mortuorum*, id est, primus inter resurgentes a mortuis, ut esset causa, & testis fidelis etiam resurrectionis nostrae futurae, postquam ingemiscimus gementes, & flentes in hac lacrymarum valle. *Et Princeps Regum terrae*, id est: Princeps terrenarum potestatum, potens eos remove, & ad utilitatem suorum electorum, vel ad castigationem peccatorum, permittens eos servire, & praevalere, quod Math. Cult. v. 18. ad con-

sola-



solationem Ecclesiae suae indicavit, dicens: *Data est mihi omnis potestas in coelo & in terra; qui dilexit nos prius, cum essemus ejus inimici, & ita dilexit nos, ut lavaret nos a peccatis nostris, tam originalibus, quam actualibus, in sanguine suo innocenti, cujus eadem peccata traditores et homicidae fuere. In sanguine suo, quia sacramentum Baptismi, & poenitentiae, quibus peccatum originale, & actuale delentur, habent efficaciam a passione ejus benedicta. Qui fecit nos Regnum, & sacerdotes;* qui eramus dissipati, & ejecti ex paradiso, regno Dei, & captivi tenebamur in vinculis peccatorum nostrorum, in servitute diaboli; collegit nos Rex noster Christus, & constituit nos in regnum seu principatum monarchicum, quale quid est Ecclesia catholica, regnum sanctum, admirabile, & forte, cui portae inferni non praevallebunt, quantum vis saeviant. *Fecit nos regnum,* quia sub lege regni coelestis sancta constituit nos, ut jam regnet super nos Deus, & Pater Domini nostri Jesu Christi; nos enim populus ejus sumus per obedientiam, & ipse Rex noster per imperium. *Fecit nos regnum;* id est, voluit nos adscribi cives regni coelestis, ita, ut jam non simus advenae, & hospites, sed cives sanctorum, & domestici Dei, superaedificati fundamento Apostolorum & prophetarum, ipso summo angulari lapide Christo Jesu. *Et sacerdotes* jam non sanguinem vitulorum, sed pretiosum corpus & sanguinem Jesu Christi cum ipso quotidie in ara crucis sanctae offerentes sacrificium infinite sanctum & acceptabile, in quod Angeli desiderant prospicere, & quo placatur ira Dei in nos peccatores. *Et sacerdotes,* qui jam non, ut in veteri Testamento, saturamur carnibus vitulorum, aut manna coelesti, sed pretioso corpore & sanguine Jesu Christi, Agni immaculati, qui se in cibum & potum animae nobis omnibus tradidit. *Et sacerdotes* offerentes hostias laudis acceptabilis per ipsam Deo, id est toti Sanctissimae Trinitati, & Patri suo, ad cujus gloriam omnia Filius ordinat; *Ipsi gloria in se ipso, &*

M

impe-

imperium super omnia alia, in *saecula saeculorum*, id est, aeternitatem. *Amen. Fiat.*

XI. Et quia inquietum est cor nostrum, & omne tempus, quo impii praevalent nobis, nimis longum videtur, donec cives regni Dei constituamur, sequentibus verbis mentes nostras ab incolatu nostro mira efficacia sursum erigit, dicens: *Ecce venit cum nubibus*, quasi diceret: *Ecce tempus brevissimum tribulationum respectu poenae aeternae & gloriae.* Ecce, id est, levate oculos mentis vestrae ad tempora; *praeterita*, quomodo transierint, quasi nunquam fuerint; *praesentia*, quomodo praeterire festinent; & *futura*, quomodo properent, & impleantur omnia, etsi subinde non putemus. Hinc dicit scriptura: *Etsi moram fecerit, expecta eum; veniens autem veniet, & non tardabit.* *Ecce venit cum nubibus*; dicit hoc in praesenti, ut hebetudini mentis nostrae bene inculcaret, tempus hoc, usque ad diem iudicii, quantumvis nobis longum videatur, esse respectu aeternitatis quasi praesens, instans, quo Christus veniet cum nubibus, & apparebit. Sic enim veniet, Matth. C. 24. v. 30. &c. quia hoc *ecce* saepe in hoc libro ponitur, sciendum est, quod per illud semper intendat Spiritus sanctus mentem nostram sursum attollere, & excitare memoriam ad recogitandum aliquid serium, mirabile, amabile, & horrendum.

XII. *Et videbit eum omnis oculus*, quia in iudicio apparebit in forma humana, omnibus visibilis. *Et videbit eum omnis oculus*; & liber, & servus, & dives, & pauper; Reges, & Principes, mobiles, & ignobiles; docti, & indocti, iusti, & impii &c. sed dispari valde visu: Iustis enim erit valde delectabilis ipsius visio, sicut sponsi sponsae; parentis filio; Domini servo fideli; fratris fratri; amici amico; & maxime sicut salvatoris salvato. Veniet enim eis sponsus, salvator, Pater, Dominus, frater, & amicus, quod loquens de suo adventu ad iudicium dicit *Lucas C. 21. v. 28.* His autem fieri

ri incipientibus respicite, & levate capita vestra, id est, exultate corda vestra, quoniam appropinquat redemptio vestra. Impiis contra, & qui eum pupugerunt, quales sunt *Judaei*, qui eum lingua crucifixerunt; & *milites*, qui manu, dum ejus sacrum caput spinis coronaverunt, & sacrum corpus ejus flagellis cecidere; & *Pilatus*, judicando; *Herodes*, spernendo; *Summi sacerdotes*, eum latrone blasphemando; & nos, peccando pupugerunt. *Et qui eum pupugerunt* in membris suis sanctis, pupillis, & viduis, & orphanis, & miseris, & pauperibus, quorum ipse protector, & advocatus est, & Pater. *Et qui eum pupugerunt* detrahendo, judicando, invidendo, odio habendo, & indigne tractando res sanctas & sacras, quales sunt *Tyranni*, effundentes sanguinem innocentem Martyrum propter fidem & justitiam; *Principes, Reges, Magistratus, Judices, & Tutores*, gravando, & opprimendo pupillos, viduas, miseros, orphanos & pauperes; quales sunt irrisores, detractores male judicantes, osiores, haeretici, & venefici, quibus omnibus apparebit iudex terribilis, ita, ut dicturi sint montibus: Cadite super nos! & collibus: opperite nos a facie sedentis super Thronum.

XIII. *Et plangent se super eum omnes*; id est, collidentur super eum omnes, quorum corda terrenis affectibus & impietatibus erant defixa; impotentes ejus imperio resistere, instar lapidis, & scutillum. *Plangent se*; id est, dolebunt, respicientes divitias gloriae ejus, quibus se ipsos tam turpiter privarunt. *Plangent se*, id est, dolebunt, respicientes eos, qui fundati sunt super eum, dicentes intra se, & poenitentiam agentes, & prae angustia spiritus gementes: Hi sunt, quos aliquando habuimus in derisum. Sap. C. 5. Etiam. Amen. Sunt duo verba aliquid affirmandi, per quorum *primum* graecum significantur gentes: per *alterum* Hebraicum notantur Judaei, junguntur autem simul ad inculcandam hanc resurrectionis & extremi iudicii irrefragabilem ve-

ritatem, qua verum est, tam gentes, quam judaeos omnes visuros Christum Judicem, & unumquemque esse recepturum, prout gessit in suo corpore, sive bonum, sive malum. Et haec evangelica veritas unica est, quae voluntatem nostram pravam a praesentibus hujus saeculi illecebris refracnans, ad timorem Dei & amorem futurorum bonorum potissimum extimulare solet. Ideo hic ita efficaciter per has voculas: Etiam, Amen, confirmatur. Unde & Christus Math. C. 5. ait: Amen quippe dico vobis, donec transeat coelum & terra, Jota unum aut unus apex a lege non praeteribit, donec omnia fiant. *Ego sum a & ω, principium, & finis, dicit Dominus Deus, qui erat, & qui venturus est;* quasi diceret: Non potest frustrari vel immutari mea sententia, quia ego sum, ante quem nullus fuit, & a quo omnia ceperant, & incipiunt, & post quem nullus erit, & in quo omnia terminabuntur. Dicitur autem a & ω; nam a est prima litera Graecorum; & ω est ultima, & per hoc insinuat, quod Deus sit principium omnium creaturarum, & finis, ad quem omnia ordinantur, instar maris, a quo omnes aquae per diversos rivos seaturiant, & ad illud per flumina redeunt. *Qui est, & qui erat, & qui venturus est,* exponitur, ut supra.

## §. II.

*De Auctore, & de modo, quo S. Joannes  
hanc Apocalypsin vidit, & scripsit.*

Cap. I. v. 9 — 12.

XIV. Vers. 9. *Ego Joannes frater vester, & particeps in tribulatione, & regno, & patientia in Christo Jesu, sui in Insula, quae appellatur Patmos, propter Verbum Dei, & testimonium Jesu.*

Vers. 10. *Fui in spiritu in Dominica die, & audiui post me vocem magnam tanquam tubae dicentis.*

Vers.

Verf. 11. *Quod vides, scribe in libro; & mitte Septem Ecclesiis, quae sunt in Asia, Epheso, & Smyrnae, & Pergamo, & Thyatirae, & Sardis, & Philadelphiae & Laodiciae.*

Finita salutatione progreditur consequenter ad narrationem, in qua attingendo personam suam, locum revelationis sibi factae, causam loci, tempus, & modum, auditores attentos reddit, ut in exordiis fieri consuevit. *Ego Joannes Frater vester* non carnali cognitione sed spirituali regeneratione per sacramentum Baptismi *Frater vester* in unitate, & communione sanctorum, in charitate, & in Christo, & per Christum, qui omnium nostrum communis est parens secundum regenerationem in vitam aeternam. *Et particeps in tribulatione, & regno, & patientia in Christo Jesu.* Quia in Christo Jesu tanquam in capite fundatur omne meritum, & per fidei unitatem, charitatemque, quae est communio sanctorum, veluti carnali derivantur participatione merita justorum in omnia & singula membra. *Particeps in tribulatione;* id est, propter fidem Christi fui tribulatus, sicut alii Apostoli, dum in ferventis olei dolio propter Christum, quantum in me fuit, martyrium subivi; & pro regno coelesti, ad quod oportet per multas tribulationes intrare, quemadmodum & Christum oportebat pati, & ita intrare in gloriam suam. Unde, qui non est socius tribulationum, neque regni erit. *Et in patientia in Christo Jesu,* id est propter Jesum Christum, qui dat patientiam, & consolatur nos in tribulatione nostra. Tribulatio differt a patientia, quod *tribulatio* (quae vox derivatur a nomine *tribulus*) denotet vehementem, multifariam, & diuturnam Tyrannorum saevitiem, qua angustiat anima patientis, & ingemiscit Ecclesia, *patientia* autem dicit communium aerumnarum, omni homini contingere solitarum, sufferentiam. Item *tribulatio* dicit omnis generis aerumnas, quibus veluti botri in torculari, sancti Dei premuntur.

muntur. *Patientia* vero est virtus, qua eas aequo animo sustinemus. *Fui in insula*, quae appellatur *Patmos*; de ferventis enim olei dolio, non adustus, sed ut fortis athleta perunctus, vegetior exiens ad insulam *Patmos* fuit in exilium a Domitiano, qui Anno Christi 82 Tito germano suo in imperio successit, relegatus, ubi revelante Domino hanc Apocalypsin scripsit. Hic denotatur locus; scilicet *insula*, qua bene figuratur Ecclesia Christi, in ea enim coelestia fidelibus aperiuntur, & sicut insula marinis procellis continuo illiditur; ita Ecclesia persecutionibus diaboli, carnis, & mundanorum hominum affligitur.

XV. *Propter Verbum Dei & testimonium Jesu Christi.* Quibus verbis tangitur causa relegationis suae; propter hoc enim, quod nolebat Christum negare, nec a praedicatione Nominis ejus cessare, fuit in dictum exilium relegatus. Nunc visionis additur *modus*, cum dicitur: *fui in spiritu*; id est, in extasi mentis; *in Dominica die*, quae deputata est contemplationi Divinae faciendae. *Et audiui*, auditu imaginario, *post me*, ad quod intelligendum oportet scire, quod *ante me* tempus praeteritum; *in me* praesens; *post me* futurum apud Prophetas significet; unde, quia potissima Mysteria, quae S. Joannes tunc temporis comprehendit hoc libro, erant futuro tempore primum implenda; ideo dicit: *Et audiui post me vocem imaginariam magnam*, horribilem, *tanquam tubae*; in quo designatur virtus, & auctoritas loquentis Angeli in persona Christi *dicentis*: *Quod vides*, hoc est, quod videbis in praesenti revelatione, *quod vides in phantasia tua visu imaginario*, & intellectu, plena intelligentia; *scribe in libro*, ad instructionem fidelium, *& mitte septem Ecclesiis, quae sunt in Asia, Epheso, & Smyrnae, & Pergamo, & Tyatirae, & Sardis, & Philadelphia, & Laodictae.* Per quas septem Ecclesias designantur septem status Ecclesiae catholicae diversis temporibus diversi futuri, in quorum

quorum decursu implebit Dominus, & conquassabit capita in terra multorum, & consumabit saeculum: Itaque septem istae Ecclesiae in Asia minori existentes fuerunt typus septem Statuum in Ecclesia usque ad finem mundi futurorum, quibus etiam primario scripsit, quasque sub illarum typis descripsit, ut magis apparebit in decursu, & explicatione singulorum.

XVI. Vers. 12. *Et conversus sum, ut viderem vocem, quae loquebatur mecum: Et conversus vidi septem Candelabra aurea.*

*Et conversus sum*, hoc est, converti mentem meam vel applicui animum meum ad intelligenda futurorum mysteria, per quam conversionem intelligitur, quod in apprehensione revelationis divinae; & rerum coelestium oportet mentem a terrenis averti, & ad Deum converti; *ut viderem vocem*, hoc est vocis prolatorem, sumendo effectum pro causa; vel *ut viderem vocem*, hoc est, perciperem, sicut Exodi C. 20. v. 18. *Cunctus autem populus videbat voces &c.*

XVII. *De modo, quo S. Joannes hanc Apocalypsin scripsit; praenotandum est.*

Modus videndi vel audiendi, aliisque sensibus percipiendi aliquid triplex reperitur:

*Primus* est, quo aliquid oculis videmus vel auribus audimus corporaliter, ita videmus stellas in caelo &c. & Comites Sauli (id est Pauli) audiverunt vocem Christi.

*Secundus* est, quando dormientes vel evigilantes in spiritu videmus vel audimus per visiones, vel auditiones imaginarias, res, per quas aliud figuratur, in quo casu sensus nostri externi ita mirabiliter, & ineffabiliter a Deo elevantur, ut aliquis certius, & perfectius ita in spiritu sive extasi mentis positus praeposita objecta percipiat, quam ullus hominum, quamvis perfectis sensibus

bus praeditus, videre, audire, aut aliter sentire & percipere objectum possit.

*Tertius* modus est *intellectualis*, cum vel pure aliquid mente videmus, ac intelligimus absque praedictis imaginibus, quae se tanquam rerum figuratarum species habeant. Porro hoc totum contingit in Prophetis ex Dei voluntate quadrupliciter,

1<sup>mo</sup> *Cum Obscuritate fidei*, quando Propheta quidem evidenter non cognoscit, Deum loqui; per lumen tamen supernaturale elevatus advertit, Deum loqui;

2<sup>do</sup> *Cum evidentia in attestante*, quando anima Prophetiae per auxilium tale elevata & illuminata evidenter cognoscit, Deum, vel Angelum loqui sibi.

3<sup>tio</sup> Si ea, quae ita videt, non scribit.

4<sup>to</sup> Denique, si stylus naturalis, ac eloquentia Prophetiae etiam elevatur ad scribendum, in quo calamus velocissime currit, & homo scribit sine labore, & dum scribit, cognoscit omnia, vel partem prout diversimode Deus pro suo beneplacito, & ad nostram utilitatem voluerit.

Sancto autem Joanni Evangelistae, utpote Prophetae super omnes Prophetas perfectissimo modo fuit haec Apocalypsis revelata, dum per imaginarias visiones omnia mysteria videns, & intelligens, cum evidentia attestantis Angeli, qui assistebat ejus animae interius, eadem scripsit Unde dicit, *Fui in spiritu in Dominica die*; quibus verbis significare voluit, quod ipsius Sanctissima anima in extasi mentis posita viderit, audiverit, intellexerit, mediante sibi assistente Angelo interius, & exterius scripserit in libro.



## §. III.

*Descriptio Ecclesiae militantis, ex similitudine  
Christi Sancto Joanni revelata.*

Cap. I. v. 13 — 20.

XVIII. *Et conversus vidi septem candelabra aurea*; id est, septem Ecclesias, repletas oleo bonorum operum, ardentes igne charitatis, illuminatas divini Verbi Sapientia, & praelucentes mundo instar lampadum vel candelabrorum. Ideo enim Christus suam Ecclesiam instituit, ut ex oleo operum misericordiae succurratur egentibus, inungantur infirmi, igne charitatis accendantur frigidi, sapientia coelesti illuminentur coeci, & opera tenebrarum fugentur operibus lucis, & conversationis sanctae. *Aurea*, id est, perfusa scientia discretionis, & prudentia coelesti, sicut enim aurum prae coeteris metallis, apud Reges, Principes, aliosque homines magis in aestimatione est, & medicinis ad curandos hominum morbos plurimum valet: ita discretio & prudentia non solum apud omnes Reges & Principes plurimum aestimatur; verum etiam ad omne spirituale medicamen, quod est fraterna correctio, summe scitur esse necessaria. *Aurea*; per quod praenotantur splendor, divitiae, majestas, honor, gloria externa principatus terreni, quibus Ecclesiam Christus tanquam sponsam decoraturus, & apud mundum hunc clarificaturus esset, pro temporum diversitate. *Aurea*, hoc est polita & sabrefacta; sicut enim aurum per ignem probatur, & percussionibus extensum candelabrum efficitur; sic Ecclesia tribulationibus purgata, tentationum ictibus in longanimitatem extensa consummatur.

XIX. Vers. 13. *Et in medio septem candelabrorum aureorum similem filio hominis, vestitum podere, & praecinctum ad mamillas Zona aurea.* Describitur ad literam persona Christi, quam Angelus repraesentabat, prout a Deo Patre est constitutus sacerdos summus &

judex vivorum & mortuorum. Dicta vero persona Christi figurat personam, regimen, & naturam sponsae suae Ecclesiae. *Et in medio septem candelabrorum aureorum similem filio hominis*; id est, Angelum, quia non erat Christus in persona, sed Angelus ab eo missus, qui personam Christi repraesentabat. *Similem filio hominis*, hoc est, Christi imaginem & similitudinem seu ideam, secundum quam suam formavit Ecclesiam, & fecit sibi similem, referentem. *Similem filio hominis*, hoc est, spiritum Christi, qui sicut anima hominis residens in medio cordis, corpus vivificat, ita ille corpus Ecclesiae suae spiritualiter informat, vegetat, & vivificat. Unde additur: *In medio septem candelabrorum aureorum*; nam Christus, in cujus persona Angelus animae S. Joannis intime assistebat praesens, & haec ostendebat, est in medio Ecclesiae suae tanquam caput invisibile, illam regendo, vegetando, vivificando, docendo, consolando, propugnando, amando, sicut caput est in medio colli, & sicut magister in medio discipulorum, Pater in medio filiorum, sponsus in medio virginum, Rex in medio subditorum, & dux in medio militum suorum; ita Math. C. ult. dicitur: Ego vobiscum sum omnibus diebus usque ad consummationem saeculi. Angeli ejus etiam in medio sunt Ecclesiae tanquam administratorii spiritus, praeordinati a Deo ad nostram tutelam, salutem, & adjutorium, quorum omnium typus ille Angelus in persona Christi existens in medio septem candelabrorum aureorum.

XX. *Vestitum podere & praecinctum ad mamillas Zona aurea.* Describitur hic consequenter iste similis filio hominis, qua descriptione revelatur nobis natura, & regimen Ecclesiae Catholicae, sponsae Christi; 1) dicitur, quod ipsum viderit *vestitum podere*; Poderis autem est vestis sacerdotalis, seu Alba, pertingens usque ad pedes. Hac veste significatur humanitas Christi, qua indutus se objecit oculis humanis, in similitudinem hominum factus, & habitu inventus, ut homo, Pontifex,

fex, qui posset compati infirmitatibus nostris, & constitutus a Deo Patre sacerdos in aeternum secundum ordinem Melchisedech, offerens se semel Patri in cruce hostiam viventem, & quotidie pro nobis in sacrificio Missae. Sic Ecclesia catholica, quae est, ut dixi, viva Christi imago, & idea potrotypi sui Christi. Est porro ornata podere, id est, dignitate, ac veste sacerdotali usque ad thalas, quia sacerdotium non deficiet usque ad consummationem saeculi. Per candorem hujus poderis significatur puritas conscientiae, & simplicitas mentis, humilitas spiritus, & castitas corporis, quae quatuor sacerdotium debent comitari. 2) *Præcinctum ad mamillas Zona aurea*, justitiae & veritatis Jesu. Et erit justitia cingulum lumborum ejus, & fides cinctorium renum ejus. *Aurea*, hoc est, propter justitiam & veritatem multa patietur ab hoc mundo, & tanquam aurum in fornace probabitur. Eodem modo Ecclesia Christi sponsa est præcincta, & quidem *ad mamillas*. Per præcinctionem enim *ad renes* restrictio carnis intelligitur, quae in veteri Testamento præcipiebatur; per præcinctionem *ad mamillas* circa pectus restrictio mentis notatur, quae jubetur in novo testamento. Et ea, tanquam Zona aurea pretiosa & nova sponsam suam Ecclesiam ornavit, & circumcinxit. *Matth. C. 5.* Audistis, quia dictum est antiquis: *Non moechaberis*; ego autem dico vobis, quicunque &c.

Verf. 14. 3) *Caput autem ejus & capilli erant candidi tanquam lana alba, & tanquam nix*; & quia caput Sacerdotis & Judicis decet habere canitiem maturitatis & sapientiae, dicitur iste similis filio hominis habere caput, & capillos candidos tanquam alba lana, & tanquam nix. Per Caput intelligitur Verbum Dei, aeterna sapientia; *Candidum*, prout ipsa humanitas Christi cum omnibus suis naturalibus facultatibus tanquam membris substat. Hoc autem caput dicitur esse candidum, sive habere canitiem, quia est aeternum, & ipsa Patris aeterna sapientia. Unde de Christo summo Sacerdote & Judice dicitur *Daniel C. 7.*

v. 9. Aspiciebam, donec throni positi sunt, & antiquos dierum sedit. Per capillos intelliguntur sancti & iusti Dei, turba magna, quam dinumerare nemo potest, ex omnibus gentibus &c. Capilli crescunt ex capite, & inhaerent illi; item sunt ornamentum capitis: ita Sancti & iusti Dei orti & fundati sunt in divina sapientia, Capite Jesu Christo, & illi inhaerent per fidem, spem, & charitatem, suntque ornamentum illius ad extra; glorificatur enim Deus in sanctis suis, qui vicerunt per ipsum carnem, mundum, & diabolum, & pervenerunt ad regnum. Porro notantur esse capilli candidi in duplici differentia; 1) *tanquam lana alba*; 2) *et tanquam nix*. Per candidos enim tanquam lana alba intelliguntur illi, qui venerunt ex magna tribulatione, ac toti sunt instar lanae in aquis multis tribulationum, quae non poterant extinguere eorum charitatem. Item *per candidos tanquam lana alba* intelliguntur illi, qui quidem inquinaverunt se in luto huius terrae per peccata mortalia, laverunt tamen se cum Maria Magdalena & aliis, in aquis Jordanis & poenitentiae, instar ovium, quae ante tonsionem lavari solent. *Per candidos tanquam nix* denotantur virgines, & omnes, qui primam suam innocentiam ad sponsum suum Christum in coelum deportaverunt. Tales describuntur Apoc. C. 14. v. 5. *qui sine macula sunt*, sicut nix: In his omnibus similis est mater, nostra Ecclesia Catholica; & quidem ipsius caput invisibile est Christus Jesus, a quo ipsa, tanquam ejus corpus, interius omnem plenitudinem gratiae & veritatis accipit. Caput autem visibile est continua successione summus Pontifex & Sacerdos, ex omnibus assumptus, cum subordinatione ad ipsum; sunt etiam omnes praelati, a quibus Ecclesia in terra gubernatur, & regitur, assistente ipsis gratia Spiritus Sancti per Jesum Christum. *Canitiem aetatis* hoc caput Ecclesiae habet, quia a Christo hucusque semper fuit hoc caput Ecclesiae, & successione perpetua stetit, omnibus haereticorum confractis capitibus. *Canitiem* autem habet *maturitas*,

sis, quia semper sanam, rationabilem, & Sanctam doctrinam tenuit, & ordinem pulcherrimum in ceremoniis, aliisque omnibus rebus sacris servavit Ecclesia Catholica. 4) *Oculi ejus tanquam flamma ignis*; per quod significatur vivacitas intellectus in cognitione veritatis, sicut enim homo naturaliter habet duos oculos, dextrum, & sinistrum; sic Christus perfectus Deus, & perfectus homo simul habet duos oculos simplicissimos & acutissimos, qui sunt omnis scientia Deitatis & humanitatis, simplicis intelligentiae & visionis, quibus omnia, tam naturalia, quam supernaturalia, tam bona, quam mala rerum omnium praeteritarum, praesentium, & futurarum intime perferutatur, & videt. Et dextro quidem oculo bonos, bonaque opera, sinistro vero malos, malaque omnia intuetur. Pl. 33. *Oculi Domini super justos & aures ejus in preces eorum, vultus autem Domini super facientes mala, ut perdat de terra memoriam eorum.* Unde additur: *Tanquam flamma ignis*, sicut enim flamma ignis horribile est aspectu elementum & simplex, probat, & separat aurum a luto illuminat tenebras, & opera earum revelat; devorat, & penetrat omnia: Ita oculi Domini horribiles sunt, probant renes, & corda, omnia vident, tenebras, & tenebrarum opera illuminant, quantumvis occulta, & penetrant usque ad inferni novissima. Simillimos oculos duos habet Sancta Mater nostra Ecclesia Catholica. Primus *oculus est divinus*: Scilicet assistentia Spiritus Sancti. Hunc oculum impetravit a Patre, & dedit sponsae suae Christus. Joan. Cap. 14. Et ego rogabo Patrem, & alium Paraclitum dabit vobis, ut maneat vobiscum in aeternum, spiritum veritatis, quem mundus non potest accipere, quia non videt eum, nec scit eum: Vos autem cognoscetis eum, quia apud vos manebit, & in vobis erit. Alter *oculus est sacra scriptura, sacrique Canones, SS. Patrum scripta, Concilia in Ecclesia celebrata, & Theologia, aliarumque scientiarum, tam naturalium, quam supernaturalium fontes, ad quae in deficiendis,*

&

& statuendis rerum momentis respicitur; & sunt oculi illi pulcherrimi veritatis & simplicitatis. Cant. 4. *Quam pulchra es amica mea, quam pulchra es. Oculi tui columbarum.* Hi sunt duo oculi sponsae, in quibus discernit bonum a malo; veritatem ab errore; tenebras a luce, & qui faciunt iudicium, & iustitiam & veritatem. Hi sunt oculi, qui instar flammae ardentis omnes occiderunt haereticos, & vicerunt diabolum, patrem mendaciorum, & draconem, & bestiam, & penetrant usque ad inferni novissima.

Verf. 15. *Et pedes ejus similes aurichaleo, sicut in camino ardenti.* Per quod significatur fervor affectionis ad procurandum honorem Dei, & salutem animarum nostrarum, qui in Christo quasi infinitus fuit, qui propter nos homines, & propter nostram salutem descendit de coelis: & triginta tres annos propter haec duo cucurrit in siti, & fame &c. Et calcavit pedibus suis torcular Passionis, & tribulationum. Unde Isa. Cap. 63. dicitur: *Torcular calcavi solus, & de gentibus non est vir mecum: Consequenter etiam per pedes intelligitur fortitudo Christi in arduis & adversis, & invicta patientia, quibus tanquam duobus pedibus omnes difficultates & adversitates, quae in via vitae, maxime Passionis suae benedictae, illi obviarunt, & calcando transiit, & vicit.* Unde etiam dicuntur: *Similes aurichaleo, sicut in camino ardenti.* Sicut enim aurichalcum durissimum sustinet omnem ignis ardorem; & quo saepius, aduritur, eo meliorem accipit colorem: Ita Christi fortitudo & patientia & fervor eluxit in ardore tribulationum & Passionis suae. Similiter pedes Ecclesiae sunt *fervor affectionis* existens in sanctis Dei ad propagandam salutem animarum; invicta item patientia & humilitas ipsorum, in quibus Ecclesia sustentatur, & ambulat post sponsum suum Christum, omnisque adversitas, & felicitas hujus mundi per haec duo, tanquam pedibus conculcatur. Hi pedes tanquam aurichalcum sunt fortissimi &

& durissimi in adversis & prosperis; ardent igne charitatis; ardent in camino ignis tribulationum, & non comburuntur, sed probantur magis magisque post singulas tribulationes hujus mundi, carnis, & diaboli. Unde recte scriptura dicit: O quam speciosi sunt pedes evangelizantium pacem, evangelizantium bona! 6) *Et vox illius tanquam vox aquarum multarum*: Per quam significatur efficacia Verbi tum in praedicando, tum in corripiendo. Itaque vox Christi est praedicatio, ac sermo, & Evangelium ejus Sanctissimum, & efficacissimum; de quo *Sanctus Paulus* ad Haeb. Cap. 4. Vivus est enim sermo Dei, & efficax, & penetrabilior omni gladio ancipiti, & pertingens usque ad divisionem animae ac spiritus, compagum quoque, ac medullarum, & discretor cogitationum & intentionum cordis. De hac voce multa dixerunt Prophetæ, vocantes eam virgam, & spiritum oris sui. Haec vox est etiam Gratia Dei Christi illuminans & excitans, quae animae ad cor loquitur, *tanquam vox aquarum multarum*. Sicut enim aqua influit, & mundat, & rigat & foecundat spiritualiter. De efficacia hujus vocis, *tanquam aquarum multarum dicitur* Ps. 28. Vox Domini super aquas; Deus Majestatis intonuit, Dominus super aquas multas; Vox Domini in virtute; vox Domini in magnificentia; vox Domini confringentis cedros. Et confringet Dominus Cedros Libani, & comminuet eos tanquam vitulum Libani; & dilectus quemadmodum filius unicornium: Vox Domini intercidentis flammam ignis; Vox domini concutientis desertum, & commovebit Dominus Desertum Cades; Vox Domini praeparantis cervos, & revelabit Dominus condensa, & in templo ejus omnes dicent gloriam. Similem habet vocem Ecclesia, quae est vox praedicantium, & clamantium in deserto hujus mundi: Haec vox est Verbum Dei expressum tam in veteri, quam in novo Testamento. Haec vox sunt definitiones, & decreta Conciliorum ecclesiasticorum, & Canonum; item summi Pontificis, & aliorum Praelatorum,

ram, quibus fidelibus, & subditis suis loquitur: De hac voce dicitur Iſaiae 49. Et posuit os meum quasi gladium acutum, in umbra manus suae protexit me: & posuit me sicut sagittam electam: in pharetra sua abscondit me.

Verſ. 16. 7) *Et habebat in dextra sua stellas septem*: Per septem stellas intelligitur Universitas Episcoporum, qui dicuntur stellae, quia debent Ecclesiam illuminare vita pariter & doctrina. Dani. 12. Et qui ad iustitiam erudiunt multos, fulgebunt quasi stellae in perpetuas aeternitates. Dicuntur autem in dextra Christi, quia sine eo nihil recte possunt operari. Joann. 15. Sine me nihil potestis facere. Item sunt in dextra ejus; quia continentur sub ipsius potestate, qua hunc exaltat, & hunc humiliat, hunc elevat, & hunc projicit in terram, ut conculcetur ab hominibus sicut Christus dicto modo omnia continet in sua gratia & potestate, quae per dextram designatur; ita Ecclesia similiter habet dextram, quae est potestas summi Pontificis, seu jurisdictio universalis, & hierarchica, sub qua omnes ceteri Episcopi continentur.

8) Et ex ore ejus gladius utraque parte acutus exhibit. Per *gladium* designatur iustitia, & quod Christus iudex constitutus vivorum & mortuorum. Dicitur *ex utraque parte acutus*, quia iustus erit iudex, non respiciens personam Regis, & pauperis, sed iudicabit iustos & impios, & reddet unicuique secundum opera sua. Notatur hic gladius *ex ore exire*; quia sententia iudicis ore profertur; ita Christus Math. 25. Tunc dicet rex his, qui a dextris ejus erunt: Venite Benedicti Patris mei, possidete paratum vobis regnum a constitutione mundi, esurivi enim, & dedistis mihi manducare, sitivi, & dedistis mihi bibere: Hospes eram, & collegistis me, nudus eram, & operuistis me, infirmus, & visitastis me, in carcere, & venistis ad me &c. Et his, qui a sinistris sunt: Discedite a me maledicti in ignem aeternum &c. Similem gladium Ecclesia habet, quia Christus fecit ipsam iudicem controversiarum, tam quae circa iusti-



Justitiam quam fidem, certis temporibus oriuntur. Math. 16. Tu es Petrus, & super hanc petram aedificabo Ecclesiam meam, & portae inferni non praevalerunt adversus eam; & quodcunque ligaveris super terram, erit ligatum & in coelis, & quodcunque solveris super terram, erit solutum & in coelis. Judicat ergo Ecclesia res justitiae juxta SS. Canones, & decedit res fidei declarando SS. Scripturarum legitimum sensum, ferendo sententiam excommunicationis & anathematis contra pertinaces; ideo recte vocatur gladius Ecclesiae Catholicae gladius anathematis, & excommunicationis, qui semper fuit, eritque in Ecclesia Christi. 9) *Et facies ejus sicut sol lucet in virtute sua.* Facies JESU Christi triumphantis in coelis est ipsius humanitas gloriosissima, prout in ea lux est, & splendor aeternae gloriae promicat, in quam Angeli desiderant prospicere, & quae illuminat omnem hominem venientem in hunc mundum. Joann. 1. Unde etiam additur: *Sicut sol lucet in virtute sua.* Sicut enim sol totum mundum illuminat, calefacit, foecundat, penetrat virtute montes, & maria, & omnia: Ita facies Christi est splendor aeterni luminis; arida humectans rore coelestis gloriae, humida siccans calore desideriorum coelestium, frigida fovens calore amoris sui, & omnia implens bonitate. De hac facie dicitur Ps. 103. Avertente te faciem, turbantur; auferes spiritum eorum, & deficient, & in pulverem suum revertentur. Facies Ecclesiae, Christi Sponsae, similiter pulcherrima est ex splendore spiritus sancti, qui in die Pentecostes effusus est super illam; ideo *lucet sicut sol in virtute sua*, id est in pulcherrimo ordine & conformitate omnium rerum, in pulcherrimis ritibus, & maxime congruis ceremoniis Ecclesiasticis &c. *Lucet sicut sol in virtute sua*; scilicet in sanctis legibus Deo, naturae, & hominibus conformiter latis. *Sicut sol in virtute sua*; hoc est, in integerrima, purissima, & immaculata fidei veritate, quibus illa illuminat omnem hominem venientem in hunc mundum, ut, si vellent

N pagani,

pagani, hæretici, & alii infideles respicere in prædictam faciem Ecclesiae Catholicae, facile illuminari, & ad veram fidem converti possent.

XXI. Postquam sufficienter hunc similem Filio hominis S. Joannes a capite usque ad pedes descripsisset, additur:

Verf. 17. *Et cum vidissem eum cecidi ad pedes ejus tanquam mortuus.* Quibus verbis innuitur horror, & trepidatio quasi usque ad mortem, quae invasit S. virum, & quidem signanter additur, quod *ad pedes ejus ceciderit*, ut sic nobis ostenderet spiritus Christi, pedes Ecclesiae suae (quos supra diximus esse fortitudinem & patientiam, quibus usque ad finem mundi calcabit torcular tribulationum & lacum sanguinis Martyrum contra omnia tormenta diaboli & Tyrannorum ejus) fore stupendos, & horribiles aimis, spectando divinam bonitatem, patientiam, & amorem erga suam Ecclesiam, & e contra horribilem & mirabilem permissionem divinam in malis hominibus adversus eosdem: praemissa trepidatione & timore solet sequi consolatio.

XXII. *Et posuit dextram suam super me.* Per dextram designatur gratia, & potentia Christi, quam posuit in persona S. Joannis (qui hic personam Ecclesiae gerebat) super Ecclesiam suam & membra ejus dicens: *noli timere*, quasi diceret: nolite timere, quamvis horrendas passionem & torrentem sanguinis Martyrum (de quo ab aeterno patri meo ob Electorum suorum gloriam in via bibere complacuit) transire debeatis; tamen posui dextram meam, id est, gratiam antecedentem, concomitantem, & consequentem super vos. *Dextram meam*, hoc est, potestatem meam, quae non permittet, vobis imponi ultra id, quod potestis facere, portare, & superare. *Dextram meam*; quia ego ero vobiscum in omnibus tribulationibus vestris usque ad consummationem saeculi.

XXIII.

XXIII. Verſ. 18. *Ego ſum primus, & noviffimus, & vivus, & fui mortuus & ecce ſum vivens in ſaecula ſaeculorum.* Quibus Verbis Eccleſiam ſuam & nos ejus membra ſuo exemplo (quo majus eſſe non poteſt) ad tolerantiam omnium malorum excitat, & confortat dicens: *Ego ſum primus*, id eſt: Deus & principium omnium creaturarum; & tamen ego *ſum primus*, qui haec & plura fui paſſus vobis relinquens exemplum. *Et noviffimus* hoc eſt, finis, propter quem omnia creata ſunt, & ad quem omnia finaliter ordinantur, & ſeruntur; & tamen ſum noviffimus vivorum Jſa. 53. Et vidi- mus eum, & non erat aſpectus, & deſideraviſus eum, deſpectum & noviffimum virorum, virum dolorum & ſcientem infirmitatem, & quaſi abſconditus vultus ejus, & deſpectus, unde nec reputaviſus eum. Vere languo- res noſtros tulit, & dolores noſtros ipſe portavit, & nos putaviſus eum quaſi leproſum & percuſſum a Deo, & humiliatum: ipſe autem vulneratus eſt propter iniquita- tes noſtras, attritus eſt propter ſcelera noſtra; diſciplina pacis noſtrae ſuper eum, & livore ejus ſanati ſumus. *Et vivus, & fui mortuus.* His verbis adhuc majus pondus ad tolerantiam malorum & ipſius mortis addit, dicens: *Et vivus, & fui mortuus*, quaſi diceret: Ecce fui vere mortuus in cruce, & jacui in ſepulchro, & de- ſperabant de mea vita, & reſurrectione, & reſuſcitatus reſurrexi vere, & vivus ſum, qui mortuus fui. *Et ecce ſum vivens in ſaecula ſaeculorum.* Quibus verbis immortalitatem oſtendit, & omnino convincere nos, ac noſtros animos quaſi adamantinos ad tolerantiam mortis reddere vult Chriſtus Dominus dicens: Et ecce, qui brevi paſſus fui tempore, jam ſum vivens in ſaecula ſaeculorum, hoc eſt: in aeternum immortalis, impaſ- ſibilisſue juxta illud: quod enim mortuus eſt peccato, mortuus eſt ſemel; quod autem vivit, vivit Deo; & mors ultra illi non dominabitur. Hanc immortalita- tem intuentes Sancti Dei Martyres, & Virgines tenerae

vicerunt gaudenter omnia tormenta mundi, & tentationes hujus saeculi sustinuerunt in patientia.

XXIV. *Et habeo claves mortis, & inferni*: hoc est, potestatem, quae per claves designatur: Habeo claves mortis, Teste Osee Cap. 1. Ero mors tua, o mors, unde mors suos mortuos in jussu meo reddet vivos canente tuba. Surgite mortui &c. venite ad judicium. Mortem fidelibus quocunque modo illatam facio pretiosam in conspectu Domini. *Habeo claves inferni*, hoc est, potestatem Diaboli, qui tanquam leo rugiens circumcui, quaerens, quem devoret, cui resistite fortes in fide. *Inferni*, hoc est principis hujus mundi seu ministrorum & membrorum suorum in mundo, qui nihil non tentant, quominus suae potestatis vos faciant, & innumeris cruciatibus a me avertant. Sed princeps ille jam ejectus est foras, hinc nec ministros ejus timeatis; Hoc ipsum Christus hortatur alibi. Nolite timere eos, qui occidunt corpus, timeate vero eum, qui, postquam occiderit corpus, potestatem habet, mittere in gehennam Luc. 12. *Mortis & inferni*, quia cum hi diaboli ministri satis saeverint, jussu meo mors depascet eos, & infernus velut vivos deglutiet; non facient supra aut contra voluntatem meam, qui non patiar vos tentari supra id, quod potestis, sed faciam cum tentatione proventum; qui clavem domus habet, quem vult, intromittit, & quem vult, ab ingressu repellit.

Verf. 19. *Scribe ergo, quae vidisti*, jam praeterita malorum & tribulationum per revelationem tibi factam. *Et quae sunt praesentia*, vel imminetia, aut ex permisso Dei in tribulationem Ecclesiae jam inchoata & mox eventura. *Et quae oportet fieri post haec futura*, vel quae ventura sunt successu temporis fidelibus ultimis, in diebus novissimis, ut per priorum exempla patientiae & invictae fortitudinis posterius & ultimi sufficienter animentur.

Verf. 20,

Verf. 20. *Sacramentum septem stellarum, quas vidiſti in dextra mea, & ſeptem candelabra aurea ſunt, vel ſignificant myſterium, quod exponit ipſe, docens nos, quomodo ex rerum & verborum proprietate, & allegoriis etiam alia debeamus intelligere, & interpretari. Per ſeptem ergo angelos intelligitur univerſitas Epiſcoporum, qui in ſtatibus Eccleſiae futuris ſeptem erunt.*

Per ſeptem Candelabra intelliguntur ſeptem ſtatus Eccleſiae futuri, in quibus conſummabit ſaeculum, & implebit ruinas, & conquaſſabit capita multorum. De quibus omnibus in progreſſu ſcribit S. Joannes.



## Sectio II.

### IN CAPUT SECUNDUM.

*De primis quatuor Eccleſiae militantis.  
Statibus.*

#### §. I.

*De primo Eccleſiae militantis ſtatu, qui eſt  
Seminativus a tempore Chriſti & Apoſtolorum  
uſque ad Neronem.*

Cap. II. v. 1 — 7.

Verf. 1.

I. *Angelo Ephēſi Eccleſiae ſcribe: Haec dicit, qui tenet ſeptem Stellas in dextera ſua, qui ambulat in medio ſeptem candelabrorum aureorum. Septem Eccleſiae iſtae, quibus ad literam ſcribit Joannes, typus ſunt, ſub quo ſeptem ſtatus Eccleſiae Catholicae diverſis temporibus diverſi futuri deſcribuntur, & ideo ſignanter additur: *Converſus vidi ſeptem Candelabra*, hoc eſt, poſt me ſeptem futuros Eccleſiae ſtatus. Iſtis ſeptem ſtatibus congruunt ſeptem dies Domini, in quibus operatus eſt, item ſeptem mundi aetates, & ſeptem ſpiri-*

tus Domini missi in die Pentecostes super omnem carnem; sicut enim Dominus Deus decursum omnium generationum ac rerum naturalium septem diebus, & septem aetatibus comprehendit; ita regenerationem in septem Ecclesiae statibus consummabit, in quorum singulis diversa gratiarum genera ad ostendendas divitias gloriae suae potissimum effundet, & florere faciet, sicut in progressu videbimus. Unde etiam fit, ut, quamvis una sit Ecclesia Christi, tamen in septem status distinguatur propter magnalia, quae diversis temporibus usque ad consummationem saeculi ex divina permissione contingunt in ea. Porro solet quilibet status sequens ante cessationem prioris inchoari, & dum prior paulatim decrescit, status alter succrescit, successive invalescit, ex quo distinguere diversos status possumus.

II. *Primus Ecclesiae status est seminativus* in quo dextra Dei plantavit vineam suam supra filium hominis Jesum Christum Joann. Cap. 15. Pater meus agricola est. Hic status fuit tempore Christi, & Apostolorum, & duravit usque ad Neronem, primum Ecclesiae persecutorem, sive usque ad Linum Pontificem. In hoc primo statu victus est diabolus in idolis, & sublatis tenebris gentilitatis venerunt homines ad lucem, & veritatem fidei: Lux enim sapientiae coelestis venit in mundum, & illuminavit mentes hominum per Filium suum Jesum & Apostolos, quos elegit ad hoc. In hoc statu seminabatur granum sinapis, hoc est Verbum Dei per universum orbem praedicatum, & in terra seminatum fuit. *Matth. 13.* Disseminabatur Verbum Dei per universam regionem. Nam Christus, & Apostoli exierunt seminare bonum semen in agro suo, quod majus omnibus oleribus crevit. Et de hoc primo statu Ecclesiae seminativo intelliguntur illae duae parabolae, *Matth. 13.* De seminante &c. Huic statui congruit primus spiritus Domini, scilicet vera & coelestis sapientia, quae est fides vera in Jesum Christum, in qua quasi per speculum & in

in aenigmate contemplamur bona futurae gloriae, & contemnimus omnia hujus mundi caduca, & praesentia. Unde dicitur Jſai Cap. 11. Egredietur virga de radice Jesse, & flos de radice ejus ascendet, & requiescet super eum spiritus Domini, spiritus sapientiae &c.

III. Hujus primi status figura fuit prima dies creationis, quo spiritus Domini ferebatur super aquas, & creavit Deus lucem, & divisit lumen a tenebris. Nam in primo statu Ecclesiae natus & ortus est JESUS, lux vera, illuminans mundum, in quo nihil, nisi tenebrae erant, divisitque lucem fidei ab umbra, & tenebris Synagogae, & errore gentilium. Ejusdem primi status typus etiam erat prima mundi aetas ab Adamo usque ad Noë, in hac enim aetate occisus est Abél a Cain, & substitutus illi fuit Seth, & ita generatio Cain fratricidae separata est a generatione Filiorum Dei. Fuit insuper hic status generationis tempus ac propagationis humanae secundum carnem. Sic in primo statu Ecclesiae fuit Christus occisus a Synagoga, quae separata est a filio Dei, in cujus locum Sancta Ecclesia substituitur secundum repromissionem in Christo. Item hic primus status fuit, in quo facta est regeneratio ac propagatio humani generis secundum spiritum, ex omnium communi parente JESU Christi, cujus Adam erat figura, denique ejusdem typus est Ecclesia Ephesina, Ephesus enim interpretatur consilium, voluntas mea, & lapsus magnus, quae omnia congruunt primo statui Ecclesiae. Nam Apostoli & primi Christiani erant sanctissimi, quorum erat cor unum, & anima una, faciebantque voluntatem Patris & Christi ejus: Consilia autem evangelica sc. paupertatis, humilitatis, obedientiae, continentiae & contemptus omnium rerum ineeperunt, in hoc primo statu, quibus sancti utentes vicerunt mundum, carnem, & diabolum, & pervenere ad regnum: Et quia Synagoga excutens scandalum passa est in praedicatione Nominis JESU, sicut dicit S. Paulus 1 Cor. C. I. v. 23.

Nos autem praedicamus Christum Crucifixum, Judaeis quidem scandalum &c. Disseminatio Evangelii fuit occultio lapsus magni, & ruinae Synagogae, quae ejecta est a facie Dei in tenebras exteriores, & ita ortus Ecclesiae fuit occasus Synagogae.

IV. *Angelo Ephesi Ecclesiae scribe.* Sacerdotes angelici vocantur Malach. 2. Labia enim sacerdotis custodiunt scientiam, & legem requirunt ex ore ejus, quia Angelus exercituum est. Angelus Ephesinus est Episcopus ejus proprius Timotheus, & ejus successores; adpellantur autem Episcopi Angeli propter officium episcopale ac pastorale, ad quod mittuntur a Deo; Angelus enim interpretatur Missus. Unde etiam mali, & qui Ecclesiae nocent frequenter & promiscue nominantur etque angeli, quam boni, qui eam aedificant; sicut enim boni mittuntur, ita mali permittuntur a Deo ad majorem suorum electorum gloriam & probationem. Bonus & Sanctus fuit iste Angelus Timotheus, qui aedificavit multum Ecclesiam sibi conceditam, sanctissimeque rexit usque ad profusionem sanguinis sui pretiosi. Proinde Angelus iste & Ephesina Ecclesia ejus, typus sunt status primi Ecclesiae, qui hic describitur. Et quia primus Ecclesiae status merito tanquam norma & exemplar ponitur reliquorum, denotantur omnia in descriptione illius, quae bonum Ecclesiae regimen spectant, sicut ex progressu patebit.

V. *Haec dicit, qui tenet septem Stellas in dextera sua, qui ambulat in medio septem Candelabrorum aureorum.* Sapientia aeterna Patris, Christus Dominus aedificavit sibi domum; h. est, Ecclesiam, excidit columnas septem, super quas ipsa fundata, aedificatur, & collocatur. *Prima* columna est firmitas fidei in Jesum Christum; *secunda* timor Domini; *tertia* confidentia in Deum; *quarta* praesentia Dei; *quinta* ministerium Christi; *sexta* assistentia Spiritus Sancti; *septima* demum amor ipsius. *Prima* habetur ibi: *Haec dicit*, scil. Christus,



stus, via, veritas, & vita, quibus verbis insinuat in-  
 finita auctoritas, ob quam firmissime inniti, & credere  
 ante omnia oportet Ecclesiam sponsam sponso suo Chri-  
 sto: Est enim hoc verbum valde emphaticum, quo utun-  
 tur Magnates, & alii, qui magna auctoritate vel fide  
 apud alios pollent. Sic mittit Rex ad Reginam, dicens  
 servo: Haec dicit Rex: Sic sponsus ad sponsam: *qui te-  
 net septem stellas in dextra sua*, hoc est: qui habet in  
 sua potestate universos Episcopos & Praelatos Ecclesiae,  
 qua eos secundum voluntatem suam tanquam vas figuli  
 confringit, & ita in terram projicit, si male se gesse-  
 rint, & conservat per gratiam suam, quae per dextram  
 significatur, ne deficiant in via veritatis, & iustitiae:  
 Ex quibus verbis eruitur *secunda, & tertia* columna  
 scil. Timor Domini sanctus, & confidentia in Jesum  
 Christum perfecta; qui enim stat, videat, ne cadat; &  
 qui cecidit, non desperet respiciens in dextram Jesu  
 Christi, quae elevat de stereore pauperem, *qui ambu-  
 lat in medio septem candelabrorum aureorum*; hoc est  
 in medio omnium Ecclesiarum; sicut promisit Math.  
 C. 28. Ego vobiscum sum usque ad consummationem  
 saeculi. Qui ambulat in medio, hoc est qui videt, &  
 considerat omnes cogitationes verba, & opera nostra,  
 quae in Ecclesia sunt, & fiunt. Quomodo Gen. 3.  
 Deus deambulat in medio paradisi ad auram post meri-  
 diem. Ambulare itaque dicitur Christus Deus in me-  
 dio Ecclesiae suae per assistentiam, praesentiam, omni-  
 potentiam, scientiam, & amorem, sicut consolator in  
 medio afflictorum, Rex in medio subditorum, summus  
 sacerdos in medio ministrorum, Deus in medio creatu-  
 rarum, pater in medio filiorum, tutor in medio pupil-  
 lorum, dives in medio pauperum, iudex in medio op-  
 pressorum Medicus in medio languentium, Caput in  
 medio colli, gubernator in medio navium, advocatus  
 in medio reorum; & sponsus in medio Virginum spon-  
 sae suae, quae est Ecclesia: Ex his verbis colliguntur  
 reliquae quatuor Columnae, super quas Ecclesia nosque

omnes, membra ejus fundata debemus stare, scil. praesentia Dei omnipotentis JESU Christi, quae est *quarta* Columna, ad quam respicientes bene semper & ubique operemur. Deinde *ministerium* altaris & officii nostri (quod est *quinta* columna) & quod cum summo timore, reverentia, & attentione & Religione in laudem & gloriam deambulantis in medio nostri perficientes offeramus in odorem suavitatis; gaudeamus etiam, & solidemur fortissime in omnibus fluctibus maris feri hujus saeculi in assistentia ineffabili spiritus S. (quae est *sexta* columna) dicentes: nos relinques orphanos Domine. Denique rapiamur in amorem (septimam scil. columnam) Dilectissimi JESU & Consolatoris nostri, Regis & summi sacerdotis nostri, Dei & Patris nostri, tutoris, & Moeccenatis nostri, Judicis & Medici nostri, Capitis, & gubernatoris nostri, Advocati, & amantissimi sponsi nostri.

VI. Jacto jam fundamento praescribitur forma correctionis fraternae, quae, quoniam necessaria est in Ecclesia Dei, tamen debet etiam esse discreta. Ut autem talis sit, requiritur 1) ut persona, quae corrigit, sit superior. 2) Sciat sicut bonus Medicus, defectus & etiam bonas dotes delinquentium, habeatque apud suos auctoritatem, reverentiam, & amorem. Haec omnia continentur in his verbis: *Haec dicit, qui tenet septem Stellas in dextra sua, qui ambulat in medio septem candelabrorum aureorum; scio opera tua.* 3) Sicut prudens Medicus patienti non statim crudam Massam absynthii vel rhabarbarae sumendam porrigit, sed miscet vino, manna, sacharo, aut alio condimento grato, ita Praelatus debet peccatum (quod est Absynthium) si cupit correctionis fraternae finem consequi, non statim crude exprobrare, sed praemittere laudem bonorum, & in fine artexere consolationem quandam ad emendationem, alleviando, scil. Conscientias, docendo lapsus occasionem, & causam, ostendendo boni discretionem a malo. Sic habetur ibi:

Verf.

Verf. 2, 3. *Scio opera tua, & laborem, & patientiam tuam &c.* Ecce laudem bonorum.

Verf. 4. *Sed habeo adversum te, quod charitatem tuam primam reliquisti.* Ecce exprobratio delicti.

Verf. 6. *Sed hoc habes, quia odisti facta Nicolaitarum, quae & ego odi.* Ecce consolationem ad emendationem: Causa enim & occasio, quare prima fervens charitas mutua in fine primi hujus Ecclesiae status ceciderit, fuerunt perversa dogmata Nicolai, Diaconi, Cerinthis, Ebionis, Simonis magi, & aliorum, qui ex ipsismet Christianis tunc exsurrexerunt. Dum enim certatur de doctrinae veritate, animi etiam piorum, concipiunt ex absurditate nequitiae errorum Zelum, Zelum accendit ignem aemulationum, aemulationes pariunt rancorem & ita extinguitur paulatim charitas, quae omnibus etiam inimicis bene vult, & facit. Corrigit ergo Christus hic suam Ecclesiam, dum ostendit ipsi causam, & occasionem lapsus, & discernit bonum a malo, dicens: *Sed hoc habes, quia odisti facta Nicolaitarum, quae & ego odi; quasi diceret: bene facis odiendo facta Nicolaitarum, quae & ego odi, male autem facis deferendo charitatem erga animas eorum, propter quas ego descendi de coelis, incarnatus, & passus fui.* 4) Sicut bonus Medicus ad recuperandam sanitatem praescribit congruam dietam sic Praelatus praescribit poenitentiam, & remedia, quibus omnia eluant peccata, & peccati maculam, recuperentque pristinam perfectionem vitae, a qua defecerunt subditi, caveaturque relapsus impofterum. Hoc totum habetur in sequentibus verbis:

Verf. 5. *Memor esto itaque, unde excideris, & age poenitentiam, & prima opera fac.* 5) Denique ut patiens praescriptam servet dietam, Medicus terret morte, & spe vitae animat: ita bonus Praelatus in correctione delictorum proponit poenam, & proemium, quorum primum habetur ibi:

Verf.

Verf. 5. *Sin autem venio tibi, & movebo candelabrum de loco suo, nisi poenitentiam egeris. Secundum vero ibi:*

Verf. 7. *Vincenti dabo edere de ligno vitae, quod est in Paradiso Dei mei.*

VII. In omni bene ordinato regno novem reperiuntur, quae illud beatum, sanctum, & justum reddunt. 1) Observantia legum. 2) Labor strenuus pro communi omnium salute. 3) Sufferentia malorum pro republica. 4) Gladius justitiae. 5) Inquisitio sedula malefactorum. 6) Discretio bonorum & malorum. 7) Fortitudo in arduis, & adversis. 8) Longanimitas in rebus bene caeptis. 9) Denique perseverantia in rebus honestis. Haec omnia debent esse in Regno Christi, quod est Ecclesia militans in quibus maxime primus status Ecclesiae a Christo hic laudatur, praescribiturque simul universali Ecclesiae norma, & idea, qualis esse debent. Prima habetur ibi: *Scio opera tua*; est modus loquendi Magnatum, quo dicere solent, volentes laudare, vel vituperare servos suos: scimus, vel nota sunt nobis tua servitia, fidelitas, Consilia &c. Similiter Christus laudat primum statum Ecclesiae ab operibus justitiae, quod scil. abjecerit falsam justitiam Phariseorum, & jugum legis Mosaicae, & impudicitiam gentilium (ex quibus duobus hominum generibus inceptit primitiva Ecclesia) & servet nunc perfectam legem Evangelii, servando honoret legislatorem; honorando autem fidelis, & gratus ipsi servus existat. Et hoc primum, & in omni regno bene ordinato; ubi enim non servantur leges, ruinae proximum est regnum hujusmodi, & legislatoris contemptui, secundum insinuat ibi: Et laborem in seminando, propagando, & conservando Verbo Dei, & Evangelio Christi, quod primus Ecclesiae status praestitit, laborando strenue tanquam bonus miles, agricola, Pastor, & Operarius 2 Tim. Cap. 2. Miles quidem, quia pugnabant Apostoli, & eorum successores diu nocturne inde-

indefesso labore cum mundo, carne, & diabolo. *Agricola* vero, quia scriptum est Psal. 125. Euntes ibant, & flebant, mittentes semina sua; venientes autem venient cum exultatione, portant manipulos suos. *Pastor*, educebant enim oves suas (quae erant gentes, & Judaei) ad aquas vitae Baptismi, & pascebant per totum diem, hoc est, usque ad mortem, salutare sua admonitione, doctrina, & exemplis sanctis non deferendo. Velut denique *Operarius*, quia laborabant tanquam conducti operarii in vinea Domini, & in aedificanda Ecclesia Christi; item laborabant operantes manibus suis pro vitae suae aliorumque necessariis secundum Apostolum Paulum 1 *Cor.* 4. Et haec quidem tantummodo pro communi omnium salute 2 *Tim.* 2. Labore usque ad vincula, quasi male operans: sed verbum Dei non est alligatum; ideo omnia sustineo propter Electos, ut & ipsi salutem consequantur, quae est in Christo Jesu cum Gloria coelesti. Tertium indicatur ibi: & *patientiam tuam* in adversis, quae sicut omnibus militibus Christi, bonisque agricolis & pastoribus animarum ex similitudine militum, agrorum, pastorumque corporalium summe necessaria est ad sufferendos labores, adversitates, tentationes, aliasque diversas tribulationes contingere solitas omni volenti pie vivere in Christo; ita primi Ecclesiae Catholicae fundatores summopere sustinuerunt, nobis in exemplum circumeuntes in melotis, in pellibus caprinis, in ludibriis, in verberibus, in carceribus, in vinculis, egentes, angustii, afflicti, tentati &c. & quidem haec omnia sufferentes ad imitationem capitis Jesu Christi, pro communi reipublicae Christianae salute. Ecclesiae semper necessaria est patientia, ut in ea possideant animas suas, qui sunt ipsi subditi, & fideles Christi. *Et quia non potes sustinere malos*, cum eis communicando, per quae verba designatur gladius iustitiae, seu Zelus bonus, & ardor in vindictam malorum, quo praedicti Apostoli, eorumque successores non potuerunt sustinere malos & falsos Christianos, sed sine

finu-

simulatione corripiebant prava eorum, & falsa dogmata, in quibus si pertinaces eos invenerant, ejecerunt eos ab Ecclesia Dei, ut habetur 1ma *Timoth. 1. v. 20.* Ex quibus est Hymenaeus & Alexander, quos tradidi Sathanae &c. *Item 1 Corin. C. 5. v. 5.* Similiter Satanae tradidit incestuosum. Et hic Zelus est adeo necessarius in omni regimine, politico, & spirituali, ut sine eo membra & corpus putrescant: Ubi enim omnia malefacta dissimulantur, & non castigantur; ibi impune peccatur, & velut torrens multiplicata delicta in corpus redundant illudque successive corrumpendo ita perduat, ut nesciant tandem, ubi fieri debeat medicinae remedium. *Quintum.* Cum vero gladius anathematis, & iustitiae Zelus per se est coecus, proinde praerequitur sufficiens malorum notitia, ideo summe etiam necessarium est in bene ordinato regno, ut sit sedula malorum inquisitio sive vigilans Principis in omnes (etiam quibus tuto & plus coeteris confiditur) subditos oculos, qui omnium calcaneo insidiatur, & scrutetur eorum vestigia & actiones. Hoc totum insinuat his verbis: *Et tentasti eos, qui se dicunt Apostolos esse, & non sunt.* Experimentum accipiendo de ipsis per eorum vitam & doctrinam, qui se etiam a Christo & Apostolis missos esse & spiritum Dei habere gloriabantur, ad docendum populum, & non erant, sed potius subverfores fidelium, quales erant Ebion, Cerinthus, Menander, Nicolaus, Simon magus, & coeteri haeretici, qui tunc in Asia surrexerunt, & similiter pseudo apostoli, qui dicebant, se missos ab Apostolis in Jerusalem manentibus scilicet Petro & Jacobo, & sub hoc praetextu falso tamen docebant observationem legalium simul cum Evangelio esse necessariam ad salutem, ut patet ex pluribus locis Epistolarum S. Pauli, *Sextum* ex praehabito sufficienti malitiae & falsitatis alicujus experimento restat, ut prudens & iustus Princeps procedat ad iudicium, sententiam, ad condemnationem malefactorum, quod colligitur ex verbis, *& invenisti eos mendaces,* non solum in doctrina, sed etiam

etiam in vita, quia exterius sanctitatem simulabant, ut simplices facilius deciperent: Unde praedictos Haereticos Ecclesia a consortio fidelium ejecit; & ita hic dicitur: quod invenerit illos mendaces per sententiam anathematis declarando ex Cathedra S. Petri, quod nemo horum fuerit missus, neque a Deo, neque a Christo, neque ab Apostolis, neque eos habere veram doctrinam, neque vera signa, neque iustitiam legalem esse necessariam ad salutem. *Septimum.* Et quia ob gladium iustitiae & veritatis non nunquam adversa, rebelliones, & persecutiones ab impiis intentantur, necessaria est fortitudo, & magnanimitas, ut propterea Princeps non absterreatur a vindicta iusta malorum, aut deferat iustitiam & veritatem. Ita passus est primus status Ecclesiae plurima adversa, & tribulationes, quas supra dicti haeretici in ipsius membris excitarunt, quae omnia fortissime talit, sustinens in sententia iustitiae & veritatis necessaria ad salutem. Unde hic laudatur ob suam fortitudinem his verbis: *Et patientiam habet.* *Octavum:* Verum, quia adversa quaedam solent esse diuturna, ob divinam permissionem, & ob impiorum nequitiam, fortitudo Principis debet inniti longanimitate, qua armatus sustineat omni tempore quascunque adversitates propter iustitiam, & veritatem, & in hoc laudatur Ecclesia prima: *Et sustinuit propter nomen meum.* Quibus verbis intimatur consequentia scil. Gloria Nominis Jesu Christi, quod supra dicti haeretici & judaei blasphemabant, dum negabant ejus divinitatem vel humanitatem, vel adventum vel opera, ut patet ex Epistola S. Pauli. Nonum Denique cum mala quaedam & adversa extirpari penitus non possint, in principe debet esse perseverantia in iustitia, & veritate, ita maxime in Ecclesia Dei, in qua Zizania cum tritico crescere usque ad diem messis & esse haereses oportet, necesse habet praelatus, ut sit perseverans in omnibus adversis, semper vincens in omni bono malum; Ita hic laudatur & praescribitur univer-

universalis Ecclesiae norma, qualis esse debeat, his verbis: Et non defecisti.

VIII. Post laudem & narrationem bonorum prudenter ponitur correptio defectus:

Verf. 4. *Sed habeo adversum te pauca, quod charitatem tuam primam reliquisti.* Omne institutum super terram, quantumvis sanctum, & beneordinatum solet quotidianis membrorum defectibus & fragilitate defluere & tepescere. Ita etiam contigit primo Ecclesiae statui sub typo Ephesinae Ecclesiae descripto, ut charitatem suam primam relinqueret. Prima Christianorum charitas consistebat in perfectissima unitate & communione bonorum Act. 4. Multitudinis autem Credentium erat cor unum, & anima una, nec quisquam eorum, quae possidebat, aliquid suum esse dicebat; sed erant illis omnia communia. Item per primam charitatem intelliguntur opera charitatis, & misericordiae; consueverunt enim sustentare pauperes Christianos ferventer & devote, & mittere eleemosynam fidelibus, in Jerusalem habitantibus, & alibi, qui suas possessiones, ob fidem in Christum amiserant, vel vendiderant ad sustentationem credentium in Christum. Act. 4. Neque enim quisquam egens erat inter illos, quotquot enim possessores agrorum aut domorum erant, vendentes, offerebant pretia eorum, quae vendebant, & ponebant ante pedes Apostolorum. Dividebatur autem singulis, prout cuique opus erat. Haec prima eorum charitas post mortem Apostolorum, & Timotheum Episcopum Ephesinum insurgentibus paulatim viris impiis, & falsis fratribus, qui fraudulenter devorabant, & accipiebant, & docebant perversa, & garriebant in populum, tepefacta est, & versa in amaritudinem cordis. Dum enim altercamur in dogmatibus fidei, & certamus per aemulationem de successibus ad Episcopatus, & Cathedras, Praelaturas, & praebendas, refrigerescere charitatem, aequae quotidianae quam lamentabilis consequentia est.



IX. Facta correptione statim sequitur salutaris admonitio ad vitae reformationem, simulque praescribitur forma ejus, quae in tribus consistit. 1) In agnitione commissi, vel omisi, & reflectione super occasionem, qua deliquit. 2) In poenitentiae operibus. 3) In assumptione primaevis Instituti, ut patet ex sequentibus.

Verf. 3. *Memor esto itaque, unde excideris*, id est, agnosce culpam tuam, recordare primorum operum, & a quanto gradu & perfectione & fervore charitatis excideris: h. est: investiga per reflectionem, quae occasio fuerit tui lapsus a prima charitate, & poenitentiam ago de omissione tanti boni, & emenda te prudenter vitando occasiones, quae te induxerunt in teporem charitatis, & fac opera poenitentiae digna pro hoc delicto. *Et prima opera fac*, id est, reassume primaevis tuum institutum, primum fervorem charitatis, priora misericordiae opera, priorem dilectionem, & unitatem, & disce in bono charitatis vincere mala haereticorum, & falsorum fratrum, qui occasio fuerunt, quod a charitatis simplicitate excideris; *sin autem venio tibi, & movebo candelabrum tuum de loco suo, nisi poenitentiam egeris*. His verbis subdit comminationem poenae, quae etiam ad correctionis fraternae formam requiritur. *Sin autem*. Si te dicto modo non correxeris: *Venio tibi*, ut te castigem, & puniam, & corrigam, ut emenderis. *Veniam tibi* tanquam Medicus tuus, & pater & sponsus, & iudex ad sanandum te mediis durioribus. *Venio tibi*, in praesenti dicitur, ut intelligat Ecclesia divinam vindictam semper esse paratam & praesentem, eamque supervenire, quando minime cogitamus. *Et movebo candelabrum tuum de loco suo, nisi poenitentiam egeris*. Additur poenae genus, & castigationis modus, & quidem in futuro, ut intelligamus Deum esse longanimum, & expectare nostram poenitentiam, & poenas a longe nobis diu subinde minari, donec impleatur iracundia & praevericatio. *Et movebo candelabrum tuum de loco suo,*

*suo*, h. est, permittam excitari tribulationes, bella, & haereses, & Tyrannos, quibus movebitur Ecclesia tibi concredita de loco suae stabilitatis dignitatis, quietis, quemadmodum fecit, & complevit hoc verbum suum postea per decem Tyrannos, quibus terribiliter agitata fuit, Ecclesia, & mota, sicque ad magnam perfectionem & charitatem pervenit, ut patet ex tot millibus millium Martyrum utriusque sexus, qui pro amore Jesu mortui sunt. *Movebo* Candelabrum de loco suo, hoc est: Transferam Episcopatum Tuum, & divitias, & dignitates tuas, & Ecclesiam de regione, in qua nunc est, si de peccatis notis dolere, & poenitentiam agere desinet. Sic fecit graecae Ecclesiae; sic Anglicae, sic Terrae Sanctae, & in germania, totaque occidentali, & Latina Ecclesia facere incepit, & faciet ulterius; nisi poenitentiam agamus.

Verf. 6. *Sed hoc habes, quia odisti facta Nicolaitarum, quae & ego odi.* Per haec verba primo correctioni subditur emendatio, ut more boni Samaritani praeter vinum mortificativum infundatur oleum lenitivum. *Sed hoc habes* bonum, & commendatione dignum, *quia odisti facta Nicolaitarum*, id est fornicationes & communem usum mulierum. Deinde additur odii iusti modus, & mensura, quam commendat Ecclesiae suae exemplo suo docens: *Odisti facta Nicolaitarum, quae & ego odi.* Vult dicere, & tacite innuere, quod nunquam personas, quantumvis malas, sed tantum facta mala in ipsis personis propter earum salutem & Dei honorem odisse debeamus exemplo Christi, qui summe odit peccata, & tamen ita diligit peccatorum personas, ut descenderit de coelis & propter nostra peccata intra duos latrones mortuus fuerit. 3tio docet tacite etiam Ecclesiam suam, quae occasio fuerit, quare primam charitatem reliquerit, quia scil. personas ab earum factis non bene distinguens affectum & fervorem charitatis erga eandem dimisit. Unde etiam tacite excusatur  
in

in suo delicto & lenitur dolor a medico prudentissimo Christo dicente: *Sed hoc habes, quia odisti facta Nicolaitarum quae & ego odi.*

X. Vers. 7. *Qui habet aurem, audiat, quid spiritus dicat Ecclesis.* Est modus loquendi, quo arduitas aliquid faciendi, vel altitudo mysteriorum in Ecclesia futurorum significatur, simulque nostrae carnis fragilitas, intelligentiaeque nostrae crassities admonentur, quod haec omnia, quae scripta sunt in hoc Apocalypsis libro, contineant sapientiam, & arduum intelligendi modum. Ita Christus commendans Ecclesiae continentiam tanquam rem arduam dixit: Qui potest capere, capiat. *Math. Cap. 19. v. 12. Vincenti dabo edere de ligno vitae, quod est in Paradiso Dei mei.* His verbis praemium subjungitur, mercesque assignatur ut eo Ecclesiam suam facilius ad poenitentiam alliceret. Vult dicere: *vincenti* (tentationes mundi, carnis & diaboli) *dabo edere de ligno vitae* id est, dabo ei fruitionem bonitatis Christi, qui est vere lignum vitae, cujus arbor in paradiso situata figura fuit. *Edere de ligno vitae*, id est, frui visione beatissima & beatifica, cum immortalitate; arbor enim vitae metaphorice significat immortalitatem. *Gen. Cap. 3; quod est in paradiso Dei mei*, hoc est, in coelesti patria paratum omnibus, qui legitime certaverant: Nemo coronabitur, nisi, qui legitime certaverit, & vicerit *2da Timoth. Cap. 2.*

## §. II.

*De secundo Ecclesiae militantis statu, qui est irrigativus per tempora decem persecutionum usque ad Constantinum M.*

Cap. II. v. 8 — 11.

I. Et Angelo Smyrnae Ecclesiae Scribe, haec dicit primus & novissimus, qui fuit mortuus, & vivit: Scio tribu-

tribulationem tuam & paupertatem tuam, sed dives es, & blasphemaris ab his, qui se dicunt Judaeos esse, & non sunt, sed sunt Synagogae Satanae, nihil horum timeas. quae passurus es; ecce missurus est diabolus aliquos ex nobis in carcerem, ut tentemini, & habebitis tribulationem diebus decem; esto fidelis usque ad mortem, & dabo tibi coronam vitae. *Qui habet aurem, audiat, quid Spiritus dicat Ecclesiis: qui vicerit, non laedetur a morte secunda* &c. *Secundus Ecclesiae Status* est irrigativus; Vineae enim Domini Ecclesia, quae, quot Sanctos profert, tot palmites nutrit. Haec vinea per Christum & Apostolos plantata in primo statu, irrigatur postmodum in secundo statu torrente Sanguinis martyrum, qui erat quasi fons ascendens a terra, & irrigans universam Superficiem Ecclesiae. Duravit autem haec effusio Sanguinis Christianorum decem diebus, hoc est, per decem tempora Tyrannorum praecipuorum regnantium in terra, quorum animos diabolus, videns, quod fidem Christi per aemulationem Judaeorum impedire nequiret, excitavit contra Christianitatem, nitens eam hoc medio tollere, & extinguere. Permisit Deus has tam diuturnas & terribiles persecutiones, ob majorem gloriam Electorum suorum militum, ad firmandum magis fidei catholicae veritatem, quae tot immanibus persecutionibus agitata, stetit immaculata, & majoribus, & majoribus quotidie incrementis est nobilitata. Item permisit Deus dictas persecutiones, ut excitaret Ecclesiam suam ad charitatem perfectam, quae in statu martyrum fuit perfectissima, ut patet ex supra dictis. De hoc statu Ecclesiae intelligitur illa parabola *Joan. 12.* Nisi granum frumenti in terram cadens mortuum fuerit, ipsum solum manet; si autem mortuum fuerit, multum fructum affert. Item illud *Pf. 109.* De torrente in via bibet, propterea exaltabit caput: hoc est, de torrente Sanguinis martyrum in via hujus praesentis vitae Pater coelestis complacuit sibi bibere, propterea ad exemplum suorum

suorum militum exaltavit Christum Filium suum, caput universorum in cruce.

II. Huic statui congruit secundus spiritus Domini, scil. spiritus fortitudinis, & invictae patientiae in arduis & adversis, quo muniti clypeo Sancti Dei utriusque sexus vicerunt mundum, & pervenerunt ad regna coelestia. Hujus secundi status fuit figura secundus dies creationis mundi, quo fecit Deus firmamentum in medio aquarum. Hoc firmamentum praefigurat firmamentum, hoc est fortitudinem martyrum, quia Dominus eos posuit in medio aquarum omnium tribulationum, quae non potuerunt extinguere charitatem. Item, sicut hoc secundo die fuit positum hoc firmamentum in coelo, ita in secundo statu Ecclesia, quae per coelum significatur, fuit fortissime stabilita testimonio martyrum, tanquam firmamento ejus. Eidem secundo statui Ecclesiae convenit secunda aetas mundi a Noe usque ad Abraham computata. Sicut enim in secunda aetate incipit Noe & ejus posteritas victimas Deo immolare, ita in secundo Ecclesiae statu Christiani passim mactabantur, quorum effusio sanguinis & mors erat pretiosissima & gratissima Deo Patri victima in Filio suo Jesu in odorem suavitatis. Dilectus tribulationum & martyrum status consequenter sub statu Ecclesiae Smyrnenensis describitur. Smyrna enim interpretatur canticum & myrha; quorum utrumque martyrum statui congruit, canticum quidem; quia cum laetitia quasi salientes ducebantur ad martyrium Christiani utriusque sexus; ut ex historia Ecclesiastica & Act. 5. patet; ibant gaudentes a conspectu concilii, quoniam digni habiti sunt, pro Nomine Jesu contumeliam pati. Item tribulationes & mors SS. martyrum canticum sunt gratissimum, in quo delectatur Deus, lactantur Angeli, & omnes Sancti, collaudantes Filium Dei: Myrha vero, sicut enim myrha est amara, & a putredine servat, ita tribulationes & persecutiones amarae sunt, Ecclesiam tamen, ejusque membra a putredine

ne defectuum, voluptatum & peccatorum revocant, solidumque ipsius corpus reddunt per patientiam, paupertatem, humilitatem, & contemptum hujus mundi, & charitatem Dei, amoremque futurorum bonorum. Item myrha dat odorem suavitatis, qui in sacrificiis adhibetur Deo: Sic martyrum sanguis, & mors sunt odor suavissimus, & sacrificium jube in conspectu Dei ascendens.

Verf. 8. *Et Angelo Smyrnae Ecclesiae scribe: Ad literam, Episcopo illius loci, sub ejus vero typo omnibus Pontificibus, Episcopis, & Praelatis, imo omnibus Christianis, qui in hoc statu Ecclesiae tribulationum sunt victuri. Haec dicit primus & novissimus, qui fuit mortuus, & vivit.* Verba haec debent intelligi, ut supra; ponuntur autem ab initio tanquam exemplum, qualiter scilicet Christum Filium Dei Regem nostrum oportuit pati, & ita intrare in gloriam suam. Sic & Electos suos pati oportet, & mori, ut in aeternum cum ipso vivant, quare fortissime perstiterunt tot centena millia martyrum utriusque sexus ad exemplum dulcissimi sui sponsi, & Regis Jesu Christi. Ita efficax est exemplum superioris!

Verf. 9. *Scio tribulationem tuam & paupertatem tuam.* Ponuntur haec duo tanquam duae proprietates, & notae status martyrum; nam tribulatio est nomen valde emphaticum a nomine tribulus, significans omnis generis adversa, persecutiones, contumelias, tormenta, angustias, mortis genera diversa, & horrenda; paupertas vero significat expoliationem bonorum temporalium, expulsionem in exilium a sedibus episcopalibus, ab Ecclesia, a domo propria paterna &c. Quae omnia Sancti Dei a Tyrannis, qui ultra trecentos annos in eos saevierunt, pro sponso suo Christo Jesu laetantes passi fuerunt, ut patet ex historia Eccles. *sed dives es* in spiritualibus thesauris meritorum, in heroicis virtutibus, in auro charitatis, in ferro fortitudinis, in haereditate regni coelestis, sive aeterna gloria propter amissam transitoriam

fitoriam possessionem hujus mundi in coelis praeparata.  
*Dives es*, quia estis amici Dei, & nomina vestra scripta  
 sunt in coelis. E contrario potentes hujus qui vos tri-  
 bulant & spoliunt, pauperes sunt, quia ibunt post hanc  
 transitoriam vitam ad tormenta sempiterna, quae poten-  
 ter patientur. *Et blasphemaris ab his, qui se dicunt*  
*Judaeos esse, & non sunt, sed Synagoga Satanae.* Per  
 Judaeos intelliguntur 1) reliquiae Judaeorum seu Syna-  
 gogae veteris testamenti, quae quia abjecta est a Deo,  
 in ea salus non est, nec erit amplius: ideo additur *qui*  
*se dicunt Judaeos esse*, hoc est electos, eo quod sint ex  
 semine Abrahae, & non sunt electi, *sed Synagoga Sa-*  
*tanae* hoc est congregatio reproborum, eoquod divina  
 justitia Judaeos propter suam incredulitatem obstinatio-  
 nemque in malo, in potestatem Satanae tradidit, cujus  
 membra sunt. Non enim Christi erit populus, qui eum  
 negaturus est: *Dan. 9.* 2) hoc nomen *Judaeos* ad Chri-  
 stianitatem est translatus. Unde hic per Judaeos alle-  
 gorice significantur mali Christiani, qui se dicunt esse  
 electos, & confitentur se nosse Deum, factis autem ne-  
 gant. *Rom. 1.* De utrisque dicit Apostolus Paulus:  
*Rom. 2.* Non enim, qui in manifesto Judaeus est, ne-  
 que quae in manifesto in carne est circumcisio, sed qui  
 in abscondito Judaeus est, & circumcisio cordis in spi-  
 ritu; non litera, cujus laus non ex hominibus, sed ex  
 Deo est. Haec ad literam de veris Judaeis secundum  
 promissionem ex semine Abrahae; per Allegoriam vero  
 de Christianis secundum repromissionem in Christo in-  
 telliguntur. Et ab his blasphematur Ecclesia Dei, in  
 electis & Sanctis membris suis; nam judaei exprobrant;  
 quod si fides esset in Christo vera, & si verus Messias  
 Christus esset, verusque Filius Dei omnipotentis, uti-  
 que non fineret affligi & pati, mactarique sicut pecora  
 suos electos, & dilectos: quia mors est ignominia, &  
 crux Christi erat ipsis scandalum, ut dicit Apostolus.  
*1 Cor. 1.* Nos autem praedicamus Christum crucifixum,  
 Judaeis quidem scandalum, gentibus vero stultitiam.

Mali Christiani & haeretici blasphemabant Ecclesiam Dei factis suis pessimis, & dogmatibus perversis, ob quae magis apud Judaeos & gentiles Tyrannos vilescens contemnebatur; & sancta ejus membra majori ludibrio erant, gravioresque patiebantur persecutiones, etiam ab ipsis falsis Christianis.

Verf. 10. *Nihil horum timeas, quae passurus es.*

His verbis animat Christus Ecclesiam suam ad intrepidam tolerantiam omnium malorum quantumvis diuturnorum: & quia praevisa jacula minus feriant, nosque tolerabilius mundi mala suscipimus, quae praescimus, ita oportere nos ex divina ordinatione pati, in sequentibus instituit suam Ecclesiam, quantam, & a quibus, & quanto tempore oporteat habere tribulationem. *Ecco missurus est diabolus aliquos ex vobis in carcerem, ut tentemini; & habebitis tribulationem decem diebus &c.* Ecce missurus est diabolus causative impellendo (ex consueta invidia sua in fideles) Reges & Principes Tyrannos; Judaeos vero incitando, & ex vobismet ipsis perversa loquentes, malos scil. & falsos Christianos subornando, qui aliquos, h. e. multos ex vobis, & omnibus, qui in hoc secundo statu Ecclesiae sunt victuri, trahent in carcerem, eruntque quasi lictores diaboli ideo dicitur *missurus* h. e. per Satellites suos, scil. Principes hujus mundi, quibus utitur ad implendam suam insatiabilem libidinem, nocendi piis Christi membris, opera impiorum hominum super terram. *In carcerem*, per quod significatur, imo diuturnitas tribulationum futurarum, qui enim mittitur in carcerem, non statim inde expeditur: Sic dicitur pecunia alicujus mitti in carbonem, in thesaurum Regis, eo quod fervetur. 2do Per carcerem denotantur omnis generis mala, quae Sancti, & electi Dei essent passuri; est enim carcer officina omnium tribulationum ex genere suo: nam qui mittitur in carcerem, separatur ab hominibus tanquam malefactor. In carcere est sitis, fames, frigus, calor, vincula, nuditas,



tas, bonorum exspoliatio, in carcere tortura, tormenta, flagella, virgae, opprobria, vigiliae, angustiae, fœtor; ex carcere denique prodit sententia injusta condemnationis ad ollas Sartagine, rotas, enses, cruces infames, sectionem, submersionem, ad exilium, ad bestias, ad urfos, ad leones, tigrides, & Leopartos &c. Ideo dicit hic Christus signanter. *Ecce missurus est diabolus aliquos ex vobis in carcerem*; scil. ex permissione Patris coelestis, ut *tentemini*, h. e. ut probemini sicut aurum in fornace; ista autem probatio non est ex intentione diaboli, qui non intendit tribulorum bonum; sed ex intentione Dei, qui ex malis elicit bona: & sic ex saevitia Tyrannorum elicit patientiam Martyrum, & coronam gloriae; quod ipsum & hodie adhuc cum Ecclesia sua facit, quando ejus Praelati & membra ad peccata, voluptatesque & temporales divitias cor suum effundunt in terram. *Et habebitis tribulationem* (praedictam) *decem diebus*, hoc est per decem regimina sive tempora decem Tyrannorum, qui potissimum, & quidem continuo sibi succedendo, sicut dies, in Christianos saevient. Intellegitur ergo per istos decem dies tempus continuum a Nerone, primo Ecclesiae persecutore, usque ad tempus Constantini Magni; fluxeruntque anni prope 300, quibus continuo Ecclesia natavit in Sanguine Martyrum utriusque Sexus, tanquam arca Noe in diluvio; donec tandem post decem persecutiones super montem excelsum Constantinum M. requiesceret. Prima persecutio nata est sub Nerone; secunda sub Domitiano, *Tertia* sub Trajano; *quarta* sub Marco Aurelio Antonino, *quinta* sub Severo; *sexta* sub Maximino. *Septima* sub Decio, quae continuata est a Gallo & Volusiano, *octava* sub duobus Valeriano, & Galliceno: *Nona* sub Aureliano. *Decima* denique sub Diocletiano & Maximiano ejus collega, quae fuit omnium immanissima. Vide plura in Libr. Hist. Eccles.

III *Esse fidelis usque ad mortem, & dabo tibi coronam vitae.* His verbis exhortatur Ecclesiam suam proposito sibi proemio ad perseverantiam in tribulationibus futuris, quae exhortatio divina ex clementia proponitur ob nimiam crudelitatem, & diuturnitatem malorum contra Sanctos & amicos Dei permissorum. *Esse fidelis usque ad mortem*, hoc est, constans, & perseverans usque ad mortem in tribulatione tua. *Esse fidelis*, &c. in fide, spe, & charitate; item ne deficias, scandalum sumendo ex tot, tamque crudelibus & diuturnis malis, a me in te permisis; *& dabo tibi coronam vitae* h. e. laureolam martyrii secundum mensuram tribulationum, quas sustinuisti propter me. *Coronam vitae* h. e. triumphatoris in coelis, quae non auferetur a te; nemo enim coronabitur, nisi qui legitime certaverit. *Coronam vitae.* Regnum scil. sive libertatem filiorum Dei, ut nulli regi terreno amplius subjiciaris.

Verf. 11. *Qui habet aurem, audiat, quid spiritus dicat Ecclesis.* Exponitur ut supra; his enim verbis semper intellectum nostrum excitare vult, ad scrutandum circa suam Ecclesiam aliquem sensum abstrusum, mysteriisque coelestibus plenum, quem ex rerum & verborum proprietate eruere oporteat. *Qui vicerit, non laedetur a morte secunda* h. e. ab inferno sive morte aeterna damnatorum. Dicitur autem *mors secunda*, quia post corporalem caducae vitae mortem, quae est mors prima, sequitur. Haec verba addit Christus tanquam fulcrum quoddam perseverantiae in tribulationum pressura fortissimum: si quis enim consideret tanta inferorum incendia, & damnationem impiorum aeternam, omnibus exquisitissimis tormentis malisque plenissimam prae oculis habeat, lubens, & facile subibit omnes tribulationes mortemque temporalem, ut evitet tribulationes perpetuas, mortemque aeternam, quae omnia prae oculis suis habentes servi Dei vicerunt omnia tormenta, quibus pervenerunt ad regna coelestia.

## §. III.

*De tertio Ecclesiae militantis Statu, qui est  
 Doctorum incipiens a Sylvestro Papa, & Constan-  
 tino M. usque ad Leonem III. S. P. & Caro-  
 lum M.*

Cap. II. v. 12 — 17.

I. *Tertius status Ecclesiae est Doctorum, & inci-  
 piens a Constantino M. & Sylvestro Papa, duravit usque  
 ad Carolum M. & Leonem III. summum Pontificem :*  
 ubi haereses sunt extirpatae, & Christiana religio fere in  
 toto orbe terrarum solidata est. Hic status dicitur *illu-  
 minativus*, quia in eo ventilata potissima fidei Catholi-  
 cae mysteria fuere, utpote de Deo Trino, & uno, de  
 Christi Divinitate, humanitate, ejusque filiatione & spi-  
 ritus S. processione &c. quia vero contraria juxta se po-  
 sita magis elucescunt, dedit Ecclesiae ad illuminationem  
 sui, praestantissimos Doctores, scil. Ambrosium, Augu-  
 stinum, Hieronymum, Bedam, Leonem, Chrysostomum,  
 & plurimos alios graecae & latinae Ecclesiae Pa-  
 tres. Econtrario excitari permisit pessimos etiam haere-  
 ticos illis oppositos, velut Arium, Donatum, Macedo-  
 nium, Pelagium, Eutychetem, Nestorium &c. quibus  
 etiam ad majorem exercitationem suorum electorum asse-  
 clas permisit potentes: uti Constantium, Julianum Apo-  
 statam, Valentem, Leonem, Zenonem Imperatores.  
 Item Henricum Vandalorum, Theodoricum Ostrogo-  
 thorum Regem, Anastasium Dicorum, Constantem,  
 Leonem III. Constantinum V. Leonem IV. Constanti-  
 num VI. aliosque non contemnendi numeri Archiepi-  
 scopos, Episcopos &c. Huic statui congruit tertius  
 spiritus Domini, scil. spiritus intellectus, quo illumi-  
 nata Ecclesia Christi, mysteria altissima de SS. Trinita-  
 te, Christo incarnato, aliaque innumera ventilavit, de-  
 claravitque, damnatis, expulsis, effugatis haereticorum  
 tenebris. Similiter tertius dies creationis mundi recte ex  
 hoc

hoc capite tertii hujus status typus constituitur: Sicut enim tertio die aquae jussae sunt deferere terram, & congregari in locum unum: ita tribulationes (quae per aquas frequenter intelliguntur) mediante Constantino M. gentiliam Tyrannorum sustulit de Ecclesia, & misit eas in mare igneum inferni. Item sicut die tertio creationis terra germinavit herbam virentem, & flores, & ligna pomifera, aliaque infinita fructifera tam ad ornatum terrae, quam ad hominis usum, & delectationem; Ita in tertio statu Ecclesiae germinavit ex aqua Baptismi herbam virentem (infantes & adultos Christianos) arbores. (Doctores) ligna pomifera (certos & liberales redditus ecclesiasticos) quibus dictus Imperator eam copiose ditavit. Addidit etiam ad ornatum & splendorem Ecclesiae plurima alia bona, Principatus, & terrestres Potestates appropriando, aedificandoque plurimas per totum terrarum orbem sacras aedes; permittendo, jubendo, & propriis sumptibus adjuvando. Eiusdem tertii status typus etiam fuit tertia mundi aetas ab Abrahamo usque ad Moysen, & Aron se extendens; sicut enim in ea Sodomitae in mari mortui; Egyptii in mari rubro submersi, Core, Dathan, & Abiron, coeterique Schismatici de Israël deleti sunt, ac populo data lex, per quam lex naturalis fuit melius declarata & elucidata; sic in tertio Ecclesiae statu populus christianus post martyria eductus est in terram pacis. Luxuria item mundi & idololatria gentium in Christi ac martyrum sanguine submersa, plurimi Schismatici, & haeretici ex Ecclesia ejecti, lex Evangelii, & veritas fidei Christianae declarata &c. & leges civiles, & Principum constitutiones conditae, sanctorumque Patrum Canones sancti promulgati, quos de coetero vim legum habere Imperator Justinianus decrevit. Denique typus hujus status tertii est Ecclesia Pergamensis. *Pergamus* enim interpretatur *dividens cornua*, quae Ecclesiae in hoc statu tertio sub Constantino M. creverunt, scil. vires & potestas tam temporalis, quam spiritualis, quae per cornua, in quibus arietes &

alia

alia animalia habent suum robur & vires, metaphorice significantur. Item dicitur *dividens Cornu*, quia paulo post divisa & lacerata est haec potestas Ecclesiae per Arium, & alios haereticos. Unde pugnabant invicem sinistrum Cornu (scil. haeticorum) contra dextrum (catholicorum) & e contrario prius est cornu damnationis, posterius vero cornu salutis, quod erexit Deus in domo David pueri sui (Christi) depresso semper cornu haeticorum ad inferos.

II. Vers. 12. *Et Angelo Pergami Ecclesiae scribe.* Exponatur, ut supra. *Haec dicit, qui habet romphaeam* utraque parte acutam; id est, gladium ex utraque parte acutum, quae est sententia Domini, qua condemnabit malos in corpore & anima. Reliqua exponantur ut supra §. 3. *Cap. 1. Vers. 16.* Praemittitur autem & inseritur romphaea haec huic tertii status descriptioni. 1) Ut terreret malos gladio ultionis, & consolaretur bonos gladio defensionis suae. 2) Quia in hoc tertio statu Ecclesiae certatum est cum haeticis, unde multa concilia tam oecumenica, quam provincialia sunt celebrata, in quibus plurimi haetici gladio anathematis percussi, sententia excommunicationis ejecti, & abscissi sunt a corpore Ecclesiae, quae tanquam Judex controversiarum fidei gerit eundem gladium in terris, quem Christus, sponsus ejus in coelis; ut supra vidimus.

Vers. 13. *Scio, ubi habitas*, h. e. in medio haeticorum, nationis pravae, scil. Arii, Macedonii, & aliorum, qui sunt membra diaboli, Satellites Luciferi, amatores tenebrarum, ductores coecorum, arbores autumnales, arundines vento superbiae agitatae, proscripti jam olim propter suam malitiam in exterminium, & incendium ignis infernalis, in quibus Lucifer potestatem habens, osor antiquus veritatis & Christi Dei habitat, illos possidet, regit, docet, instigat & gubernat; ideo & ipsi sunt regnum ejus, & ipse est eorum rex & dux, ut pugnet per illos (qui sunt portae inferi) contra Ecclesiam

siam meam dilectam. Unde in textu additur: *Ubi sedes est Satanae*. Nam sedes significat potestatem regiam, vel potius residentiam Regis, Principis &c. quam Satan in haeresiarchis habet. *Et tenes nomen meum*, h. e. confessionem nominis mei. *Et non negasti fidem meam* in persecutionibus & tormentis; sed perseverasti in fide mea. Laudat hic Christus, & merito per appropriationem in Ecclesiae Praelatis confessionem nominis sui, & perseverantiam fidei in eundem. Nam illo tempore Divinitas & humanitas Christi, ejusque in carne adventus, doctrina itidem de mysteriis paternitatis, Filiationis, & Processionis Spiritus S. potissimum, accerrimeque ab Ario, Macedonio, Nestorio & aliis haeresiarchis oppugnabatur, & patiebantur incredibilia fides Catholica, ejusque defensores. Exemplo fit Sanctus Athanasius vir admirabilis plane, & amabilis, qui propter Nomen Jesu ejusque Divinitatem & fidem in ipsum, & propter sacrosanctam Trinitatem aliquot annis in cisterna veteri, & in sepulchro paterno uno anno & aliquot mensibus delituit, plurimaeque est passus; ita & alii Episcopi subierunt carceres, & vincula, & exilia, & mortem &c. ut patet ex hist. Eccles. *Et in diebus illis Antipas testis meus fidelis, qui occisus est apud vos, ubi Satanas habitat*. Pro exemplo hic adducitur laudatae superius confessionis & perseverantiae in fide Christi S. Martyr Antipas, qui ob confessionem fidei Jesu Christi prope Constantinopolim est passus, in qua amplissima civitate tempestas Arianæ haereseos tam in plebe quam in Episcopis fervebat; contra Sanctos Dei, sicut & arrogantia, & ignis aemulationis in successione ad Episcopatus usque ad caedes invaluerunt; & ideo vocatur residentia Satanae, quia in Oriente maxime desaevierunt Ariani, Macedonii, & aliarum haeresum propugnatores impii & scelerati ideo dicitur: *Et in diebus illis*, h. e. tempestate illa oborta ex Ariana haeresi propter Nomen meum Antipas fuit testis meus, fidelis morte, & sanguine suo, quibus testimonium perhibuit veritati, Divinitatis meae,

meae, quia Filius Dei sum vere aequalis Patri meo ab aeterno.

Verf. 14. *Sed habeo adversus te pauca.* Jam progreditur more solito ad correptionem in illis verbis, quae sequuntur:

Verf. 15. *Quia habes illic tenentes doctrinam Balaam, qui docebat Balac mittere scandalum coram filiis Israel, edere, & fornicari. Ita habes & tu tenentes doctrinam Nicolaitarum.* Historia Balaam habetur Num. Cap. 25. ubi Balac Rex Moabitarum ex doctrina Balaam misit puellas pulchras prope castra Hebraeorum, ut earum pulchritudine hebraei, qui erant luxuriosi, allicerentur ad idololatriam, & sic Deus offenderetur contra totum populum. Introducuntur haec tantum pro Similitudine & exemplo, quod patet ex sequentibus: *Ita habes & tu tenentes doctrinam Nicolaitarum.* De quibus Rupertus Abbas in apoc. sic ait: Nicolaitae portant vasa Domini, nihilominus incontinentes sunt, non volentes habere legitimum conjugium, utpote legibus Ecclesiae interdictum: imo in deterius prorumpunt, mutantes connubia, quoties volunt, & qui nullum habent thorum legitimum & licitum, sic evagantur, ut, nullum dicant rupisse conjugii vinculum. Fornicantur autem cum illis, & initiantur Beelphegor, quicumque exemplo talium ad incestus vel adulteria audaciores fiunt. Quando ergo dicitur: *Ita habes & tu tenentes doctrinam Nicolaitarum.* Arguitur primo ad literam Pergamensis Ecclesia, in qua aliqui perversi erant magistri, qui sequentes errorem Nicolaitarum immunda sua conversatione scandalizabant, & seducebant populum. Sub Typo autem Pergamensis Ecclesiae corripitur tertius Ecclesiae Status, in quo multi imitatione tenuerunt doctrinam Nicolaitarum circa promiscuum & illicitum usum alterius sexus. Quando enim cessarunt tribulationes gentium ethnicorum, Ecclesia quievit, & munificentia Constantini Magni, aliorumque ministri & sacerdotes fruebantur

bantur copiosis redditibus beneficiorum, sicque incrassatus, impinguatus, & dilatatus, dilectus dereliquit Deum, factorem suum, & recessit a Deo Salutari suo & adhaeserunt multi voluptatibus mulierum in illicito usu, exardescences in concupiscentiis suis, ob quam causam Deus Ecclesiam suam tot haeresum impugnationibus afflixit, & exagitavit, ne in deliciis & voluptatibus corrumpéretur; instar prudentis mariti, qui sciens charissimae uxoris suae malignam propensionem, curis & laboribus domesticis provide eam occupans in officio retinere cogitat. Hanc providentiam usque ad consummationem saeculi paterna bonitas Dei cum sua Ecclesia servabit, quae super ejus caput semper imponet homines malignos illusores, importunos criminatores, cribratores, exagitatores, haereticos & tyrannos, ne omnino putrescat in divitiis, honoribus, & voluptatibus carnis.

Verf. 16. *Similiter poenitentiam age.* Exponatur, ut supra de Ephesina Ecclesia: *Si. quominus*, i. e. si corrigere te digna poenitentia neglexeris, *veniam tibi cito* cum plaga & poena debita: tam in vita, quam in morte, & extremo judicio; ideo ponitur in futuro, quia, ut supra dixi plagae Dei saepe a longe nobis imminet, & irruunt in nos, quando putamus minime esse praec foribus. *Et pugnabo cum illis in gladio oris mei*, h. e. cum gladio vindictae & retributionis, in gladio mortis, in gladio judicii particularis, & finalis, in gladio denique aeternae damnationis, & fulmine illo, ite maledicti in ignem aeternum, qui paratus est diabolo & Angelis ejus. Math. 25.

Verf. 17. *Qui habet aurem, audiat, quid spiritus dicat Ecclesiis.* *Vincenti dabo manna absconditum, dabo illi calculum candidum & in calculo nomen novum scriptum, quod nemo scit, nisi qui accipit.* Post comminationem poenae sequitur promissio proemii, & gloriae. Prima est. *Dabo illi manna absconditum*, per quod



quod intelligitur figuraliter beatitudo coelestis, quae est status omnium bonorum aggregatione perfectus, sicut enim in manna continebatur vita populi Israelitici, omniumque ciborum dulcedo, & suavitas; ita bonorum omnium, quibus plene satiabimur, & fruemur in aeternum, copia in coelesti beatitudine nobis promittitur. Dicitur *absconditum*, quia oculus non vidit, nec auris audivit; nec in cor hominis ascendit, quae paravit Deus iis, qui diligunt illum 1 Cor. 2. *Absconditum in Deo*. Col. 3. Vita vestra est abscondita cum Christo Jesu in Deo. Cum Christus apparuerit, vita vestra; tunc & vos apparebitis cum ipso in gloria. Mortificate ergo membra vestra, quae sunt super terram, fornicationem, immunditiam, libidinem, concupiscentiam malam, & avaritiam, quae est simulacrorum servitus. *Secundum* est: *& dabo ei calculum candidum* h. e. gloriam sive claritatem corporis sine macula, & sine omni prorsus defectu. *Et in calculo nomen novum scriptum, quod nemo scit, nisi qui accipit.* Per nomen novum intelligitur excellentia specialis, quam tribuet unicuique Deus, prout gesserit in corpore suo. Alia enim est claritas virginum, alia claritas martyrum, & alia claritas conjugatorum: alia Apostolorum, & alia Prophetarum; & una virgo differt ab altera in claritate, unus Apostolus ab altero; unus confessor ab altero; unus Martyr ab altero, unus Propheta ab altero, & omnes invicem differunt in claritate gloriae suae. Ita habetur 1 Cor. 15. alia claritas Solis; alia claritas lunae; & alia claritas stellarum; stella enim a stella differt in claritate; sic & resurrectio mortuorum. Unde in textu additur: *Quod nemo scit, nisi qui accipit*, hoc est excellentiam illam uniuscujusque propriam. Nemo participabit, nisi, qui eam accipit; sicut sua unicuique individuitas ita propria est, ut eam nemo alius habere aut participare possit. Scire ergo hic non sumitur proprie, sed metaphorice, utique enim unus Sanctus alterius excellentiam, & gloriam sciet, ut constat ex Theologia.

P

scri-

*Scriptum*, hoc est, stabilitum & exaratum stylo ferreo aeternitatis, quod non auferretur ab eis amplius.

## §. IV.

*De quarto Ecclesiae militantis statu, qui est pacificus a Leone III. S. P. & Carolo M. Imper. usque ad Leonem X. & Carolum V.*

Cap. II. v. 18 — 28.

Verf. 18.

I. *Et Angelo Thyatirae Ecclesiae scribe: Haec dicit Filius Dei.* Quartus Ecclesiae Status incipiens a Carolo Magno & Leone III. summo Pontifice usque ad Carolum V, & Leonem X. duravit, in quo floruerunt multi Sanctissimi Reges, Imperatores, & viri ecclesiastici doctrina & Sanctitate clarissimi, nullaque haeresis surrexit ultra 200 annos. Proinde merito hic status vocatur *pacificus & illuminativus*, cujus typus fuit descriptio Ecclesiae Thyatirae: Interpretatur enim Thyatira *illuminata*, sive *bestia vivens*, qualis plane fuit quartus Ecclesiae status. Cui congruit quartus dies creationis, quo Deus fecit luminaria, stellasque in coelo. Ita in quarto statu posuit Deus prudentissimos, & Sanctissimos Reges, Imperatores, Principes, & viros ecclesiasticos vita & Sanctitate eximios, quibus illuminata Ecclesia non habuit tenebras haeresum &c. Eidem convenit quartus spiritus Domini, scil. spiritus pietatis, quem abunde effudit Deus tunc in Ecclesiam suam dando ipsi piissimos Reges, Imperatores, Principes, & alios viros ecclesiasticos. Similiter appropriari illi potest quarta aetas mundi, quae duravit a Moyse usque ad perfectionem templi sub Salomone. Sicut enim David ibi constituit Psalmorum hymnodiam, & amplificavit cultum divinum, & filius ejus Salomon aedificavit templum amplissimum, ordinavit pretiosissima vasa in ministerium altaris, & templi; pulcherrimum insuper ordinem, & disciplinam ministrorum, & sacrificiorum majestatem, & pacificae  
fine

sine omni hoste regnavit: ita in quarto Statu celebrata sunt Concilia Saluberrima ad instruendam Ecclesiam collapsam, & ubique christiana religio floruit, & erat pacifica tota Ecclesia libera ab omni hoste & haeresi, cantus, & Psalmi, & Breviarium, & ritus & caeremoniae, & ordo in ministerio altaris ad cultum divinum aucta, & ad majorem perfectionem redacta sunt; unde sequitur: *Et Angelo Thyatirae Ecclesiae scribe: Haec dicit Filius Dei, qui habet oculos tanquam flammam ignis, & pedes ejus Similes aurichalco.* Vocat se hic Filium Dei, eo quod mysteria de ejus Divinitate & humanitate jam elucidata & ventilata fuerint, exclusis tenebris & erroribus Aarii, & aliorum haereticorum; Unde merito tanquam victor de inimicis suis in hoc quarto statu Ecclesiae illuminatae de omni veritate incarnationis Christi triumphans dicit: *Haec dicit Filius Dei. Per oculos tanquam flammam ignis* intelligitur perfecta cognitio veritatis; per *pedes vero similes aurichalco* notatur stabilitas & firmitas solida corporis Christi, quod est Ecclesia; devictis enim tyrannis gentilium, & oppressis haereticorum tenebris, quievit Ecclesia in cognitione perfecta veritatis fidei catholicae stabilita fortissime, & munita Principum & Regum potentia; ideo jam non dicitur: *Similes aurichalco sicut in camino ardenti &c.* sed simpliciter, *similes aurichalco*, h. e. jam purgata in tot persecutionibus tyrannorum gentilium, & probata ex diuturna saevitia tyrannorum, & haereticorum. Praemittuntur autem haec duo tanquam insignia, & spolia victoriae, quam Christus ex militia reportavit de inimicis suis per Ecclesiae sponsae suae dilectae membra, ac milites fideles. Additur *tanquam flamma ignis*; Sicut enim flamma ignis, ita fides Christi, & veritas in quarto Statu scintillabat, & rutilabat longe lateque per universum orbem diffusa.

Verf. 19. *Novi opera tua, & fidem, & charitatem tuam, & ministerium & patientiam tuam, &*

P 2

opera

*opera tua novissima plura prioribus.* Sequitur commendatio, quae in sex punctis concluditur; 1) est ab operibus. 2) a fidei perfectione. 3) a charitate. 4) a ministerio. 5) a patientia. 6) a profectu in bono. *Primum* est ibi: *Novi opera tua*, scil. iustitiae, pietatis, & misericordiae, quod sint sancta, & ex vera intentione procedant. *Secundum* ibi: *Et fidem*; laudatur enim hic Ecclesia a fide tanquam speciali praerogativa, & perfectione, quia in quarto Statu erat fides catholica, unanims & valde perfecta per totum quoddammodo mundum diffusa, Ecclesiaque non habuit haeresin ultra 200 annos usque ad Berengarium, qui sub Henrico III. Imperatore, in Gallia surrexit anno 1048 docens, corpus & sanguinem Christi non esse in SS. Eucharistia. Suppressa ejus haeresi quievit Ecclesia iterum, usque ad annum 1117 ut constat ex Hist. Eccles. *Tertium* est & *charitatem tuam* in Deum & proximum. *Quantum*, & *ministerium* altaris & hospitalitatis, quorum utrumque in quarto statu valde vigeat. Erant enim non solum multi sanctissimi viri ecclesiastici; verum etiam Imperatores, Reges, Principes, aliique eximii, qui fundabant hospitalia, suscipiebant pauperes, ministrantes ipsis cibum & potum: item aedificabant Ecclesias novas, restaurabant dirutas, fundabant monasteria, & collegia, & Episcopatus, & templa, & altaria, & ordinabant omnia bene ad promovendum Dei cultum. Unde ministerium altaris & pauperum fuit sanctum, bene ordinatum, & pretiosum in conspectu Dei. Serviebatur etiam de nocte Deo in collegiis Ecclesiarum & in monasteriis virorum & mulierum canentium, & laudantium Deum ex toto corde. *Quintum* *Et patientiam tuam*, in jeuniis, ciliciis, vigiliis, aliisque rigoribus vitae, quam sancti illius temporis propter amorem Jesu Christi constanter tenebant, ut S. Vigilius, S. Rupertus cum 12 Sociis. S. Wilibaldus. S. Wuniwaldus. S. Walburga. S. Ludovicus Rex; Otto Episcopus Bambergensis; Lotharius Imperator; Otto Magnus; B. Nilus; S. Stephanus

phanus primus Rex Hungariae. S. Wenceslaus Bohemiae princeps, & alii, quorum invicto labore & patientia reliquiae gentiliæ conversae sunt ad fidem Catholicam. *Sextum* denique; *Et opera tua novissima plura prioribus.* Commendatur hic diuturna & florens hujus quarti status perfectio, & sanctitas, qui continuis temporibus ac successione floruit viris Sanctis, qualis fuit Henricus cum S. Cunegunde. S. Wolfgangus; S. Bruno, S. Romualdus; S. Robertus; S. Bernardus, S. Franciscus, S. Dominicus cum familiis suis. Item S. Ivo Episcopus, & alii, qui successivis temporibus Ecclesiam mire illustrarunt, quod sane fuit mirabile Dei beneficium, & specialis praerogativa, illis temporibus data. Unde dicitur: *Et opera tua*, bona justitiae, fidei, pietatis, charitatis, ministerii, laboris, patientiae, & Sanctitatis. *Novissima plura prioribus:* Est modus loquendi, quo ubertatem fructuum, multiplicationem bonorum, perfectionem, & fidelitatem, & constantiam virtutum, & actionum solemus laudare.

II. Vers. 20. *Sed habeo adversus te pauca.* Post commendationem sequitur correptio; *quia permittis mulierem Jezabel, quae se dicit Propheten; docere, & seducere servos meos fornicari, & manducare de idolothytis.* Dum autem Ecclesia sedit in quiete, in divitiis, in honore, tota sub piissimorum Imperatorum Regum & Principum praetidiis, laxata est paulatim disciplina ecclesiastica, & mollescentes quaedam effoemiquata Christianorum, quae per mulierem metaphorice significatur, irrepsit. Deinde etiam in ministris Ecclesiarum Concupiscentia carnis, concupiscentia oculorum, & superbia vitae succreverunt; videntes enim carnis suae voluptates esse delectabiles, & nihil mali ex indulgentia peccatorum sibi contingere, inciderunt in securitatem peccandi, & praesumptionem, ut fieri solet, quae vitia Jezabel uxor Achab habuit (vocat enim eam S. scriptura meretricem) ecce concupiscentiam carnis. Deinde abitu-

lit vineam Naboth, quem iussit occidi, ecce concupiscentiam oculorum. Depinxit etiam Stribio faciem & oculos suos. Ecce superbiam vitae. Denique in securitate peccandi valde constituta, facta est praesumptuosa, dum occidit prophetas, & Eliam quaelivit ad mortem, neque fidem illi habuit, quando prophetavit domui ejus omnia infausta, quorum reipsa quaedam vidit impleri, ut famem. Dixit enim in corde suo: Nequaquam venient mala haec super nos. Sic nos miseri homines rebus praesentibus inescati solemus dormire mortem peccatorum, donec veniat ira Dei super nos. Sumitur ergo mulier Jezabel hic ad exemplum, & ad similitudinem hoc sensu: *permittis*, paulatim non ocludendo diligenter portas quinque sensuum externorum, & internorum, per quas tanquam fenestras mors intrat. *Permittis* non attendendo ad disciplinam ecclesiasticam; non vigilando, non visitando, parvam vel nullam curam subditorum habendo. *Permittis* non debite castigando, sed connivendo tepide, & dissimulando pseudopolitice, & omnino impune dimittendo. *Permittis* negligendo fraternam correctionem, studendo rebus propriis, indulgendo amori proprio, non amando rem publicam. *Permittis*, facile in quavis causa dispensando, laxando SS. Canones. *Permittis* non praelucendo bono exemplo, & erudiendo subditos verbo Dei sano. *Permittis* dicendo: haec licent, quae tamen non expediunt; quia mediantibus iis irrepunt dissolutiones & vitia: ita per cohabitationem mulierum irrepit in Ecclesia luxuria, & concubinatus; & per proprias superfluasque divitias avaritia, quae est idolorum servitus; & per honores & dignitates, quibus Imperatores, Reges & Principes extulerunt ecclesiasticos, superbia vitae; & per vitae & disciplinae libertatem otium, & dissonantia morum. *Permittis* irrepere mulierem, scil. mollitiem, & effoeminatam ac nimiam vivendi licentiam, quae per mulierem generice significatur. Additur Jezabel, per quam specialia vitia, libido scil. carnis, avaritia, superbia & securitas peccandi designan-

designantur, quae in hoc statu Ecclesiae irrepserunt paulatim; ut dicitur: *Quae se dicit Propheten*: scil. ista licentia vivendi promittit sibi securitatem, & dicit: non videbo amplius tyrannorum, & haereticarum saevitiem, quia jam illuminata sunt, & ventilata mytheria fidei, item dives sum, & potens, & in pace constituta; habeo pios & potentes Imperatores, Reges, & Principes, qui me defendunt; ideo luctum non videbo: Haec sibi prophetavit ista licentia vivendi.

III. Unde sequitur: *Docere, & seducere servos meos* malo exemplo, luxuriae, avaritiae, & superbiae. *Docere, & seducere* promittendo securitatem pacis, & felicitatis, non annuntiando populo iram Dei, & poenam a longe ob peccata carnis, avaritiae, irreligiositatis, & oblivionis Dei, ejusque beneficiorum ipsis imminentem, quod Ecclesia, nosque omnes miseri adhuc in quinto statu experimur, & obstupescunt dentes nostri. *Fornicari, & manducare de idolothytis*. Fornicationis error in graeca Ecclesia eo pervenit, ut docerent, fornicationem esse licitam. In latina vero facto ipso tenebant plurimi errorem graecarum, commiscuentes se passim mulieribus, quod adhuc hodie fit, & pro dolor invalescit. *Manducare de idolothytis*. Sumitur pro avaritia, quam S. Paulus ipse vocavit idolotum servitutem, turpia enim lucra, & emunitiones pauperum, promotionesque per Simoniam, & munera, & pecunias factae, sunt metaphorice idolothyta, de quibus comedant indigne promoti, & avaritiae studentes.

IV. Vers. 21. *Et dedi illi tempus, ut poenitentiam ageret*. His Verbis signatur longanimitas misericordiae Dei, qua expectavit aliquos centenos annos poenitentiam Ecclesiae graecae, donec tandem poenitentiam agere, & ad unitatem redire nolens anno 1453 sub Mohomete II Turcarum Imperatore Constantino Paleologo interfecto, constantinopoli capta imperium orientale, & Ecclesia graeca interiit. Eadem expectavit patientia

poenitentiam Latinae Ecclesiae in quarto statu usque ad Be. engarium a Carolo M. haereticum Sacramentarium, & futuri flagelli Dei prodromum, post quem dedit iterum quatenus Ecclesiae ab omni haeresi usque ad Henricum V. Imperatorem, sub quo Durandus de Vuldoch Martilius surrexit anno 1117, & post eum una haeresis post alteram emerlit, omnes prodromi futuri flagelli Dei, quae tamen omnes bonitate principum & Dei providentia fuere suppressae, donec tandem anno 1517 sub Carolo V & Leone X Lutherus flagellum Latinae Ecclesiae & Haeresiarcha horribilis, omnes haereses ab orco revocavit, & in totam vere Europam ore suo maledicto evomuit dicit porro: *Et dedi illi tempus, ut poenitentiam ageret, & non vult poenitere a fornicatione sua quae fornicata est.* Per hoc innuitur, Ecclesiam Latinam in vitiis supra dictis perrecturam esse, nec ad poenitentiam visis licet calamitatibus motum iri, ideo additur etiam poena absolute futura, quam in praecedentibus statibus tantum comminabatur. Ideo sequitur.

V. Vers. 22. *Eccae ego mittam eam in lectum*, id est, tribulationum, in lectum doloris, & luctus, in lectum leprae & spiritualium morborum, qui sunt haereses; in lectum pestis, famis, & bellorum; in lectum caliginis & angustiae, & paupertatis, in lectum lacrymarum, & desolationis, in lectum oppressionis, & amaritudinis, & captivitatis, de quo non poterit surgere; & in lectum aeternae damnationis. *Et qui moechantur cum ea*; communicando ipsius malis operibus (quod fit, si quis ipso facto mala ejus opera imitetur, aut ad ea consilium det, ea toleret, & non castiget, qui tenetur) *in tribulatione maxima erunt*; scil. temporali, ut dictum, & aeterna, qua major esse non potest. Et in hac comminatione dicitur: *Nisi poenitentiam egerint ab operibus suis*, quibus participant cum ea: Saepe enim poena aliqua temporalis, & ruina, regnis & statibus Ecclesiae determinata est absolute, sicut de lecto superius.



superius dictum; membra tamen singula, quantumvis mala possunt per salutarem, dignamque poenitentiam effugere, saltem reatum & poenam ignis infernalis.

Verf. 23. *Et filios ejus interficiam in morte.* His verbis comminatur bella, seditiones, gladium, famem, & pestem, quae tanquam sagittae immittere solet tandem divinae justitiae vindicta, puniendo posteritatem & filios filiorum impoenitentium, quod nos miseri in quinto hoc statu nostro satis experimur, nimirum, dum per totum terrarum orbem nihil nisi bella, seditiones, ac caedes cernimus, ut infra pluribus patebit. *Et scient omnes Ecclesiae, quia ego sum scrutans renes, & corda* per renes concupiscentiae, carnisque opera; per *corda* vero cogitationes malae denotantur, in quibus, quia homines abutentes longanimitate Dei exspectantis poenitentiam ob meritum & interpellationem Sanctorum suorum, qui in quarto hoc statu vixerunt, penitus obdormiverant, & obliiti fuerunt Domini Creatoris sui, peccando ita libere, quasi non esset Deus, & quasi nostra peccata, occultasque abominaciones non videret; permittit in quinto statu Ecclesiae non solum multas novas, verum etiam omnes quasi priorum temporum sectas & orco revocari per carnales homines, ex quibus sectis terribiles tribulationes, bella, seditiones, caedes, fames, & pestes, innumeraque mala provenire, & usque hodie ingravescunt super Ecclesias, donec aperiamus oculos, & cognoscamus, quod non sit malum in Israel, quod non fecit Dominus, ideo dicitur: *Et scient omnes Ecclesiae, quia Ego sum scrutans renes & corda*, h. e. examinans, & puniens concupiscentiam & cogitationes perversas. *Et dabo unicuique vestrum juxta opera sua.* Prius locutus fuit de poena temporali, quia plerumque justos cum injustis ex permissione divina ob majus meritum contingit pati, imo, quandoque magis justis, quam impiis tanguntur tribulationibus, ut quotidiana experientia constat; nunc loquitur de aeterna, quae so-

los impios & impenitentes expectat, quod ut summae justis consolationi, sic ingenti terrori impiis esse debet. Ideo additur: *Et dabo unicuique vestrum secundum opera sua*; sine omni acceptione personarum poenam aeternam iis, qui serviunt mundo, carni & diabolo; gloriam vero aeternam iis, qui vivunt Deo, & secundum ejus praecepta,

VI. Vers. 24. *Vobis autem dico, & ceteris, qui Thyatirae estis; Quicumque non habent doctrinam hanc, & qui non cognoverunt altitudines Satanae, quemadmodum dicunt, non mittam super vos aliud pondus.* Hic consolatur Christus amicos suos (quorum fuerunt plurimi, ut dictum, in hoc quarto Ecclesiae statu Sancti Dei) super malo, quod missurus esset in Ecclesiam suam. *Vobis autem dico*, amicis meis, & ceteris, qui Thyatirae estis, hoc est, omnibus dico, qui sunt illuminati, & hostia vivens patris mei, in hoc quarto Ecclesiae statu victuri. *Quicumque non habuit doctrinam hanc*, h. e. quicumque timent Dominum, & non sunt seducti securitate peccandi; Haec securitas vocatur doctrina, ob persuasionem falsam, quam mali tenent in peccatis suis, qua nihil mali sibi eventurum persuadent, respicientes in felicitatem & diuturnitatem temporum bonorum ex longanimitate Bonitatis Dei pendendum. - *Et qui non cognoverunt altitudines Satanae.* Altitudo Satanae est triplex: scil. Concupiscentia Carnis, oculorum, & superbia vitae, quibus Christum, aeternam Patris sapientiam ausus fuit tentare. Altitudines vocantur ob arduum obsectorum, circa quae tentat homines Satan, quibus in praesentia ita oculos miseros implet, ut videantur ipsis & solidum & solum bonum, insuper posthabita futurorum vere bonorum contemplatione. Cognoscere hic metaphorice sumitur pro adhaerere, adamare, & conglutinari, quemadmodum dicitur vir cognoscere uxorem suam &c. Unde dicitur: *Et qui non cognoverunt altitudines Satanae*, h. e. qui non fornicati sunt post

post tria ista idola Satanae quae Jezabel docet. *Quemadmodum dicunt: Non mittam super vos aliud pondus.* Hic tangitur haereticorum & malorum Christianorum praesumptio, qua prophetizare & falsa prophetizando populum seducere solent, dicentes: Ecclesiam non staturam, sterilem futuram, perituram, exterminium passuram. Contra quam opinionem falsam (quae ex tanta calamitatum, & malorum permissione pios subinde in desolationem solet inducere) hic consolatur Ecclesiam suam dicens: *Non mittam super vos aliud pondus, h. e. gravius, quam scriptum est in libro Psalmorum Psal. 33.* Si autem dereliquerint filii ejus legem meam &c. Vilitabo in virga iniquitates eorum &c. misericordiam autem meam non dispergam &c.

Verf. 25. *Tamen id, quod habetis, tenete, donec veniam.* Exhortatur hic bonos, ut vincentes in bono malum, & mala temporum, teneant innocentiam, & perseverent bonum esse triticum, quod semper sibi adhuc coelestis Pater familias in medio zizaniorum conservavit. Innocentia est maxime necessaria virtus, Deoque placens in Praelatis Ecclesiae, ut, quando instant mala tempora, & completa est praevaricatio, conservare studeant, prudenter vincentes in bono malum, suam, suorumque conscientiam immaculatam, & inconcussam. Huc quadrat parabola *Matth. C. 13.* de tolerandis Zizaniis usque ad messem &c. Hinc dicitur: *tamen id, quod habetis, tenete, donec veniam;* scil. in exterminatione impiorum, in castigatione malorum, in ira, & flagello, quod paravi ad renovationem & emendationem Ecclesiae meae in tempore suo: item *donec veniam* in judicio universali, redditurus unicuique secundum suas adinventiones. *Donec veniam, restauraturus Ecclesiam Sanctis & in contaminatis moribus &c.*

Verf. 26. *Et qui vicerit, & qui custodierit usque in finem opera mea.* His verbis exhortatur ad constantiam, & longanimitatem, quae Ecclesiae catholicae ejusque

que servis erit summae necessaria, & in se ardua ob diuturnitatem malorum, & potentem malitiam insolentiamque haereticorum, aliorumque falsorum Christianorum, & quidem per totum quintum statum duraturam. Ideo sequitur: *Et qui vicerit, Et qui custodierit usque in finem opera mea.* Signanter additur: *Opera mea*, quia sicut in quovis statu certa mysteria impugnabantur; ita in quinto statu maxime impugnabuntur opera mea libertatis humanae, gratiae, praedestinationis. *Opera mea*, concursus in creaturas, SS. Eucharistiae, & poenitentiae sacramenta, praecepta decalogi, Coelibatus, & omnis honestas &c. *Opera mea*, h. e. miracula, Canonizatio Sanctorum &c. quae omnia sunt opera Christi, & propterea signanter additur, omnibus bonis vieturis in quinto statu Ecclesiae in cautelam.

Verf. 27. *Et qui vicerit, Et custodierit usque in finem opera mea, dabo illi potestatem super gentes, Et reget eas in virga ferrea, Et tanquam vas figuli confringentur.*

Verf. 28. *Sicut Et ego accepi a Patre meo.* Sequitur in his verbis (ad confirmationem suorum servorum in tolerandis malis) consolatio Spiritualis maxima, & proemium scil. Conversio gentium, & haereticorum ad veram fidem, quae fiet in sexto Ecclesiae statu, quintus enim status afflictivus, punitivus, & defectivus est, ut inferius videbimus. Unde dicitur: *Et dabo illi potestatem super gentes*, spiritualement Praelatis in unitate fidei, & temporalem Regibus in monarchia & unitate populi: *Et tanquam vas figuli confringentur* a duritia cordis sui convertentur ad pastorem animarum suarum. Item dissolventur, quae defecerant respublicae, & potestas rebellium deficiet, & confringetur ab uncto meo fortissimo, quem missurus sum &c. Sicut infra pluribus dicitur: *Sicut Et ego accepi a Patre meo.* Hoc pro exemplo ponitur in consolationem, qua major esse non potest, servorum suorum; Christus enim factus est obediens

obediens usque ad mortem, mortem autem crucis, propter quod & Deus exaltavit illum, & dedit illi Nomen, quod est super omne Nomen, ut in Nomine Jesu omne genu flectatur coelestium, & terrestrium, & infernorum, & omnis lingua confiteatur, quia Dominus Jesus est in Gloria Dei Patris. *Phil. 2.* *Sicut & ego accepi a Patre meo;* per patientiam enim suam vicit omnia, subjecit sibi omnia, & per gloriosa martyrum certamina confregit omnes gentes tanquam vas figuli contumeliosum, & ingloriosum &c. *Et dabo illi Stellam matutinam;* Hic Promittitur Lux nova Ecclesiae Catholicae in sexto statu oritura, quae per stellam matutinam significatur; stella enim matutina significat jam noctem transiisse, & diem advenisse; unde hic dicitur: *Et dabo illi Stellam matutinam,* h. e. Lucem fidei verae, & Catholicae, quae ad orcum missis tenebris noctis omnium haeresum resplendescet maxime; h. e. ab initio sexti status Ecclesiae. *Et dabo illi Stellam matutinam,* h. e. unicuique in particulari dabo post tenebras hujus vitae lucem aeternam, in qua sine fine contemplantur veritatem aeternam.





### Sectio III.

#### IN CAPUT TERTIUM.

#### *De Reliquis tribus Statibus militantis Ecclesiae.*

##### §. I.

*De quinto Ecclesiae militantis Statu, qui est  
Status afflictionis incipiens a Leone X & Carolo V,  
usque ad Pontificem Sanctum, & Monar-  
cham fortem.*

##### Cap. III. v. 1 — 6.

##### Verf. 1.

*Et Angelo Ecclesiae Sardis scribe: haec dicit, qui  
habet septem Spiritus Dei, & septem Stellar: Scio  
opera tua.*

I. Quintus Ecclesiae Status incepit sub Carolo V. Imperatore, & Leone X. S. Pontifice circa annum circiter 1520. Durabit usque ad Pontificem Sanctum, & Monarcham illum fortem; qui venturus est nostro saeculo, & vocabitur *auxilium Dei*, h. e. restituent universa. Hic Status est Status afflictionis, desolationis, humiliationis & paupertatis Ecclesiae, meritoque vocatur Status purgativus, in quo Christus Dominus ventilavit, & ventilabit adhuc triticum suum per immania bella, seditiones, famem & pestem, & mala alia horribilia; item affligendo, pauperendo Ecclesiam latinam per multas haereses, & malos Christianos, qui ipsi auferent plurimos Episcopatus, & quasi innumerabilia monasteria, praepositorum easque ditissimas, imo per ipsosmet Principes Catholicos supprimitur, & depauperatur Gabellis stauris, & aliis excutionibus, ut merito  
in

ingemiscere & dicere possimus cum Jeremia Propheta *Threnorum* C. 1. Princeps provinciarum facta est sub tribulo, humilis, & vilis facta est Ecclesia, quia blasphematur ab haereticis & a malis Christianis vilipenduntur Ecclesiastici, non est honor, neque respectus eorum amplius. Et per haec omnia ventilabit Deus triticum suum & paleas ejiciet ad comburendum igni, triticum autem suum congregabit in horrea sua. Tandem hic status Ecclesiae quintus est status afflictionis, status occisionis, status defectionis, & omnium calamitatum plenus, & relinquentur pauci super terram a gladio, fame, & peste; pugnabit regnum contra regnum; & alia in semet ipsis divisa desolabuntur, evertentur principatus, & monarchiae, & depauperabuntur quasi omnes, eritque desolatio maxima super terram; quae partim jam impleta sunt, & adhuc implebuntur. Et haec omnia iustissimo Dei judicio permittentur ob mensuram coagulata, & refertam peccatorum nostrorum, quam nos & patres nostri implevimus tempore benignitatis, quo expectavit nos, ut poenitentiam ageremus. Hujus status *Ecclesiae Sardis* est typus: Sardis enim interpretatur principium pulchritudinis; quia enim hic quintus status, est status tribulationum, & acrumnarum, adeoque purgativus, recte dicitur principium pulchritudinis, h. e. perfectionis, quae in sexto statu subsequitur. Tribulationes enim, paupertates, & alia adversa sunt initium & causa conversionis, & initium sapientiae timor Domini. Timemus autem Deum, & aperimus oculos, quando aquae, & fluctus tribulationum nobis ingruunt; dum autem sedemus in felicitate, unusquisque sub ficu sua, & sub vite sua, sub umbra honoris, divitiarum, & quietis, obliviscimur Dei Creatoris nostri; & peccamus cum securitate. Hinc Divina providentia sapienter ordinavit, ut Ecclesia sua, quam stare vultusque ad consummationem saeculi temporibus suis aquis tribulationum semper irrigaretur, instar hortulani qui hortum suum in tempore ariditatis irrigat. Eidem congruit

congruit quintus Spiritus Domini, scil. Consilii, utitur enim consilio ad avertenda mala, vel impedienda majora mala, ad conservanda & promovenda bona & majora bona. Hunc Consilii spiritum effundit sapientia Divina maxime in quinto statu super Ecclesiam 1) affligendo eam, ne divitiis, voluptatibus, & honoribus omnino fordesceret, & periret. 2) In confusione tot sectarum, quas Lutherus Haeresiarcha in mundum effudit interponendo Concilium Tridentinum tanquam Incernam in caliginoso loco, inquam respicientes Christiani scirent, quid credere deberent. Et si dictum Concilium Tridentinum non fuisset interpositum; multo plures a vera fide Catholica defecissent; tanta enim tunc temporis erat confusio opinionum, ut vix scirent homines, quid deberent credere; 3) e diametro hujus Haeresiarchiae & toti huic congregationi impiorum opportune opposuit: S. Ignatium cum societate sua, cujus profecto industria, sanctitate, & doctrina factum est, ne fides Catholica omnino in Europa fuerit extincta. 4) Sapienti Consilio, dum fides Catholica & Ecclesia in Europa majore ex parte defecit, eam transtulit in Indias, Sinas, Japonas, & alias finitimas gentes, in quibus nunc maxime floret, & nomen ejus sanctum agnoscitur & glorificatur &c. Huic statui Ecclesiae convenit quinta aetas mundi, quae duravit a morte Salamonis usque ad captivitatem Babyronicam inclusive, & 1) sicut in illa aetate Consilio Jerobeam Israhel cecidit in idololatriam, solo relicto Juda, & Benjamin in veri Dei cultu, ita in quinto Ecclesiae statu potentissima pars Ecclesiae latinae defecit a vera fide, & lapsa est in haereses, relicto exiguo numero bonorum catholicorum. 2) Sicut propterea Synagoga, & tota gens Judaeorum fuit afflicta a gentibus, & saepius in rapinam data; ita nunc Christiani & Imperium Romanum, regnaque coetera quibus non calamitatibus affliguntur? Nonne id Anglia, Bohemia, Hungaria, Polonia, Gallia, alique regna calidissimis, imo sanguineis lacrymis deplorant, & testificantur?

3) Si-



3) Sicut tandem Assur & Babylone ascendit cum Chaldaeis, Hierosolimam coepit, templum diruit, civitatem accendit, sancta Sanctorum diripuit, & captivum duxit populum Electum &c. ita in hoc quinto Statu, & quidem brevi timendum est, irrepturum Turcam, & non mitiora in Ecclesiam latinam meditaturum, hocque ob nlmiam impletam mensuram gravissimorum scelerum, & abominationum. 4) Sicut in quinta aetate regnum Israel, & Regnum Juda valde debilitata sunt, & semper magis, & magis decreverunt, donec tandem primo Regnum Israel, & denique etiam Regnum Juda omnino fuerant deleta; Sic Imperium Rom. in hoc quinto statu divisum esse regnum conspiciamus, & plenumurbationibus, ut periculo non careat, ne totum intreat, sicut Imperium orientale occidit anno 1452. Denique eidem quinto statui congruit dies quintus creationis mundi, quo Deus dixit, ut aquae producerent omnis generis reptilia, & volatilia coeli, quae duo significant maximam libertatem, quid enim liberius, quam piscis in aqua, & volucris in aere? Sic enim quinto statu metaphorice plena sunt terra & maria reptilibus, & volatilibus. Sunt autem homines miseri, & carnales, qui laxata libertate conscientiae & Religionis, quae etiam in nupera pacis conclusione fuere concessa (reptant & volant post voluptates suas, & concupiscentias suas, unus quisque enim agit, & credit, quod vult; de quibus bene scribit S. Apostolus Judas in sua Catholica: Hi autem, quaecunque ignorant, blasphemant, quaecunque autem naturaliter, tanquam muta animalia norunt, in his corrumuntur. Hi sunt in epulis suis maculae, convivantes sine timore, semet ipsos pascentes, nubes sine aqua, quae a ventis circumferuntur. Arbores autumnales, infructuosae, bis mortuae, eradicatae, fluctus feri maris, despumantes suas Confusiones; sidera errantia, quibus procella tenebrarum servata est in aeternum. Et infra: hi sunt murmuratores querulosi, secundum desideria sua ambulantes, & os eorum loquitur

tur superba, mirantes personas quaestus causa. Hi sunt, qui segregant semet ipsos animales, spiritum non habentes. In eodem misero statu Ecclesiae laxantur divina & humana praecepta, & enervantur; Sacri Canones pro nihilo habentur; Ecclesiastica disciplina in Clero, non magis, quam politica in populo custoditur. Unde sumus sicut reptilia super terram, & in mari; sicut volatilia coeli; dum unusquisque rapitur secundum rotam nativitatis suae operando, & credendo, quod vult.

II. Unde sequitur: *Haec dicit, qui habet septem Spiritus, Dei, & septem Stellas.* Per septem Spiritus intelligitur septiformitas Spiritus S. quem misit in omnem terram ad revelationem gentium in veritate fidei: Per septem Stellas vero universitas Episcoporum, & Doctorum designatur, ut constat ex supra dictis: *Haec dicit, qui habet septem Spiritus, & septem Stellas, h. e. Iesus Filius Dei*, cui omnis potestas data est in coelo, & in terra, qui habet in potestate sua septem Spiritus veritatis fidei, & septem Stellas, h. e. Praelatos, doctores, ut eos ob gravissima scelera, incredulitatem, & duritiam cordis nostri a nobis possit auferre, & transferre ad finitimas gentes, sicut ex parte implevit, dum deleruit potissimam partem Europae, & extremas Indiae gentes, quae sedebant in tenebris, lumine fidei per S. Franciscum Xaverium, aliosque Doctores illustravit, & sane timendum est, ne omnino recedat a nobis, nisi poenitentiam cito agamus, & dignam Christo vitam vivamus. His ergo verbis, quae hic praemittit, ad timorem salutarem excitare vult Ecclesiam suam, quia initium sapientiae est timor Domini. Et quia major plaga non est, nec esse potest, quam si Deus populum coecitate percutiat; donum verae fidei auferat, proque veris Doctoribus seductores permittat. Et Christus plena potestate sua, & libera voluntate spiritum bonum & donum fidei auferre & transferre potest in poenam propter abominationem & impenitentem cor nostrum; merito

merito timore sancto perculsi ad pedes JESU Christi nos omnes in sacco, & cinere verae poenitentiae deberemus nos humilitatos prosternere, & dicere cum Psalte Regio: Ne projicias me a facie tua, & spiritum sanctum tuum ne auferas a me, redde mihi laetitiam salutaris tui, & spiritu principali confirma me &c. Pl. 50. *Scio opera tua.* His verbis vituperat hujus quinti status opera; *Scio*, h. e. non me latent opera tua mala, opera tua imperfectionibus plena, opera tua Hypocritica & falsa, quae prae se ferunt quidem speciem pietatis, sed egent veritate charitatis. *Opera tua*, h. e. pompam & splendorem, & externam sanctitatem. *Scio opera tua*, hoc est, me non latet (qui scrutator cordis sum) universim opera tua exterius quidem apparere bona, interius autem esse mala & mortifera. Unde dicitur, & additur: *quia nomen habes, quod vivas, & mortuus es.* Nomen habere, quod vivamus spiritualiter in Christo tanquam principio vitali, tripliciter possumus 1) per fidem in Christum, unde nomen sortimur Christiani; 2) per opera justitiae, & charitatis in Christo, qua vita vivit omnis, qui non est in peccato mortali, ac in gratia Dei existit; 3) per observantiam Consiliorum evangelicorum, per Episcopatus, sacerdotii, & clericatus ordines, & mancipationem specialem, factam per vota religionis, quam vitam profitentur omnes, qui relicta Saeculi hujus pompa, divitiis, & voluptatibus Deo soli & Christo se vovent, & vivunt, & quia alii sibi hoc nomen, quod ita vivant falso attribuunt, arguit hic maxime quintum statum, quod hoc vitio sit singulariter infectus. Et patet hac inductione, 1) enim omnes haeretici, qui quasi locustae in hoc quinto statu replent terram, gloriantur in nomine Christi, dicunt se esse veros Christianos, & se vivere in Christo, & tamen omnes mortui sunt, & aeternum moriuntur, si non resipiscant; quia Deum filium ejus JESUM habent tantum in ore, diabolus autem in corde, & mundum in brachio. 2) Quot sunt millia Christianorum frigidorum in hoc nostro

calamitoso saeculo? qui respicientes felicem successum rerum omnium, quem haeretici habeat, & observantes mores ecclesiasticorum, eorumque processum, nomen quidem tenent Catholici ob respectum, & timorem aliquem humanum; sed interius mortui sunt in atheismo & indifferentismo, in calvinismo, & Pseudopoliticismo, & in odio contra ecclesiasticos. Et habent nomen, quod vivant, qui pietatem fingunt, religionem simulant, & conscientiam se habere ostendunt, dum coram principibus, & Dominis suis cum Catholicis confitentur, & communicant; ad pia juvant; cum patribus religiosis conversantur; ad aedificanda monasteria, & collegia operam suam collocant verbo, & exemplo & consilio, & haec omnia faciunt, ut nomen habeant, quod vivant, ut in gratia sint hominum, & magnatum; ut consilia sua occulta & technas sub specie pietatis & religionis facilius, & certius, & securius deducere in opus valeant, dum talibus postea multa confiduntur, & committuntur &c. 3) Si respiciamus ipsummet catholicorum numerum exiguum; eorum justitia est polluta tanquam pannus menstruatae; plerique enim serviunt voluptatibus, & mortui sunt in peccatis. Ad oculum serviunt; in externis gloriantur; sed non recipitur ovis sine lana, quia christiana charitas refrixit, & propriis semper studet commodis. Justitia, & judicium & aequitas plerumque in tribunalibus non est, sed acceptio personarum & munerum, & non est finis amplius litium. Pro humilitate surrexit fastus, & superbia, quae vocantur decentia status; Simplicitas Christiana irridetur, & nominatur fatuitas, & sapientia est, jam altum sapere, & omnia jura, Canones & praecepta, & principia fidei quaestionibus nodosis & insanis involvere: ita, ut jam nullum principium tam sanctum, authenticum, & antiquum sit, quod sit securum a censura, interpretationibus, limitationibus, & quaestionibus hominum &c. Frequentantur quidem templa, sed non est respectus ad praesentiam Dei omnipotentis, ridetur, garritur, circum-

circumspicitur, luditur, oculis procatur &c. Corpus ornatur vestibus, anima foedatur immunditiarum sordibus; verbum Dei negligitur, vilipenditur; S. scriptura non aestimatur, Machiavellus, Bodinus, & alii similes in pretio sunt, & aestimatione; filii educantur inobedientes, immorigeri, vaniloqui, scurriles, irreligiosi, quia inordinate amantur a parentibus, omnia dissimulantur, non castigantur, non servatur sancta disciplina domestica. Formandus esset simplex ex iis, bonus, verax, & rectus Christianus, sed major cura habetur, ut fiat politicus, & tunc primum vocatur adolescens bonae spei, puer probatae indolis, si calleat peregrinas linguas, & mores externos; si sciat simulare, & dissimulare; aliud loqui, aliud sentire, si noverit velut histrio, se omnibus accommodare; si delicias facere more peregrino &c. & ita hoc saeculum omnem suam justitiam & vitam constituit in falsitate; in externa pompa, specie & humano applausu, interim neglecta interna, & vera justitia, quae Deo placet. 4) Nihil dicam de ecclesiasticis, & religiosis, quam miseri sint; multi enim nomen habent, quod vivant, & mortui sunt &c. Ex his patet jam, quod merito quintum Ecclesiae statum arguat Christus dicens: *Quia nomen habes, quod vivas, & mortuus es.* Et quam pauci sunt in hoc saeculo nostro, qui vere vivant, & inserviant Domino Deo suo, & amici Christi sint? Est ergo sensus: *Quia nomen habes, quod vivas & mortuus es* in falsis dogmatibus, & mortuus es, in atheismo, & pseudopoliticismo; & mortuus es in hypocrisi, & simulata justitia; & mortuus es in peccatis occultis, & in reticentia abominationum tuarum, & mortuus es in voluptatibus, & delitiis; & mortuus es in arrogantia, aemulatione, & superbia; & mortuus es in peccatis carnis, ignorantia mysteriorum; & rerum-scitu necessariorum ad salutem; & mortuus es in irreligiositate, & in contemptu verbi Dei, & quia charitas omnis refrigit, quae est sola, & vera vita in Jesu Christo.

III. Vers. 2. *Esse vigilans, & confirma coetera, quae moritura erant.* Exhortatur his verbis Pontifices, Episcopos, Praelatos, & Doctores in hoc Ecclesiae statu victuros ad vigilantiam, & sollicitudinem pastorem, quae eo major esse debet, quo maiora, & periculosiora tempora instant, & plures exierunt lupi in mundum commiscentes se ovibus, quae facile corrumpuntur, rapiuntur, & pereunt, nisi sollicitudine debita praelatorumque vigilantia confirmantur. Unde signanter dicitur: *Esse vigilans*, i. e. in oratione ad Deum pro tibi commissis, pro infirmis in fide; in dilectione, pro peccatoribus; fundamentum enim est verae pastoralis vigilantiae, curae & sollicitudinis frequenter, humiliter, & ferventer orare pro ovibus suis, sanis quidem, ut conserventur; infirmis, ut consolidentur; errantibus, ut in viam veritatis reducantur &c. *Esse vigilans* circa tuam personam, ut cogitationes, verba, & opera tua sint bona, Sancta, irreprehensibilia, ut sis castus, sobrius, pudicus, non iracundus, non violentus, non percussor. *Esse vigilans*, ut in omnibus te praebear exemplum bonorum operum. *Esse vigilans* circa domum & domesticos tuos, ut sit domus tua, vel aula sancta, incontaminata a fornicationibus, & immunditiis &c. *Esse vigilans* in doctrina sana, & orthodoxa, ut praedices eam populo, in concionibus, & parvulis in catechesi. *Esse vigilans* h. e. faciat unusquisque officium suum, Episcopus, Praelatus &c. *Esse vigilans*, curatos, ac tibi subditos Praelatos, & concionatores sedulo visitando, inquirendo, corrigendo, adhortando, consolando, protegendo. *Esse vigilans*, ut amplectaris illos, qui sunt secundum doctrinam sanam, ut habeas bonos Episcopos, Canonicos, Praelatos, parochos Curatores, & Pastores animarum tibi concreditarum. *Esse vigilans*, contra pravitatem haeticam, contra libros haeticos, contra malos, & falsos Christianos, contra prava mores, vitia publica, scandala, furta, adulteria &c. *Es confirma*, h. e. Conserva reliquias Catholicorum, quae etiam

etiam moriuntur, paulatim cadendo in haeresin, & atheismum ex defectu vigilantiae pastoralis &c. Dicitur in textu signanter: *quae moritura erant.* Ponitur mors in improfeculo futura 1) quia in Europa, ut saepius dictum, per oppositionem Concilii Tridentini, & Societatis Jesu, aliorumque virorum piorum, reliquiae Catholicorum in Europa plane fuerunt conservatae in fide catholica; quae etiam in haeresin incidissent, & spiritaliter moriturae fuissent, nisi hoc remedium fuisset adhibitum; 2) ut intelligant Episcopi Praelati, & reliqui animarum pastores, non ex facto, vel quasi coeca praedestinatione Dei, salutem & mortem animarum pretioso Christi sanguine redemptarum pendere, ut pigri quidam, & impii sibi imaginantur, sed vere ex vigilantia, cura & sollicitudine pastoralis; ex negligentia vero, scandalo & incuria mortem aeternam.

IV. *Esse vigilans, & confirma coetera, quae moritura erant.* Hoc nobis etiam inculcatur, & inelamatur auribus nostris per Prophetam, ut vigilemus, quia versamur in tempore malo, in saeculo periculoso, & calamitoso, reflorescit enim haeresis ubique, & caput erigit, & acquirit corpus fortius, quam habuit unquam. Obtinuerunt ubique superiorem manum, & triumphant in imperio, in regnis, & rebus publicis, saginati spoliis bonorum ecclesiasticorum. Ex hoc enim tepescunt multi Catholici, tepidi deficiunt, scandalizantur plurimi in corde suo; bellum ipsum est per se sementum ignorantiae, circa res fidei scitu necessarias, & morum corruptela succrescit inter arma, & milites, qui raro habent bonos pastores, concionatores & catechistas. Unde generatio manent tota sylvestris, durae cervicis; nihil vel parum sciens, & curans de Deo, de coelo, de honesta vita, didicerunt rapinas, furta, blasphemias, mendacia, circumventionem proximi &c. In fide catholica coeteri plerique tepidi sunt, & ignorantes, circumsepti haereticis; qui in felicitate sua plaudunt, jubulant, &

illudunt catholicis, qui alias sunt afflicti, depauperati, & desolati. Interim nemo studet SS. literis, quia parentes sunt depauperati, seminaria pleraque jacent desolata, eo quod non gaudeant consuetis & debitis ex fundatione redditibus. Ex his, & aliis miseriis manifeste apparet, quam grave cath. fidei periculum in imperio Romano immineat. Estote ergo vigilantes, O Episcopi & Praelati Ecclesiae Dei, & consulite vobis, & universo gregi vestro mature, ut habere possitis in tempore malo maturos, pios, & doctos sacerdotes, & pastores, qui verbo sano, & exemplo bono praeluceant ovibus suis, ut eas bene pascant, & confirment in fide catholica. Esto vigilans, & confirma coetera, quae moritura erant: *Non enim invenio opera tua plena coram Deo meo.* Loquitur Christus Dominus hic, ut homo, & caput Ecclesiae invisibile, cui Deitas ex infinito abyssu praescientiae suae aeternae revelavit Pastorum, omniumque membrorum futurorum defectus & peccata, & commisit eorum correctionem. Arguitur autem hic insufficientia, & defectus supra dictae vigilantiae, ac sollicitudinis pastoralis, qualem Deus ab Episcopis & Praelatis Ecclesiae exigit; ideo signanter additur particula connectiva *enim*, quae antecedentia cum consequentibus connectit; scil. *Esto vigilans; non enim invenio opera tua plena coram Deo meo: hoc est*, non facis officium tuum, sicut posses, & deberes facere, non es sufficienter vigilans, & sollicitus circa oves tibi concreditas, quia opera tua non sunt plena h. e. perfecta in charitate, & quia tibi est exigua cura salutis animarum. *Non enim invenio opera tua plena* circa ordinationem, institutionem, promotionem, visitationem, & correctionem earundem. *Non enim invenio opera tua plena*, quia non ambulas, sicut & ego accepi mandatum a Patre meo, & sic ambulavi, scil. in humilitate, paupertate, & abnegatione pompae hujus saeculi. Et ideo dicitur: *Non enim invenio opera tua plena coram Deo meo; h. e.* non placent ejus voluntati, contra quam tu operaris,



ris, pascendo temetipsum, dum proprio amore excoecatus voluptatibus indulges, fastum sectaris, honoribus tumes, patrimonium meum in epulis, in aula, & splendore palatiorum, in famulatio copioso, in curribus & equis, in exaltanda, & ditanda progenie, & in pompa saeculari prodigis, quod deberes impendere in alendis pauperibus, consolandis viduis, & pupillis, & in adjuvandis partibus Catholicorum, qui depauperati, haereticorum & aliorum praedationibus spoliati suis bonis, ob defectum auxiliorum humanorum oppressi subjungantur; item in alenda juventute paupere in studiis, qua suppleretur defectus bonorum pastorum, in reficiendis dirutis Ecclesiis. Et quia haec omnia sunt opera officii pastoralis, & tamen non facis, *non invenio opera tua plena coram Deo meo*, in cujus oculis haec omnia patent, propter quae inexcusabilis eris in iudicio ejus.

V. Vers. 3. Unde sequitur: *In mente ergo habe, qualiter acceperis, & audieris, & serva ea, & poenitentiam age.* Hic vulneri medicina opponitur, quae in quinque consistit; 1) *in mente ergo habe.* Quae verba significant rei alicujus seriae, & grandis momenti considerationem frequentem; stabilem, & firmam memoriam, scil. pastoralis officii, & obligationis; quod sicut est maximi momenti, ita gravissimi oneris, adeoque Episcopis, Praelatis, coeterisque pastoribus jugiter volvendum animo, stylo ferreo inscribendum memoriae; primum ergo remedium, & fundamentum est, ut corrigantur peccata, & negligentiae in Praelatis, ut considerent, & sciant, quae sunt sui officii, & obligationis, & ideo dicitur: *in mente ergo habe, qualiter acceperis*, quibus verbis adnotatur qualitas officii, & muneris episcopalis, & pastoralis, quod est sanctum, in dispensatione Angelorum acceptum, a Deo commissum tibi, non in regnum aliquod terrenum, sed in animas, ob quarum salutem Ego descendi de caelis Filius Dei aeternus, Rex Regum, & Dominus Dominantium, fa-

Etus homo, in stabulo natus, inter jumenta collocatus, 33 annos in paupertate & humilitate conversatus, & inter duos latrones in cruce mortuus. Ideo hoc officium non accepisti, ut adorareris, & honorareris ab omnibus, vacares voluptatibus, & epulis, & thesaurizares argentum & aurum, exaltares, & ditares tuam profaniam, & studeres saeculari pompae, & vanitati mundi, sed ut imitator & mei, & sanctorum meorum existeres, & exhiberes te sanctum & immaculatum, & eo magis ab hominibus segregatum, quo altius, sanctius, & perfectius haereditasti ministerium. *Qualiter acceperis*, scil. onus grave curis sollicitudinibus, & periculis plenum, ad quod exigitur vigilantia sollicita, & timor Dei, oratio indefessa, & sobrietas casta &c. *Qualiter acceperis*, h. e. quo fine fueris institutus, ad Pontificatum, Episcopatum, & Praelaturam; scil. ut pasceres gregem tibi commissum, & luceres tanquam lucerna, in caliginoso loco, & tanquam sal terrae condires spiritualiter animas, & mentes hominum, & tanquam caput vivificares membra, & corpus ecclesiasticum. *Qualiter acceperis*, a Deo meo tot dona naturae, dona gratiae gratis datae, & dona fortunae, sic tamen, non ut Dominus eorum, sed ut servus villicus utilis; non ut ea absconderes in sudario proprii amoris, & defoderes in terram voluptatum, & honorum, sed ut lucrum in iis Deo meo faceres spirituale in operibus misericordiae, charitatis, in consolandis viduis, & pupillis, in alendis pauperibus, & egenis ad exemplum sanctorum meorum. Unde tertium additur: *Et audieris*, puta, ex Evangelio meo, qualiter ego ambulaverim, & vitam posuerim pro ovibus meis. *Et audieris* ex Actis & Vitis Apostolorum meorum, quam illi vitam duxerint. *Et audieris*, quales fuerint patres, & Antecessores tui, Pontifices, & Episcopi, Praelatique Ecclesiae meae. Nimirum humiles, pauperes; prudentes, sobrii, casti solliciti, & omnibus virtutibus ornati. Proinde sicut Dominus, & Magister tuus, & Apostoli coeterique Sancti, & amici Dei

Dei mei, & Patres tui Antecessores vixerunt, & conversati sunt in hoc mundo; ita & tu ambula, & conversare. *Et audieris:* memor, quam statuant vitam & conversationem Sacri Canones, scripta SS. Patrum; Concilia generalia, provincialia dioecelana &c. *Et audieris* praesertim novissime ex Concilio Tridentino, quae ibi de vita & honestate, & de reformatione fuerint servata statuta. Ideo statim subjungitur quartum. *Et serva ea.* Quibus verbis ad praedictorum observantiam instigamur, simulque peculiaris quidam hujus saeculi defectus corripitur, qui in hoc consistit, quod fere nihil amplius servetur. Etenim saeculum carnale est, & delicatum, quod gloriatur in multis, & sublimibus scientiis, quia multa bona scit, & non servat. Habemus tam Sanctos Canones, tam salubria Concilia generalia, & synodalia; tam politas leges civiles, tot libros spirituales; tot interpretes SS. Scripturarum; SS. Patrum scripta plena spiritu; tot exempla Sanctorum; & opere tam parum implemus, quia filii sumus carnalis saeculi. Unde urget, & exhortatur Christus, ut imitemur, & servemus actu tenentes semitam bonam, quam scimus, & ambulamus, quemadmodum & ipse ambulavit, & Sancti ejus cum eo. *Quintum* est, *Et poenitentiam age;* poenitentiam agere tria includit, 1) ut homo agnoscat, & confiteatur reatum suum. 2) Ut corde contrito & humiliato veniam a Deo petat, 3) ut impleta satisfactione debita, defectus, & peccata sua emendet, vitamque ac conversationem in melius commutet. Et quia nihil minus habet generatio pessima hujus quinti status Ecclesiae, quam haec tria; primo exhortatur Christus Ecclesiam suam maxime salutariter ad poenitentiam, utpote unicam, eamque necessariam non solum medicinam, quae ad vitam spiritualem animam resuscitet, quae mortua est; verum etiam, quae sit via placandi & avertendi a nobis iram Dei, quam super generationem istam effudit, & plus effundet usque ad extremum, nisi poenitentiam agat, & tamen nemo vult poenitere, quod probatur

batur inductione: 1) enim haeretici, qui sunt mortui in sua haeresi, poenitentiam contemnunt, & non agnoscunt, neque volunt agnoscere statum suum miserum, imo gloriantur & dicunt, se bene agere; & tamen mortui sunt, 2) inter Catholicos pauci reperiuntur, qui agnoscunt suos defectus, & peccata, omnes Episcopi, Praelati & pastores animarum & Ecclesiae dicunt, se semper facere suum officium, se vigilare, & vivere, sicut pro statu suo decet. Similiter Imperatores, & Reges, & Principes, & Consiliarii, & Judices gloriantur, se bene egisse, & adhuc agere, & omnes status ordinum sacrorum innocentes esse volunt. Denique populus ipse a minimo usque ad maximum solet dicere: Quid mali feci, aut facio? Ita omnes se excusant. Ut ergo divina sapientia & Bonitas generationem hanc pessimam ad poenitentiam adduceret; immisit continua quasi mala bellorum, pestis, famis & aliarum calamitatum; & novissime afflixit totam Germaniam per 30 annos, continuis, & mirabilibus calamitatibus, ut tandem aperiremus oculos, agnosceremus peccata nostra, & humiliato, contritoque corde a misericordia Dei peteremus veniam, & vitam nostram, ac conversationem (quavis secundum obligationem sui status) emendaremus, & in melius commutaremus. Sed peiores facti sumus, & ita caeci, ut ne credamus quidem, mala haec involvisse nos ob peccata nostra, cum tamen dicat scriptura sacra: *Non est malum (poena) in Israel, quod non fecit Dominus.* Unde timendum est, ne ira Dei plus in nos effervescat, cujus comminatio in sequentibus continetur.

VI. Vers. 3. *Si ergo non vigilaveris, veniam ad te tanquam fur, & nescies, qua hora veniam ad te.* Post praescriptam medicinam sequitur comminatio gravis adversus Ecclesiam suam. *Si ergo non vigilaveris* excitatus tandem de gravi somno voluptatum, peccatorum, & ignaviae tuae, in quibus haecenus dormivisti, *veniam ad te, suscitando malum adversus te.* Loquitur

tur in futuro, quia, ut soepius jam dictum, ex longanimitate Bonitatis Dei ira ejus soepe diu, & a longe imminet. Ne autem cogitaremus, ob hujusmodi moram nos esse extra teli jactum, dicit: *Veniam ad te*, certo, infallibiliterque. Idem monet alibi scriptura: *Exspecta eum*, qui veniens venit, & non tardabit. *Habacuc* Cap. 2. *Tanquam fur*. Comparat hic visitationem & malorum immisionem adventui furis. Fur enim 1) solet subito & insperato venire, 2) dormientibus hominibus, 3) solet suffodere domum, 4) rapere. Sic erit malum, quod suscitabit Dominus super Ecclesiam suam. Malum autem hoc sunt Haeretici, & Tyranni, qui subito, & insperato veniunt, & dormientibus Episcopis, Praelatis, & pastoribus suffodiunt Ecclesiam, domum Dei, & praevalent, & rapiunt Episcopatus, & praelaturas, & bona ecclesiastica, sicut in germania & coetera Europa eos fecisse oculis nostris cernimus. Et periculum est, ne etiam, quod reliquum adhuc est, rapiant, & dominentur. *Et veniam ad te tanquam fur*; suscitando adversum vos gentes barbaras Tyrannorum, quae instar furis subito, & insperato praevalentes venient, dormientibus vobis inveteratis vestris voluptatibus, immunditiis, & abominationibus; suffodient praesidia, & munitiones; intrabunt Italiam, & devastabunt Romam, & incendunt templa, & rapient omnia, nisi egeritis poenitentiam, & evigilaveritis a somno peccatorum. *Et nescies, qua hora veniam ad te*. Hic tangitur excoecatio, qua Deus solet percutere Principes populi, quo minus possint praevidere, consequenter nec providere malis impendentibus: abscondit enim ab oculis eorum somno voluptatum gravatis mala, ut subito, & inopinato irruant in vindictam. Sic dicit: *Et nescies, qua hora veniam ad te*, h. e. erit absconditum ab oculis tuis tempus visitationis tuae, & non poteris amplius providere malo, nec praeparare te ad praelium, quia veniet properans & inundans tanquam fluminis impetus;

petus; tanquam Sagitta volans; tanquam tonitru, & rapidus canis.

Verf. 4. *Sed habes pauca nomina in Sardis, qui non inquinaverunt vestimenta sua* sequitur commendatio paucorum respectu tantae multitudinis super terram. Quantumvis enim Ecclesia sit in desolatione, & mundus in maligno positus; semper tamen Dominus Deus habet, & reservat sibi suos amicos sanctos, ne omnino putrescant omnia, & qui tanquam lux mundi & lucerna lucens luceant in hoc mundo, ne omnia tenebris involvantur. *Qui non inquinaverunt vestimenta sua.* His verbis tangitur proprietas immunditiarum, quibus hic totus mundus tenetur, coopertus, & miserrime infectus, paucis remanentibus sine iniquatione. Sumitur autem a proprietate iniquationis vestimentorum, quae inquinantur. 1) Ex luto & stercore per ambulationem, 2) ex sordibus variarum immunditiarum pro conservatione vitae nostrae, 3) per pestilentiam, & lepram. Significatur hic tribus metaphoris universitas gravissimorum peccatorum, & immunditiarum, in quibus totus mundus (paucis exceptis) miserrime jacet, languet, & aegrotat usque ad mortem. Est namque generatio haec prava nimis, delicata, effoeminata, mollis, carnalis, & avara, & superba. Unde jacet in luto voluptatum & deliciarum, & in haeresi, & oblita est Domini creatoris sui, exceptis paucis in tanta numerositate statuum diversorum, & multitudine hominum super terram, qui adhuc ex toto corde credunt in Dominum Deum suum in coelis, sperant in ejus providentia, serviunt Jesu Christo secundum statum vocationis suae, & diligunt Deum, & proximum. Et ideo ponitur. *Nomina*, h. e. eorum, qui ob nimiam paucitatem quasi facile nominibus suis vocari possent. Sic dicitur: Quorum nomina sunt in libro vitae; ob paucitatem salvandorum. Multi enim sunt vocati, pauci vero electi. *Et ambulant mecum in albis, quia digni sunt.* Hic tangitur conver-

conversatio Christi, qualis fuerit super terram, ad cuius exemplum pauci isti ambulabunt. Christus ambulavit in albis. 1) Quia conversatus est inter homines in summa mansuetudine, puritate, humilitate, paupertate, patientia, & contemptu, quae omnia vestis alba significat; 2) ambulavit in albis, quando in sua benedicta passione spreus ab Herode indutus est alba veste, & pro stulto habitus, est remissus ad Pilatum; sic pauci isti, qui immaculatos se custodiunt ab hoc saeculo, ambulabunt ad exemplum Christi super terram in magna humilitate, contemptu, paupertate, mansuetudine, & gement in corde suo ad Dominum Deum suum; patientur plurima, & erunt contempti in irrisione hujus mundi; quia vita, ac conversatio eorum aestimabitur insania & fatuitas: Sic enim solet, & semper solitus est mundus facere Sanctis Dei; imo & Filio ejus unigenito, quem ad salutem mundi misit de coelis, facere non erubuit. Hinc dicit in consolationem suorum amicorum: Haec mando vobis, ut diligatis invicem; si mundus vos odit, scitote, quia me priorem vobis odio habuit. Si de mundo fuissetis, mundus, quod suum erat, diligeret; quia vero de mundo non estis, sed ego elegi vos de mundo, propterea odit vos mundus. Mementote sermonis, quem Ego dixi vobis. Non est servus major Domino suo. Si me persecuti sunt; & vos persequentur. Joann. Cap. 15. Amicitia enim hujus mundi, inimicitia est coram Deo; & contra: Hinc sequitur: *Quia digni sunt.* Namque est mirabilis amicitia Dei, & dignatio in justos & amicos suos, quae vult, & permittit, eos in hoc mundo circumire in melioribus, despectos, pauperes, viles, in tribulationibus, & persecutionibus, contumeliis, & injuriis, in temptationibus, in frigore, & nuditate &c. E contra mundus, & qui de mundo sunt, prosperantur in delitiis; vivunt in gloria, in divitiis; rident, & laetantur in omnibus bonis, & justus patitur. Et haec est amicitia Dei ad Electos suos, quae mundus dignus non est; hinc

Hebr.

Hebr. Cap. 11. Alii autem distenti sunt, non suscipientes redemptionem, ut meliorem invenirent resurrectionem. Alii vero ludibria & verbera experti, insuper & vincula, & carceres: lapidati sunt, secti sunt, tentati sunt, in occisione gladii mortui sunt, circuierunt in melotis, in pellibus caprinis, egentes, angustati, afflicti, quibus dignus non erat mundus. Hoc scientes SS. Dei Apostoli, gaudentes ibant a conspectu concilii, quoniam digni habiti sunt, pro Nomine Jesu contumeliam pati.

VII. Vers. 5. *Qui vicerit; Sic vestietur vestimentis albis.* In his verbis continetur promissio proemii, retributionis, & consolationis plenae, in altera vita futurae, qua promissione nos suos milites exhortatur, & extimulat ad victoriam. *Qui vicerit*, nempe mundum, carnem, & diabolum. *Qui vicerit*, eximendo se a jugo diaboli (cui per peccata, & voluptates erat subiectus) per poenitentiam, per charitatem Dei & proximi, quae operit multitudinem peccatorum. *Qui vicerit*, perseverando in vera fide catholica inter tot defectores, scandala, & afflictiones Christianorum. *Qui vicerit* persecutiones, tribulationes, angustias, & calamitates ab haereticis, & malis Christianis illatas. Qui vicerit malignitates, deceptiones, & falsitates, in prudentia, & simplicitate vera Christiana, & perseveraverit in doctrina sana, in moribus sanctis & in sinceritate charitatis. *Sic vestietur vestimentis albis*, h. e. splendore aeternae gloriae, candore aeterni luminis, veste immortalitatis, sanctitatis, puritatis & impeccabilitatis. *Sic vestietur vestimentis albis*, h. e. retribuetur ipsi plene secundum mensuram passionis. Quantum enim quis in hoc mundo despiciebatur, tantum ibi erit in gloria: quantum in tribulationibus, tantum in consolationibus, & quo majore humilitate, paupertate, nuditate, siti, miseria, persecutionibus, tribulationibus, adversitatibus hic in mundo premebatur, eo magis ibi exalta-



exaltabitur, abundabit divitiis coelestibus, vestietur stola immortalitatis, satiabitur plenitudine omnium deliciarum, quae nunquam auferentur ab eo amplius in aeternum. Unde hic additur ad maximam consolationem afflictorum particula. *Sic Et non delebo nomen ejus de libro vitae.* Liber vitae est praedestinatio, five praescientia Dei aeterna, qua ab aeterno pro Electis suis secundum uniuscujusque opera disposuit regnum suum certo & ineffabiliter. Ita in consolationem amicorum suorum, ac justorum hic promittitur: *Et non delebo nomen ejus de libro vitae*, h. e. manebit scriptus haeres in testamento haereditatis aeternae, quam nemo auferet ab eo in saecula saeculorum. *Et confitebor nomen ejus coram Patre meo & coram Angelis ejus.* Confessio Christi erit maximus honor Sanctis in coelo, quae sicut alius soepius apud Evangelistas, ita etiam iis promittitur hic, qui nomen ejus Sanctum in terris confessi fuerint, & tenuerint, non solum ore, sed corde, & opere; quod quia a generatione ista prava valde alienum est, (Omnes enim fere ore consentunt, se nosse Christum; factis autem negant) pro speciali proemio, & incitamento suorum militum ad victoriam, maximus iste honor; qui est confessio, & laudatio servi coram Rege Regum, & Domino Dominantium & coram millibus millium Angelorum, & Sanctorum Dei promittitur.

## §. II.

*De sexto Ecclesiae Statu, qui erit Status Consolationis, incipiens a Pontifice illo Sancto, & Monarcha illo forti, & perdurans usque ad Nativitatem Anticristi.*

Cap. III. v. 7 — 13.

Vers. 7.

I. *Et Angelo Philadelphiae Ecclesiae scribe; Sextus Ecclesiae status initium suum sumet a Monarcha illo forti,*

R

ti,

ti, & Pontifice sancto, & durabit usque ad Nativitatem Antichristi. Hic status erit consolativus, in quo Deus consolabitur Ecclesiam suam Sanctam super afflictione, & tribulationibus maximis, qua in quinto statu fuit perpeffa. Reducentur enim omnes gentes ad fidei catholicæ, & orthodoxæ unitatem, & florebit maxime status clericalis, & sacerdotium, & homines omni sollicitudine requirent Regnum Dei, & iustitiam ejus. Deus enim dabit ipsis pastores suos bonos, unde etiam vivent homines in pace, quivis sub vite sua, & in agro suo, quia erit pax super terram, quam Dominus Deus dabit tunc hominibus pacem cum eo habentibus sub umbra alarum Monarchæ illius fortis, & successorum. Hunc statum typice præfigurat sexta mundi ætas, quæ incipit a liberatione populi Israelitici, & restauratione templi, & Jerusalem, & duravit usque ad adventum Christi: Sicut enim in hac ætate populus Israeliticus a Domino Deo ex liberatione captivitatis suæ maxime fuit recreatus, templum & Jerusalem restaurata, omnia regna, nationes, & populi Imperio Romano subditi, cui Augustus Cæsar, Monarcha fortissimus & præstantissimus, 56 annis præfuit, & devictis, & subjugatis omnibus dedit pacem universo orbi terrarum, & regnavit solus usque ad adventum Christi Domini, & ultra: Sic in sexto statu consolabitur Deus Ecclesiam catholicam consolatione maxima; quia, & si in quinto statu nostro videamus ubique esse maximas calamitates; dum omnia devastantur bello, dum supprimuntur Catholici ab hæreticis, & malis Christianis, dum Ecclesia, ejusque ministri ducuntur sub tributum, evertuntur Principatus; Monarchæ occiduntur, & subditi repelluntur, omnesque conspirant in respublicas erigendas; mirabilis tamen fiet mutatio per manum omnipotentis Dei, quam nemo sibi humanitus imaginari potest. Ille enim Monarcha fortis, qui venturus est a Deo missus, respublicas funditus destruet, sibi subjugabit omnia, & relabit veram Christi Ecclesiam; mittentur omnes hæreses in infernum,

num, confringetur Imperium, Turcarum, & ille regnabit in Oriente & Occidente; venientque omnes gentes, & adorabunt Dominum Deum suum in vera fide Catholica, & orthodoxa; florebut plurimi viri iusti, & docti super terram, & homines amabunt iudicium, & iustitiam, eritque pax super universam terram, quia divina potestas ligabit Satanam per multos annos &c. donec veniat, qui venturus est, filius perditionis, ubi solvetur denuo Satanas &c. Huic sexto statui in similitudinem perfectionis congruit sexta dies creationis, qua creavit Deus hominem ad imaginem suam, & subiecit ei omnes creaturas mundi, ut esset Dominus earum. Sic dominabitur Monarcha ille super omnes bestias terrae, id est, super efferas gentes, populos rebelles, res publicas haereticas, & dominabuntur homines passionibus suis malis. Eidem sexto statui congruit sextus spiritus Domini, scil. Spiritus sapientiae, quem effundet abundanter super universum orbem terrarum in illo tempore, timebunt enim homines Dominum Deum suum, & legem ejus custodient, & servient ei ex toto corde: erunt quoque scientiae multiplices, & perfectae super terram, & sacra scriptura intelligetur unanimiter sine controversia & errore haereseum, & erunt homines illuminati tam in naturalibus, quam in coelestibus scientiis. Denique Ecclesia Philadelpiae typus est sexti hujus status. Philadelphia interpretatur amor fratris salutans, haereditatem salvans adhaerente Domino. Quae omnia congruunt sexto huic statui, in quo erit amor, concordia, & summa pax, & salutabit fortis Monarcha totum quasi mundum, velut haereditatem suam, & liberabit illum adjuvante eum Domino Deo suo de omnibus inimicis, & de ruinis, & de omni malo.

II. *Haec dicit Sanctus, & verus: qui habet clavem David: qui aperit, & nemo claudit. Claudit & nemo aperit.* His verbis, sicut in descriptione uniuscujusque status praemittuntur iterum quaedam insignia

R 2

Christi

Christi Domini, prout ea non solum ad intra habet, verum etiam in sexto statu per haec in suis membris, ac in corpore suo, quod est Ecclesia, resplendet ad extra. *Haec dicit Sanctus Sanctorum, & verus Deus & homo.* Est hoc insigne excellentissimum competens Christo Domino ex hypostasi divina, ob quod omne genu coram eo flectitur coelestium, terrestrium, & infernorum &c. item dicitur hic *Sanctus*, & *verus* tanquam caput in membris, & in corpore suo, quod est Ecclesia, quae erit in sexto statu valde sancta, & vera. *Sancta* quidem, quia homines in toto corde ambulant in viis Domini, & quaerent regnum Dei solícite, & servient Domino Deo suo in laetitia &c. *vera*, quia missis ad orbem universis sectis erit vera Ecclesia super faciem universae terrae. *Qui habet clavem David.* Intelligitur regia, & universalis potestas, quam Christus habet super Ecclesiam suam usque ad consummationem saeculi, in expeditione voluntatis, & secretorum Dei Patris, sic dicit *Math. C. 28.* Data mihi est omnis potestas in coelo & in terra. Plura de hoc infra L. II. in Cap. 4. Coeterum dicitur hic Christus habere *clavem David*, quia David, & regnum ejus fuerunt figura Christi, & regni ejus, ut patet ex libris Prophetarum. *Qui aperit, & nemo claudit. Claudit, & nemo aperit.* His verbis declaratur, qualis hujus clavis Christi sit potestas; scilicet omnipotens, & in sola sua potestate constituta, & ad bona, & ad mala potens. Ideo dicitur: *Qui aperit ostium ad bona*, ea elargiendo, & ad mala, ea permitiendo. Et *nemo claudit*, h. e. nemo potest impedire, aut prohibere, neque in coelo, neque in terra, neque subtus terram, nec mali quidem bona, nec boni quidem mala, quo minus fiant ea, quae decreta sunt in divina voluntate. Sic de malis habemus *Math. Cap. 16.* Et portae inferni non praevalerunt adversus eam. De justis & bonis habetur *Ezech. 14. a Versu 14. usque ad Vers. 21.* *Claudit, & nemo aperit*, h. e. e contra tollit iterum in tempore suo mala de Ecclesia sua, & dat bona,

bona, & post bona iterum permittit mala, & nemo est, qui de manu ejus possit eruere, aut prohibere. Sic dicitur Psal. 103. Dante te illis, colligent: aperiente te manum tuam omnia implebuntur bonitate: avertente autem te faciem, turbabuntur: auferes spiritum eorum, & deficient, & in pulverem suum revertentur. Emitteres spiritum tuum, & creabuntur, & renovabis faciem terrae &c. *Scio opera tua.* Est modus loquendi, quo universim hic laudantur opera hujus sexti status, sicut superius in quinto statu vituperabantur. *Scio opera tua* universa esse sancta, bona, perfecta, & charitate plena, patet ex sequentibus.

Verf. 8. *Ecce dedi coram te ostium apertum, quod nemo potest claudere: quia modicam habes virtutem, & servasti verbum meum, & non negasti nomen meum &c.* Consolatione plena sunt verba, quibus describitur futura hujus sexti status felicitas, quae consistit primo, in vero, claro, & unanimi sensu SS. scripturae, quo sextus Ecclesiae status fugatis, & dissipatis tenebris, & erroneis, falsisque haereticorum interpretationibus, quae sunt doctrina daemoniorum, clarificabitur, dum Christi fideles per universum orbem diffusi, uni Ecclesiae Catholicae sensui in unitate fidei, & sanctorum morum acquiescunt. Unde dicitur: *Ecce dedi coram te ostium apertum*, i. e. sensum clarum, & apertum SS. scripturae. *Quod nemo potest claudere*, h. e. quem sensum nemo haereticorum potest pervertere, quia in sexto statu celebrabitur maximum totius mundi concilium generale, in quo singulari Dei gratia, & potentia Monarchae illius, & S. Pontificis auctoritate, unitateque Principum piissimorum omnis haeresis, & atheismus proscribetur, & profligabitur de terra, & sensus SS. scripturae legitimus contra omnes sectas haereticorum declarabitur, & proponetur credendus, cui acquiescetur, aperiente Deo ostium gratiae suae. 2) Consistit haec felicitas in copiosissimo grege fidelium; confluent enim in

tempore illo omnes gentes, & populi & nationes ad ovile unum, & intrabunt per januam unam, quae est sola, & vera fides catholica, & orthodoxa, & implebitur illud Joan. 10. Cap. *Erit unus pastor, & unum ovile*, & illud Mathaei Cap. 24. *praedicabitur hoc Evangelium in orbe universo, in testimonium omnibus gentibus, & tunc fiet consummatio.* Quo sensu etiam hic dicitur: *Ecce dedi coram te ostium apertum fidei, & salutis animarum*, quod in quinto statu clausum erat innumeris quasi hominibus, per haereses & abominaciones peccatorum; & ideo ovile erat exiguum, vile, humilitate, & contemptu plenum; nunc vero *apertum* est coram te, h. e. omnibus patens, instar januae, quae ad Palladium Regis omnibus semper patere solet, ubi nullus est timor hostis, aut seditionis &c. 3) Consistit in pluralitate salvandorum. Plurimi enim salvabuntur in tempore illo quia vera fides rutilabit, & abundabit iustitia. *Ecce dedi coram te ostium apertum coeli, quod nemo potest claudere* usque ad praefinitum tempus, unde praepositur particula *Ecce*, quae nostros animos ad aliquod magnum, & mirabile Dei opus, ad consolationem, & laetitiam, & gaudium spirituale excitat; *quia modicam habes virtutem, & servasti verbum meum* Tanguntur his verbis tres causae, sive merita, ob quae miserabitur Deus Ecclesiae suae, & hominum super terram, praedictum ostium misericorditer aperiendo in sexto Ecclesiae statu; 1<sup>um</sup> ponitur in praesenti, *quia modicam habes virtutem*, per quae verba innuitur industria servorum suorum quia modica virtute sibi a Deo concessa, bene, prudenter, & cum foenore maximo utentur, scilicet in conversione peccatorum, & haereticorum, adhibebunt maximum in primis temporibus sexti status, quando incipiet eorum conversio, conatum, quem Christus Dominus prosperabit. 2<sup>um</sup> & 3<sup>tium</sup>: In praeterito collocantur. *Et servasti verbum meum, & non negasti fidem meam.* Per quae signantur constantia, & perseverantia in dilectione, & fide eorundem servorum, qui  
circa

circa finem temporum quinti status adhuc durantis exsurgent, in modica virtute, quando homines fidem negabunt propter divitias; & ministri Ecclesiae propter voluptates carnis & pulchritudines ac illecebras mulierum, coelibatum deferent, & diabolus ubique erit quasi solutus, & tribulatio maxima saeviet super faciem terrae, ipsi fortissime uniti servabunt principatum suum, & custodient se immaculatos ab hoc saeculo, ideoque erunt viles apud homines, & vilipendentur, & ludibrio habebuntur, quorum patientiam, industriam, constantiam, & perseverantiam benignitas salvatoris nostri Jesu Christi respiciet, & remunerabitur in sexto statu, adjuvando eorum conatus in conversione peccatorum, & haereticorum. *Quia modicam habes virtutem*, h. e. nulla dignitate, ac potestate ecclesiastica praeditus, nullis divitiis, & gloria sublimis, etiam gratia ipsis a Deo data erit moderate suspensa, & ordinata, conatus tamen eorum ex intensa charitate & Zelo, quem habebunt erga Nomen Jesu Christi, & Ecclesiam suam, & salutem animarum, erit maximus: quem respiciens misericordia Jesu Christi tandem adjuvabit aperiendo ipsis in sexto statu ostium conversionis haereticorum, & peccatorum ad veram fidem, & poenitentiam. *Et servasti verbum meum.* Verbum Christi hic sumitur pro speciali doctrina, ac scientia alicujus praecepti, vel consilii, quae in veteri lege non continebatur, & mundo omnino contraria est. In Evangelio triplex tale verbum reperitur: 1<sup>um</sup> est de dilectione inimicorum, & de dilectione fraterna. Math. C. 5. 2<sup>dum</sup> est consilium de servando coelibatu Math. C. 19. Sunt Eunuchi, qui se ipsos castraverunt &c. 3<sup>tium</sup> est de patientia servanda Math. C. 5. Qui percusserit te in dextera maxilla, praebere illi & alteram; & ei, qui vult tecum in iudicio contendere, & tunicam tuam tollere, dimitte ei, & pallium; & ita in contextu dicitur: *Et servasti verbum meum*: scil. dilectionis fraternae, coelibatus, patientiae, mansuetudinisque, quod est proprie verbum Dei, quod

ore suo benedicto protulit, & opere implevit. *Et non negasti fidem meam.* Fides negatur plerumque propter divitias, & honores, & mulieres, quorum trium erunt servi illi Christi contemptores, quia ducent vitam humilem in nullis dignitatibus: & potestatibus publicis constituti, despicientur a sublimioribus, & gaudebunt; omnia sua impendent, & superimpendent in usus pauperum, & in aedificationem Ecclesiae Catholicae, quam tenere tanquam matrem diligent, ambulantes simplici corde coram Deo, & hominibus, & ideo vita eorum aestimabitur insania, & stultitia; quia sapientia hujus mundi est, adepta retinere, & semper plura accipere, & thesaurizare. A coinquinatione mulierum etiam se custodient, conversantes juxta statum vocationis suae sanctae. Unde etiam aliis apostatantibus & negantibus fidem Christi propter divitias, & honores, & mulieres consequendas, ipsi gement in corde suo ad Dominum Deum suum, & perseverabunt in fide catholica. Hi itaque hic laudantur: *Et non negasti fidem.*

III. Vers. 9. *Et dabo de Synagoga Satanæ, qui dicunt se judæos esse, & non sunt, sed mentiuntur: Ecce faciam illos, ut veniant, & adorent ante pedes tuos, & scient, quia ego dilexi te &c.* Sequitur manifestatio virtutis Dei copiosissima, qua servorum conatus pios, & fidelitatem, & constantiam, & perseverantiam in coeptis tandem solet prosequi, & adjuvare benignissime. Ponuntur tria *Ecce. Ecce dedi, Ecce dabo, Ecce faciam;* quibus mens nostra quasi sursum elevatur, ad cogitandum aliquid magnum, & admirabile opus misericordiae & miserationis Dei, quo manifestaturus est divitias gloriae, & gratiae, & bonitatis suae magnae nimis. *Ecce!* ad servos suos loquitur, quasi diceret: *Ecce fructus laboris & operis tui. Ecce dabo,* quod diu desiderasti lacrymis, & gemitibus piis. *Ecce* quod nemo credebat, faciam. *Ecce!* nunc ergo conso-  
lare &c. *Ecce dabo de Synagoga Satanæ, qui se di-*  
*sunt*



*erunt judaeos esse, & non sunt, sed mentiuntur.* Synagoga Satanae sunt judaei & alii errantes a vera fide, qui adhaerent Satanae mendaciorum patri per falsa dogmata; Similiter per judaeos hic intelliguntur figuraliter & allegorice haeretici & schismatici, qui se etiam Christianos jactant, & non sunt, sed mentiuntur. Promittit ergo hic conversionem haereticorum, schismaticorum, aliorumque a vera fide errantium, quae in sexto statu fiet, quando etiam graeca Ecclesia unietur latinae. *Ecce faciam, ut veniant, & adorent ante pedes tuos.* Exprimitur his verbis vis, & efficacia & abundantia gratiae, & bonitatis Dei, qua efficiet, ut integrae gentes, & nationes veniant, & adorent, & subiciant se Ecclesiae Catholicae Matri suae. *Et faciam per lumen gratiae meae, ut veniant sponte, & ultro non coacti bello neque gladio, & adorent ante pedes tuos,* h. e. se humilient, & subiciant potestati tuae Spirituali. Ex his patet 1) quantam fidem, & confidentiam collocare debeant omnes Praelati, & Pastores animarum in gratia Dei, sine qua omnia claudicant, sine qua nihil efficitur. Jam a centum circiter annis non solum contra haereticos acerrime disputatum est, & tot libri doctissimi editi, quin etiam armis compulimus intrare; & omnia tentata sunt, sed nihil effecimus; superest ergo, ut clamemus ad Dominum Deum nostrum, & humiliemus animas nostras, & conversationem instituamus sanctam, & laboremus strenue conservare reliquias Catholicorum, donec misereatur Ecclesiae suae, cujus oblivisci non potest, & respiciat conatus fervorum suorum, qui adhuc timent eum, & serviunt illi; fidem enim, & confidentiam vivam ponamus in omnipotenti gratia Jesu Christi, qui unico radio luminis sui sancti illuminare potest obcoecatas mentes miserorum peccatorum, & haereticorum. Ad hanc confidentiam exhortatur nos Psalter Ps. 36. a v. 3. usque ad v. 7. *Et scient, quia ego dilexi te,* h. e. confitebuntur, quod tu sis sola mea sponsa dilecta, & electa, & vera Ecclesia, extra quam non sit salus, &

haereditas regni coelestis. In sexto enim statu erit Ecclesia Catholica sublimis, & gloriosa, & magnificabitur a mari usque ad mare, & non erit controversia, aut quaestio amplius, quae sit vera Ecclesia. Hinc dicitur: *U scient*, h. e. manifestatum erit, quod in quinto statu nostro ita controvertitur, & disputatur. Sic solet, & potest divina bonitas ex malis elicere bona, permitiendo haereses, & tribulationes contra divinam veritatem exurgere, ut magis manifestetur nomen ejus Sanctum. Patet hoc inductione omnium haeresum, quae diversis temporibus exsurrexerunt, & manifesta veritate divina denuo evanuerunt, quantumvis extiterint pertinaces, qualis fuit Ariana contra divinitatem Jesu Christi, cui moderna similis est in pertinacia, contra ejus Sanctam & veram Ecclesiam.

Verf. 10. *Quoniam servasti verbum patientiae meae, & ego servabo te ab hora tentationis, quae ventura est in orbem universum, tentare habitantes in terra.* Hora tentationis, quae ventura hic praedicitur, est tempus persecutionis Antichristianae, quam descripsit Christus Dominus *Math.* Cap. 24. & Daniel. Cap. 11, & 12. Dicitur hora tentationis ob breviteratem temporis, quia septimus Ecclesiae status non diu durabit, ut infra videbimus. Duplici modo solet divina bonitas conservare suos ab hora tentationis, & a tempore malo. 1) Tollendo eos ad se per mortem naturalem in pace, ante quam ingruant mala, & tribulationes, quam misericordiam fecit cum Ezechia, Josia, & aliis, tam in veteri, quam in novo testamento. 2) Non quidem tollendo eos a mundo, sed fervendo eos a malo. Joan. Cap. 17. *Non rogo, ut tollas eos a mundo, sed ut serves eos a malo.* Sic discipulos, & Apostolos suos misit in medio luporum. Utroque modo servabit Deus Ecclesiam suam in sexto statu ab hora tentationis Antichristianae praedicta. 1) Tollendo eam ad se, quia in fine sexti status refrigescet charitas, & abundare incipient peccata,

peccata, surget paulatim generatio perversa, & infideles filii, tollentur iusti, & sancti viri, pastores, & Praelati optimi per mortem naturalem, & surgent eorum loco tepidi, carnales, semetipsos pascentes, arbores autumnales, sidera errantia, nubes sine aqua 2) servando eam a malo; quia Ecclesia stabit usque ad consummationem saeculi, in qua relinquentur pauci aliqui (respectu tantae multitudinis malorum) viri Sancti; & docti in populo, quos mittet Dominus in medio luporum, & docebunt plurimos veritatem & iustitiam tempore Anichristi in septimo ac ultimo statu Ecclesiae, & ruent in gladio, & in flamma, & in captivitate, & ruina dierum. Juxta illud Danielis Cap. 11. Et sic servabit eos Dominus ab hora tentationis, servando scilicet eos a malo, ne consentiant impietati tyranni saevientis, sed pro veritate & iustitia & fide Christi moriantur.

Verf. 11. *Ecce venio cito: Tene, quod habes, ut nemo accipiat coronam tuam.* Continent haec verba salutarem praemonitionem subitanei, & insperati adventus Christi, & exhortationem ad perseverantiam in bono, quae duo hic praemittit veluti clypeos in tribulatione ultima Math. Cap. 24. descripta, summe necessarios. 1) Quia regnum Antichristi ob nimiam felicitatem, & potentiam aestimabunt homines valde diuturnum. Imo judaei, & alii ejus affectae qui illum pro Messia recipient, regnum ipsius putabunt aeternum. Contra hanc praesumptionem & falsitatem hic dicit: *Ecce venio cito:* 2) Quia sicut tempore Diocletiani (qui vivum Antichristi fuit prototypon) ob immanitatem persecutionis, multi defecerunt a confessione Christi, & sacrificarunt Idolis, inter quos etiam fuit ipsemet S. Marcellinus, summus Pontifex, qui tamen postea poenitentiam agens fortiter subiit martyrium. Item tempore Lucinii Imperatoris e quadraginta unus defecit, cujus coronam postea accepit Janitor: ita, & multo magis in tribulatione ultima Antichristi, quae superabit antecedentes,

dentes, continget. Contra hanc defectionem salutariter hic Christus, tanquam summus Dux, milites suos clypeo pertinacis cujusdam constantiae, & perseverantiae, quae in tempore illo erit summe necessaria, praemunit, & exhortatur, dicens:

Verf. 12. *Tene, quod habes, ut nemo accipiat coronam tuam. Qui vicerit, faciam illum columnam in templo Dei mei, & foras non egredietur amplius: & scribam super eum nomen Dei mei, & nomen civitatis Dei mei, novae Jerusalem, quae descendit de coelo a Deo meo, & nomen meum novum.* Ad majorem confirmationem, & robur addendum militibus suis dilectis, in praedicta ultima, & maxima persecutione pugnaturis, sequitur in contextu maximorum promissio bonorum, pro condignitate victoriarum a tyranno reportatarum, quarum prima, erit firmitas, & constantia mentis pertinax, qua tanquam columnae stabunt iusti perseverantes in Ecclesia Christi contra omnem tyranni saevitiam, ejusque signa, & artes diabolicas, objicientes morti corpus, & vitam, & sanguinem. *Secunda* erit, confessio veri Dei, qui creavit coelum & terram, & omnia, quae in eis sunt, contra quam confessionem maximopere saeviet Antichristus constituens se Deum Deorum. *Tertia* erit firma fides, & fidelitas in Ecclesia Christi, quam projiciet Antichristus tanquam imposturam, & disperget eam tyrannide sua in quatuor ventos coeli, in desertos montes, & speluncas. *Quarta* denique erit confessio Nominis Jesu Christi, contra quam magnificans se tyrannus in perpetratione falsorum, & arte diabolica factorum miraculorum, Messiam se constituet, quem judaei suscipient juxta verba Christi. Joan. C. 5. *Ego veni in Nomine Patris mei, & non accipitis me; si alius venerit in Nomine suo, illum accipietis.* Huic quadruplici virtuti, & meritorum, & victoriae insigni promittitur quadruplex proemium, & gloria condigna; una habetur ibi: *Et faciam eum columnam*

*lunnam in templo Dei mei, & foras non egredietur amplius.* Columnae ponuntur in palatiis Regum ad sustentandam molem aedificii, & ad gloriam, ornatum, & splendorem domus; ita iusti Dei, qui hic in templo Christi (quod est Ecclesia militans) fuerunt columnae firmitate veritatis, fidei, & iustitiae Jesu Christi, eam propugnando, defendendo, praedicando, & pro ea mortem obeundo, constituentur in templo Dei (quod est Ecclesia triumphans) *columnae*, quia erunt stabiles in aeternum, & erunt in gloria coram omnibus Sanctis Dei, & Angelis ejus, & quia hic fideliter permanferunt in templo Dei, h. e. in Ecclesia Catholica, & non exierunt foras, ad sectas Antichristi, aliorumque haereticorum, deficiendo a vera fide; ibi etiam non egredientur foras amplius in aeternum, sed erunt immortales, impecabiles, stabiles, & securi in aeternum ab omni persecutione, dolore, lacrymis, morte, fame, siti, reliquisque tam corporis, quam animae miseriis. *Secunda* habetur ibi: *Et scribam super eum nomen Dei mei.* Quia similes ei erunt 1 Joan. Cap. 3. v. 3. Unde etiam Dii vocabuntur: Sic habetur enim Psalm 81. *Ego dixi: Dii estis, & filii: excelsi omnes.* *Tertia* exprimitur his: *Et nomen civitatis Dei mei novae Jerusalem, quae descendit de coelo a Deo meo:* h. e. erunt templum Dei, in quo dignabitur Rex Regum, & Dominus Dominantium habitare, & possidere illud, mediante visione beatifica in aeternum, *Quarta* denique: *Et nomen meum,* h. e. honorabit illos nomine suo, nam Filii Dei vocabuntur. 1 Joan. Cap. 3. v. 1.

## §. III.

*De septimo & ultimo Ecclesiae statu, qui erit  
status Desolationis, incipiens a Nativitate Anti-  
christi, & perdurans usque ad finem mundi.*

Cap. III. v. 14—22.

Verf. 14.

I. *Et Angelo Laodiciae Ecclesiae scribe: haec dicit:  
Amen. Testis fidelis & verus, qui est principium  
creaturae Dei.* Septimus, & ultimus Ecclesiae status  
incipiet a nativitate Antichristi, & durabit usque ad  
finem mundi. Erit hic status desolationis, in quo fiet  
discessio a fide totalis Luc. Cap. 18. Verum tamen Filius  
hominis veniens, putas, inveniet fidem in terra? In  
hoc statu complebitur abominatio desolationis descripta  
Math. Cap. 24. & Dan. Cap. 11 & 12. Et consum-  
mabitur saeculum & verbum voluntatis Dei. Unde  
huic statui congruit septima dies creationis mundi, quo  
complevit Deus opus suum, quod fecerat, & requievit  
die septimo, ab universo opere, quod patrarat. Gen.  
Cap. 2. Sic in septimo statu Ecclesiae Deus complebit  
opus suum spirituale, quod per filium suum Jesum  
facere decrevit. Et requiescet deinceps cum omnibus  
sanctis suis in aeternum. Eidem statui convenit septimus  
spiritus Domini, scil. spiritus scientiae; in tempore  
enim illo clare sciatur, postquam percussus est, & de-  
trusus fuerit Antichristus in infernum, Christum Jesum  
venisse in carne: Et tunc reliqui Judaeorum poeniten-  
tiam agent. Item, quia tunc multiplex erit scientia super  
terram: Dan. Cap. 12. Quando apparebit signum Filii  
hominis in coelo, & videbit eum omnis oculus. Si-  
militer ei convenit septima mundi aetas; nam sicut illa  
est ultima, in qua consummabitur saeculum; ita hic est  
ultimus status Ecclesiae. Typus quoque hujus est  
Ecclesia Laodicia, quae interpretatur vomitus, & talis  
erit ultimus status, in quo, donec adolescat Antichristus refri-

refrigescet charitas, & fiet discessio a fide, & perturbantur omnia regna, & se mutuo lacerabunt, & erunt homines se ipsos amantes, acediosi, tepidi, pastores vero, Praelati, & Principes erunt desipientes, arbores autumnales sine foliis, & fructibus bonorum operum, sidera errantia, nubes sine aqua &c. Et tunc Christus incipiet Ecclesiam suam evomere ex ore suo, & permittet solvi satanam ubique, & intrare filium perditionis in regnum.

II. *Haec dicit: Amen. Testis fidelis, & verus, qui est principium creaturae Dei.* His verbis continentur quaedam attributa, quae tanquam insignia Christi more solito hic praemittuntur. *Haec dicit: Amen. Amen* Proverbium Haebraicum est, & significat idem, quod vere, & attribuitur Christo propter divinitatem per se, & essentialiter, quia est prima veritas. Unde Joan. 14 Cap. dicitur: *Ego sum via, veritas, & vita.* Nulli puro homini potest competere, hoc attributum, quia omnis homo mendax, solus Deus verax. *Testis fidelis & verus*, paternae Majestatis, & gloriae, cui testimonium perhibuit usque ad mortem in fidelitate, & veritate perfectissima, & divina, tanquam filius ejus. *Qui est principium creaturae Dei*, quia omnia per ipsum facta sunt, & sine ipso factum est nihil. Joan. Cap. 1. Haec attributa, & insignia divina hic praemittuntur ad confirmandos animos servorum suorum in veritate Evangelii Christi, contra falsam impietatem Antichristi, qui magnificans se super Dominum Deum coeli & terrae, blasphemabit crudeliter, Jesum Christum non esse Deum, neque venisse eum in carne, neque testimonium, neque Evangelium ejus esse verum &c.

Verf. 15. *Scio opera tua*; consueto loquendi modo hujus status opera vituperat, ut patet ex sequentibus, *quia neque frigidus es, neque calidus, h. e.* Neque habes timorem Dei, neque fervorem charitatis, quorum

quorum impulsu justitiam, & veritatem sectareris, metaphorice haec duo per frigidum, & calidum significantur. Et quoniam in novissimis diebus abundabit iniquitas, refrigescet charitas multorum. Math. 24 Cap. 12 v. Merito dicitur de hoc statu Ecclesiae, quod neque frigidus, neque calidus sit; *Utinam frigidus esset, aut calidus*, est optativus, quo Christus Dominus effecta paterno plangit hunc Ecclesiae statum, sicut solet plangere Pater, & Mater filium vel filiam suam, & sponsus sponsam, quam diligebat.

Verf. 16. *Sed quia tepidus es*, h. e. languescis, & deficiis in fide, spe, & charitate, & consequenter in operibus justitiae, & observatione mandatorum meorum, *incipiam te evomere ex ore meo*. Quod ore projicitur, abominabile, aut ingratum solet esse homini; ejusmodi est maxime aqua tepida, cui per metaphoram pulchre comparatur Christianus languidus in fide spe, & charitate, & qui praeter nomen nihil de Christiano retinet; ideo subdit: *Incipiam te evomere ex ore meo*, h. e. incipiam te paulatim projicere a me, deferere, & relinquere, & labi in haereses. *Incipiam te evomere ex ore meo* h. e. te conculcari a gentibus, & ab Antichristo, permittam, sicut sputum & aqua tepida projecta ex ore solet conculcari pedibus. Populus Christianus est in ore Christi per fidem in verbo ejus, & Evangelio, quem evomit, quando permittit ob insipientiam abominationum suarum cadere in haereses, & defectionem a vera fide, Id incipiet facere circa finem sexti status, & in statu septimo continuabit, quando enim refrigescet charitas, & abundabit iniquitas, fiet discessio a fide totalis.

Verf. 17. *Quia dicis: quod dives sum, & locupletatus, & nullius egeo: & nescis, quia tu es miser, & miserabilis, & coecus, & pauper, & nudus.*

Verf. 18. *Suadeo tibi emere a me aurum ignitum, probatum, ut locuples fias, & vestimentis albis induaris, & non appareat confusio nuditatis tuae, & collyrio*



*Iryo inunge oculos tuos, ut videas.* Revelat hic per modum paternae correptionis hujus status vitia, & defectus, contra quae simul consilium salutare, & remedium suggerit opportunum. Primum vitium est perversa quaedam praesumptio spiritus, & sapientia propria, qua homines in diebus illis excoecati non agnoscent peccata sua, & errores, sed callum obducentes in sceleribus, & voluptatibus, & erroribus suis justificabunt semetipsos, sanam doctrinam non recipientes. Quo sensu hic loquitur Christus: *Quia dicis*, te false jactando, & male praesumendo, *quod dives sum*, h. e. dotatus perfectis, & magnificis scientiis, justitia & veritate, *& locupletatus*, h. e. exercitio & praxi omnium artium, & experientiarum, qualiter nullum fuit saeculum; *& nullius ego*, h. e. non habeo opus doceri ab aliis. Hunc perversum spiritum Satanae habent etiam nostri temporis pseudopolitici, falsi christiani, qui contempta omni vera scientia, & doctrina sana, & spreis animarum rectoribus in omnibus se justificant, sequentes proprii amoris, & suae nequitiae voluntatem in interitum. Unde sequitur, *& nescis* h. e. non agnoscis, quia tu es miser. Miser es ob coecitatem, & carentiam gratiae, & veri luminis, & consequenter miser etiam ob inimicitiam Dei, qua major non potest excogitari miseria, sed hoc ipso miserior es, *quia nescis*, sive non agnoscis miseriam tuam, in qua versaris, & non vis, ut Ego tibi, vel quisquam remedeatur; & *miserabilis* per reatum poenae, quae ex his omnibus consequetur. *Et pauper*, bonis spiritualibus meritum, quae cum inimicitia Dei non possunt consistere. *Et coecus*; quia non vides, & non agnoscis tuos defectus, vitia, paupertatem, & miseriam. *Et nudus*, h. e. virtutibus verae fidei, spei, & charitatis, justitiae, & religionis, spoliatus, quia habitus virtutum sunt indumentum, & vestis animae. *Secundum* vitium erit vana fiducia in divitiis, thesauris, in vasis aureis, in ornamentis, & magnificis aedificiis templorum, & externo rerum spiritualium, &

temporalium splendore, quae cum omnia sine charitate Dei sint, Christo Iesu non placent; sicut nec sacrificia in veteri testamento sine misericordia Domino Deo accepta fuere; & omnia haec cedent in praedam, & conculcationem Antichristo, qui potietur thesauris Ecclesiarum, & regum, & principum, & divitum, & conculcabit omnia sancta, & sacra, incendet templa, aedificia magnifica diruet funditus; & faciet in his omnibus desolationem, & abominationem maximam, qualis nunquam fuit, & tandem igni consumet omnia, & in favillam rediget. Unde sequitur salutare Christi consilium, & suavis admonitio: *suadeo tibi*, utpote jam in agone pugnanti, *emere a me*, pro his omnibus *aurum ignitum* charitatis, & sapientiae coelestis per opera misericordiae, & eleemosynarum in pauperes & sanctos usus. *Probatum* quod tyrannus non poterit auferre, necquisquam adulterare. Hoc fecit S. Laurentius, & alii Sancti Dei, & Martyres; quando enim videbant instare agonem mortis suae, & horam tentationis, omnes thesauros Ecclesiae distribuebant in pauperes, & emerunt sibi aurum probatum flamma charitatis, quae ardentes, sustinuerunt cum gaudio ardentes rogos, & poenas saevientium Tyrannorum; sic oportet facere servos Dei, maxime in diebus illis calamitatis, postquam nulla tempora erunt, neque necessitas, aut ullus usus auri, argenti, vasorum, thesaurorum, ad quod hoc loco Christus Dominus eos, paterne adhortatur: *ut locuples fias*, thesaurizando tibi per haec omnia caduca, & statim peritura thesaurum in coelis, quem nemo a te auferre potest, & poterit in aeternum. *Et vestimentis albis induaris*, virtutum, & donorum Dei, quae charitatis, & misericordiae opera consequentur; *U non appareat confusio nuditatis tuae* h. e. operias his peccata tua, quae nuditas animae sunt, charitas enim operit multitudinem peccatorum. *Et collyrio inunge oculos tuos*. Collyrium est medicina oculorum, oculi animae sunt memoria, & intellectus, hi obtusi & coeci fiunt ex aspectu rerum

rerum praesentium. Collyrium hoc, prout est medicina spiritualis, quibus duo isti oculi sanentur, & conserventur ab hac coecitate, est consideratio novissimorum, & scrutatio S. scripturae, quae militibus Christi in diebus illis maxime erunt necessaria propter tormentorum saevitiem futuram, & propter errores, & deceptiones pseudoprophetarum, & propter scandala, & defectionem totalem a fide Christi. Unde saluberrime hic praemonet, dicens: *Et collyrio inunge oculos tuos*; h. e. applica oculos mentis tuae, & memorare semper in die malo novissima tua futura, & scrutare scripturas, ut videas praesentium vanitatem, futurorum bonorum soliditatem, Tyranni blandientis & promittentis nequitiam, & signorum, prodigiorumque tunc futurorum fallaciam.

Verf. 19. *Ego, quos amo, arguo*: h. e. tanquam Pater filios suos dilectos corripio, admoneo, & informo de defectibus suis emendandis, & periculis fugiendis. *Et castigo*, permittendo contra eos in hac vita adversa, tribulationes, persecutiones, & potestatem impiorum hominum. Hinc Psalmista ait. Imposuisti homines super capita nostra, transivimus per ignem, & aquam, & eduxisti nos in refrigerium Psal. 65.

III. *Aemulare ergo, & poenitentiam age*. Duo proponit in his verbis Christus militibus suis, in ultima tribulatione victuris, sectanda vestigia, scil. exemplum, & poenitentiam. *Aemulare ergo* h. e. imitare bonos, & fortes, & sapientes milites meos, qui sub Diocletiano & praecedentibus Tyrannis in simili persecutione vicerunt. *Et poenitentiam age* de peccatis perpetratis, & poenitentiam age, seu resurge de lapsu tuo cito, sicut fecit S. Marcellinus Papa, qui metu mortis, & tormentorum Diis sacrificarat.

Verf. 20. *Ecce sto ad ostium, & pulso: Si quis audierit vocem meam, & aperuerit mihi januam, intrabo ad illum, & coenabo cum illo, & ipse mecum.* Haec verba continent adventum, & coenam agni, ad quam ipsemet invitat, dicens: *Ecce sto ad ostium, & pulso.* Stare dicitur Christus ad ostium Ecclesiae suae, quando proxime est venturus ad iudicium, & renovationem mundi. Pulsabit vero, quando homines impleri videbunt signa, & tribulationem, quam ipse praedixit Math. Cap. 24. Ubi addit: *ab arbore autem scii discite &c.* ita, & vos, cum videbitis haec omnia, scitote, quia prope est in januis. *Siquis audierit vocem meam, & aperuerit mihi januam.* In diebus illis erunt duae voces, una Christi vera, altera falsa & impia Antichristi, & asseclarum ejus, qua Messias esse iactabitur. Contra hanc vocem praemonet Christus Math. Cap. 24. Dicens: Tunc, si quis vobis dixerit: Ecce hic est Christus, aut illic, nolite credere. Altera vox erit Christi vox, quae continetur in sacra scriptura, quod ille sit verus Messias, & Filius Dei. Haec vox personabit ex ore Enoch, & Eliae, & aliorum servorum Dei, qui tunc resistent Antichristo, & praedicabunt verum Messiam Jesum Christum, Deum & hominem, jam venisse in carne &c. Unde signanter dicitur: *Si quis audierit vocem meam, & aperuerit mihi januam,* cordis sui per fidem in me, intrabo ad illum per gratiam consolationis in omnibus tormentis, & adversis. *Et coenabo eum illo, & ipse mecum.* Coena corporalis est refectio hominis ante somnum, coena spiritualis est confortatio animae ante mortem. Et hoc sensu dicitur: *& coenabo cum illo* h. e. recreabo illum, & confortabo illum in morte per gratiam perseverantiae, *& ipse mecum* h. e. perseverabit in omnibus tormentis usque ad mortem.

Verf. 21. *Qui vicerit mundum, carnem diabolum & mortem, Dabo ei sedere in throno meo, sicut &*

*ego vici, & sed cum Patre meo in throno ejus.* Promittitur his verbis Christi militibus, qui in ultimo agone hujus saeculi vicerint, potestas, & dignitas judicandi vivos & mortuos, quemadmodum Apostolis Christus promisit Math. C. 19. *Amen dico vobis, quod vos, qui secuti estis me, in regeneratione, cum sederit Filius Hominis in sede Majestatis suae, sedebitis & vos super sedes duodecim, judicantes duodecim tribus Israel.* Sic etiam hic servis suis ob arduam victoriam, quam facient in summa persecutione, & tribulatione, promittit summam dignitatem in coelis, quae est potestas judicaria, & per sedere in Throno significatur.

*Qui habet aurem, audiat, quid spiritus dicat Ecclesiis.* Hoc saepius jam explanatum itaque.

*Finis Libri Hujus primi.*





## LIBER SECUNDUS

IN APOCALYPSIS CAPUT IV &amp; V.

*De Natura Ecclesiae, ac Regni Christi & de  
Libro Secretorum Dei, circa eaque S. Joanni  
hic ostenduntur.*

## Sectio I.

IN CAPUT QUARTUM.

*De Natura Hierarchica Ecclesiae militantis.*

Vers. 1.

*Post haec vidi: & ecce ostium apertum in coelo: & vox prima, quam audiui, tanquam tubae loquentis mecum, dicens: Ascende huc, & ostendam tibi, quae oportet fieri post haec.*

## §. I.

*De quibusdam praenotandis, quae ad intelligenda duo sequentia Capita & aliorum scitu necessaria sunt.*

I. Antequam ulteriorem Apocalypsis interpretationem aggrediamur, sciendum est *primo*; quod coelum aliquando sumatur pro Ecclesia militante, aliquando pro triumphante, promiscue pro utraque in diversis locis accipitur, quod colligendum ex objecto, & materia eorum, quae describuntur. *2do* Ecclesia militans super terram est imago, & figura triumphantis in coelo: Unde S. Joannes unam describit per alteram, v. g. militans regnum Christi super terram per regnum triumphans, quod fuit ostensum ipsi in coelo per unam sedem, & sedentem in throno per quatuor animalia, & viginti quatuor

quatuor seniores, qui sedebant, & cadebant ante thronum, & adorabant viventem in saecula saeculorum. Haec enim omnia sunt, & sunt suo modo in regno illius militante. 3<sup>to</sup> Sicut per septenarium numerum universitas Ecclesiarum, Sigillorum, Angelorum, tubarum, plagarum Spirituum &c. quae diversis temporibus in regno Christi militante ad consummationem divinae voluntatis, cursum suum in bono, vel malo implebunt, ita per quatuor animalia universitas Doctorum, Praedicatorum, & Primatum, per viginti quatuor seniores universitas Episcoporum, Archiepiscoporum, aliorumque Praelatorum, per viginti quatuor sedilia universitas sedium Episcopaliū, & Archiepiscopaliū designantur, super quas sub uno capite visibili in throno, h. e. in prima, & Apostolica sede, sederunt, sedent, & sedebunt, diffusi per orbem terrarum, usque ad consummationem saeculi. 4<sup>to</sup> Tametsi plures scripserint Evangelium Christi, ab Ecclesia tamen tantum quatuor recepti, qui per quatuor animalia designantur. Ezech. C. 1. Apoc. C. 4. Qui etiam comparantur quatuor fabris. Zach. C. 1. Quatuor quadrigis, Zach. 6. Quatuor mensis. Ezech. Cap. 40. Et eorum figura fuerunt Moyses & Aaron Nadab, & Abiu. Exod. Cap. 24. quos iussit Deus cum septuaginta senioribus ascendere ad montem. Ratio hujus quaternarii numeri sumitur a quatuor partibus mundi, in quibus Evangelium erat praedicandum. Hi quatuor Evangelistae unanimi sensu tradiderunt nobis veram Christi doctrinam, cui se in fide & praedicatione tota Ecclesia debet conformare, & semper conformavit. Unde, etsi jam sint in regno Christi triumphante, tamen in regno ejus militante moraliter & auctoritative censentur existere, veluti summi Doctores, Archicancellarii, & principes seniorum. 5<sup>to</sup> Ad similitudinem regni coelestis Christus Dominus instituit Regnum super terram perfectissime monarchicum cum mirabili & sapientissima subordinatione. Primo enim posuit unum caput, dein Evangelistas, postea Apostolos, & Doctores &c.

Ad normam primae hujus institutionis in moderna Ecclesia est summus Pontifex caput universorum; deinde Patriarchae, ac Primates, postmodum Archiepiscopi, Episcopi, Praelati, Decani, Parochi &c. per subordinationem. 6to Sensus litteralis non est ille, qui per voces immediate, sed ille, qui per imagines significatur, & latet in proprietate rerum, vel verborum, ex quibus oportet eum eruere, sicut judic. Cap. 9. dicitur: quod ligna dixerint ad Rhamnum arborem: Veni, & impera nobis. Sensus literalis non est de arboribus, vel lignis, sed de viris Sichem, per arborem & ligna significatis, qui fecerunt super se Abimelech Regem. 7mo Et si revelationes, & visiones secretorum Dei S. Joanni factae sint ad quamcunque differentiam temporis praeteriti, praesentis, & futuri, habent tamen existentiam intellectualem simul in mente illius diei, quo factae sunt a Deo, unde fit, ut eas tanquam existentes ponat; idem de rebus & personis sentiendum est. 8vo Omnes illi promiscue appellantur in hac Apocalypsi angeli, sive homines, sive spiritus, sive boni, sive mali sint, qui a Deo mittuntur, vel permittuntur. 9no In hac Apocalypsi non est semper attendendus ordo rei gestae, sed ordo visionis, ac descriptionis; illa enim, quae sunt prius facta, frequenter sunt posterius ostensa Prophetis, & scripta, ut patet ex scriptura V. & N. Testamenti. 10mo In hoc ipso libro per thronum promiscue intelligitur omnis sedes; & potestas saecularis, & spiritualis, temporalis, & aeterna; unde aliquando sumitur in progressu pro sede temporaria, aliquando pro pontificia Ecclesiae militantis in terris, & pro majestativa, & Ecclesiae triumphantis in coelis. 11mo Sub una alicujus mysterii descriptione aliquando plura diversis temporibus futura comprehenduntur; unde res una, aut verba eadem habent plures sensus literales, aliquando acque principales, & alios minus principales, quos omnes simplicissima Dei scientia, utpote rerum omnium perfectissime comprehensiva, S. Joanni in scriptione hujus

Apoca-



Apocalypsis simul revelavit, & ostendit, quomodo sub eodem passu res & personas diversis temporibus futuras comprehenderet, quae vel essent similia perpetraturae pro vel contra Ecclesiam Christi, vel prout una, eademque res in se; vel per se habet suam significationem, & alterius est figura. Sic Daniel, & alii Prophetæ multa prophetarunt de Synagoga, quae ad literam dicta sunt de Christi Ecclesia.

## §. II.

*De Natura Ecclesiae Christi, quae S. Joanni hic ostenditur, & revelatur.*

Cap. IV. v. 1 — 11.

I. Postquam S. Joannes ex divina Revelatione septem Ecclesiae status, usque ad consummationem saeculi futuros, generaliter descripsit, & unicuique sufficientem suam, & salutarem valde, ac necessariam instructionem dederat, in hoc quarto Capite S. Joannes quasi ad interiora Domus Dei, ac Regni Christi, quod est Ecclesia, introducitur, ubi ostenduntur illi ejus natura, regimen, & constitutio intrinseca. Deinde mirabilia, & secreta Dei in particulari, quae circa Ecclesiam suam usque ad consummationem saeculi ab aeterno fieri Deus statuit, & in divino voluntatis suae decreto habuit, ipsi similiter ostenduntur ad similitudinem aliquam, qua Rex intimum amicum suum ad aulam admittens, aperit ei ostia cubiculi, in quo mirabilia pretiosa, & arcana totius regni asservantur, unde sequitur.

*Verf. 1. Post haec vidi: & ecce ostium apertum in coelo. Coelum hic sumitur pro regno, & Ecclesia militante Christi, cujus ostium, h. e. secretum divinae voluntatis circa eam, hic S. Joanni dicitur fuisse apertum, h. e. manifestatum, & ostensum. Et vox prima, quam audiivi tanquam tubae loquentis mecum dicens: sequitur in his verbis gravitas invitantis ad percipienda*

Dei secreta, scil. Archangeli Michaelis, qui loquebatur de coelo h. e. de Ecclesia, cujus cura ei commissâ est. *Ascende huc*, nempe spiritu, & ostendam tibi, quae oportet fieri post haec. Jubetur ascendere ob altitudinem mysteriorum, & secretorum Dei, quae ipsi promittit se ostendere in Ecclesia Christi, usque ad finem mundi eventura.

Verf. 2. *Et statim fui in spiritu ibi. Et Ecce sedes posita est in coelo.* Sedes, est sedes Apostolica, monarchica, & potestas, & jurisdictio Ecclesiastica, quam posuit in coelo, h. e. in Ecclesia sua Christus, quando Regnum suum, & Ecclesiam suam instituit Math. 16. Et ego dico tibi, quia tu es Petrus, & super hanc petram aedificabo Ecclesiam meam, & tibi dabo claves regni coelorum, & quodcunque solveris super terram, erit solutum & in coelo, v. 18 & 19. *Et supra sedem sedens*, 1mo Hic sedens est visibile caput Ecclesiae, quod sedere dicit supra sedem, gubernando Ecclesiam Dei. Supra hanc sedem primus fuit sedens S. Petrus, post quem semper unus sedit usque huc, & semper sedebit unus usque ad finem mundi, quia portae inferni non praevalerunt adversus eam. 2do Idem sedens est etiam invisibile caput Ecclesiae ejus, & regni JESUS Christus, prout continua sua assistentia & gratia influit in corpus suum mysticum, quod est Ecclesia. Math. Cap. ultimo. *Ecce ego vobiscum sum usque ad consummationem saeculi.* Item: Non reliquam vos orphanos. Joan. Cap. 14. Sedet enim Christus supra sedem in regno suo, quod est potestas, & auctoritas Divina, in qua humanitas sedens gubernat, & regit Ecclesiam suam. Math. ult. Data est mihi omnis potestas in coelo, & in terra. 3tio Hic sedens est etiam Deus unus, & trinus, prout adoratur, & glorificatur tanquam Dominus universonum in Ecclesia catholica per Filium suum JESUM, quem constituit haeredem universonum.

Verf.

Verf. 3. *Et qui sedebat, similis erat aspectui lapidis lapidis & Sardinis: & iris erat in circuitu sedis, similis visioni smaragdinae.* Jaspis est viridis coloris, confortativus oculorum, sardis est rubri coloris, significans metaphorice incendium charitatis. Horum duorum lapidum aspectui similis esse dicitur is, qui sedebat supra sedem per veritatem & charitatem Dei, in quibus semper usque ad consummationem Ecclesiam Catholicam confortabit, accendet, & conservabit per doctrinam infallibilem fidei, doctrinam sanctam, praecepta sancta & sanctam Charitatem Dei, & proximi, quod quidem fit, dum caput visibile ex Cathedra S. Petri definit, & declarat veritatem fidei, ac sanctas leges statuit, & decernit, quae fundantur in charitate Dei & proximi. Caput vero invisibile Christus, Deusque trinus & unus, mentes fidelium ad hoc illuminant, & gratia devotionis accendunt, quia est pactum inter Deum & Ecclesiam in hoc Math. ult. *Ego vobiscum sum &c.* Unde statim sequitur: *Et iris erat in circuitu sedis similis visioni Smaragdinae.* Per iridem significatur foedus Christi cum Ecclesia sua, sicut Genesis C. 9. fuit positum signum inter coelum, & terram, & hoc erat typus & figura hujus moderni foederis spiritualis, dicitur haec iris esse in circuitu sedis, quia tale pactum inter Christum suamque Ecclesiam manifestum erit unicuique, qui voluerit cognoscere, dum viderit, & audierit eam semper stetit inter tot haereses, & adversa incontaminatam, & inconcussam in veritate & charitate, quod signum manifestum est solum Ecclesiam Romanam, & orthodoxam veram esse sponsam Christi, quam foedere sempiterno subarravit per anulum Sanctum charitatis, & veritatis. Dicitur *similis visione Smaragdinae*, quia sicut color smaragdi viridis superat omnes colores virides; ita veritas fidei & pacti spiritualis Christi cum Ecclesia omnem superat veritatem, & pactum naturale, & sicut color ejus est oculis jucundissimus in luce tamen obscurus: ita veritas hujus foederis est jucundis-

eundissima oculis sapientium, & intelligentium, obscura tamen cordibus carnalibus propter aduersa, & calamitates, quas Deus contra Ecclesiam suam permittit.

Verf. 4. *Et in circuitu sedis sedilia viginti quatuor: & super thronos viginti quatuor seniores sedentes circumamicti vestimentis albis, & in capitibus eorum coronae aureae.* Post descriptionem Capituli sequitur descriptio corporis, quod per viginti quatuor seniores significatur. Viginti quatuor sedilia sunt universae sedes Archiepiscopales, & Episcopales, & viginti quatuor seniores sunt Archiepiscopi, Episcopi, & Doctores, qui dicuntur sedere super thronos, quando in Concilio generali legitime congregato coadunantur suo capiti, fulgentes aureis coronis, h. e. speciali dignitate, auctoritate, & Majestate Apostolicae potestatis. Item intelliguntur hic per viginti quatuor seniores, duodecim Prophetæ V; & duodecim Apostoli N. Testamenti, qui dicuntur sedere super thronos propter summam auctoritatem, quam habet in Ecclesia Catholica eorum doctrina & vita; ad quae duo in definiendis rebus fidei, & morum in conciliis generalibus maxime respicitur; unde, etsi sublati sint ex hoc mundo, refulgent tamen adhuc sua auctoritate Apostolica & divina. Et quamvis plures fuerint Doctores huiusmodi, quorum autoritas magna est in Ecclesia Dei, ponuntur tamen hi viginti quatuor pro universitate tota Doctorum: Saepius enim in S. scriptura numerus determinatus pro indeterminato ponitur. *Circumamicti vestimentis albis &c.* Per vestimentum album designatur coelibatus, & castitas sacerdotalis; quia est ornatus, & proprium indumentum, quo resplendent, & dignoscuntur sacerdotes, & Principes Ecclesiarum a potestatibus saecularibus. *Et in capitibus eorum coronae aureae.* Verba haec designant dignitatem & potestatem ecclesiasticam, apostolicam, & sacerdotalem, quia sunt principes Ecclesiarum & regnant super terram. Sic de Aaron Eccli. Cap. 45. dicitur: Co-  
rona

rona aurea supra mitram ejus expressa signo sanctitatis & gloria honoris. Item habent coronas aureas in capitibus suis, nempe sapientiae, scientiae, aetatis, ac maturitatis, quibus Christus Dominus Ecclesiae suae Principes, & Doctores dotavit, & ornavit.

II. Vers. 5, *Et de throno procedebant fulgura, & voces, & tonitrua.* Per *fulgura* hic intelliguntur coruscationes miraculorum, quae terrent, & illuminant. Deinde sunt denuntiatio procmiorum pro operibus justitiae, & comminatio suppliciorum, atque anathemata pro malis. Item sunt interminationes excommunicationum, & poenarum ecclesiasticarum. Voces sunt definitiones articulorum fidei, & praecepta ecclesiastica, ad morum sanctitatem inducendam. *Tonitrua* autem sunt excommunicationes, & poenae Ecclesiasticae, quae ipso facto tangunt haereticos, & rebelles, qui comminationes, & definitiones Ecclesiae Christi non audiunt, sed contemnunt. Et haec omnia *procedunt de throno* h. e. de sede Apostolica, quae est iudex controversiarum fidei, & legislatrix rectorum sanctorumque morum. *Et septem lampades ardentes ante thronum, qui sunt septem Spiritus Dei.* Denotatur in his assistentia Spiritus, qui gubernat, & regit Ecclesiam Catholicam omni tempore, ut in adversis, & arduis non deficiat, sacram scripturam recte intelligat, & interpretetur. In malis consilio utatur, & vincat, ut in rebus fidei errare non possit.

Vers. 6. *Et in conspectu sedis tanquam mare vitreum simile crystalllo.* Mare vitreum est baptismus, in quo omnes animae accipiunt vitam spiritualem, vegetantur; vivuntque, moventur, & sunt. Dicitur *simile crystalllo*, tum propter candorem puritatis, & sanctitatis, quem inde accipiunt, tum, quia non est mobile & fluidum, sed imprimit characterem indelebilem, propter quod est irreiterabile. *Et in medio sedis, & in circuitu sedis quatuor animalia plena oculis ante, &*  
*retro.*

*retro.* Per quatuor animalia designantur quatuor quasi Archicancellarii regni Christi, qui post caput Ecclesiae primas obtinuerunt. Sunt autem quatuor Evangelistae cum quatuor suis Evangeliiis, quae sunt in *medio sedis*, & in *circuitu sedis* h. e. diffusa & currentia per praedicatorum in toto mundo, quia in omnem terram exivit sonus eorum, & in fines orbis terrae verba eorum. Item dicuntur esse in *medio sedis*, quia Ecclesia diffusa per totum orbem fundatur in quatuor eorum Evangeliiis, scilicet in doctrina Evangelica. Dicuntur vero *plena oculis ante*, & *retro* propter perspicuitatem doctrinae & veritatis tum N. tum V. testamenti, quam continent. Oculi ante, sunt scientia & intellectus supernaturalis, quibus perspexerunt in errores Synagogae, quos correxerunt retinentes necessaria ad salutem. *Oculi retro sunt* eadem sapientia & intellectus supernaturalis, quibus radios Doctrinae suae miserunt usque in tempora novissima, & pro salute gentium legem Evangelicam saluberrime ex ore Christi conscripserunt per Spiritum S. sibi assistentem.

Verf. 7. *Et animal primum simile Leoni, & secundum animal simile vitulo, & tertium animal habens faciem quasi hominis, & quartum animal simile Aquilae volanti.* Comparantur primo quatuor Evangelistae quatuor animalibus, quia describunt Domini nativitatem, praedicationem, passionem, & resurrectionem. Christus in nativitate homo; in praedicatione Leo; in passione Vitulus; in Ascensione Aquila fuit. *Primum animal*, per quod S. Marcus describitur, Leoni etiam simile esse dicitur, quia exorditur Evangelium suum in praedicatione S. Joannis, qui fuit instar rugitus Leonis ob admirabilem suam efficaciam, ut habetur Marci Cap. 1. Et egrediebatur ad eum omnis Judaeae regio &c. Per *secundum animal* describitur S. Lucas, & comparatur Vitulo, eoquod Evangelium suum ordiatur a sacerdotio, in quo vitulus, ac omne primogenitum erat sacrificium Domino. *Tertium animal* typus est

est S. Mathaei; hoc dicitur habere faciem quasi hominis, quia Evangelii sui principium sumit a generatione Christi ex semine David, *Quartum* animal, quod S. Joannem exhibet sub velamine, assimulatur Aquilae propter sublimitatem sui Evangelii, qua transcendit coelum, & terram, omnemque generationem humanam, & naturalem, & volavit usque ad aeternam generationem Patris, dicens: In principio erat Verbum &c.

Verf. 8. *Et quatuor animalia singula eorum habebant alas senas: Prima ala est lex naturalis; secunda lex Mosaica, tertia oracula Prophetarum; quarta Institutiones & Acta Apostolorum, quinta traditiones eorundem; Sexta denique statuta generalia Conciliorum.* Has alas dicuntur habere haec quatuor animalia, quia in his sex fundatur, & completur tota doctrina Evangelica. Item in his alis Ecclesia volat per quatuor orbis partes, & alta petit, & praedicatores accipiunt ab iis totius praedicationis fundamentum. Unde statim subnectitur: *Et in circuitu, & intus plena sunt oculis*, h. e. aspiciunt in perfectam legem, quae ex praedictis sex alis constituitur; & ideo signanter additur. *In circuitu, & intus.* Nam *intus* ad charitatem, & contemplationem Dei; *in circuitu* vero ad charitatem proximi, & vitam activam referuntur, quibus Evangelistae & praedicatores debent excellere. *Et requiem non habebant die, ac nocte, dicentia. Sanctus Sanctus Sanctus Dominus Deus omnipotens, qui erat, qui est, & qui venturus est.* Sequitur munus & officium istorum animalium, quod est orando, & praedicando dare gloriam, & honorem, & benedictionem Domino Deo. *Et requiem non habebant die, ac nocte.* Quia verbum Dei non est alligatum, neque cessabit rugitus leonis, neque mugitus Vituli, neque vox hominis, neque clangor aquilae, h. e. praedicatio Evangelii, & glorificatio nominis Jesu usque ad consummationem Saeculi. *Die ac nocte* scilicet in tempore malo, & hora tenebrarum, quas

quas excitant haeretici, & persecutores Evangelicae veritatis, quam in tempore bonae lucis, quod est tempus pacis, & tranquillitatis Ecclesiae dicentia: h. e. clamantia in praedicatoribus, in sacrificio Missae, & in officiis Divinis diurnis & nocturnis per totum mundum. *Sanctus Sanctus Sanctus Dominus Deus omnipotens, qui erat, & qui est, & qui venturus est.* Ponitur ter *Sanctus* ad significandam Trinitatem personarum, & subditur *Dominus Deus omnipotens* ad designandam unitatem essentiae, nam tres personae sunt unus Deus, & Dominus omnipotens, *qui erat, & qui est, & qui venturus est.* Per hoc exprimitur Dei aeternitas, qui fuit ante omnia tempora, & est in omni tempore, & erit post omne tempus in aeterna saecula saeculorum.

III. Vers. 9. *Et cum darent illa animalia gloriam, & honorem, & benedictionem sedenti super thronum, viventi in saecula saeculorum.*

Vers. 10. *Procidebant viginti quatuor seniores ante sedentem in throno &c. Sedens super thronum* intelligitur esse Christus, & Deus trinus, & unus, prout est Monarcha totius universi, & caput invisibile Ecclesiae, regens, & gubernans eam, ut supra dictum, cui se submitunt, intime juncti cum capite invisibili Ecclesiae omnes Doctores, praedicatores, Apostoli, Prophetae, & Principes Ecclesiarum per universam terram. *Et mittebant coronas suas ante thronum;* in signum reverentiae, humilitatis, & subjectionis infimae; tum quia omnis potestas & honor, & gloria, & dignitas, & authoritas Ecclesiastica & Apostolica, Episcoporum, Doctorum, & Praelatorum (quae per coronas aureas significari supra diximus) a throno, sive sede Apostolica derivatur. *Ante thronum* ideo hic dicuntur coronas suas mittere, in recognitionem intimae unitatis & subjectionis, quae in Ecclesia, utpote perfectissime Monarchica reperitur, & esse debet. Tum quia per hanc constituitur Ecclesia, quod habeat a Deo omnem claritatem virtutis,



virtutis, & sapientiae, & gloriae super terram, quae itidem per coronas aureas designatur. Christus enim Iesus, verus Deus, cum tota SS. Trinitate, ut est caput invisibile Ecclesiae, est fons omnis Sapientiae, & virtutis, & potestatis, quam derivat per Spiritum Sanctum in Ecclesiam suam, ideo debetur ipsi a nobis omnis honor, & gloria, & virtus. Hinc ultra:

*Verf. 11. Dignus es Domine Deus noster, accipere gloriam, & honorem & virtutem.* Non quod Deus accipiat aliquid de novo, vel ei aliquid accrescat ex operibus, & laudibus humanis, sed quod homines ex beneficiis ab eo acceptis, teneantur assurgere ad laudandam & glorificandam tantam excellentiam, & bonitatem & sapientiam, & potentiam aeternae Majestatis, quae per sanguinem filii sui Jesu fundavit hoc tam excellens, & gloriosum, & admirabile regnum, & Monarchiam fortissimam Ecclesiae, adversus quam portae inferni non praevalebunt. Ceterum dicuntur viginti quatuor seniores *procidere ante sedentem in throno, & adorare viventem in saecula saeculorum*, cum illa animalia darent gloriam, & honorem, & virtutem, & benedictionem sedenti super thronum &c. quia cognitionem hujus veritatis ex Evangeliiis habent, quae docent unum verum Deum, & unicum filium ejus Jesum Christum adorandum esse. *Quia tu creasti omnia.* 1mo Producendo universum mundum cum omnibus creaturis ex nichilo. 2do Quia fecisti, & ordinasti hoc regnum Ecclesiae super terram ex sapientia tua infinita, & bonitate voluntatis tuae aeternae. *Et propter voluntatem tuam erant, & creata sunt.* His verbis indicatur, quod divinae voluntatis beneplacitum sit finis ultimus omnium creaturarum, omnium regnorum, & totius universi, ad quod deberent primo, & ultimato dirigi tanquam sagitta volans ad suam metam, omnis honor, & gloria, & potestas & imperium, omniaque coetera. *Et propter voluntatem tuam erant.* In dispositione tua & li-

bera bonitatis, & sapientiae tuae voluntate ab aeterno erant, antequam crearentur; sicut domus materialis, antequam sit in effectu, praexistit in dispositione artificis. *Et creata sunt*, h. e. producta & facta in effectu, in tempore, & hoc ex divina, pura, & libera bonitatis, & sapientiae tuae voluntate, & non ex naturae necessitate.

## Sectio II.

### IN CAPUT QUINTUM.

*De Libro Signato Septem Sigillis, & de acclamatione Christo facta ob ejus apertionem.*

Verf. 1.

*Et vidi in dextera sedentis super thronum librum, scriptum intus, & foris, signatum sigillis septem.*

§. I.

*Quid sit liber scriptus intus, & foris, Signatus Sigillis septem?*

Cap. V. v. 1 — 4.

I. Descripta jam natura, & constitutione intrinseca, atque Majestate Ecclesiae Catholicae consequenter jam S. Joanni tanquam intimo secretario regni Christi super terram ostenditur liber secretorum Dei & dispositionis circa Ecclesiam suam usque ad consummationem saeculi futurorum, quae omnia illi aperto libro in particulari per ordinem fuere revelata. Hic enim liber continet abstrusissimam & saluberrimam, valdeque necessariam instructionem sapientis Patris coelestis, quam reliquit omnibus filiis suis dilectis, sicut Rex aut Monarcha aliquis sapiens solet relinquere filio suo ante mortem inter secreta regni sui instructionem circa regnum suum, v. g. quae

quae possint ingruere bella, & qui maxime hostes sint pertimescendi, & quid deinde in ejusmodi casu agendum, quidve cavendum. Sic & longe majori sapientia, ex paterno amore, & cura suorum Electorum nos instruxit, hic ex abyssu ineffabilis suae praescientiae aeternae, ostendendo S. Joanni, tanquam intimo regni Christi secretario, hostes, desolationes, consolationes, & mutabilitates notabiliores, ac potiores, circa Ecclesiam suam usque ad consummationem Ecclesiae futuras. *Et vidi in dextra sedentis librum scriptum intus, & foris, signatum sigillis septem &c.* His verbis tangitur profunditas divinorum secretorum, quae in libro ostenso comprehenduntur. Ille liber est specialis quaedam circa suam Ecclesiam scientia, dispositio, ac mens divina, in qua omnia metaphorice dicuntur esse scripta: Nam sicut litera scripta manet, ita, quae Deus absolute statuit facere, vel permittere, manent fixa, & immutabilia. Hic supponendum ex Theologia; 1mo Quod in Deo ponitur scientia simplicis notitiae & intelligentiae, quae se extendit ad omnia possibilia, nunquam tamen fuerunt, vel erunt. 2do Scientia visionis, quae respicit existentiam pro omni differentia temporis, scil. praeteriti, praesentis, & futuri. 3tio Est inter has media respectu futurorum contingentium sub conditione, & quamvis in descriptione septem statuum Ecclesiae C. 2, & 3. multa ex hac ultima scientia Dei fuerint revelata, tamen, quae hic dicuntur in hoc libro, scripta sunt ex scientia visionis, quia sunt in virtute Dei operativa, & in voluntate divina omnino decreta, ut ipsa in aliquo tempore operetur, aut permittat. Ideo dicitur, quod S. Joannes viderit hunc librum in dextera sedentis super thronum: quippe virtus operativa Dei dicitur metaphorice manus ejus dextera; sicut enim per manum dexteram operamur; ita Deus per voluntatem suam, dicitur enim Ps. 32. Quoniam ipse dixit, & facta sunt, ipse mandavit, & creata sunt. Dominus dissipat consilia gentium, reprobat autem cogitationes populorum, & re-

probat consilia principum; Consilium autem Dei id aeternum manet. Cogitationes cordis ejus in generatione, & generationem. Et Ps. 113. Deus autem in coelo omnia, quaecunque voluit, fecit, & iterum Ps. 148. Quia ipse dixit, & facta sunt; ipse mandavit & creata sunt; statuit ea in aeternum, & in saeculum saeculi, praeceptum posuit, & non praeteribit. *Sedens super thronum.* Hoc iterum sumitur, prout Dominus Deus sedet invisibiliter super sedem Apostolicam, Ecclesiam suam regens, & gubernans, & ab universis Christianis adoratur, & colitur in humanitate Jesu Christi super terram. *Librum scriptum intus, & foris.* Per intus scripta intelliguntur ea, quae obscuriora, & abstrusiora sunt ab humana intelligentia, primumque post revelationem hanc S. Joanni factam per decursum Ecclesiae, & in novissimis diebus sunt futura, & adimplenda. *Per foris scripta* denotantur clariora, & patentiora, & quae ipse S. Joannes explicavit, & etiam, quae jam eo tempore, quo Apocalypsin scripsit, erant impleta, aut brevi implenda, qualia multa sunt, ut infra videbimus. *Signatum Sigillis septem.* Sigillo obsignantur literae, & secretentur, ne ab aliis legantur: item Sigilla apponuntur literis, testamentis, & libris, ut fides adhibeatur. Sic Reges suis edictis, ac diplomatibus apponunt sua Sigilla, ut iis ab omnibus adhibeatur fides. Sigillum Dei est divina voluntas, quae ab origine mundi abscondit, & quasi secretavit in mente sua divina admirabilia, & horribilia opera, & permissiones circa suam Ecclesiam in novissimis diebus futura: & neque ulli Prophetarum, aut Patriarcharum, aut aliorum hominum, imo neque ulli angelorum revelavit usque ad adventum Christi sui, cujus humanitati haec ostendit, & solvit septem signacula ista; unde dicitur inferius, quod nemo dignus fuerit, neque *in coelis*, quoad Angelos, *neque in terra*, quoad viventes, *neque subius terram*, quoad Patres in limbo, *aperire librum, & solvere signacula ejus, neque respicere eum.* Et quamvis dictum sigillum divinum

divinum ad intra in se sit unum simplicissimum, tamen dicitur esse septiplex ad extra, ad diversitatem temporum, & septem statuum Ecclesiae reservatum, & decretum, in quibus mirabilia, & horrenda Dei secreta (circa suam Ecclesiam) Christus solvet, & expediet, in septiformi virtute Spiritus sui Sancti, quem effundet secundum diversitatem temporum, hominum, & statuum Ecclesiae usque ad Consummationem Saeculi in salutem Electorum suorum, in testimonium etiam fidei, & quod haec omnia oporteat fieri, dicitur hic liber esse Signatus septem Sigillis dicto modo.

II. Vers. 2. *Et vidi Angelum fortem, praedicantem voce magna: Quis est dignus aperire librum, & solvere signacula ejus?* Hic consequenter describitur difficultas, & arduitas aperiendi, solvendi, & expediendi dicta mirabilia Dei secreta, & horrenda circa suam Ecclesiam. Iste fortis Angelus est Gabriel, qui interpretatur fortitudo Dei, & est specialis Dei nuntius, & legatus circa regnum Christi, quo officio etiam functus est in incarnatione Christi Luc. 1.

Vers. 3. *Et nemo poterat neque in coelo, quoad Angelos, neque in terra, quoad viventes, neque subtus terram, quoad Patriarchas, Prophetas, ac Patres in limbo, aperire librum, neque respicere illum.* Expeditio enim illa circa Ecclesiam ac Regnum Christi fuit tam obstrusa, ardua, alta, & difficilis, ut nullae virtutes naturales; ac potestates & principatus, & sapientia & intelligentia hominum, & Angelorum potuerit comprehendere, & expedire, aut in opus redigere; sed requirebatur divina persona, sapientia, & virtus. Unde Archangelus Gabriel Luc. C. 1. praedicat, dicens: Ecce consepies, & paries Filium, & vocabis. Nomen ejus Jesum; hic erit magnus, & Filius altissimi vocabitur, & dabit illi Dominus Deus sedem David Patris ejus, & regnabit in Domo Jacob in aeternum, & regni ejus non erit finis &c. Unde & Theologi in Tractatu de Incarnacione

natione docent, negotium circa redemptionem generis humani nulli puro homini, aut Angelo potuisse committi: *Ratio* est, 1<sup>mo</sup> quia nullus purus homo, aut Angelus satisfacere potuisset condigne divinae justitiae. 2<sup>do</sup> Nullus hominum, quantumvis sanctus, neque Angelus potuisset se conformare divinae voluntati, neque eam agnoscere ex tam immanibus tribulationibus, & malis, quibus Ecclesia fuit afflicta, & natavit in Sanguine innumerorum Martyrum ad 300 annos. Deinde exagitata per tot fuit haereses, & in novissimis diebus adhuc mirabilius affligetur; quae omnia nullus hominum, neque Angelorum coepisset, nisi Jesus Christus praecessisset nobis exemplo sancto suae passionis, & haec nos, tum in Evangelio, tum etiam in hac Apocalypsi, edocuisset; homines enim, quantumvis Sancti non capiunt verbum hoc: 3<sup>tio</sup> Potentia, & astutia hujus mundi fuit tam malitiosa, ut sine omnipotente virtute Dei Filii regnum praesentis Ecclesiae militantis finem, & expeditionem suam assequi viribus humanis nunquam valuisset,

Verf. 4. *Et ego flebam multum quoniam nemo dignus inventus est, aperire librum, neque videre illum.* Per fletum hic exprimitur desiderium, & sollicitudo S. Joannis, in persona totius generis humani, circa decursum admirabilem, & ultra omnes vires humanas arduum Ecclesiae, & salvationis Electorum. Unde subditur: *Quoniam nemo dignus inventus est aperire librum,* hoc est expedire, nec videre h. e. cognoscere Dei voluntatem.

## §. II.

De acclamatione Christo facta ob apertionem  
libri Signati.

Cap. V. v. 5 — 14.

Vers. 5.

**I.** Et unus de senioribus dixit mihi: *Ne flevitis, ecce vicit Leo de tribu Juda, Radix David, aperire librum, & septem Signacula ejus.* Hic sequitur consolatio nostra in omni tribulatione. Ille unus de senioribus est S. Petrus primus inter Apostolos: sicut dicitur Genes. C. 1. Et factum est vespere, & mane dies unus, h. e. primus. *Vicit Leo de tribu Juda.* Leo iste de tribu Juda est Christus, secundum carnem ex semine David, in quo impleta est prophetia Jacob Gen. Cap. 49. *Juda! Te laudabunt fratres tui, manus tua in cervicibus inimicorum tuorum, adorabunt te filii patris tui, catulus Leonis Juda: ad praedam, fili mi! ascendisti: requiescens accubuisti, ut Leo, & quasi leaena, quis suscitabit illum? Non auferetur sceptrum de Juda, & Dux de femore ejus, donec veniat, qui mittendus est, & ipse erit expectatio gentium, ligans ad vineam pullum suum, & ad vitem, o fili mi! asinam suam. Lavabit in vino stolam suam; & in sanguine uvae pallium suum; pulchriores sunt oculi ejus vino, & dentes ejus lacte candidiores, Radix David, h. e. Christus secundum carnem ex semine David, de quo Isaias prophetavit C. 11. Et egredietur virga de radice Jesse, & flos de radice ejus ascendet, & requiescet super eum spiritus Domini &c.* In hoc germine divino consolatur S. Petrus in persona S. Joannis totam Ecclesiam dicens: *Vicit Leo de tribu Juda, Radix David, h. e. Jesus Christus Filius Dei vivi, vicit mundum, carnem, & diabolum, & mortem, & omnem potestatem, & omnem principatum, & omnem sapientiam mundi, & omnem tyrannidem &c.* *Aperire librum h. e. Revelare & manifestare.*

T 4.

Eccles.

Ecclesiae suae Sanctae mentem, & voluntatem Patris sui in sustinendis malis, & persecutionibus. *Et solvere septem Signacula ejus*, h. e. expedire singula in tempore suo, per septiformem spiritum oris sui, in salutem electorum suorum, & conservationem Ecclesiae suae Sanctae, donec consummetur saeculum, & impleatur numerus Electorum suorum,

II. Vers. 6. *Et vidi: & ecce in medio throni, & quatuor animalium, & in medio Seniorum, agnum stantem tanquam occisum, habentem cornua septem: Qui sunt septem Spiritus Dei, missi in omnem terram.* Ille agnus est Christus Dominus: Dicitur esse in medio throni, & quatuor animalium, & seniorum, quia universalis Ecclesia ab eo tanquam thronus possidetur; tanquam animalia pascitur; tanquam Seniores in judicio pietatis honoratur, & super Christum aedificata in septem Cornibus fortitudinis exaltatur; & in septem oculis, signis, & virtutibus illuminatur. Ipse enim est semper in medio Ecclesiarum, in nomine ejus per orbem constitutarum, sicut ipse dicit Math. Cap. ultimo; Ecce ego vobiscum sum omnibus diebus usque ad consummationem saeculi. Qui sicut dictus est Leo ratione resurrectionis, ita dicitur hic Agnus, ratione immolationis, propter quod etiam dicitur *stans*, quia resurrexit ad vitam immortalem. Rom. C. 6. Christus resurgens a mortuis, jam non moritur; Item dicitur *stans*, quia pugnat; & vigilat pro Ecclesia sua in militibus suis Sanctis super terram; Sic vidit in martyrio S. Stephanus Christum stantem a dextris virtutis Dei; unde sequitur: *Habentem Cornua Septem, & oculos septem, qui sunt septem spiritus Dei, missi in omnem terram.* Describuntur hi spiritus Isaiae Cap. II, Requiescere super Christum, & metaphorice dicuntur *cornua, & oculi*; Cornua, propter virtutem divinam; & oculi, propter illuminationem & claritatem veritatis, quam in se continent uniformiter. Cornibus Christus pugnat contra suos



suos inimicos, & oculis illuminat suos servos. Ponitur item in his septenarius numerus, ad designandam universalitatem virtutis, & potestatis, quam Christus secundum diversitatem temporum & Ecclesiae status ostendit usque ad consummationem saeculi. *Tanquam occisum.* 1mo Quia quotidie in Ecclesia immolatur, & offertur hostia Deo Patri in sacrificio Missae ejus corpus & Sanguis, in memoriam immolationis secundum carnem. Ideo non dicitur simpliciter, sed cum addito *tanquam occisus.* 2do Dicitur, *tanquam occisus*, ob patientiam, & longanimitatem, qua sustinet impios & inimicos suos super terram dominari, & affligere Ecclesiam suam, & hoc quandoque adeo multo tempore, ut videri posset imbecillioribus in fide, & iis, qui processum divinarum permissionum non probe intelligunt, quasi non viveret Christus, aut Ecclesiae curam non haberet, dum visibili virtute ad extra se non ostendit.

Verf. 7. *Et venit, & accepit de dextera sedentis in throno librum.* Non est intelligendum, quod Christus acceperit tunc notitiam de processu Ecclesiae; nam Christus ab instanti conceptionis suae (qua Deitas humanitati admirabiliter in unitate personae fuit unita) notitiam habuit omnium, quae Deus scientia visionis cognoscit, inter quae est processus Ecclesiae, ut patet ex dictis; Per hoc ergo, quod Joannes vidit eum aperire librum, designatur acceptio notitiae a principio creationis animae Christi infusae, jam ulterius Joanni, & per eum universali Ecclesiae revelandae. 2do Per acceptance *libri de dextera sedentis in throno*, intelligitur ipsamet expeditio realis, & executio effectiva divinarum secretorum circa suam Ecclesiam ad extra, ob cujus difficultatem, & arduum omnes vires naturales excedentem, S. Joannes primo intuitu flevit, donec ostensus ipsi fuit Christus fortissimus Leo, mansuetissimus agnus, fortitudine, & mansuetudine sua omnia soluturus & expediturus.

Verf. 8. *Et cum aperuisset librum, quatuor animalia, & viginti quatuor Seniores ceciderunt coram Agno, habentes singuli citharas, & phialas aureas, plenas odoramentorum, quae sunt orationes sanctorum &c.* Sequitur applausus & gloria & jubilatio, & honor, & adoratio ab Ecclesia militante, & triumphante Christo Jesu Capiti suo facta, simulque ostenditur, quale obsequium quotidie in Ecclesia Catholica Christo exhiberi in gratitudinem & amorem oporteat. *Et cum aperuisset librum*, puta ad revelandum, & expediendum in temporibus suis processum Ecclesiae, *quatuor animalia*, h. e. praedicatores omnes in quatuor orbis plagis constituti; *Et viginti quatuor Seniores*, h. e. Patriarchae, Primatus, Archiepiscopi, Episcopi, Praelati, Sacerdotes &c. Ceciderunt coram Agno, h. e. adoraverunt Agnum, verum Deum suum, & Dominum universorum, *habentes singuli citharas*, h. e. mortificationes vitiorum, & concupiscentiarum. Nam in cithara lignum, & chordae sunt; per lignum crux Christi, per chordas caro sanctorum mortificata & crucifixa intelligitur, & sic nobili ligno supertensa, variisque tormentis pulsata dulcem concentum, & suavem harmoniam in auribus Jesu Christi exsuscitat. *Et phialas aureas plenas odoramentorum; quae sunt orationes sanctorum*, \*) *& cantabant canticum novum.* In veteri testamento multa cantica fuerunt composita in honorem; & gloriam eorum, qui salutem operati sunt in Israel, vel in laudem omnipotentis Dei, qui fecit saepe mirabilia in populo suo; sed hoc est novum canticum, quo homo adoratur, & conglorificatur Deus, & Dominus universorum, & totius mundi salvator, qui non salutem, vel redemptionem temporalem nobis miseris attulit, sed aeternam, redimens nos ab aeterna captivitate, servitute, & Tyrannide daemonum, damnationeque sempiterna. Proinde Dominus Deus nunquam ab origine mundi fecit

\*) Hujus versus explicatio integra scribentis forte incuria perijt.

et tam mirabilia, & magna, & amabilia, quam quod miserit Filium suum unigenitum in carne super terram, ut redimeret hominem in passione crucis, & morte, & resurgeret, & mitteret Spiritum Sanctum; merito itaque dicitur.

Verf. 9. *Et cantabant canticum novum, dicentes: Dignus es Domine! accipere, & aperire signacula ejus,* h. e. dignum & iustum est, Domine te potestatem universalem & sempiternam super Ecclesiam tuam, tanquam fundatorem, & servatorem, accipere a Deo Patre. Sic dixerunt filii Israel Gedeoni Judicum C. 8. Dominare nostri; tu & filius tuus, & filius filii tui, quia liberaisti nos de manu Madian. Longe maiore ratione Christo exclamat Ecclesia: *Dignus es Domine! Accipe librum, & aperire signacula ejus, quoniam occisus es, & redemisti nos* (Deo infinite laeso nos reconciliando) in sanguine tuo, h. e. pretio infinito. *Ex omni tribu & lingua, & populo, & natione.* Nam Ecclesia est ex omnibus gentibus collecta. *Ex omni tribu.* Tribus dicitur a tribus ordinibus, in quibus 72 linguae in singulis, quarum multi populi, in populis multae nationes.

Verf. 10. *Et fecisti nos Deo nostra regnum.* Colligenda nos ex omnibus gentibus, & subjiciendo servituti, & voluntati Patris per legem Evangelicam, qui eramus sub iugo daemoniorum per infidelitatem, & idololatriam, & sub iugo legis Mosaicae. *Et sacerdotes;* non quales in veteri testamento erant, aut in gentilismo, quorum illi carnes & sanguinem vitulorum, & hircorum offerebant, alteri autem in idolis daemoniis sacrificabant; sed fecisti nos sacerdotes secundum ordinem Melchisedech, qui tuummet corpus, & sanguinem pretiosum quotidie Deo Patri tuo offerunt in sacrificio Missae, quod tu tanquam summus sacerdos perfecisti prius super lignum crucis. *Et regnabimus super terram,* in regno tuo militante super omnem tribum, & linguam, & populum, &

& nationem. Sedentes super viginti quatuor sedilia; h. e. super sedes Patriarchales Archiepiscopales &c.

Verf. 11. *Et vidi; & audiui vocem Angelorum multorum in circuitu throni; & animalium, & seniorum, & erat numerus eorum millia millium dicentium: Isti sunt omnes Angeli tutelares Ecclesiarum, Provinciarum, & totius orbis Christiani, quorum procul dubio sunt millia millium, qui missi sunt, & ordinati a Deo in nostram, & totius Ecclesiae salutem. Ideo dicuntur esse in circuitu throni, & animalium, & seniorum propter suam assistentiam singularem, quam Ecclesiis, Praedicatoribus, & Episcopis praestant, dicentium voce magna.*

Verf. 12. *Dignus est Agnus, qui occisus est, accipere virtutem, & dignitatem, & sapientiam, & fortitudinem, & honorem, & gloriam, & benedictionem.* Haec acclamatio fit humanitati Christi, ob hypostasim divinam ab Angelis Dei, qui dignum praedicarunt, quod Lucifer cum apostasis suis ab initio creationis suae iudicavit indignum. Unde huic ipsi humanitati attributa sunt, quae tribus personis divinis solum competunt.

Verf. 13. *Et omnem creaturam, quae in coelo est; tribuitur illi potestas in triumphantem Ecclesiam. Et super terram, in militantem; & sub terra in corpora martyrum, & mortuorum, in terra sepulcorum. Et quae sunt in mari, in navigantes, & quae in eo, nempe corpora SS. Martyrum, quae in eo sunt demersa.* Haec acclamatio etiam suo modo de omnibus creaturis, etiam irrationabilibus, potest intelligi. *Omnes audiunt dicentes: Sedenti in throno* (Deo trino, & uni) *& Agno*, h. e. humanitati Iesu Christi, prout ipsa est lucerna, & speculum, in quo lucet, & lucebit in aeternum Deus trinus, & unus, & considerabitur, & videbitur a Sanctis suis, sicut est.

Verf. 14. *Benedictio, & honor, & gloria, & potestas in saecula saeculorum. Et quatuor animalia dicebant: Amen. Est acclamatio veritatis, quatuor Evangelii, & praedicatoribus competens. Et viginti quatuor Seniores ceciderunt in facies suas, humiliando se in potestate & autoritate sibi super terram concessa. Et adoraverunt viventem in saecula saeculorum.*

*Finis Libri Secundi.*



**LIBER**



## LIBER TERTIUS

## IN APOCALYPSIS S. JOANNIS

## CAPUT VI &amp; VII.

*De Apertione, & Expeditione Septem Sigillorum, & de Consolatione tam triumphantis, quam militantis Ecclesiae post tribulationes perpeſſas.*

## Sectio I.

## IN CAPUT SEXTUM.

*De apertione, & expeditione sex primorum Sigillorum.*

I. *P*ostquam ſufficienter S. Joannes ex divina revelatione deſcripſit naturam Eccleſiae Chriſti, univerſamque Regni ejus conſtitutionem, & majeſtatem Eccleſiae ſuae inde conſecuturæ; in ſequentibus ad particularia deſcendit, quæ per decurſum Eccleſiae ſuae uſque ad conſummationem ſæculi eſſent eventura v. g. immanes perſecutiones, hæreſes, regimina Tyrannorum, item conſolationes in tempore ſuo &c. quæ omnia ſub apertione ſeptem ſigillorum deſcribuntur. Interim ad propoſitum bene notandum: 1mo per Equos, & eorum Inſeſſores, qui hoc loco deſcribuntur, ſpirituale designari bellum, inter regnum Chriſti, & regnum hujus mundi. 2do Poni autem quatuor in ſpecie ad ſignificandum, quod futurum eſſet in quatuor plagis mundi. 3tio Et quia hoc bellum duplex erat futurum. 1mum Cum gentilibus, & Judæis; 2dum Cum hæreticis & Antichriſto, uſque ad conſummationem ſæculi, ſub apertione ſex ſigillorum primorum designari expeditionem prioris, & ſub ſeptimo, & ultimo expeditionem poſterioris, ut infra patebit

bit. 4to Quatuor Evangelistarum voces hic addi tanquam testimonium veritatis, quod erat praedicandum in quatuor plagis mundi, & ob hoc movendum omne bellum, & persecutiones tyrannorum.

## §. I.

*De Apertione primi, secundi, tertii, & quarti Sigilli, & de quatuor Equis, & eorum Insefforibus, qui S. Joanni fuere sub Apertione quatuor primorum Sigillorum ostensi.*

## Cap. VI. v. 1 — 8.

I. Apertio primi Sigilli est expeditio bellica Jesu Christi, qua veniens in hunc mundum offensive intulit bellum toti mundo justissime volens ejus dominium sibi vindicare, inimicos debellare omnes, ac servituti suae, & jugo fidei subjicere. Exercitus ejus fuerunt duodecim Apostoli, & coetus reliquorum discipulorum atque credentium, quos misit in universum mundum. Unde dicitur:

Verf. 1. *Et vidi imaginario, & in spiritu, quod aperuisset, & expediisset Agnus, Christus, unum nempe primum, & praecipuum de septem Sigillis, de voluntate Patris sui, qui misit filium suum unigenitum in carne in hunc mundum, & constituit eum Regem universorum; ad quod regnum, quia cives ejus Judaei, gentiles intromittere noluerunt, opus fuit Christum offensive contra eos cum dicto suo exercitu bellare, & sic intrare in regnum & gloriam suam. Et audiivi imaginario, & in spiritu unum h. e. primum de quatuor animalibus seu quatuor Evangelistis; hic est S. Mathaeus, qui ait Cap. 10. Ecce ego mitto vos, sicut oves in medio luporum; Ubi hoc describit terribile, & mirabile bellum Christi. Unde subditur: tanquam vocem tonitruum ob terribilitatem hujus belli, quod S. Mathaeus tanquam primus testis Evangelicae veritatis indicit futurum*

rum ex praedicatione Evangelii, dicens: *Veni, & vide.* Est modus loquendi, quo aliquid singulare alteri intimari solet. *Et vidi:* in spiritu & imaginario.

Verf. 2. *Et ecce equus albus, & qui sedebat super illum, habebat arcum, & data est ei Corona, & exivit vincens, ut vinceret.*

II. Hic consequenter describitur hujus belli Dux summus, ejusque potentia, & fortitudo. *Et ecce equus albus*, qui est coetus Apostolorum, & discipulorum Christi, qui dicitur albus, ob candorem puritatis, veritatis, simplicitatis, & sanctitatis per metaphoram. Sicut enim equus est, & denominatur *albus* ab albedine, ita dicuntur sancti a gratia sanctificante. Dicuntur autem *equus* ob fortitudinem, & velocitatem, qua eucurrerunt per totum mundum tempore brevissimo, & divulgaverunt Evangelium, & Nomen Domini nostri Jesu Christi. *Et qui sedebat super illum, habebat arcum*, h. e. Christus Dominus, summus hujus belli Dux, qui dicitur sedere super suos, eos regendo freno timoris Dei, & impellendo ad consummandum cursum suum per calcaria charitatis Dei, & proximi, item per auxilia gratiae suae sanctae, quibus abundarunt Sancti Dei Apostoli, aliique discipuli & Christiani primitivae Ecclesiae. Per arcum designantur virtus & arma, quibus hostes suos Christus erat debellaturus, scil. Verbo praedicationis, & coruscatione miraculorum; Christus enim dirigebat praedicationem Apostolorum, sicut arcus dirigitur ad metam, Marc. Cap. ultimo. Illi autem praefecti praedicaverunt ubique Domino cooperante, & sermonem confirmante sequentibus Signis. De efficacia, & in vincibili fortitudine Verbi Dei dicitur Hebr. C. 4. Vivus est enim sermo Dei, & efficax, & penetrabilior omni gladio ancipiti. *Et data est ei corona*, hoc est potestas regia, & quia Christo data est omnis potestas in caelo, & in terra, adeoque est Rex Regum, & Dominus Domnantium, data ei dicitur corona scil. a Patre  
fuo



suo Corona regni aeterni, corona victoriae in sua resurrectione, & ascensione super omnes Reges & Tyrannos hujus mundi; super omnes potestates etiam infernales. *Et exivit* in hoc equo albo per Apostolos, & discipulos suos in universum mundum; *Vincens* in praedicto suo arcu adversarios suos in Judaea primum; nam uno die conversi sunt ad eum praedicante S. Petro millia tria hominum. Acto. C. 2. Altero die millia quinque Act. C. 4. *ut vinceret* per totum orbem subjiciendo servituti suae, & jugo fidei colla gentium, quod & factum est. Nam brevi tempore per praedicationem Apostolorum aliorumque discipulorum Christo cooperante, & sermonem confirmante sequentibus Signis, Praedicatum fuit Evangelium, & adhuc vivente B. Petro fides Catholica diffusa fuit in fines orbis terrae, ut patet ex historiis, & vitis Apostolorum, & indicatur Pl. 18. In omnem terram exivit sonus eorum, & in fines orbis terrae verba eorum.

III. Vers. 3 & 4. *Et cum aperuisset sigillum secundum, audiivi secundum animal dicens: Veni, & vide: & exivit alius equus rufus: & qui sedebat super illum, datum est ei, ut sumeret pacem de terra, & ut invicem se interficiant, & datus est ei gladius magnus.* His verbis describitur primus hostis crudelissimus, qui instigante Satana ausus fuit bellum movere contra Apostolos, & exercitum Jesu Christi, sive Christianos, & iste est Domitius Nero, qui magnam urbis partem, obscuris aedibus infamen per ludum incendit, ut Trojae incendium repraesentaret, sed incendii hujus occasione ad durissimam in Christianos, qui Romae tunc degebant, persecutionem devolutus est, quae prima fuit persecutio in Christianos, & ipse Nero primum in Christianos, vel maxime Romae saeviit. Addita sunt pereuntibus ludibria, ut ferarum tergis contacti laniatu canum interirent, aut crucibus affigerentur, aut pice obducti, in usum nocturni luminis urerentur; Tantus autem Christiano-

rum numerus ita combustus fuit, ut rivi pinguedinis humanae per arenam amphitheatri fulcum facerent. S. Petrum, item & Paulum, Senecam praeceptorem suum, matrem propriam, uxorem, fratrem, & sorores occidi sua crudelitate iussit. Unde recte, & consequenter sic describitur hic Tyrannus. *Et cum aperuisset sigillum secundum, audiui secundum animal dicens.* Hic est S. Marcus, qui hic perhibet testimonium veritatis sanctis Martyribus Christi sub Nerone passis; quia iste Evangelista superius dicebatur animal simile vitulo, eo quod Evangelium suum incipiat a sacerdotio, in quo vituli mactabantur in sacrificium, & hostiam placentem Domino Deo: ita enim mactabantur ab impiis Christiani, & iusti Dei, quorum sanguis, & mors erant gratissimum Deo Patri sacrificium per Filium suum Jesum, qui fuit pro omnibus nobis oblatas.

Verf. 4. *Et exivit alius equus rufus*, superiori contrarius, h. e. aperti persecutores, & sanguinolenti: iste equus est populus Romanus sub Domitio Nerone qui dicitur proprie rufus ex incendio Romanae civitatis, & combustionem tot Christianorum. Item ex effusione sanguinis eorum ut supra dictum. *Et qui sedebat super illum*, erat Nero Imperator sedens Romae, & habens Dominium, quod obtinuit an. Christi 53. *Datum est ei*, h. e. permissum a Deo. Sic loquitur Christus Dominus Pilato Joan. Cap. 19. Non haberes potestatem adversus me ullam, nisi tibi datum esset desuper. *Ut sumeret*, h. e. auferret pacem de terra. *Primo*: quoad Christianos, quos Romae maxime, & etiam alibi per suos persequabatur, & turbabat; 2do quoad ipsum imperium, quoad turbatum fuit propter Neronis maleficia, crudelitatem, caedes, & tyrannidem &c. sub eadem tempora ab eodem defecit Armenia. Unde dicitur sumpsisse pacem de terra, quam Octavius Augustus dederat toti mundo. *Et ut invicem se interficiant*, quod contigit ex occasione ejus perfidiae, ipso enim interfecto Sergius Galba

Galba senex usurpans sibi imperium & Pisonem juvenem (veterum more) in filium, & successorem imperii adoptans, Othonis factione a militibus in foro Romae occiditur; similiter Otho post tres menses a Vitellii exercitu victus, sibi met ipsi mortem conscivit. Vitellius post annum non integrum a militibus, qui partibus Vespasiani favebant, intra ipsam urbem, ter repetito praelio victus, per urbem raptatus, nudus, tandemque jugulatus & in Tiberim praecipitatus fuit. *Et datus est ei gladius magnus*, h. e. potestas interficiendi Christianos; nam ipse primam persecutionem movit contra Ecclesiam ex Imperatoribus, & occidit Principes Apostolorum Petrum, & Paulum, & alios quam plurimos Christianos, nam in urbe, quam per Imperium.

IV. Vers. 5. *Et cum aperuisset Sigillum tertium, audiavi tertium animal, dicens: Veni, & vide: Et ecce equus niger: & qui sedebat super eum, habebat stateram in manu sua.*

Vers. 6. *Et audiavi tanquam vocem in medio quatuor animalium, dicentium: bilibris tritici denario, & tres bilibres hordei denario, & vinum, & oleum, ne laeseris.* Continetur his verbis excidium Civitatis Jerusalem, & Synagogae gentis Judaeorum, ut impleteretur Verbum Christi Math. Cap. 23. & Lucae Cap. 13. *Et cum aperuisset Sigillum tertium, audiavi tertium animal dicens:* Sub hoc animali tertio intelligitur S. Lucas Evangelista, Leoni superius comparatus ob praedicationem poenitentiae, a S. Joanne Baptista factam judaeis; quam, quia respuerunt, sicut & ipsiusmet Christi, consequenter hic poenam, & excidium ob duritiam cordis eorum, genti, & Synagogae judaeorum debitam S. Joanni intimavit. *Et ecce equus niger.* Est hic equus Jerusalem, & gens judaeorum ibi habitantium. Dicitur niger imo ob tenebras coecitatis suae, quibus involuta gens, & Synagoga judaeorum occidit Christum Dominum, neque post resurrectionem & agnitam veritatem

divinitatis Christi credidit, sed restitit etiam Spiritui S.  
 2do Dicitur niger, ob inauditam ab orbe condito famem, qua perierunt, referente Judaeo Josepho, undecies centena millia hominum. Concluserat enim eos Titus, Vespasiani Filius muro quadraginta stadiorum circum circa civitatem, in quo foris tredecim castella, quorum gyrus denis stadiis numeraretur, ut eo citius fame necarentur; quod totum opus completum fuit intra triduum celeritate plusquam humana, ut adimpleretur dictum Christi Luc. Cap. 19. Venient dies in te, & circumdabunt te inimici tui vallo, & coangustabunt te &c. & non relinquent in te lapidem super lapidem. Quod & factum est; nam funditus evertit Titus urbem Jerusalem, quando occupavit eam. *Et qui sedebat super eum* h. e. Flavius Vespasianus, qui anno Christi 69. obtinuit gubernacula Imperii. Filius vero anno Christi 79 obsidens, & in potestatem accipiens Jerusalem, & gentem Judaeorum; *habebat stateram in manu sua* h. e. divinam justitiam, quam opere exequabatur; siquidem ex ordine divinae justitiae processit, quod per filium gens judaeorum, fame, gladio, & captivitate perierit miserabiliter in vindictam mortis Christi, & inauditae malitiae, & crudelitatis suae Luc. 19. quod ipsum tamen erat, praeter intentionem Titi, & exercitus sui, qui propter aliam causam venerunt contra judaeos, h. e. propter rebellionem contra Imperium Romanum (ut patet ex Josepho de Bello Jud.) ideo dicitur: *habebat stateram in manu sua*, & non in mente; nam exequabatur opus divinae justitiae modo praedicto, per manum enim opus intelligitur, quod per eam efficitur. *Et audiavi tanquam vocem in medio quatuor animalium, dicentium*: Sequitur in his verbis sententia condemnativa divinae justitiae ad specialem poenam, ob speciale delictum judaeis infligendum. *Et audiavi tanquam vocem*, scil. divinae justitiae, *in medio quatuor animalium*, h. e. de throno Dei, in cujus circuitu quatuor animalia esse dicuntur tam in militante, quam in triumphante Christi

Christi regno. *Dicentium*, quia quatuor animalia loquebantur dictam divinae justitiae sententiam; utpote summi Archicancellarii Regni Christi. Ex quo confirmatur, factum Titi contra judaeos, ex ordinatione divina processisse. A Deo enim solo procedit malum poenae. Amos 3 C. Si erit malum in civitate, quod Dominus non fecit! *Bilibris tritici Denario, & tres bilibres bordei denario &c.* ad intelligendum haec verba, notandum imo ex Hugone Floriacensi de fine Belli Romani contra Judaeos, qui sic dicit: Fessi denique Romani multa caede, quaerebant, quibus captiva mancipia venderent, sed quia plurimi venales, & pauci emptores inveniebantur, non defuere, qui triginta mancipia uno numismate mercarentur, ut sicut Dominum emerant triginta argenteis, seu denariis; sic e converso denario uno triginta venderentur Judaei. 2do Notandum, quod bilibris sit nomen compositum ex *bis*, & *libra*, quia continet duas libras. 3tio Notandum est, quinque Judaeos designari per unam libram; eo quod 5 libri Moysis ab omnibus recipiantur. Alios libros Judaei non recipiunt, qui dicuntur Saducaei. 4to Per triticum intelligi fortiores, aptiores, & nobiliores Judaeos, per hordeum vero, quod est vile granum, viliores, & faecem populi. 5to Per vinum, & Oleum designari Christianos, qui non fuerunt laesi per exercitum Titi; Nam ante ejus adventum Christiani habitantes in Jerusalem, & in Judaea, monitu Angelico transierunt ultra Jordanem in civitatem nomine Pellam, in regno Agrippae existentem, quae confoederata erat Romanis. Vinum enim metaphorice significat Charitatem Dei, & Oleum charitatem proximi. Hinc dicitur *bilibris tritici*, h. e. decem Judaei principes uno denario, & tres bilibres bordei h. e. triginta ex faece plebis Judaeorum uno denario vendebantur. *Et vinum & oleum* Christiani scilicet servati sunt.

V. Vers. 7. *Et cum aperuisset Sigillum quartum; audiui vocem quarti animalis, dicentis: Veni, & vide.*

Vers. 8. *Et ecce equus pallidus: & qui sedebat super illum, nomen illi mors, & infernus sequebatur illum, & data est illi potestas super quatuor partes terrae, interficere gladio, fame, & morte, & bestiis terrae.* Visita, & deleta gente Judaeorum, saevissimo Jesu Christi, omniumque Christianorum hoste, sequitur secunda principalis persecutio, & bellum immane contra Christianitatem a Domitiano motum. *Et cum aperuisset Sigillum quartum, audiui vocem quarti animalis, dicentis: Veni, & vide.* Haec est ipsamet S. Joannis Evangelistae persona, abstractive sumpta, prout scilicet quantum dignitatis locum obtinet in regno Christi militante, & triumphante, & testimonio suo corroborat Evangelicam veritatem.

*Et ecce Equus*, qui est populus Romanus, pallidus dicitur, ex metu & Tyrannide Domitiani, principis crudelis, & avari; is enim eo processit vesaniae, ut se Deum appellari jufferit: praeterea magnam partem Senatorum, & aliorum nobilium in exilium misit, & interfecit, imponens eis crimina, ut sic raperet eorum bona; unde coeteri tam Romae, quam alibi, erant in magno timore positi, ne similiter eis fieret: & quia timor membra exteriora (maxime faciem) pallida reddit, dicitur, & describitur Imperium Romanum pro illo tempore *Equus pallidus*. *Et qui sedebat super eum*, h. e. Domitianus Imperator Surgens ad Imperium A. Christi 81. *Nomen illi mors*, 1<sup>mo</sup> active, quia, ut dictum, plurimos innocentes interfecit, potissimum vero Christianos, contra quos secundam movit persecutionem, portio & haeres Neronianae crudelitatis. 2<sup>do</sup> Passive, quia & ipse finaliter interfectus est ex insidiis a liberto Clementis Consulis, quem antea impietatis praetextu damnavat, & sic ejus memoria deleta fuit. *Et infernus sequebatur eum.* Quia ex subitanea hac occasione

Hone moriens in impietate sua statim raptus est ad poenam inferni infelix. *Et data est illi potestas super quatuor partes terrae*, in quibus tunc dilatatum erat Imperium Romanum. *Interficere gladio, fame, & morte, & bestiis terrae.* His verbis designatur crudelitas hujus persecutionis, ex varietate tormentorum, & diversis generibus mortis. 1<sup>um</sup> *Est interficere gladio*: Nam in omnibus Romani Imperii partibus multi Christiani fuere gladio occisi, jussu, & mandato ipsius. 2<sup>um</sup> *fame*, quia plurimi etiam in carceribus fame cruciati interierunt. 3<sup>tium</sup> *morte*; Per hoc significatur diversus & universus modus, quo afflicti sunt, & occisi Christiani, scil. suspensione, submersione, combustione, suffocatione. 4<sup>tum</sup> *Et bestiis terrae.* Innuitur his verbis specialis crudelitas, qua delectabatur plurimos Christianos bestiis devorandos per risum, & ludibrium exponere. Ostendunt hoc historiae ecclesiasticae, Martyrologia, & vitae Sanctorum.

## §. II.

*De Apertione quinti Sigilli.*

Cap. VI. v. 9 — 11.

Vers. 9.

I. *Et cum aperuisset Sigillum quintum, vidi sub-  
tus altare animas intersectorum propter Verbum Dei,  
& propter testimonium, quod habebant.*

Vers. 10. *Et clamabant voce magna, dicentes:  
Usquequo Domine (Sanctus & verus) non judicas, &  
non vindicas sanguinem nostrum de iis, qui habitant  
in terra?*

Vers. 11. *Et datae sunt illis singulae stotae albae;  
Et dictum est illis, ut requiescerent adhuc tempus mo-  
dicum, donec compleantur conservi eorum, & fratres  
eorum, qui interficiendi sunt, sicut & illi.* Ex aper-  
tione quinti Sigilli sequitur continuatio persecutionum

in Christianos, quae a Trajano Imperatore duravit usque ad Diocletianum annis ducentis. Anno enim Christi 98. ad Imperium pervenit M. Ulpus Trajanus, natione Hispanus, qui tertiam exercuit persecutionem contra Ecclesiam Christi; cum enim is putaret, a Jove se adeptum Imperium, quem devotissime coluerat, & alias esset superstitiosissimus in colendis idolis, primus ingessit senatui de Religione patria, seu antiqua conservanda, multiplicabantur enim tunc Christiani ubique terrarum, spernebanturque idola, & victimae non inveniebant Emptores, Oracula etiam tunc pleraque obmutescabant, ut testatur quoque Juvenalis cum Plutarcho. Et hoc ipsum occasionem praebuit tertiae persecutioni in Christianos. Sub Adriano, & Antonino pio, paululum quievit Ecclesia, qui nullum publicum edictum contra Christianos ediderunt. Anno Christi 161. factus Imperator M. Aurelius Antonius, quartae persecutionis excitavit procellam contra Ecclesiam Christi, quae abforbuit Polycarpum, Justinum, & alios plurimos Christianos. Sub Commodio Antonio Aelio pertinace, & Tito Juliano iterum Ecclesia habuit aliquam quietem. Anno Christi 193. ad Imperium veniens septimus Severus, quintam movit persecutionem contra Christianos, in qua occisus S. Irenaeus, quae atrox fuit adeo, ut non nulli putaverint, illum esse Antichristum. Antonius Bassianus Caracalla; Macrinus, Heliogabulus, & M. Aurelius Severus nihil contra Christianos tentarunt. Anno Christi 235. surrexit Julius Maximinus sextae persecutionis auctor, ob gravem, ut creditur, invidiam contra familiam Alexandrinam, in qua complures fideles versabantur. Anno Salutis 249. Decius, Christianorum acerrimus hostis, septimam movit, quam persecutionem permissam a Deo ob corruptam Christianorum disciplinam luculenter S. Cyprianus, oculatus testis, libro de lapsis demonstrat, & sic disserit: Tormenta venerunt, & tormenta sine fine Tortoris, sine exitu damnationis, sine solatio mortis; tormenta, quae ad Coronam non facile



facile dimittant, sed tam diu torqueant, quam diu deficiant, nisi aliquis divina dignatione substractus inter ipsa cruciamenta profecerit, adeptus gloriam non termino supplicii, sed velocitate moriendi. Et Gregorius Nissenus in Taumaturgo: neque aliud, tum publicum, tum privatum agebatur quidquam, aut nullum ponebatur studium ab iis, qui tractabant publica, quam ut obsiderent eos, & punirent, qui fidem sequebantur. Erant autem non solum minae verborum terribiles, sed cum iis varius apparatus suppliciorum, nullum non afferebant stuporem, & antequam proveniretur ad periculum, metum incutiebant hominibus. Enses, & ignes, & bestiae, & fossae, & instrumenta ad torquendum membra accomodata, & ferreae in igne cathodrae, & ligna erecta, in quibus eorum, qui persistebant extensa corpora, porrectis horrendis laniabantur ungulis, & alia innumerabilia ad multiplices corporum cruciatus inventa ab eis excogitabantur, unumque studium erat eis, qui hanc habebant potestatem, ut nullus eo scelere posset ostendi superior. Alii quidem deferebant; alii judicabant; alii vero scrutabantur eos, qui fugiebant; alii autem injectis oculis in facultates fidelium, ut rebus eorum potirentur, praetextu pietatis, & religionis eos, qui fidem amplectebantur, exagitabant. Haec ille. Plurimi tum patria relicta solitudines montium & desertas Regiones petierunt. Ex quibus Paulus ille Anachoretarum princeps. Insuper in hac persecutione multi abnegarunt fidem, idque duplici modo: quidam enim aperte Diis sacrificarunt; quidam vero non abnegabant religionem quidem, sed accipiebant libellum a praesidibus, ne publice Diis cogerentur sacrificare. Ao. Christi 254. Licinius Valerianus Caesar factus, *Oclavam* persecutionem ex consilio magi cujusdam aegyptiaci intendit Ecclesiae, quae & B. Cyprianum, Episcopum Carthagenensem absumpsit, & saeviit adeo haec persecutio, ut Dionisius Alexandrinus apud Eusebium Hist. L. 7. C. 9. tempora illa omnium infelicissima de Antichristo a S.

Joanne in Apocalypsi praedicta in Valeriano putaverit esse completa. Ao. Christi 262. Galienus *nonam* movit persecutionem, eam tamen variis cladibus admonitus furenter compressit. Quam tamen postea Ao. Ch. 272. Valerius Aurelianus complevit; Licet autem multi Imperatores intermediarii fuerint inter illos, quorum temporibus multi etiam Christiani fuerunt martyrio affecti; isti tamen dicuntur specialiter Christianorum persecutionem exercuisse, quia fecerunt, & renovarunt edicta contra eos; alii vero non sic. Et haec erat facies Ecclesiae natantis continuo in sanguine Martyrum ad trecentos annos, quae plane fuit admirabilis permissio Dei contra amicos suos, & Ecclesiam sibi tam charam. Unde sequitur clamor, & admiratio Sanctorum Dei subtus altare, ut videbimus.

Verf. 9. *Et cum aperuisset Sigillum quintum* permittendo praedictas persecutiones, quasi continuas, *Vidi* (imaginario, & in spiritu) *subtus altare animas intersectorum* h. e. Martyres interfectos, eoquod ibi erant corpora eorum; Est similis modus loquendi, sicut Exodi C. 1. Omnes animae quae egressae sunt de femore Jacob, h. e. homines. Temporibus enim Imperatorum istorum non erant Ecclesiae, nec altaria stabilia, sed in occultis locis, & potissimum in Martyrum cryptis, in quibus eorum corpora sepeliebantur, erigebantur altaria lignea, unde dicitur, quod viderit *subtus altare animas intersectorum, propter Verbum Dei*. Quantum ad Doctores, qui fuerunt Martyrio affecti propter praedicationem Verbi Dei; & *testimonium, quod habebant*, quantum ad simplices Christianos, qui necabantur, eoquod nolebant negare Christum, sed magis protestabantur, & affirmabant se in ipsum credere.

Verf. 10. *Et clamabant voce magna*. Est vox moralis clamoris (sicut Gen. C. 4. dicitur: Ecce vox sanguinis fratris tui clamat ad me de terra) quae ex effusione Sanguinis innocentis sequens eo magis clamat ad Dominum

minum Deum, quo major, crudelior, & diuturnior est impiorum persecutio, & potestas, sicut temporibus illis erat nimis crudelis, & nimis diuturna. Hinc subditur: *Usquequo Domine* h. e. quam diu permittis, Domine, *sanctus & verax*, h. e. qui tamen es justus, & scis, & vides nequitiam impiorum contra innocentes saevientem. Continent haec verba admirationem magnam de voluntate Divina, quae permisit Ecclesiam sibi tam dilectam, & tam Sanctam trecentis annis natam in Sanguine tot millium Martyrum, & praevalere impios. Ex hoc sanctorum statu discamus, & nos aliquid pati pro Nomine Jesu, & dilectionis divinae mensuram non esse semper in consolationibus, & prosperitatibus, sed in multis tribulationibus, persecutionibus, & vilipendiis hominum super terram. *Usquequo Domine (Sanctus & verax) non judicas & non vindicas sanguinem nostrum de iis, qui habitant in terra?* h. e. de Tyrannis, & eorum ministris dominantibus super terram.

Verf. 11. *Et datae, sunt illis singulae stolae albae*: Per stolas albas intelligitur, & significatur gloria animae, quae unicuique martyrum, & sanctorum animae datur secundum meritum. Ideo additur: *Singulae*, ut cujusque praemii & gloriae proprietas designetur. *Et dictum est illis, ut requiescerent adhuc tempus modicum, donec compleantur conservi eorum, & fratres eorum, qui interficiendi sunt, sicut & illi.* His verbis blande consolatur Deus Ecclesiam suam cujus typum & vices gesserunt Sancti Dei Martyres interpellando, & clamando Divinam justitiam, & promittit requiem, quae consecuta est tempore Constantini M. *Et dictum est illis* h. e. Acceperunt responsum divinum, imo Circa Ecclesiam militantem, ut requiescerent in patientia, submittentem se divinae voluntati, cui ab aeterno complacuit, ad majorem gloriam servorum suorum haec permittere. *Adhuc modicum tempus*, h. e. persecutionis ultimae, quae fuit omnium saevissima, mota a Diocle-

Diocletiano, & Maximiano, ut infra videbimus. *Donec compleantur confervi eorum, & fratres eorum* h. e. donec numerus reliquorum SS. Martyrum impleatur, qui dicuntur *conservi* ab uno ministerio Christi, quo ipsi conserviunt. *Et fratres* a charitate, quae est in Christo Jesu; *qui interficiendi sunt*, nempe tempore Diocletiani, in ultima persecutione; *Sicut & illi* interfecti sunt praecedentibus persecutionibus. 2do Quoad Ecclesiam triumphantem, dictum est illis, *ut requiescerent corpora eorum in monumentis tempus adhuc modicum*, nimirum usque ad extremum judicii diem, quod dicitur *adhuc modicum* aeternitati comparatum 1 Joannis C. 2. Filioli! Novissima hora est; tunc enim ii resurgent corporibus gloriosis, & sic habebunt Secundam stollam, quae est gloria corporis. *Donec compleantur confervi eorum & fratres eorum, qui interficiendi sunt*, usque ad consummationem saeculi propter Nomen Christi, sicut & illi sunt interfecti.

### §. III.

#### De Apertione Sexti Sigilli.

Cap. VI. v. 12 — 17.

Verf. 12.

I. *Et vidi, cum aperuisset Sigillum sextum: Ecce terrae motus magnus factus est, sol factus est niger tanquam saccus cilicinus: & luna tota facta est Sanguis.* Sub apertione hujus sexti Sigilli describitur decima, & ultima persecutio contra Ecclesiam Christi a Diocletiano, & Collega ejus Maximiano mota An. Christi 303. Ponitur sub speciali Sigillo ob suam nimiam immanitatem, diuturnitatem, & quia ultima fuit; duravit autem ad duodecim prope annos, donec Constantinus M. victo Maxentio venit ad Imperium. De hac persecutione Sulpitius scribit: Hac tempestate omnis fere sacro Martyrum Sanguine orbis infectus est, multoque  
avidius

avidius tunc martyria gloriosis mortibus quacerebantur, quam nunc Episcopatus pravis ambitionibus appetuntur. Nullis unquam bellis mundus magis exhaustus est, neque majore unquam triumpho vicimus, quam cum decem annorum stragibus vinci non potuimus. Quod spectat ad eorum numerum, qui sunt ea persecutione sublatti; si ex unico mense totius tot annorum temporis, quo ea post haec duravit, licet deducere rationem; plane in immensum excrevit numerum. Nam in libro de Romanis Pontificibus traditur, uno duntaxat mense numerata 17000; Tantumque abest, ut temperatius post haec actum fuerit, ut aliis etiam, quae subsecuta, edictis aucta persecutio indies fuerit. Traditur etiam in una Aegypto occisa esse toto ejus (Diocletiani) tempore, 144000 hominum, 72000 in exilium esse, ejecta. Nec minor in aliis provinciis strages (nisi in quibus Constantinus Chlorus, Constantini M. pater, regebat, qui, etsi Christianus non esset, mitius tamen cum iis egit) nulli quidquam vendere, & emere licebat, nisi quibusdam statuis ubique passim collocatis, thura prius incenderet, erantque constituti circa insulas, aquas, & vicos compulsores, qui neque molendi, neque aquas hauriendi potestatem facerent, nisi iis, qui idolis libassent. Vide Baron. Inter alias vero persecutiones gravissima fuit illa, qua ad libros comburendos, aut eos tradendos Christiani ubique urgebantur. Qui ergo atrocitate poenarum perterriti, quos apud se habebant, codices tradebant, traditores vocabantur, quorum ingens fuit numerus; sed prope infinitus illorum, qui mortem potius per acerbissima tormenta elegerunt, quam libros prodere, quorum omnium memoriam una die nempe 2da Januarii Romana Ecclesia celebrat hoc praeconio: Romae commemoratio plurimorum Sanctorum Martyrum, qui spreto Diocletiani Imperatoris edicto, quo tradi SS. Codices jubebantur, potius corpora carnificibus, quam sancta dare canibus maluerunt. In qua tanta atrocitate persecutionis multi ad barbaros confugientes, licet captivi,

vi, benigne tamen habiti sunt, & ritus Christianos habere tolerati exescuere: ut videre est in edicto Constantini pro Christianis apud Eusebium in ejus vita L. 2. C. 15. Vide Baronium. Item cum tunc Imperatores penitus religionem Christianam evellere decreverant, a militibus incipiendum existimarunt, ne, cum publica eorum per universum Imperium edicta saevirent, essent, qui obsisterent, armati Christiani. Tota Thebanorum Legio, Duce S. Mauritio a militibus caesareis jugulatur Nocte Natalitiorum 20000 Christianorum in templis comburuntur; martyrium patiuntur S. Marcellinus Papa, S. Sebastianus, Serena Diocletiani uxor, Lucianus, Vincentius, Christophorus, Blasius, Gervasius, Protasius, Cosmas & Damianus, Quirinus, Gorgonius, Agnes, Lucia, Panthaleon, Bonifacius, Methodius, Clemens, Augranus, Euphemia, Georgius, Barbara, alique infiniti, & subversae sunt per totum mundum, & subrutae Ecclesiae; omnes ordines Christianorum trucidati; ita, ut nullum vestigium Christianitatis in nonnullis provinciis appareret. Die Dominica Pasche, vel Resurrectionis Christi omnes trucidari Christianos, & vastari Ecclesias imperarunt, Virgines Christianas item turpiter violare, & lupanaribus includere conati sunt. Qua de re ita scribit S. Basilius L. de Virg. Cum ferveret, inquit, persecutionis immanitas, electae Virgines propter sponsi fidem ad illudendum impiis tortoribus traditae, corporibus inviolatae perdurarunt; in eo scilicet, cujus gratia id perferebant, impiorum conatus ab earum carne irritos arcente, & integra eorum corpora custodiente: Augustae etiam Vindelicorum Affra, publica ante meretrix, cum matre Hilaria tribus puellis, Digna, Eupomia, Eutropia ac tota familia, nec non aliis pluribus utriusque sexus hominibus ad fidem Christi conversa ibidem una martyrii coronam sunt assecutae. Unde recte sequitur in textu:

II. Vers. 12. *Et vidi, cum aperuisset Sigillum sextum: Et ecce terrae motus magnus factus est.* Per terrae motum intelligitur maxima commotio, turbatio, concussio, & convulsio Regni Christi super terram, quia in omnibus partibus Imperii Romani ex Decretis, & Edictis Diocletiani, & Maximiani, moti sunt iudices & potentes ad interfectionem, & everisionem populi Christiani. *Et sol factus est niger, tanquam saccus cilicinus.* Per solem designatur Christus, qui est sol iustitiae, & lumen veritatis; hic denigratus est, quantum ad famam nominis, & etiam in membris suis, quibus imponebatur, quod essent venefici, & magi, & quod hoc a Christo edocti per Apostolos, aliosque discipulos essent. Sic gentiles, quantum in se, nomen Christi denigrabant. *Et luna tota facta est, sicut sanguis.* Sub luna Ecclesiam intellige, quia sicut luna a sole lucem; ita haec a Christo iustitiae sole lumen veritatis accipit, insuper ad imitationem lunae crescit, & decrescit temporibus suis, & haec sub Tyrannide Diocletiani, & Maximiani tota facta est sub sanguine Martyrum rubicunda: Mactabantur enim ubique terrarum Christiani, sicut bestiae in innumerabili multitudine, ut superius dictum.

Vers. 13. *Et stellae de coelo ceciderunt super terram, sicut ficus emittit grossos suos, cum a vento magno movetur.* Sunt hae stellae eminentes in Regno Christi, qui timore mortis & tormentorum inclinati, in idololatriam ceciderunt, inter quos fuit Marcellinus Papa, & plures alii, quamvis hic poenitentia ductus martyrium postea pro Christo fortiter subierit. Et cessavit sub haec Episcopatus Romanus septem annis, & sex mensibus propter immanitatem persecutionis illius. *Sicut ficus emittit grossos suos.* Comparantur Christiani Grossis ficis ob imbecillitatem, & immanitatem, sicut enim Grossi ficus sunt primi temporis fructus immaturi, & facile cadunt vento magno concussi, ita tunc Christiani  
non

non bene in charitate Christi radicati, & in patientia immaturi a flante tunc temporis in Ecclesia tempestuosae nimis persecutionis turbine ceciderunt, & defecerunt.

Verf. 14. *Et coelum recessit, sicut liber involutus.* Per coelum designatur Regnum, ac Ecclesia Christi, quod dispersum fuit a vento furiosae hujus tempestatis in quatuor ventos coeli, sicut folia libri dissoluta compactura sua. Romae enim cessavit Episcopatus primae sedis, Christiani fuere dispersi, alii abdiderunt se in speluncis, & montibus, & in desertis locis, & regionibus. Alii fugerunt ad barbaros. Item SS. codices edito Imperatoris, ex quibus doctrina Christiana hauriebatur, comburebantur, dispergebantur, & dilacerabantur, ut dictum superius. *Et omnis mons & Insulae de locis suis motae sunt.* Sumitur continens pro contento; tanta enim furia hujus persecutionis fuit, ut Christiani in montibus, & insulis maris quasi inaccessibilibus, ad quas confugerant, conquirentur studiose (quod in aliis persecutionibus non fuit factum) & ad supplicia traherentur, & in exterminium. Conspirant enim isti duo Imperatores cum toto mundo in exterminium totius Christianitatis, ut patet ex supra dictis. Praeterea dicitur: *Omnis mons, & insulae de locis suis motae sunt,* nempe per bellum saevissimum Diocletiani, & Maximiani, quo quasi omnia regna, principatus, insulas & nationes, & munitissima loca in oriente, & occidente subegerunt Imperio Romano, cujus fines ab ortu usque ad Indos, a meridie usque ad Aethiopes, ab Aquilone usque ad barbaros, ferasque nationes Sarmatarum, ab occasu usque ad Gensoriacum simul, & Brittanicum Oceanum dilatarunt per se, & suos Collegas. Unde consequenter subditur:

III. Verf. 15. *Et Reges terrae, & principes, & tribuni, & divites, & fortes, & omnis servus, & liber absconderunt se in speluncis, & in petris montium.*

Verf.



Verf. 16. *Et dicunt montibus, & petris: Cadite super nos a facie sedentis super thronum, & ab ira agni.*

Verf. 17. *Quoniam venit dies magnus irae ipsorum: & quis poterit stare?* Tangitur his verbis angustia Tyrannidis istorum temporum, in qua omnes Christiani coarctabantur; quia, ut dictum, Christiani neque in insulis gentium, neque in munitissimis locis, neque in desertis montibus, neque apud barbaros, ad quos confugerant (quia omnia isti Tyranni diripuerunt, occuparunt, perscrutati sunt, & redegerunt in suam potestatem) securi esse poterant, absconderunt se in speluncis, & in petris montium. *Et Reges terrae, & principes, & tribuni, & divites, & fortes, & omnis servus & liber.* Septem ponuntur sortes hominum, ad exprimendam crudelitatem hujus persecutionis, a qua nemo erat immunis, sicut in aliis persecutionibus, quae plerumque tantum summos in Antistites Ecclesiarum, & praedicatores, aut qui se sponte objiciebant, defecit, haec autem animadvertit in omnes. Porro per Reges designantur summus Pastor Ecclesiae, & Patriarchae. Per Principes, Episcopi, per tribunos coeteri Praelati, per divites nobiliores in populo. Per fortes, Christiani milites: Per servos Christiani, qui fugientes ad barbaros captivos se tradiderunt, & per liberos reliquus populus Christianus sub Imperio Romano constitutus. *Et dicunt montibus & petris: Cadite super nos, & abscondite nos a facie sedentis super thronum.* Exprimatur his verbis desiderium moriendi prae nimia angustia, in qua constituti erant Christiani, timentes, ne etiam in speluncis, & petris montium, quo plurimi confugerant, tanquam ultimum asylum, perscrutarentur, & caperentur, proderentur, & longo cruciatu deducerentur ad mortem; ideo desiderabant mori, & obrui a montibus breviter, ne vi tormentorum ad exemplum plurimorum inclinarentur ad Christum negandum. *Et*

*dicunt montibus, & Petris: Cadite super nos, & abscondite nos a facie sedentis super thronum* h. e. ab immani, horribili & nimium crudeli persecutione Diocletiani & Maximiani, tunc sedentis super thronum Romani Imperii. *Et ab ira agni* h. e. Christi, quem existimabant Christiani iratum contra Ecclesiam suam tantorum malorum, & tam diuturnorum permissione. Et Diocletianum putabant Antichristum esse, instareque extremum iudicii diem, & exterminium ultimum Ecclesiae, ac Regni Christi super terram; talis enim tunc erat facies Christianitatis. Unde subditur. *Quoniam veniet dies magnus irae ipsorum*, h. e. tempus ultimae persecutionis, quam describit Christus Math. C. 24. Magnus dies vocatur ob saevitiem Tyranni, & permissionem Dei, quae superavit omnes persecutiones praecedentes Christianorum, & omnes permissiones Dei, quae dicuntur metaphorice *ira Agni*, quod is flagellet suos instar irati, & omnia ad purgationem peccatorum nostrorum & augmentum gloriae & proemii in coelis, hic in terris ad tempus ex sua benignitate permittat, nolens eos aeternaliter punire cum impiis in gehenna ignibus, & ardoribus sempiternis.

*Et quis poterit stare?* Est vox humanae fragilitatis, & pusillanimitatis ex consideratione tantae carnificinae profecta, qua simul exprimitur difficultas victoriae de Tyranno, ut patet ex lapsu S. Marcellini.



## Sectio II.

## IN CAPUT SEPTIMUM.

*De Consolatione tam militantis, quam triumphantis Ecclesiae super perpeſſas tribulationes.*

Verſ. 1.

I. *Post haec vidi quatuor Angelos stantes super quatuor Angulos terrae, tenentes quatuor ventos terrae, ne flarent super terram, neque super mare, neque in ullam arborem.* Descripta acerbitate persecutionis Dioeletiani, subditur consolatio maxima, quae facta est in Ecclesia Dei tempore Constantini magni ex Helena nati. Habet autem hoc caput duas partes, in quarum prima describitur consolatio, quantum ad existentes in Ecclesia militante, ibi:

Verſ. 2. *Et vidi alterum Angelum ascendentem ab ortu solis &c.* In secunda, quantum ad existentes in Ecclesia triumphante ibi. *Post haec vidi turbam magnam &c.*

## §. I.

*De Consolatione & liberatione Ecclesiae militantis a iugo, & persecutionibus Tyrannorum.*

Cap. VII. v. 1 — 8.

Verſ. 1.

I. *Post haec vidi quatuor Angelos stantes super quatuor Angulos terrae, tenentes quatuor ventos terrae, ne flarent super terram, neque super mare, neque in ullam arborem.* His verbis innuitur quaedam adhuc brevis continuatio persecutionis per quatuor Imperatores in quatuor partibus Imperii existentes, scil. Galerium, Maxentium, Maximum, & Licinium. Ideo dicitur: *post haec*, h. e. post persecutionem Dioeletiani, & Maximiani, qui deposuerunt insignia Imperii, *Vidi*

X 2

quatuor

*quatuor Angelos*, h. e. praedictos quatuor Imperatores, & persecutores Ecclesiae, *stantes*, h. e. dominantes *super quatuor Angulos terrae*, h. e. super quatuor partes Imperii Romani, quod extendebat se quasi ad fines terrae, ut supra dictum. *Tenentes quatuor ventos terrae, ne flarent*, h. e. impediennes universos Doctores Ecclesiae a praedicatione Evangelii, ac Verbi Dei. De hoc vento dicitur: Cant. 4. Surge Aquilo, & veni Austro, perfla hortum meum, & fluant aromata illius: quia sicut terrae per ventos, ita per flatum praedicationis fecundatur hortus Ecclesiae militantis super terram. *Neque super mare, neque in ullam arborem*. Sumuntur Continentia pro contentis; Christianorum enim aliqui habitabant in arida, aliqui in insulis maris, & aliqui in silvis, timore persecutionis, qui omnes locorum istorum nomine designantur.

Verf. 2. *Et vidi alterum Angelum ascendentem ab ortu solis.*

II. Hic describitur dictorum quatuor tyrannorum repressio per Constantinum M. Imperatorem facta Ao. Christi 312. *Alterum Angelum*, h. e. prioribus oratione contrarium, scil. Constantinum magnum *ascendentem ab ortu solis*; venientem ad Imperium Romanum ex ordinatione Christi, solis iustitiae, ut daret Ecclesiae pacem. Dum enim Romae occiso Severo tyrannizaret Maxentius, nobiles Romani evocarunt Constantinum, Constantii Chlorig filium, in Galliis agentem, ut urbem a tyrannide Maxentii liberaret. *Habentem Signum Dei vivi*, h. e. signum Christi. Describitur enim in historia Eccles. Lib. 9. quod Constantinus veniens Romam contra Maxentium, ibi tyrannizantem, frequenter cogitaret de dispositione belli, & pro victoria exoraret Deum coeli, quamvis nondum esset baptizatus; aspiciens in coelum, viderit Signum crucis rutilare; & cum miraretur de insolita visione, viderit Angelos assistentes, & dicentes; *In hoc Signo vinces*. Tunc de victoria futura

tura securus, signum crucis, sicut viderat, depingi fecit in militaribus vexillis; & sic procedens contra Maxentium obtinuit plenam victoriam, & triumphum.

Verf. 3. *Et clamavit voce magna quatuor Angelis, quibus datum est nocere terrae, & mari, dicens: Nolite nocere terrae, & mari, neque arboribus, quoad usque signemus servos Dei nostri in frontibus eorum.* His verbis describitur fortitudo, & pietas maxima Constantini Magni erga religionem Christianam. *Et clamavit voce magna quatuor Angelis*, h. e. praedictis quatuor persecutoribus, eorumque ministris in quatuor partibus Imperii-existentibus, per edicta sua pia clamavit, quibus mandavit, templa idolorum claudi, & omnes gentes Imperii, repudiatis idolis Christianorum religionem amplecti, templa ubique terrarum aedificari iussit, & aedificavit ipse Romae Ecclesiam Lateranensem, & plurimas alias ingentibus impensis cumulavit, ornavitque celeberrimis legibus omnibus interdixit, ne idolis sacrificarent, ne vaticina sciscitarentur, ne simulacra erigerent, ne sacrificia occulta facerent, ne civitates singularium certaminum sanguine polluerent, ne Aegyptii fluvium per viros effoeminatos colerent, ideoque universum Androgynorum genus tanquam adulterum e vita tollerent. Provinciarum praesidibus quoque legem dabat, ut dominicum diem colerent, ut Martyrum dies honorarent. Hist. Eccles. L. 4. De vita Constantini. Ex publicis tributis per singulas civitates vectigal certum deduxit, ac cujusque loci Ecclesiis, & Clericis deputavit, eamque munificentiam firmam, ac perpetuam habere per leges statuit. Provocationes a civilibus judiciis ad Episcopos concessit, & potiores eorum, quam iudicum sententias esse voluit. Iudicium, & jurisdictionem iisdem Episcopis in Clericos mandavit; ubique locorum sacerdotibus immunitatem concessit, literis favit, institutis multis scholis, & bibliothecis, & earum Professores multis privilegiis, immunitatibus, & stipendiis, &

honorariis dotavit, & ita hic dicitur, clamasse voce magna, dicens: *Nolite nocere terrae, & mari, neque arboribus*, h. e. Christi fidem, & religionem exterminando, & impediendo; in arida, in insulis maris, & in locis silvestribus, quod & obtinuit, quatuor tyrannos, eorumque ministros reprimendo a nocumento Christianorum. Nam Maxentium debellavit, & occidit; idemque postea accidit Licinio, contra Christianos crudeliter insurgenti in Alexandria, & Aegypto. Alios vero duos suo mandato deterruit; Itaque, quæ majore prius Ecclesia Nomenque Christi fuit in contemptu, exterminio, & desolatione, in eo postea majore honore, exaltatione, & consolatione fuit tempore Constantini magni, qui regnavit pius, & potentissimus ad 33 annos. *Quoad usque signemus servos Dei nostri in frontibus eorum.* Haec verba significant publicum exercitium Baptismi, quem Constantinus mandatis, & exemplis per totum Imperium introduxit. Is enim a B. Sylvestro baptizatus honoravit, & exaltavit Ecclesiam, & ejus ministros per totum Imperium; aedificavit magnificentissima templa; baptismum, & publicum catholicae Religionis exercitium promulgavit, & mandavit, missis ad Orcum idolorum spurcitia, fallitate, & foeditate. Hic sciendum, quod dictio *quoad usque* non accipiatur finite, sed infinite, sicut cum dicitur: iste non poenituit, quoadusque vixit, h. e. nunquam poenituit, quia post mortem poenitere non potuit.

Verf. 4. *Et audiivi numerum signatorum centum quadraginta quatuor millia signati ex omni tribu filiorum Israel.*

III. Sequitur fructus praedictae repressiois, quæ est multiplicatio credentium in Christo sub Imperio Constantini M. *Et audiivi* (imaginario & in spiritu) *numerus signatorum*, h. e. baptizatorum atque credentium, *centum quadraginta quatuor millia.* Est numerus determinatus pro indeterminato, quod frequens est in S. Scriptu-

Scriptura; Nam longe multoque plures per diversas partes orbis temporibus illis fuerunt baptizati. *Ex omni tribu filiorum Israel.* Nomen *Israel* transit secundum rem, & veritatem ad omnes gentes in Christo regeneratas per baptismum, ut impleretur illud *Osea C. 2. v. 24.* Et dicam non populo meo, populus meus es tu. Ad hoc etiam facit illud *Isaiae C. 44. v. 3.* Effundam spiritum meum super semen tuum, & benedictiones meas super stirpem tuam, & germinabunt. Et iterum: iste dicit: Domini Ego sum, & ille invocabit in nomine Jacob; & hic scribet in manu sua: Domino; & in nomine *Israel* assimilabitur. Quod intelligitur de gentibus conversis ad Christum. Idem dicit Apostolus ad *Rom. C. 2.* Non enim, qui in manifesto, judaeus est: neque quae in manifesto, in carne est circumcisio; sed qui in abscondito, judaeus est; scil. per fidem Christi, & circumcisionem cordis in spiritu. *Ex tribu Juda duodecim millia signati &c.* Consequenter jam etiam per duodecim tribus intelliguntur hic literaliter duodecim Apostoli novi testamenti, qui correspondent, & assimulantur duodecim Patriarchis V. T. Sicut enim per hos ex Jacob omnis generatio *Israel* secundum Carnem, ita per Apostolos omnis generatio ex *IESU Christo* secundum repromissionem & spiritum descendit. Et sicut loco tribus Dan, de qua Antichristus dicitur egressurus, ponitur hic tribus Joseph, ita locum Judae praevaricatoris S. Mathias obtinuit.

## §. II.

*De consolatione triumphantis Ecclesiae Christi  
super perpeffis tribulationibus & victoriis, quas  
SS. Martyres ob persecutiones reportarunt.*

Cap. VII. v. 9 — 17.

Verf. 9.

I. *Post haec vidi turbam magnam, quam dinu-  
rare nemo poterat ex omnibus gentibus, & tribubus,  
& populis & linguis: stantes ante thronum &c.* In se-  
quentibus verbis describitur, & revelatur beatissimus  
status omnium SS. Martyrum in Ecclesia triumphante  
existentium, qui tempore Diocletiani, praecedentium-  
que Tyrannorum per multas, easque varias tribulatio-  
nes, ac mortes transierunt ad vitam immortalem, &  
hoc in consolationem & confortationem reliquorum Chri-  
sti militum, qui usque ad consummationem saeculi pro-  
pter fidem, iustitiam, & honorem Domini Dei sunt  
passuri in Ecclesia militante &c. *Post haec* puta ordine  
revelationis, *vidi turbam magnam* Martyrum & San-  
ctorum Dei, qui primis trecentis annis post passionem  
Christi transierunt ad coelestem gloriam. *Quam dinu-  
merare nemo poterat:* Ponitur infinitus numerus, per  
quod significatur multitudo maxima SS. Martyrum qui  
annis illis trecentis transierunt ad vitam immortalem,  
ut patet ex dictis. *Ex omnibus gentibus, & tribubus,  
& populis, & linguis.* Ponuntur haec quatuor genera  
ad significandum nobis, quod ex omnibus nationibus  
hominum, qui sub coelo sunt, in quatuor mundi pla-  
gis, plurimi transierint dicto modo ad vitam aeternam,  
& quod nullum genus hominum excludatur a coelesti  
gloria. *Stantes ante thronum.* Per hoc significatur sta-  
tus sanctorum, qui est clarus Dei aspectus, requies, &  
stabilitas aeterna; dicuntur enim *stare ante thronum*,  
h. e. requiescere ab omni labore in visione Dei beati-  
fica. *Et in conspectu Agni.* Per hoc denotatur gaudium  
beato-



beatorum ex visione humanitatis Christi, qua fruuntur etiam in aeternum. Sicut enim beati reficiuntur interior in aspectu divinitatis, ita exterior in aspectu Humanitatis Christi. *Amicti stolis albis &c.* Per stolas albas designantur gloriae, proemia, ac lauréolae speciales pro diversitate certaminis, & meritorum, ut supra; unde statim subditur: *Et palmae in manibus eorum* in signum victoriae perfectae, quae non habentur in praesenti vita, in qua homines quantumvis Sancti continuo versantur in pugna. Ex quo patet hic vere statum beatorum triumphantis Ecclesiae describi.

Verf. 10. *Et clamabant voce magna.* Denotatus his verbis officium beatorum Dei, simulque exprimitur vehementia, & affectus maximus amoris divini, cujus impulsu laudent, & glorificant Deum, & Agnum de sua salute in omnem aeternitatem securi, dicentes: *Salus Deo nostro, & Agno*, h. e. Salus, & felicitas, & omnia quibus fruimur, a Deo & Agno promanant.

II. Verf. 11. *Et omnes Angeli stabant in circuitu throni, & seniorum, & quatuor animalium, & ceciderunt in conspectu throni in facies suas, & adoraverunt Deum.* Sequitur applausus omnium SS. Angelorum super salutem beatorum Martyrum Dei. *Et omnes Angeli* stabant parati ad exequendam omnem Dei voluntatem. *In circuitu throni, & seniorum & quatuor animalium.* Ubi adverte, ordinem SS. Angelorum, qui sunt in Ecclesia Catholica triumphante in tres Hierarchias, & 9 Choros divisi, *in circuitu throni Dei & seniorum*, h. e. Prophetarum & Apostolorum. *Et quatuor animalium* seu Evangelistarum, ac Doctorum, & inserviunt creatori suo, quod exprimitur per verbum *stare.* *Et ceciderunt in conspectu throni in facies suas, & adoraverunt Deum.* Per haec verba designatur perfectissima submissio, reverentia, humilitas, & Cultus, quo SS. Spiritus Angelici Christum Jesum, verum Deum, & hominem adorant in omnem aeternitatem,

ipsi omnem laudem & gloriam tribuendo pro statu suo beato, & gratias agendo pro triumpho Martyrum, *Dicentes: amen.*

Verf. 12. *Benedictio, & claritas, & sapientia, & gratiarum actio, honor, & virtus, & fortitudo Deo nostro in saecula saeculorum. Amen.* h. e. attribuantur Deo nostro virtus, benedictio, laus, & claritas, clarificatio nominis, & sapientia (quoad aeternam famam) & gratiarum actio de omnibus perpeffis tribulationibus, quae ad summam gloriam Sanctis Martyribus cesserunt. *Honor* in publicis Ecclesiis & altaribus, quae post ultimam tribulationem passim per totum mundum erigebantur, *Et virtus &c.* effectus virtutis, & miracula facta in testimonium fidei. *Et fortitudo*, scil. potentia resistendi, qua tyrannos, & persecutores Ecclesiae sustulit. Item Constantia admirabilis SS. Martyrum, quorum infinita quasi multitudo utriusque sexus vicerunt omnia tormenta mundi, & pervenerunt ad regna coelestia. Haec omnia esse attribuenda Domino Deo, utpote unico fonti, & infinito mari bonorum omnium, testantur, & declarant SS. Angeli; unde claudunt suam acclamationem voce *Amen* h. e. fiat, fiat, per quod eorum ardens desiderium exprimitur.

Verf. 13. *Et Respondit unus de senioribus, & dixit mihi: Hi, qui amicti sunt stolis albis, qui sunt, & unde venerunt?*

III. Quaestio ista hic sapientissime instituitur super personis ipsis, quales sint, & quomodo ad statum adeo beatum pervenerint; ad consolationem & gaudium, & spem certam iustorum in omnibus adversis, quae ab omnibus impiis hominibus super terram ex Dei permissione contingit nos pati, scil. ut intelligeremus, non esse exterminium, exitium, & mortem contumeliosam iustorum, sed transitum ad statum omni gloria & omnibus bonis aggregatum. Sapientia C. 3. Iustorum animae  
in

in manu Dei sunt, & non tanget illos tormentum mortis, visi sunt oculis insipientium mori, & aestimata est afflictio exitus illorum, & quod a nobis est iter, exterminium: illi autem sunt in pace. Id ipsum fateri, & deplorare cogentur, & ipsi impii in extremo iudicio sed fero, & ad aeternam suam confessionem. Sapient. 5. Tunc stabunt iusti in magna constantia adversus eos, qui se angustiaverunt, & qui abstulerunt labores eorum, videntes turbabuntur timore horribili dicentes intra se, poenitentiam agentes, & prae angustia spiritus gementes: Hi sunt, quos habuimus aliquando in derisum, & in similitudinem improprietatis; nos insensati vitam illorum aestimabamus insaniam, & finem illorum sine honore. Ecce quomodo computati sunt inter Filios Dei, & inter Sanctos fors illorum est. *Et respondit unus de senioribus, & dixit mihi.* Hic est S. Petrus, qui dicitur unus seniorum, h. e. primus inter Praelatos Ecclesiae, ut supra dictum est. *Hi, qui amicti sunt stolis albis, qui sunt, & unde venerunt?* Est interrogatio ista, non discere aliquid, sed instruere nos volens, uti dictum. Unde subditur responso S. Joannis humilis, qua instruimur, divina mysteria e coelo disci debere.

Verf. 14. *Et dixi illi, Domine! tu scis.* Et illico sequitur instructio veritatis aeternae. Et dixit mihi: *Hi sunt, qui venerunt de tribulatione magna,* h. e. hi sunt, qui fuerunt in hoc mundo in opprobrium hominum, & sustinuerunt rotas, ignes, bestias, enses, carceres, & exilia, & exierunt de mundo per martyrium tempore Diocletiani & Maximiani, & praecedentium Tyrannorum, quia tunc fuit tribulatio maxima, *Et laverunt stolas suas, & dealbaverunt eas in sanguine Agni.* Per hoc significatur augmentum gloriae animae, quod est laureola martyrii, quam obtinuerunt per testimonium fidei in Iesum Christum. Sanguis enim martyrum sanguis Agni dicitur moraliter, quia est sanguis membrorum ejus, in quibus dicit, se persecutionem

nem pati. Actor. Cap. 9. Saule, Saule, quid me persequeris? Item dicuntur *stolas suas lavisse, & dealbasse in sanguine Agni*, quia omne meritum, & mors sanctorum fundatur in morte, & sanguine agni; JESU Christi, & radicantur tanquam palmites in vite, & tanquam fructus in arbore, & tanquam fetes in femine &c.

Verf. 15. *Ideo sunt ante thronum Dei die, ac nocte &c.* Sequitur condigna, & plena tribulationum retributio per particulam *ideo* significata. Specificantur autem hic octo retributiones, quae sunt correspondentes octo arduis gradibus virtutis, & victoriae per quas Christianos oportet ascendere, & venire ad Regnum Dei. Hoc Christus Math. Cap. 5. militibus suis promiserat, & est numerus, per quem universitas, & satietas omnium bonorum denotatur; ut videbimus.

IV. *Primus gradus est paupertas in spiritu*, qua Christianus armatus debet esse paratus, omnia temporalia perdere potius, quam negare fidem, & in persecutione distribuere pauperibus, sicut fecit S. Laurentius, & omnes SS. Martyres, quorum bonis insidiabantur Tyranni, & his promittitur Regnum coelorum, quod est stabilitas aeterna personalis. Unde dicitur: *Ideo sunt ante thronum Dei* h. e. positi sunt in stabilitate aeterna, videntes eum a facie ad faciem, sicuti est.

*Secundus gradus est, mansuetudo*, qua praecincti SS. Dei Martyres sustinuerunt jugum, & tyrannidem terrenorum Regum ad exemplum Christi Domini sui, tanquam Agni ad occisionem ducti sunt, non aperiens os suum, & ita vicerunt in bono malum, quibus promittitur possessio terrae; & haec est libertas plena, & possessio aeterna summi boni, in qua regnabunt cum Christo JESU Capite suo in saecula saeculorum, quia servire Deo, regnare est. Proinde subditur: *Et servient ei die, ac nocte in templo ejus.* In aeterna quiete, libertate,

tate, felicitate sine timore laudantes creatorem suum in omnem aeternitatem. Hinc Ps. 83. dicitur: Beati, qui habitant in domo tua Domine, in saecula saeculorum laudabunt te. Per templum enim intelligitur hic coelum empyreum, palatium aeterni Regis, tabernaculum incorruptibile, in quo habitabit Deus cum hominibus, & Angelis suis Sanctis ut infra videbimus Cap. 21.

*Tertius* gradus est *Luclur justorum*, quo ingemiscunt, fientes in adversitatibus, instabilitatibus, concussionibus, malis tentationibus & aliis innumeris aerumnis, & calamitatibus hujus mundi. Et his promittitur consolatio plena, & felicitas perfecta, quae est esse cum Christo, & regnare cum eo, Monarcha justissimo, sanctissimo, & potentissimo, cujus bonitas, & potentia, & regnum non mutabitur in aeternum. Unde subditur: *Et qui sedet in throno, habitabit super illos*, neque servient terreno Regi amplius, neque subiicientur amplius, neque mutabitur status eorum, amplius in saecula saeculorum; quia Christus Dominus, Rex Regum, & Dominus dominantium erit eorum Rex, cujus jugum suave, & onus leve: dominabitur illis in omnem aeternitatem, & non poterunt ab eo avelli amplius.

*Quartus* gradus est *Zelus justitiae*, cui promittitur plena satietas omnium desideriorum & bonorum. Homines enim justi Dei videntes, in hoc mundo tanta mala perpetrari; oppressionem pauperum, pupillorum, & viduarum, impios praedominari justis, consilia stultorum audiri, & sapientum contemni, tot bona impediri, tot animas perire, tot injusta bella moveri, & non esse justitiam, neque veritatem, neque timorem Dei, neque charitatem, neque sinceritatem in plerisque hominibus &c. affliguntur in spiritu quasi aestu cujusdam sitis, & famis, quod mederi non possint: pro solatio ergo additur:

Verf. 16. *Non esurient, neque sitient amplius; saturabuntur enim omnia, eorum desideria cognoscendo desuper*

desuper decretum divinae voluntatis. Ps. 16. Ego autem in iustitia apparebo conspectui tuo, satiabor cum apparuerit gloria tua. Item non esurient, neque sitient corporis necessitatem patiendi in omnem aeternitatem.

*Quintus* gradus est, esse *Misericordem* in hoc mundo, diligere pauperes, miseros, afflictos, pupillos, viduas, & egentibus subvenire, & exhibere se erga omnes affabilem, mansuetum, & amantem, & compassivum in charitate Christi. Et his promittitur misericordia Dei, qua merentur a poenis aeternis conservari, & securi esse ab omni alia tribulatione in saecula saeculorum. Quare additur: *Nec cadet super illos sol*, h. e. iustitia Iesu Christi, solis iustitiae; Haec enim aduret, & torquebit nonnisi impios, & tyrannos, & immisericordes in saecula saeculorum in inferno, *neque ullus aestus*, & quaecunque alia tribulatio, quarum plurimae in praesenti saeculo solent esse, invadere & venire super eos poterit in omnem aeternitatem.

*Sextus* gradus est *vita Sancta*, immaculata casta, sobria, & pia in hoc saeculo, cui promittitur visio Dei in altero saeculo, nihil enim coinquinatum introibit in Regnum Dei.

Verf. 17. *Quoniam Agnus, qui in medio throni est, reget illos*. Per Agnum intelligitur humanitas Christi, in qua, & ex qua resplendentem divinitatem tanquam facem in lucerna ardentem, intuebuntur in omnem aeternitatem beati: *in medio throni*, h. e. coeli. Math. Cap. 5. In quo Christus Dominus se omnibus Sanctis praebebit spectabilem, & gloriosum. Dicitur: *Agnus reget illos*, quia humanitas Christi est medium visionis beatificae inter divinitatem, & creaturam, quales sunt omnes beati; item quia omnes beati dirigentur, & dependebunt inflexibiliter a nutu voluntatis Christi ineffabiliter bonae, quae non permittit eos errare amplius, neque peccare in omnem aeternitatem; sed absorpti & perfectissime uniti cum creatore suo mediante directione humani-

humanitatis Christi manebunt in ineffabili quiete in omni aeternitatem. Unde etiam consequenter visionem beatificam amittere non poterunt amplius, ut nihil sit ultra, quod desiderare possint, aut in quo disgustari.

*Septimus gradus est libertas quaedam, & pax sancta* justorum super terram, vi cujus subiectas sibi, & pacatas tenent passiones, & affectibus suis dominantur. Unde in omnibus calamitatibus, & adversis, & in tormentis inconcussi stant, & retinent semper pacem, & tranquillitatem cordis, habentes testimonium bonae conscientiae suae ad Dominum Deum suum. Istis promittitur filiatione Dei, qua omnis sanctorum appetitus plene, & perfecte satiabitur, quia ea nihil majus, quod desiderari; nihil dignius, quod appeti, nihil dulcius, quo frui; & nihil admirabilius, quod ipsis advenire posset. Unde subnectitur. *Et deducet eos ad vitae fontes aquarum*, i. e. ad immortalitatem, & satietatem omnium bonorum, omniumque desiderabilium, quae aut haberi, aut desiderare possunt. Ideo dicitur in plurali *ad vitae fontes aquarum*. Consequenter hanc plenitudinem, & filiationem Dei plane post universalem resurrectionem corporum acquiremus, quando Christo erimus similes, & filii Dei vocabimur, cumque sicuti est a facie ad faciem, Dominum Deum nostrum videbimus.

*Octavus* denique gradus est, *pati adversitates* vincula, jacturam bonorum temporalium, aut mortem ipsam propter justitiam, vel fidem in Dominum Jesum Christum, in patientia & humilitate. De quibus hic ultimo dicitur: *Et absterget Deus omnem lacrymam ab oculis eorum*, h. e. ultra non habebunt aliquam tristitiae materiam, sed plenam, & perfectam consolationem; & qualis fuit mensura in calice passionis, talis erit, & consolationis. Unde nemo illic dolebit de adversitatibus, & perpeffis malis, quia semper gaudebunt de bonis sempiternis, propter illa sibi retributis.

*Finis Libri Tertii.*

LIBER



## LIBER QUARTUS

IN CAPUT OCTAVUM ET NONUM.

*De Apertione Septimi Sigilli, & de sex primis Angelis, qui tuba cecinerunt.*

## Sectio I.

*De quatuor primis Angelis, qui tuba cecinerunt.*

## §. I.

*De Apertione Septimi Sigilli.*

Cap. VIII. v. 1 — 6.

I. **S**ub apertione 6 praecedentium Sigillorum fuit descripta pugna Ecclesiae contra Judaeos, & gentiles; sub apertione jam Septimi Sigilli describitur consequenter pugna ejusdem Ecclesiae contra praecipuos Haereticos, & eorum fautores, qui omnes usque ad finem mundi sub hoc ultimo Sigillo referantur; sub eodem etiam adnectitur brevis cujusdam Tyranni persecutio, scil. a Juliano Imperatore Apostata post Constantinum Magnum, ejusque filios excitata. Sequitur ergo:

Verf. 1. *Et cum aperuisset Sigillum Septimum,*  
 h. e. cum revelasset Dominus Deus S. Joanni reliquas Ecclesiae persecutiones usque ad consummationem saeculi, ab eodem permittendas: *factum est silentium in coelo, quasi media hora.* Per hoc silentium denotatur nova Ecclesiae tristitia, horror, & consternatio incussa per Julianum Apostatam, sed quia ex singulari protectione, & dispositione Dei, hic Tyrannus brevi sublatu est, dicitur: *quasi media hora factum hoc silentium.* Silentium fieri dicitur, quando omnes horrent, timent, & stant



stant attoniti propter faciem imminentium malorum, grandium, & novorum, quod profecto contigit Ecclesiae Christi tempore Juliani Imperatoris, & hoc est, quod subditur: *factum est silentium in coelo*, sive in Ecclesia militante: quia Julianus, qui primis 20 annis Christianam fidem professus, decem ob metum Constantii eam simulans, primo statim anno, quo Imperium est adeptus, metu solutus Christianam religionem solemniter abnegavit, & summus Pontifex impuris ritibus (qui alicubi a Prudentio presbytero in romano hymno describuntur) initiatus templa Deorum aperiri, & hostias immolare edixit, & etiam Pontificem se Eleusinorum sacrorum voluit creari insuper templum Hierosolymae a Tito destructum, Judaeis restituere impense est conatus. Contra templa Christianorum claudi iussit, prohibens divinum officium solemniter celebrari, & sic factum est silentium in coelo. Sed non diu tulit Deus scelestum hunc persecutorem Ecclesiae suae. Nam an. Christi 363. Postquam nonnisi uno anno & 6 mensibus imperasset, in bello Persico accepto vulnere e vita excessit, ideo dicitur: *quasi media hora*, quia post mortem ipsius apertae fuerunt Ecclesiae Christianorum, & idolorum fana clausa, & gaudere coepit Christiana religio sub sequentibus Imperatoribus, Joviano & Valentiniano & S. Damaso summo Pontifice.

II. Vers. 2. *Et vidi septem Angelos stantes in conspectu Dei, & datae sunt illis septem tubae.* De istis septem Angelis, & eorum tubis dicitur infra.

Vers. 3. *Et alius Angelus stetit, & venit ante altare.* Ille alius Angelus est S. Damasus Papa, qui dicitur alius, h. e. prioribus omnino contrarius. Ponitur autem hic intermedius, quia aliqui ex septem Angelis eum antecesserunt; quia vero plures, & fere omnes post eum venerunt, ponuntur prius omnes septem stare in conspectu Dei, & accipere tubas, posterius vero *tuba canere*; *Et alius Angelus venit*, nimirum S. Damasus,

electus est enim ad Pontificatum obeundum. *Et stetit ante altare*, h. e. confirmatus etiam, & stabilitus est in suo Pontificatu. Sciendum enim S. Damasum electum ad summum Pontificatum, habuisse Ursicinum Diaconum competitorem in Basilica, quae appellatur Licini, ubi multi utrimque ceciderunt in templo, cum res non suffragiis tantum, sed vi, & armis tractaretur. Verum non ita multum post sacerdotum, ac populi consensu Damasus episcopus confirmatur, & Ursicinus ad Neapolitanam Ecclesiam traducitur. Et proinde hic signanter dicitur: *Et alius Angelus venit, & stetit ante altare* gubernans scil. Ecclesiam Dei per altare recte significatam, in qua quotidie coelesti Patri in sacrificiis Missae Iesus Christus immolatur, sumitur, & offertur sacrificium incruentum, & propitiatorium. *Habens thuribulum aureum* h. e. summa devotione, sapientia, & charitate; quae tria per fumum, aurum, & ignem in thuribulo contenta metaphorice significantur. In his omnibus excelluit iste Papa. Nam SS. Bibliis a S. Hieronimo versis primus dedit auctoritatem, Symbolum constantinopolitanum in locum Nicaeni ad missarum solennia cantari iussit. Choriepiscopos sustulit, templa aedificavit, & cultum divinum plurimum auxit, & ordinavit per omnes Ecclesias, ut Psalmi alternis vocibus diu, nocteque canerentur, & in eorum fine semper adderetur Gloria Patri, & Filio, & Spiritui S. &c. *Et data sunt ei incensa multa*; Sequitur fructus sapientiae hujus Pontificis, qui sunt maxima incrementa divini cultus, & religionis per universam Ecclesiam Christi in populo, & Ecclesiae ministris consecuta. *Et data sunt ei incensa multa &c.* quae sunt augmenta orationum fervorum Dei in Ecclesia existentium. Ps. 140. Dirigatur Domine oratio mea, sicut incensum in conspectu tuo; & dicuntur illi, *data*, quia fuit illorum causa, dum auctoritate Apostolica cultus divini optimum instituit ordinem, quo mediante creverunt valde per orbem terrarum orationes, & omnis devotio Christiana. *Us daret*

*daret de orationibus sanctorum omnium super altare aureum, quod est ante thronum Dei.* His verbis notatur officium summi sacerdotis, quod est promovere, & conservare divinum cultum, per se, & suos ministros subordinatos, & referre devotionem totius populi Christiani in Deum, cum sit caput universalis Ecclesiae. *Ut daret* &c. h. e. ut referret, & repraesentaret augmentum, quod autoritate, sapientia, & devotione sua apostolica cultui divino in christianitate post sublationem impii Tyranni Juliani accessit ad majorem Dei gloriam. *Super aureum altare,* quod est humanitas Christi, sive Agnus, qui est ante conspectum throni, & in ipso omnia nostra merita, & orationes Deo Patri repraesentantur, exaudiuntur, & placent; in ipso enim omnia nostra merita & orationes fundantur, & acceptantur per ipsum a Patre, & sine ipso nullum haberent valorem, & complacentiam amicitiae in vitam aeternam. Unde sequitur :

Verf. 4. *Et ascendit fumus incensorum de orationibus Sanctorum de manu Angeli coram Deo,* h. e. placuit supra modum hoc augmentum cultus sacri divinae majestati, ex operatione, industria, sapientia, & devotione hujus Sancti Pontificis (qui hic repraesentat personam universalis Ecclesiae) deveniens.

Verf. 5. *Et accepit Angelus thuribulum, & implevit illud de igne altaris, & misit in terram, & facta sunt tonitrua, & voces, & fulgura, & terrae motus magnus.* Sequitur aliud magnum, & bonum opus, quod sub Pontifice hoc factum est scil. Concilium generale Constantinopolitanum, in quo 150 Patres subscripserunt de vera divinitate Spiritus S. contra impium Macedonium, aliosque, qui ejus negabant divinitatem; sicut Arius negabat eandem prius Christo. Hinc subjungitur: *Et accepit Angelus,* h. e. S. Damasus *thuribulum anathematis,* quod est Concilium generale, ubi omnium Patrum corda consentiunt in unum, & sunt moraliter

cor unum quod per thuribulum significari supra diximus. *Et implevit illud de igne altaris* h. e. de divinitate Spiritus S. qui per ignem designatur. Dicitur hic *implevisse de igne altaris*, quia de universali consensu totius Ecclesiae, quam per altare significari supra dictum fuit, tanquam summum Caput, & iudex Controversiarum fidei, declaravit hanc veritatem de vera Spiritus S. divinitate. *Et misit in terram*, h. e. publicavit per orbem terrae contra Macedonium, & ejus sectatores, definiendo ex cathedra S. Petri veram inesse divinitatem Spiritui S. *Et facta sunt tonitrua*, h. e. excommunicationes; & *voces*, h. e. declarationes fidei de Spiritu Sancto. *Et fulgura* scil. comminationes excommunicationum, si qui impostero aliter sentirent, aut docerent. *Et terrae motus magnus* h. e. alteratio magna, & commotio animorum super his. *Et misit in terram*, h. e. contra haereticos Macedonianos, terrena, & servilia sentientes de Spiritu S. *Et facta sunt tonitrua*, h. e. Sanctae praedicationes de Spiritu Sancto. *Et voces* divinae laudis de eodem. *Et fulgura*, h. e. coruscationes miraculorum in ejusdem virtute factorum. *Et terrae motus magnus*. Per hoc enim corda hominum mota sunt ad recte sentiendum de Spiritu S.

Verf. 6. *Et septem Angeli, qui habebant septem tubas, praeparaverunt se, ut tuba canerent*. Qui, & quales sint isti septem Angeli cum suis tubis, in sequenti paragrapho videbimus.

## §. II.

### *De 2 Primis Angelis, qui tuba cecinerunt.*

#### Cap. VIII. v. 7 — 9.

I. Per quatuor Angelos, de quibus in sequentibus duobus paragraphis agitur, & qui tuba cecinerunt, designantur haeresiarchae, moventes bellum grave (post devictos hostes saevissimos judaeorum, & gentilium) Ecclesiae Christi contra veritatem SS. Trinitatis, Divinitatis

tatis Christi, Spiritus Sancti, Humanitatis, Personae, Naturae, & voluntatis Verbi Incarnati &c. Et per hos quatuor designatur universitas coeterorum Haereticorum, qui omnes fere originem suam ex istis haereticis duxerunt, & in iis fundantur. Et dicuntur quatuor ad similitudinem quatuor animalium, scil. Evangelistarum, eo quod, sicut veritas Evangelica in quatuor partes mundi est seminata, ita etiam Zizania haereticorum ex divina permissione. Diabolus enim, serpens antiquus simia est, & pater haereticorum, & mendaciorum, qui ad destructionem veritatis Evangelicae conatur Christum Dominum frustra imitari. *Tuba canere* est ad bellum evocare, & pugnam, item aliquid promulgare; Prius convenit postremis tribus Angelis, & posterius quatuor Haeresiarchis, qui inflati superbia disseminarunt in temporibus suis falsa sua dogmata per orbem. Hinc dicitur:

Verf. 7. *Et primus Angelus tuba cecinit.* Sub hoc intellige Arium, Alexandriae civitatis presbyterum, qui Ao. Christi 315 sub Alexandro, ejusdem civitatis Episcopo, & Constantino M. Imp. atque Sylvestro Pontifice, surrexit, docens, Filium Dei Deo similem nominis tenus, & non consubstantiali Patri. Contra hanc haeresin convocatum est Concilium Nicaenum I. Unum ex Conciliis quatuor principalibus, in quo subscripserunt 318 Catholici Episcopi, & condemnatus est Arius, Photinus, & Sabellius, & quamvis ante Julianum, & subsequentes Imperatores, atque S. Damasum Papam, hic Haeresiarcha prodierit, posterius tamen ponitur in tubicinio, quia incrementa maxima sumpsit in posterioribus temporibus, & diu duravit, ita, ut ingemiscens dicatur Ecclesia (prout habetur in Breviario Roma: 11 Decembris in festo Damasi) Et orbis terrarum se Arianum esse miratus. *Et facta est grando, & ignis, mista in sanguine, & missum est in terram, & tertia pars terrae combusta est, & tertia pars arborum concremata est, & omne foenum viride combustum est.* Subsequuntur

tempestates, & inexplicabiles clades, & damna, quae Christianitas ex hoc tubicinio fuit passa: *Et facta est grando*, h. e. grandis tempestas, quae nomine grandinis vulgari locutione designatur, & qua Ecclesia fuit inter se divisa. Quare ecclesiastica Historia L. 10. sic habet. Ea tempestate facies Ecclesiae foeda, & admodum turpis erat; non enim, sicut prius ab externis, sed a propriis, & intestinis vastabatur; fugabat alius, & alius fugabatur, & uterque de Ecclesia se esse dicebat. Proprietas grandinis est florentissima quaeque prata, segetes, vineas, flores, arbores, & fructus destruere & foedare, hoc fecit haeresis Ariana, quae Ecclesiam Christi, tempore Constantini M. florentissimam postea foedavit, & destruxit. *Et ignis, mista in Sanguine* aemulationis, ex quibus duobus, scil. grandine, & igne secuta est effusio sanguinis, maxime tempore Valentis Imp. qui lapsus in hanc haeresin persequabatur Catholicos, eorum alios comburendo, alios gladio occidendo, & aliis modis novis affligendo. *Et missum est in terram*. Dicitur missum esse in terram, quia ista haeresis, quasi totum orbem terrae infecit, valde enim propagata fuit, & diu duravit, & placuit vere omnibus. Unde sequitur: *Et tertia pars terrae combusta est; & tertia pars arborum concremata est, & omne foenum viride combustum est*. Explicatur his verbis lapsus Christianorum in Arianam haeresin, ac decrementum Ecclesiae, loquitur enim hic S. Joannes de tertia parte Christianitatis, cujus tertia pars in Laicis, sive in populo, igne Arianae perfidiae fuit corrupta, quae designatur per *terram*, eoquod terrenis artibus, & negotiationibus sint intenti. Et tertia pars in statu ecclesiastico, quae per arbores intelligitur, eoquod cognitione scripturarum, & rerum coelestium sint super alios elevati &c. Similiter in vita, & moribus, ut fructus reddant supernaturales in tempore suo, & folia & flores emittant boni exempli, scribit enim S. Hilarius, 105 Episcopos fuisse per Arianam perfidiam infectos: *Et omne foenum viride*, signanter additur:

ditur: & intelliguntur per hoc Gothi, novelli ad Christianitatem dispositi, qui volentes Christianitatem suscipere, miserunt ad Valentem Imp. pro sacerdotibus Christianis, qui docerent eos de fide catholica, & sacramentis Ecclesiasticis; & ipse misit eis presbyteros Arianos, sicut ipse Arianus erat, qui eos corruerunt haeresi Ariana. O perfidiam dignam certe, quae ab iisdem Gothis in tugurio ultricibus flammis cremaretur. Ao. 378.

II. Vers. 8. *Et secundus Angelus tuba cecinit.*

Hic est Macedonius Episcopus Constantinopolitanus, qui aperuit os suum in Spiritum S. & blasphemavit, docens, eum esse meram creaturam, & servum filii. Surrexit hic Ao. 360. Contra hunc errorem habitum est Concilium secundum generale, unum ex quatuor principalibus, scil. Constantinopolitanum, ubi iterum subscripserunt 150 Episcopi sub Gratiano, & Theodosio Imp. & S. Damaso Papa Ao. 381. *Et tanquam mons magnus igne ardens missus est in mare.* Assimilatur hic haeresiarcha, & ejus haeresis monti magno igne ardenti, propter elationem, & ambitionem & saevitiem suam pessimam, quibus instar montis magni tumebat, & ardebat, maxime sibi applaudens de hac sua secta, qua non filium cum Spiritu S. sicut Arius, sed totum Spiritum S. a vera Deitate Patris, ac consubstantialitate excludebat. Ignis etiam ardens esse notatur, quia privatus Episcopatu scintillabat, & flagrabat invidia, ira, & livore, unde postea vitam privatam in loco, qui dicebatur *claustra*, prope Constantinopolim degens primum incoepit ore ininime clauso omnem adversus Spiritum S. blasphemiam evomere. *Missus est in mare* imo Mare hic metaphorice significat, ipsam SS. Trinitatem Personarum, & unitatem essentiae, nam sicut mare; ita multo magis mysterium SS. Trinitatis est inscrutabile. Et sicut ex mari omnia flumina & fontes, & aquae scaurunt, & omnia ad mare iterum redeunt; ita ex Deo Trino & uno omnia bona fluunt, & ad eundem re-

deunt omnia. 2do Mare etiam hic significat ipsum Spiritum S. sicut mare omnis generis creaturas suas vivificat, vegetat, & extra illud nequeunt vitam habere; ita tale mare vivificans est Spiritus S. ex quo omnes accipimus vitam animae in Baptismo, & conservamur, & vivimus in eo, & sine illius rivulis aquarum (quae sunt gratia antecedens, subsequens, & concomitans) cito morimur. 3tio Sumitur pro ipsa Ecclesia, ratione Baptismi, per mare designata, eoquod, sicut mare est receptaculum omnium aquarum, ita Ecclesia est congregatio fidelium per baptismi Sacramentum. 4to Pro ipso mundo accipitur, qui sicut mare, plenus est fluctibus tentationum, & instabilis, & habet bonos, & malos permixtos, sicut mare bonos, & malos pisces. In omni hac acceptione maris recte dicitur iste *mons missus in mare*, ut consideranti facile patebit. *Et facta est tertia pars maris sanguis*. Sanguis hic sumitur pro deturpatione, quae ad extra, & secundum externam formam accidit ex hac haeresi Spiritui Sancto, & respectively etiam toti SS. Trinitati, & Ecclesiae. 2do Proprie etiam accipitur, quia propter hanc, & arianam haeresin plurimum Sanguinis Christiani effusum est in mundo, ut constat ex historia Ecclesiae.

Verf. 9. *Et mortua est tertia pars*, puta Christianitatis, dicitur esse mortua, nempe secundum vitam animae, quam habebant per veram fidem, & charitatem in Spiritum S. adhaerentes verae Ecclesiae Catholicae Christi, in qua solum est vita, deficientes autem ab ea, & adhaerentes perfidiae praedictae haeresis, mortui sunt omnes; quam parum enim pisces extra mare; ita multo minus, animae extra veram Ecclesiam Catholicam vivere, & salvari possunt. *Tertia pars* sumitur hic semper determinatum pro indeterminato, h. e. magna & notabilis pars per tertiam partem significata. *Et tertia pars navium interiiit*, h. e. magna pars praelatorum, & curatorum corrupti sunt per praedictum errorem, per quos duci debuissent alii ad portum salutis.



## §. III.

*De Tertio & Quarto Angelo.*

Cap. VIII. v. 10 — 13.

Vers. 10.

I. *Et tertius Angelus tuba cecinit.* Per hunc tertium denotatur Haeresiarcha Pelagius monachus, cujus discipulus coetaneus, & affectator fuit Coelestinus itidem monachus, tempore Arcadii, & Honorii Imp. item Innocentii I. Papae, atque Augustini Hipponensis Episcopi, contra quem coactum est Concilium Milevitanum, Ao. Christi 416. Et condemnatus est. Similiter in Ephesino, quod unum ex Conciliis principalibus, coactum contra Nestorium. Idem Pelagius infecit sua haeresi Syriam & Britanniam Insulam patriam suam, cujus discipuli, & sectatores, idem in aliis partibus fecerunt. Docebat is imo liberum arbitrium divinae gratiae anteponebat, non ex misericordia Dei propter Christum sine nostro merito nos justificari, sed ex propriis virtutibus, & operibus naturalibus veram, ac solidam justitiam coram Deo parari, & remissionem peccatorum contingere non ex fide Christi, sed ex nostris conatibus. 2do Mortem Adae non ex peccato, sed ex conditione naturae fuisse. 3tio Pueros non egere Baptismo, quia peccatum originale negat. 4to Vitam justorum in hoc saeculo nullum habere peccatum, quod semel justus amplius peccare non possit. 5to Liberum hominis arbitrium post receptam baptismatis gratiam peccare non posse amplius. 6to Orationes Ecclesiae pro infidelibus, & peccatoribus, ut convertantur, aut pro fidelibus, ut perseverent, frustra fieri, & sufficere pro his omnibus liberi arbitrii potestatem. De hoc haeresiarcha itaque scribitur hoc loco. *Et tertius Angelus tuba cecinit*, h. e. Pelagius incepit, & promulgavit sua nefanda delicta. *Et cecidit de coelo stella magna, ardens tanquam racula.* Haec stella est Coelestinus, discipulus, & af-

sectator ejus, qui cecidit ad tubicinum magistri sui, de militante Ecclesia in praedictam haeresin. Vocatur stella magna, quia fuit homo literatus, religiosus, scil. Monachus, & doctrina ejus habebat apparentiam veritatis. Unde subditur: *Ardens tanquam facula*, per quae verba hujus haeretici vis exprimitur: plurimos enim incendit, corrumpit, & seduxit apparentia suae literaturae, veritatis, & sanctitatis in habitu religioso, & conversatione. *Ardens* dicitur, quia erat acerrimus hostis, & expugnator gratiae Spiritus S. *Et cecidit in tertiam partem fluminum, & in fontes aquarum.* Per flumina & fontes aquarum metaphorice designantur Baptismus, & gratiae Spiritus S. antecedentes, concomitantes, & subsequentes vitam justorum in hac vita. Et in harum tertiam partem cecidit dictus Haeresiarcha, sua haeresi inficiendo magnam partem Christianitatis, quae cum Ecclesia prius credebat baptismum, & gratiam Spiritus S.

Verf. 11. *Et nomen stellae dicitur absynthium.* His verbis exprimitur proprietas hujus haeresis, quae est, amaram, & odiosam, & insipidam reddere gratiam Spiritus S. hominibus, sicut enim aquae dulces gratiae sunt, & desiderabiles sitientibus; ita gratia Spiritus S. a peccatoribus desideratur, & appetitur per fidem in Jesum Christum: similiter & Baptismus. Sed iste Diabolus jecit absynthium suae nequissimae haeresis in has aquas, & reddidit hominibus amaras, quas flocci pendunt, praesumendo jam de propriis viribus, & proprio arbitrio, quod est absynthium, & amarum sua natura sine Dei gratia, maxime post peccatum originale. *Et facta est tertia pars aquarum in absynthium*, h. e. magna & notabilis pars credentium sacri baptismi vim, & gratiam Spiritus S. corrupta, & infecta est hac impia haeresi. *Et multi homines mortui sunt de aquis, quia amarae factae sunt.* Per homines denotantur prudentes, & sapientes hujus saeculi, qui mortui sunt spiritualiter secundum vitam animae. *De aquis*, h. e. de pervers-

perversis dogmatibus circa gratiam, & baptismum. *Quia amarae factae sunt*, quantum ad extra, & aestimationem, ac fidem hominum amarae factae sunt, h. e. contrariae dulcedini Spiritus S. & spiritualiter vivificant per aquas gratiae suae excitantis, & refocillantis sitientem peccatoris animam.

II. Vers. 12. *Et quartus Angelus tuba cecinit.* Per hunc Angelum denotatur quartus Haeresiarcha, Nestorius scil. Episcopus Constantinopolitanus sub Theodosio Juniore, & Coelestino S. Pontifice. Ao. Christi 428. Contra hunc Haeresiarcham Concilium Ephesinum, tertium ex quatuor principalibus, fuit habitum, & condemnatus est; quia docuit contra veritatem fidei, Christum Dei Filium ex Maria Virgine natum hominem duntaxat, non etiam Deum esse; ideoque eandem Christi - τόκον, non autem Θετόκον esse dicendam. Duas etiam dicebat in Christo esse personas, sicut naturas, unam divinitatis, alteram humanitatis. Contra hanc sectam Eutyches tempore dicti Concilii praestantius dimicavit, sed cum odio in Nestorii haeresin ferretur, eo profiliit, ut non tantum duas in Christo personas, sed etiam naturas negaret, unde eos nestoriano morbo laborare asseruit, qui duas confiterentur naturas in Christo, distinctas inter se, & absque confusione divisas. Eo Haeresiarcha hic dementiae devenit, ut doceret Christum secundum carnem non natum ex Maria Virgine, sed corpus ejus de coelo descendisse in uterum ejus tanquam solis radium, & in ipso instanti incarnationis carnem fuisse commutatam in divinitatem. Et ita prior haeresis fuit occasio posterioris, quae surrexit an. 448. contra quam Concilium Chalcedonenfe, quartum ex quatuor principalibus, habitum sub Imp. Martino, & Leone I. S. Pontifice an. Christi 451. Unde dicitur in contextu: & *quartus Angelus*, h. e. Nestorius *tuba cecinit*, praedicando suam haeresin modo dictam. *Percussa est tertia pars solis, & tertia pars lunae.* Per solem intelligitur

ligitur Deltas; per lunam humanitas Christi, quae est scabellum pedum ejus. Item per solem significatur Christus, per lunam B. V. Maria, & Ecclesia Christi, quae dicuntur hic percussa tam nestoriana haeresi, quam Eutichiana, ad extra scilicet & quantum ad fideles Christianos credentes, qui fuerunt seducti, & percussi horum errorum tenebris, & coecitate. *Et tertia pars stellarum &c.* Per stellas delignantur Episcopi, Praelati, & Doctores, qui abrepti horum errorum tenebris, & coecitate defecerunt a vera Christi Ecclesia, & quia isti blasphemant in novum & vetus Testamentum contra Prophetas, & Evangelium, statim subditur: *ita ut obscuraretur tertia pars eorum, & diei non luceret pars tertia, & noctis similiter*, h. e. potissima testimonia novi Testamenti (quod per diem) & veteris (quod per noctem designatur) quae de vera humanitate Christi, de Incarnatione ex B. V. Maria, & de una divina persona habentur, obscurata sunt in mentibus fidelium per horum duorum perfidiam, ut non lucerent amplius in veritate legitimi sensus &c. Et haec quatuor haereses sunt veluti quatuor ostia omnium haeresum, quia antecedentes, & consequentes haereses cernuntur esse harum quatuor aut prodomi, aut posthumae proles.

III. Vers. 13. *Et vidi, & audiui vocem unius aquilae volantis per medium coeli, dicentis voce magna: vae, vae, vae habitantibus in terra, de ceteris vocibus trium Angelorum, qui erant tuba canturi.* Denuntiantur his verbis mala, & tribulationes maximae toti mundo ad vocem trium Angelorum reliquorum eventurae; quorum partim priores haereses causa fuerunt, partim ex novis capitibus orientur, ut infra videbimus; unde sequitur: *Et vidi, & audiui vocem unius aquilae volantis per medium coeli &c.* Ista aquila est ipse S. Joannes Evangelista, qui volavit altitudine revelationis per medium coelum, h. e. vidit reliquum decursum Ecclesiae Christi usque ad consummationem saeculi,

saeculi, & quia horribilia super omnia horribilia priora in reliquo decursu eventura vidit, de iis hic signanter, & speciale reddit, ac exhibet Testimonium toti Christianitati, ut, cum venerint, non scandalizemur, & deficiamus, aut in errorem inducantur homines bonae voluntatis, quia jacula praevisa minus feriunt. *Dicentis voce magna: Per quod indicatur magnitudo adhuc futurarum tribulationum. Unde sequitur: Vae, vae, vae habitantibus in terra de coeteris vocibus trium Angelorum, qui erant tuba canturi.* Per habitantes in terra intelligitur genus humanum, mixtum bonis, & malis, quos promiscue haec mala tangent, ut videbimus.



## Sectio II.

### IN CAPUT NONUM.

#### De quinto & sexto Angelo.

Verf. 1.

*Et quintus Angelus tuba cecinit: Et vidi stellam de coelo cecidisse in terram & data est ei clavis putei abyssi &c.*

#### §. I.

#### De quinto Angelo, qui tuba cecinit.

Cap. IX. v. 1 — 12.

I. Stella ista, quae hic ad tubicinium quinti Angeli dicitur, cecidisse de coelo in terram, Valens Imp. esse noscitur, fautor potens, & maximus Arianæ hæresis, sub quo illa primum florere, & incrementa sumere maxima coepit, ut maxime & merito ad ejus tempora quintum, & potissimum, & distinctum ponatur tubicinium, ob ingentia damna, quae intulit Ecclesiae; plus

plus enim iste promovendo Arianam haeresin, obfuit, quam ipse Arius canendo prima tuba. Is Valens blanditiis conjugis suae, laqueis Ariani erroris jam irretitae, & pestifera persuasione Eudoxii Episcopi Constantinopolitani, Arianorum omnium scelestissimi, lapsus est in saevissimam haeresin Arianam. Unde & ab eodem Eudoxio baptizatus, ipsi se jure jurando obstrinxit, perseveraturum in impio ejus dogmate, in quo tuendo ita saeviebat, ut orthodoxos exiliis, & suppliciis turbarit, omnibus templis excluderet, & ne sub die quidem conventus agere fuerit passus, Monachos etiam Aegypti, quibus pertinaciter fuit insensus, ex solitudine extrahi, & ad militiam adigi praeceperit, & plurima alia, quae describit Theodoretus, & Baronius an. 377. Inter omnia tamen ejus scelera hoc omnium pestilentissimum, quod ad terram Gothorum, volentium recipere fidem Christi, ex Consilio, & suggestione scelestissimi Eudoxii, miserit sacerdotes Arianos; similiter gens Wandalica, quae postea ad 150 annos (donec an. Christi 527. sub Justiniano Imp. per Belisarium, & Narsetem Belliduces devictae, & deletae fuerint, ut infra videbimus) successivis vicibus magnam tribulationem fecerunt in Thracia, Gallia, Hispania, Africa, Italia, Burgundia, & aliis locis, ut habetur 21 Lib. spec. Hist. & pluribus Cronologiis; gentes enim istae fuerunt copiosissimae & feroces, & bellicosae, & veloces, & ad inventiones bellicas ingeniosae (sicut etiam hoc nostro saeculo experta est, pro Dolor! Germania) sequitur ergo:

Verf. 1. *Et quintus Angelus tuba cecinit.* Ponitur Angelus iste quintus ordine narrationis, ac revelationis. Retrogreditur enim S. Joannes ad effectus, & gravissima damna, quae ex Ariana haeresi sunt secuta. Hic impius Eudoxius esse noscitur, qui praesumptuoso spiritu, & Ariana perfidia inflatus tuba cecinit, ac Valentem Imp. suggerendo, & persuadendo illi, ut Arianam haeresin susciperet, ut se ab eo baptizari permetteret, juramento  
se

se obstringeret in dogmate Ariano se perseveraturum, & Arianos sacerdotes (seclusis catholicis) ad gentem Gothorum mitteret, quae omnia impetravit intercedentibus blanditiis mulieris uxoris. Sequitur: *Et vidi stellam cecidisse in terram.* Hic est Valens Imperator, qui comparatur stellae ob egregias suas virtutes; quas habuisset, nisi eas labe Arianorum inquinasset. Item ob insignia dignitatis imperialis, in qua constituti Imperatores Principibus suis & populis sibi subditis velut stellae in firmamento deberent praelucere in sana fide, & omnibus virtutibus. *Et vidi stellam*, h. e. Valentem *de coelo*, h. e. Ecclesia Christi militante *cecidisse in terram*, de altitudine, & incorrupta veritate fidei Cath. ex persuasione pestiferae uxoris suae, & Eudoxii, ut dictum; cecidit in Arianam haeresin, quae metaphoricè dicitur terra, quia terrena sapiebat, & docebat de filio, & Spiritu S. Ponitur *cecidisse* in praeterito, ob pertinaciam, & iuramentum, quo obstrinxit se, in impio dogmate se perseveraturum, quod praestitit moriens in sua perfidia. Item *cecidisse* dicitur *de coelo in terram*, quia a Deo derelictus, contemptus & abiectus fuit ob perfidiam in Christum Dominum, & totam SS. Trinitatem, sicut etiam misere periit privatus honore sepulturae. *Et data est ei clavis putei abyssi.* Per clavem designatur potestas imperialis a Deo illi concessa, atque permissa; qua impie utens revocavit ab orco, & exaltavit plurimum Arianam haeresin, quam Constantinus M. in Concilio Niceno condemnatam sepeliverat, miseratque ad orcum, & clauferat, bene utens potestate imperiali, *Et aperuit puteum abyssi* i. e. per potestatem imperialem laxavit undique portas, & vias haeresi Arianæ, libertatem illius permittendo, & promovendo eam ubique terrarum adimendo templa, & Episcopatus Catholicis, & dando ea Arianis, mittendo sacerdotes Arianos ad inficiendos populos Gothorum, & Wandalorum, & alios multos, ut supra dictum. Per *puteum* metaphorice significatur ipsa haeresis Ariana, & per  
*Abyssum*

*Abyssum* infernus, sicut enim ex abyssu maris, & aquarum derivantur in terram omnes rivi, & fontes per occultos meatus terrae, ita ex inferno omnes haereses per impios homines diffunduntur in mundum.

Verf. 2. *Et aperuit puteum abyssi, & ascendit fumus putei, sicut fumus fornacis magnae, & obscuratus est sol, & aër de fumo putei.*

II. His verbis exprimitur effectus, & damna horribilia, quae ex promotione hujus impiissimae haeresis fuere consecuta, tam circa Ecclesiam Catholicam, quam circa Imperium Rom. imo quoad Ecclesiam habetur ibi: *Et ascendit fumus putei, sicut fumus fornacis magnae.* Per fumum significatur exaltatio, promotio, & extensio haeresis. Fumus enim ascendit in altum, obscurat lucem, & tandem extendendo se dilatat per aerem super terram. Haec omnia habet haeresum promotio: Haeresis enim nata fautores, more primi sui principii, quod est Lucifer, super omnia se elevat, ascendit ad alta, & ad sublimia, & obscurat solem seu lucem veritatis, & serpit instar canceri, & diffundit se super terram, conando, aut seducere, aut exterminare sectatores veritatis. Comparatus fumo fornacis magnae ob maximam potestatem, & diuturnitatem, in qua viguit haeresis ariana, prae coeteris haeresibus, duravit enim usque ad Imperium Justiniani I. an. 527. Habuit etiam temporibus suis fautores, & sectatores: potentissimos Imperatores, Reges, Patriarchas, Archiepiscopos, Episcopos &c. ut patet ex hist. eccles. *Et obscuratus est sol, & aër de fumo putei.* His verbis tangitur proprietas quaedam, quae ex hac haeresi fuit consecuta, scil. Denigratio nominis Christi, & Ecclesiae suae: per solem enim Christus intelligitur, qui fuit obscuratus, quantum ad aeternam gloriam nominis sui, dum negabant Ariani, illum esse verum Deum, & Patri consubstantialem Filium, unde obscurabatur ejus Nomen, & detrahebatur gravissime divinae suae gloriae apud homines super terram.



ram. Per *aerem* significatur Ecclesia Catholica, quae illuminatur a Christo, sicut aër a sole visibili. Temporibus autem Valentis, & sequentium fautorum potentium hujus haeresis, Ecclesia errore Arii fuit obscurata, non nunquam in tantum, ut major pars ejus fuerit facta ariana: Valens enim ademittit Catholicis omnes Ecclesias, liberumque exercitium suae religionis prohibuit, multa sanctorum Monachorum agmina trucidari jussit, ubique Arianos instituit, & catholicos exterminavit, unde facta est defectio magna ab Ecclesia Catholica ad Arianismum; & tempore Zenonis Imp. universus orbis Christianus non habuit regem Catholicum, alicui saltem exiguae provinciae dominantem. Porro *de fumo putei* dicitur obscuratus esse sol, & aër, quia Ariana haeresis nunquam ita invaluisse, nisi impius Valens undique ipsi permisisset libertatem, laxasset portas, & promovisset ubique in ditionibus suis, maxime vero, si Gothos & Wandalos hae perfidia infici non mandasset per sacerdotes Arianos, ex quo deinde omne malum super Imp. Romani Statum quaquaversum grassandi ostium invenit apertum, ut sequentia docebunt.

III. Vers. 3. *Et de fumo putei exierunt locustae in terram.* In his sequentibus verbis describitur, quam horribilia mala in Imperium Rom. aliaque regna ex promotione, & exaltatione hujus haerelís fuerint inuenta. Et dividuntur haec mala in duas partes. *Prima* habetur ibi: *sed ut cruciarent mensibus quinque.* Altera ibi: *Et potestas earum nocere hominibus mensibus quinque.* Ad haec intelligenda sciendum est, quod Valens Gothos & Wandalos petentes in vera fide instrui volentes, ad sectandam perfidiam Arianam abduxerit, imo conditione facta vi foederis coegerit, immittendo illis Arianos sacerdotes; sed paulo post justa Dei permissione in Caput Valentis impium Consilium redundavit. Nam dissidentes inter se Gothorum factiones in gratiam & concordiam redierunt, & ingenti confidentia elati Thra-

ces male acceperunt, conspirandoque, & vicos percurrendo crudelissime vastarunt, quod ubi Valens adhuc Antiochiae degens cognovit, tum demum experientia magistra erroris sui perniciem didicit. Gentem enim, quae semper in armis, & ad praeliandum instructa erat, & quam sibi, & imperio commodam, atque etiam ad terendos hostes idoneam fore, est arbitratus, perdidit; nam militares copias suas parvi fecit, & pro eo, quod stipendium illis dare, & delectu militari habito, sacramento cives suos obstringere debuisset, pecuniam, & tributum ab iis exegit; Ita excoecantur ii, qui a Domino Deo suo impie recedunt. Gothi Thracia totaliter devastata, usque ad Constantinopolim contendunt: mittit Valens Trajanum belliducem contra eos, sed victus, fugatusque cito rediit; tandem Imperator ipsemet belli fortunam tentaturus exiit; sed prope Adrianopolim fusus, & confusus est, & in tugurio concrematus, ut supra dictum est, an. 378. & ex illo tempore multum praevaluerunt Gothi, & Wandali, aliique barbari usque ad Imperium Justiniani, an. 527. Nam an. Christi circiter 403. factione Stiliconis (qui prius Abagasium Gothorum Regem cum 200000. in augustiis Tefulanis oppresserat) Wandali Suevi, Alani, Burgundiones, omnisque barbaries in Galliam irrupit. Unde & Alaricus Gothorum Rex petens sibi concessas ab Honorio sedes in Gallia, irritatus fuit; an. Christi 409. Romam obsidet, eaque obsidione auro soluta eandem repetit, urbem capit, & triduana duntaxat expilatione eam tentat magis, quam conterit. Quanta mala sint illata Imperio Occidentali ab Attila, Hunnis, & aliis barbaris, sub Valentiniano III. an. Christi 451. videri potest Lechmanus L. I. C. 31. & Baronius. Iterum Roma a Wandalis duce Genserico diripitur. Odoacer etiam cum ingenti manu Herulorum Italiam vastavit, & regnum illius per 14 tenuit annos, quod an. Christi 475 postea Theodoricus Ostrogothorum Rex avarissimus, & barbarus accepit, victo ad Veronam Odoacro, diuque stabilivit.

Sub

Sub Zenone Imperatore Africam Wandali (quorum Rex Hunnericus tradidit Mauris in desertum trahendos Episcopos, & Clericos 4966.) Ostrogothi Italiam, Galliam, Burgundiam, similiterque Hispaniam tenuerunt. Vagatae etiam sunt hae gentes de Regno in Regnum, devastantes, & diripientes omnia, donec an. Christi 510 circiter Clodovaeus Rex Francorum Catholicus factus, Alericum Regem Witigothorum 22 annis regnantem in Gallia vicit, & occidit. Justinianus M an. 527 factus Imperator, Ducibus Bellisario, & Narsete, Wandalos Africa expulit, Carthaginem recuperavit, Parthos Syriam vastantes delevit, Totilam, qui Romam prius cepit, & incenderat, occidit, & Gothos omnes Italia expulit: Itaque post 150 annos gentes istae ferocissimae cum impio Arianismo per Valentem Imperatorem de novo stabilita exterminatae sunt, & fides Catholica multum coepit propagari; sed tamen malum, & venenum Arianae haeresis necdum fuit omnino sublatum, & exterminatum. Narses enim a Justino juniore Italiae administrator ex invidia amotus, iram in rabiem vertit, & Longobardos (gentem ex Scandia oriundam, Arianam haeresi infectam) quorum forti fidelique opera usus in Gothis Italia pellendis e Pannonia in Italiam revocavit. Ao. Christi 570. Isti relicta Hunnis Sociis Pannonia Alboinum Regem secuti Galliam cis alpinam primo belli impetu occuparunt; deinde Italiam invaserunt, sedemque Regni sui statuerunt Papiam, ante quorum adventum in Italia terribilia noctu prodigia, igneasque in coelo acies, imo ipsum, qui postea, effusus est humani generis Sanguinem, coruscare visa esse, S. Greg. Hom. 1. in Evangelio, & post eum Paulus Diaconus Lib. I. Cap. V. auctor est. Et certe jam modo dictus S. Gregorius Longobardorum grassationem inter alias saevissimas Ecclesiae persecutiones 4. Episc. L. 34. Dial. 3. Cap. 11. 26. &c. gravissimam judicat, omnes enim Reges (excepto Agilulpho, qui relicto Arianismo ad fidem Catholicam cum tota gente fuit conversus, & 40 circiter annis regnavit.)

Arianæ impietatis ferocissimi defensores fuere. Unde si dematur Regimen Agi ulphi, qui conversus ad veram fidem Ecclesiæ non nocuit, hoc malum ad 150 annos se extendit, donec Ao. Christi 751 Pipinus Rex Galliae Aristulphum in Italia grassantem, & Ravenna potitum, & in Pontificium territorium populabundum rogatu Stephani Papæ repressit. Filius ejus Carolus M. rogatus ab Adriano I. S. Pontifice, Regem Longobardorum Aristulphi successorem, ejusque Filium Adalgisium regno dejecit, & omni expulit Italia, sicque universo Longobardorum regno est potitus, & cessavit eorundem regnum, & tyrannis. Ao. Christi circiter 774; & tandem, Deo dante, sub hoc maximo, fortissimo, & piissimo Imperatore Arianismus totaliter cum sua barbarie, & Tyrannide ad Orcum missus est, & fides catholica terra, marique longe, lateque coepit propagari, conversis in Pannonia Sclavis, & Hunnis, in Suaevia Suecis, Gothis, & Ostergothis, in Germania Saxonibus, Danis, & Germanis fere omnibus præsertim borealibus, sequitur in contextu.

IV. Vers. 3. *Et de fumo putei exierunt locustæ in terram.* Per locustas intelliguntur gentes sævissimæ septentrionales, & specialiter, & principaliter Gothi, & Wandali Ariana hæresi infecti. Appellantur locustæ metaphoricè, imò ad significandum, populos istos fere populolissimos, & effusuros se in omnes gentes, & regna instar locustarum, quod factum est. Scribit enim Methodius Martyr, Jordanes Gothus, & Paulus Diaconus ex terra & gente hac pessima septentrionali venisse, & ortum duxisse omnes istas gentes Mussagethas, Hunnos, Amazones, Cimbros, Parthos, Suecos, Longobardos, Herulos, Winulos, Suevos, Bulgaros, Tamilingos, Suveros, Thaiphalos, Danos, Dacos, Rugos, Alananos, Sclavos, Burgundos, Livones Servios, Nortmannos, Corpos, Calthos, & Cimmericos. Istæ ergo gentes super totum terrarum orbem instar locustarum,

rum, in temporibus a Deo praeordinatis se effuderunt, & depopolatae sunt omnia, ut merito sibi videatur Deus, has gentes tanquam flagellum Christianitatis, ac mundi totius reservasse. Ab Aquilone pandetur malum super omnes habitatores terrae. Jerem. Cap. 1. v. 14. & Cap. 4. v. 6. 7. 9 2do Sicut locustae saltant de Loco in locum, & depascendo vastant agros, prata, segetes, & flores; ita gentes istae de Hispania transierunt in Thraciam, Africam, & inde in Italiam, Galliam &c. eas depopulando, & vastando. 3tio Sicut locustae celerrimae sunt, & volentem se capere unico saltu eludunt, ita haec gentes semper in alio, & alio loco constitutae dicuntur. *De fumo putei exierunt in terram*, quia ex promotione Arianæ hæresis per Valentem Imperatorem facta dictæ gentes infectæ fuere hæresi Ariana. *Et exierunt Imo* justo Dei judicio in terram Imperii contra ipsummet Valentem, & postea in alias terras, & regna, ut dictum. *Et data est illis potestas, sicut habent potestatem scorpiones terrae.* Comparantur populi isti quoad potestatem sibi a Deo, & natura datam scorpionibus. Imo ratione armaturæ; scorpio enim præ se fert, & habet figuram arcus, & sagittæ, spiculi retorti, ac venenosi, in quo percutit hominem, & occidit, sic illae gentes in bello utebantur hujusmodi signo militari, vulgo arcubalista, per quod sicut scorpiones parvis & subtilibus spiculis plerumque veneno infectis inferebant mortem, aut gravia, ac lethalia vulnera. Item scorpionis similitudinem habet hæc eorum armatura, cum arcus hinc, & illinc chelarum similitudine præferunt spiculum caudæ. 2do Ratione celeritatis; nam scorpio est velocissimus, & expeditissimus in cauda sua, qua hominem percutit, & vulnerat. Pari modo gentes illae erant velocissimæ & expeditissimæ in armatura sua, & usu sagittarum, & spiculorum, quæ inaudita celeritate, & animositate tanquam cataraëtas aquarum, ac imbrium jaciebant in suos hostes. Unde semper fuit adversus eas bellum difficillimum, & rara victoria. 3tio Ratione

Arianæ perfidiae, quæ merito dicitur venenum acutissimum, & pessimum, quo infecerunt successive gentes istae quasi totum mundum, dum transierunt de regno in regnum occupando ea, & constituendo sibi Reges Arianos, ut patet ex dictis. 4to Scorpio est animal ferox, astutum, & dolosum, latet in rimis petrarum, & abscondit se in angulis domorum, insidiatur hominibus ex improvise, & quemcunque incautum attigerit, percutit lethaliter; sic etiam erant gentes illae feroces, scilicet & bellicosae in dolis, & machinationibus bellicis astutae, & prudentes, scientes undique struere insidias, & ex improvise aggredi hostes suos, invadere regiones, & obruere civitates &c. & sic plurima toti mundo nocumenta intulerunt.

Verf. 4. *Et praeceptum est illis, ne laederent foenum terrae.* His verbis tangitur restrictio praedictae potestatis ex divina ordinatione ad conservationem Ecclesiae suae, & suorum electorum profectum. Solet enim divina iustitia plurima quidem mala, & calamitates ex occultis suis judiciis in hoc mundo varie permittere, quae ejus bonitas sancta ita moderatur, ne omnino vergant in exterminium, sed omnia ita moderate suspensa cadere in nos permittit, ut semper cedant in castigationem, & poenam peccatorum, & impiorum, atque in probationem electorum suorum, tandemque ex omnibus malis magna & sublimia, & mirabilia elicit bona, unde subditur: *Et praeceptum est illis*, h. e. provisum, cautum, & decretum est a Deo restringente, ac moderante istarum gentium ferocitatem & potestatem &c. *Ne laederent foenum terrae*, hoc est, ut parcerent in occisione, & illatione mortis plebi christianitatis, quae per foenum terrae metaphorice significatur. *Neque omne viride*, per hoc significatur gens Franciae, quae non fuit laesa a Gothis, & Wandalis, sed tanquam novella pridem ad fidem catholicam disposita tandem Ao. Christi 500 eandem cum Clodoveo Rege continuis Sanctae Clotildis

tildis conjugis ejus admonitionibus, & parta coelitus victoria insigni contra Alemanos, Christianam Religionem suscepit, & Alericum Wisigothorum Regem Arianum tota expulit Italia, & occidit. *Neque omnem arborem*, h. e. statum Ecclesiasticum Praelatorum, & sacerdotum, qui quamvis multa passus sit, maxime in Africa Hunnerico Wandalorum Rege, ad mortem tamen traditi sunt pauci: *nisi tantum homines, qui non habent signum Dei in frontibus suis*. Hoc refertur ad reliquias paganorum, qui signo crucis in baptismo nondum erant consignati: isti fuerunt passim occisi a Wandalis in Africa, & in aliis partibus ad eorum ingressum. Christianis vero, cum & illi hoc gloriarentur nomine, saltem parcebant a caede & exterminio. Quamvis orthodoxos etiam multis plagis, exiliis, & aliis diversis adversitatibus turbaverint, ut constat ex historia ecclesiastica.

Verf. 5. *Et datum est illis, ne occiderent eos*. Hoc refertur iterum ad Christianos, de quibus praedictum, sub uno enim contextu literae sacra scriptura transit aliquando de aliquibus personis, ad alios loquendo, ac si eadem esset, ut patet Psalm 77. Cum occideret eos, querebant eum &c. & tamen certum est, quod alii erant occisi, & alii quaerentes eum poenitentia ducti. Eodem modo loquitur hic de habitatoribus Africae, & aliarum regionum, in quibus partim erant Christiani, & partim pagani, & sic ab una parte transit ad aliam sub eodem contextu dicens: *Et datum est illis*, h. e. permissum est illis gentibus a Deo, ut Christianos non occiderent, sed ut cruciarent eos, licet enim non occiderint Christianos, tamen affligerunt eos multipliciter, & specialiter, Episcopos, & Doctores expellendo, & aliquos corporaliter affligendo. Hunnericus enim, Rex Wandalorum, maximam in Africa contra orthodoxos excitavit persecutionem, & una vice traditi sunt Mauris in desertum trahendi potius, quam ducendi 4966 Episcopi, presbyteri, & alii clerici. Similia fecit Trasamundus, qui post  
Z 4 cum

eum regnavit, & aliquibus Episcopis orthodoxis linguam fecit extrahi, & radicitus evelli, qui tamen dono Dei postea loquebantur, & praedicabant. Quomodo Thraciam etiam terribiliter vastarint, & incolas multipliciter cruciarint, item quantum Wandali, & Alones in Gallia nocuerint, constat ex historiis. De Alarico Gothorum Rege scribitur, quod Romam obsederit, obsidionem solverit, & anno sequenti repetierit, & ingressus civitatem, triduana quidem expilatione vexarit, a caede tamen abstinuerit. Quid denique fecerit Attila Hunnorum Rex, vocatus Dei flagellum, quid Gensericus Wandalorum Rex, quid Odoacer, quid Totila, & quomodo hi, & alii Christianos cruciarint, totum quali mundum successive occupando, in servitutem redigendo, expoliando, & affligendo, luculentur constat ex multis historiis. Unde signanter in contextu additur. *Et datum est illis, ne occiderent, sed ut cruciarent*, scil. propter diversa Christianorum scelera, & in multis locis, maxime in Galliis labefactatam disciplinam ecclesiasticam. *Mensibus quinque.* His verbis significatur tempus, quo potestas, & imperium istarum gentium in Arianismo duravit: pro quo notandum, quod in S. Scriptura dies reputentur pro anno, mensis vero habet 28, 30, 31 dies; unde unus mensis primi, & duo 2di, duoque alii ordinis 3tii faciunt 5 menses, & quinque menses faciunt dies 150; qui sunt 150 anni, quibus potestas, & regnum Gothorum duravit, scil. ab an. Christi 377, usque ad annum Christi 527, ut supra dictum est. *Et cruciatus eorum, ut cruciatus scorpionis, cum percutit hominem.* Tangitur his verbis alia istarum gentium proprietas, plaga scil. in Catholica Ecclesia; item infectio, & spiritualis occisio multorum Catholicorum per venenum Arianæ hæresis facta, quod diffuderunt in terris, quas occuparunt. Unde optime comparatur cruciatus hic, & plaga cruciatui scorpionis, quando percutit hominem; sicut enim scorpio primo percutiendo aperit cutem, secundo infundit in vulnus venenum suum, tertio



tertio facit saevum, & pessimum vulnus, quarto soepissime etiam hominem occidit, nisi mature remedium adhibeatur; ita gentes illae imo percusserunt regna, & sic sibi nocendi fecerunt occasionem, potestatemque, 2do Diffuderunt in corpus (quod est Ecclesia diffusa per terras) venenum haeresis arianæ, qua insecrunt alios populos. 3tio Fecerunt saevum, & pessimum vulnus, quod fuit conculcatio Ecclesiarum, rerum sacrarum, & sanctorum. 4to Plurimi etiam spiritualiter mortui sunt, deficiendo a Catholica fide, videntes, & scandalum patientes ex tam saeva facie Ecclesiae Christi. Haec aspicientes homines etiam pii, & qui perstiterunt in Sancta Christi Ecclesia, valde afflicti, & cruciati sunt, non valentes malo remedi, unde statim subditur:

Verf. 6. *Et in diebus illis quaerent homines mortem, & non invenient eam: & desiderabunt mori, & fugiet mors ab illis.*

V. Hoc piis mentibus, & Sanctis Dei proprium est, quod constituti super terram horribiliter affligantur, & crucientur longe plus, quam si mortem deberent optere, quando debent videre tot mala, tantam stragem animarum, seductionem innocentum, defectionem hominum a veritate, conculcationem Sanctorum, direptionem Ecclesiarum, exilia iustorum, & blasphemias in Deum, & non possunt remedi, neque avertere praevaricationem, unde ingemiscunt in corde suo, & fient in Conspectu Dei, cupientes animae suae mori potius, quam videre mala gentis suae, ita legimus. 1 Machab. Cap. 3. de Juda: melius est nobis mori in bello, quam videre mala gentis nostrae, & sanctorum; itaque verba illa: *Et in diebus illis quaerent homines mortem &c.* Significant temporis illius afflictionem, & desolationem; & quia maxima fuit, praecipue praelatorum Ecclesiae: Signanter additur: *Et desiderabunt mori, & fugiet mors ab eis.* Quod autem fuerit maxima afflictio, & desolatio tunc temporis, patet ex dictis; fuit enim

Z 5.

diutur-

diuturna 150 annorum, fuit saeva, & ampla, quia successive per omnia quasi regna serpsit, & Ecclesia ejusque Praelati afflictionem & desolationem tantam nunquam patiuntur, quam si Imperatores, Reges, & Principes habeant adversarios, inimicos, & haereticos, & quando ipsaemet columnae Ecclesiae ruant, quod tunc temporis Deus permisit, maxime tempore Zenonis, quo Ecclesia ita erat desolata, ut nullum Principem Catholicum haberet. Dicuntur hic homines quaesituri mortem, & non inventuri, ad differentiam status Martyrum; illo enim tempore passim omnes Christiani trucidabantur, & ruebant laeti ad martyria, hic autem non sic; sed potissimum tantummodo affligebantur, & diuturne cruciabantur ex divina permissione, quod gravissimum fuit iustis Dei hominibus.

*Verf. 7. Et similitudines locustarum similes equis paratis in praelium; & super capita eorum, tanquam coronae similes auro &c.* Hic consequenter ulterius declarat, quae hucusque dicta sunt; cum enim Wandalos, & Gothos dixerat esse locustas, jam conditiones, & proprietates hujus gentis exprimit Nomine locustarum. *Et similitudines locustarum*, h. e. Wandalorum & Gothorum, *similes equis paratis ad proelium*: imo Comparat eas equis ad praelium, ad insinuandum, gentes illas fore bellicosas, valde feroces, & magnanimas: Sicut enim equi, quando parati expectant praelium mox futurum, audientesque tympana, & buccinas, cristas sursum elevant; spumant, ungulis terram quatunt, vix contineri possunt, valde se magnanimos ostendunt, laetantur hinnientes & in praelia anhelantes, obviaeque conculcant, & perrumpunt, properantes ad victoriam; ita profecto gentes istae septentrionales praelia solent expectare, & desiderare, & ita in praeliis se gerere constat experientia. Signanter additur: *Similes equis paratis ad praelium*. Equi enim solent expectare Dominos suos, & infessores, paratissimi ad praelium, quandocunque  
corum

eorum Domini volunt, & educuntur: Sic certe gentes illae sunt, & fuerunt flagellum Dei parati ad nutum divinae permissionis, in castigationem Christianitatis; hinc dicitur: ab Aquilone pandetur omne malum; pulcherrime, & verissime ergo hic dicuntur *similes equis paratis ad praelium*. 2do Dicuntur esse *super capita eorum tanquam coronae similes auro*. Per quae verba notantur gentis hujus fulgor sapientiae, astutiae, cautela, & humanae prudentiae, qua erant superatae alias nationes barbaras, imo & Christianas, sicut praedixit Christus in Evangelio: Filii hujus saeculi prudentiores sunt in generatione sua, quam filii lucis. Dicitur *tanquam Coronae*, non quod coronae sint v. g. Regum, sed quia sapientia coronae frequenter comparatur, & sapientia facit Reges, & coronas Regibus imponit, vocantur etiam coronae similes auro, non absolute aureae, vel ex auro ad distinctionem sapientiae mundanae a sapientia vera, & coelesti, quae sola fulgorem veri auri in se habet. 3tio *Notantur habere facies sicut facies hominum*. Per hoc notantur gentes istae futurae Christianae; pro quo sciendum in praesenti capite homines in duplici differentia accipi; imo homines: qui non habent Signum in frontibus suis; & per hoc significantur pagani, & gentiles, ut supra dictum; 2do homines absolute, & per hos intelliguntur Catholici, & veri Christiani; sic dictum est superius de afflictione eorum per Wandalos. *Et in diebus illis quaerent homines mortem*, quia gentes illae Christiano jam gloriabantur Nomine, & baptizatae erant, sed Ariana haeresi infectae, optime dicuntur ad distinctionem tam a paganis, quam veris Catholicis, *habere facies, sicut facies hominis*. 4to Dicuntur.

Verf. 8. *Capillos habere, sicut capillos mulierum*; quia nutriebant gentes istae capillaturam, sicut adhuc hodie videmus in multis gentibus, estque signum fortitudinis, & militibus maxime necessaria (capillatura) & utilis contra frigus, humiditatem aëris, quando debent dormire

dormire sub dio in terra, in frigore, in pluviis &c. Samson habuit fortitudinem suam in capillatura, qui nunquam fuit tonsus, sicut Nazaraei omnes apud Judaeos. Ita credibile est gentes istas, de quibus S. Joannes loquitur, habuisse in more, ut quemadmodum capilli mulieribus permittuntur a juventute crescere, ita pueri eorum nunquam tonderentur, ideo comparantur eorum Capilli capillis mulierum. 5to *Dentes eorum sicut dentes Leonum*: Quibus verbis istarum gentium ferocitas, furor, & fortitudo prae omnibus aliis gentibus significatur, sicut enim Leo est omnium animalium fortissimum, & saevissimum, habens fortitudinem suam in capite, & dentibus, quibus obvia quaeque diripit, dilacerat, & devorat; ita gentes istae erant futurae ferocissimae, saevissimae, & fortissimae, devoraturae gentes, & nationes alias.

Verf. 9. 6to *Et habebant loricas ferreas*. Est lorica munimentum corporis, & derivatur a loro; olim enim milites crudo & solido camelorum, aliorumque animalium corio circa pectora ad excipienda tela, & lanceas se muniebant, sicut nunc ferreis se solent munire; unde in contextu dicitur: *Et habebant loricas, sicut loricas ferreas*, h. e. incedebant ad impugnandum alias gentes cum magna cautela fortissime armati, & muniti, non temere objicientes corpora sua telis, & lanceis suorum hostium, hinc dicuntur habere loricas quasi ferreas, quae erant ex fortissimo corio ita dextre compositae, & coaptatae corporibus suis, ut facile vim telorum instar ferri eliderent, & sustinerent. 7mo *Et vox alarum earum, sicuti vox currum, equorum multorum, currentium in bellum*. Alas habere notantur istae gentes ob velocitatem scil. in expeditionibus bellicis, qua ex speciali Dei permissione in punitionem peccatorum cum ingenti strepitu quasi volabant cum exercitibus suis de regno in regnum, & de una regione in aliam, omnia devastantes, ut supra dictum. Sic Isaiae Cap. 7. v. 18. dici-

dicitur: Et erit in die illa: Sibilabit Dominus muscae, quae est in extremo fluminum Aegypti, & Api, quae est in terra Asur, & venient, & requiescent omnes in torrentibus vallium, & in Cavernis petrarum, & in omnibus frutetis, & in universis foraminibus. Hic per muscas & apes gentes bellicosae designantur. 2do Alae etiam sumuntur pro alis exercituum eorum, qui bene instructa acie, maxima animositate, jubilo, & clamore (quod proprie est fortium militum) grandi advolabant ad pugnam, & fortissime pugnabant, ita ut terra contrémiscens quateretur. Ita vidimus in Juda Machabaeo: Et commota est terra a voce exercituum. Et quia in hac belli proprietate excellebant istae gentes, utpote exercitatissimae, facile alios populos, timore, & stupore hujus animositatis percussos vincebant. Hinc *vox alarum earum* dicitur habere similitudinem *curruum, equorum multorum currentium in bellum*. Quando enim multi cum curruum multitudine (quae ibi solet esse) currunt in bellum, edunt ingentem strepitum, qui horrorem audientibus solet incutere, & equi audientes tubas, & tympana, properant, currunt, saltant, hinniunt, cristas erigunt. exultant, animosi efficiuntur; sic procedebant ad bellum, & pugnabant gentes istae.

Verf. 10. 8vo *Et trahabant Caudas similes scorpio-  
num, & aculei erant in caudis earum*. Per has caudas intelliguntur metaphorice sequelae pessimae post has gentes, scil. ruina, & devastatio universalis regnorum diversis temporibus secuta; item damna Ecclesiarum, & infectio Arianæ hæresis, quae omnia relinquebant post se in omnibus regnis a se devictis, *& aculei erant in caudis earum*. Per aculeos significantur diversi errores istarum gentium, quas post se relinquebant, sicut solent non nunquam venenosa animalia aculeos, quibus percutiunt, relinquere post se in vulnere, & cute percussi, sive laesi. 9no *Et potestas earum nocere hominibus mensibus quinque*. His vocibus ostenditur pars altera maiorum

lorum Ecclesiae, & Imperio Romano illatorum; diuturnitas scil. Temporis, quo grassati sunt super Italiam Longobardi, gens pessima, officina gentium barbararum, quae relicta Hunnis Pannonia Alboinum Regem secutae, invaserunt, & nocuerunt mensibus 5, h. e. ad 150 annos, ut supra explicatum est. Unde per quinque primos menses tempus grassationis, saevitaeque Wandalorum, & Gothorum, quo ipsorum regnum duravit, exprimitur; per alteros vero 5 menses tempus, quo Longobardi Ecclesiae, & Imp. Romano nocuere; tametsi eorum regnum ad 190 v. 200 duravit annos, recte tamen tantum 150 ponuntur signati, quia unus illorum Rex Agilulphus scil. cum tota gente fuit factus Catholicus, & ideo non nocuit, & is regnavit ad 40 annos, quibus demptis remanet tempus determinatum, quo nocuere, & ideo signanter dicitur: *Et data est illis potestas nocere hominibus mensibus quinque*, quod frustra, & superflue factum non est, Spiritus S. enim nihil superflue inspirat, revelat, scribit.

Verf. 11. *10mo Et habebant super se Regem Angelum abyssi, cui nomen haebraice Abaddon; graece autem Apollyon, latine habens nomen exterminans.* Per Regem Angelum denotatur aliquis praestantis valde naturae, Angelus principatuum cum aliis malis Angelis, qui impios juvant in bellis, & instigant ad perpetranda mala, ad impugnandam, & evertendam (si possibile esset) Ecclesiam veram Christi dicuntur autem unus, quia omnes unum finem habent, ut dissipent, & destruant, & exterminent, perpetuo moventes bellum Christo, & Ecclesiae ejus militanti, in suis membris, qui sunt haeretici, eorumque promotores, & fautores. Ad cujus meliorem intelligentiam silendum non est, quod secundum S Dyonisium, & communem Doctorum sensum in daemonibus naturalia remanserunt integra, & per consequens remanserunt ordines distincti, prout sequuntur distinctionem naturae. Tenentur etiam communi-  
ter

ter a Doctoribus, quod aliqui ceciderint de singulis ordinibus, & sic nomina singulorum remanserunt in daemionibus. Primus autem ordo inferioris Hierarchiae nominatur ordo principatum, qui possunt diversis regnis, & bellis praeesse; unde, quemadmodum Angeli Sancti promovent commissa sibi a Deo regna ad bonum; sic ex opposito Angeli mali ex eodem ordine regna sibi a Lucifero concredita impellunt ad omne malum, ad tyrannidem contra Christianos, ad evertendas per bella Ecclesias, domos sacras &c. & quidquid possunt mali perpetrare secundum permissionem Dei, impie faciunt per instrumenta sua, malos scilicet homines, quibus daemones praedominantur. Tametsi enim omnia regna, & omnes homines habeant sibi praesidentes bonos, & malos Angelos, praedominantur tamen subinde boni Angeli malis, & vice versa mali bonis, prout est dispositio voluntatis humanae, & conditio regnorum, & divina permissio. Et de hoc malo Angelo praesidente regnis, & bellis Wandalorum, & Gothorum hic subditur: *Et habebant super se regem Angelum Abyssis.* Rex est, qui habet dominatum super alios, cui omnes obediunt, & vocem ejus audiunt, ad bella cum eo procedunt; hujusmodi regnum constituunt omnes haeretici, qui caput aliud nunquam habuerunt, neque habent, neque habebunt, nisi daemones, quibus diversis ducibus & impulsoribus, diversis temporibus cum diversis etiam turmis errorum, & furiarum in campum hujus mundi, contra exercitum Christi, qui est militans ejus Ecclesia, exierunt, & pugnaverunt, habueruntque diversa tempora, & divinam permissionem, etiam majora, vel minora sua regna; & incrementa sequitur: *Cui nomen hebraice Abaddon, graece Apollyon, latine habens nomen exterminans.* Quaestio est, cur in triplici lingua nomen hujus Angeli ponatur? Ad hoc intelligendum scire nos oportet, S. Joannem hic scripsisse universali Ecclesiae, quae in tribus istis linguis principalibus (per quos etiam reliquae significantur) consummabitur in triplici differentia,

rentia. Imo Enim coepit, & floruit in membris sanctissimis, sed paucis respective ex judaismo conversis; Ex his ipsis judaeis ac haebreis ad Christum conversis exsurrexerunt haeretici, & bellum moverunt Ecclesiae Christi ex impulsu Satanae; maxime vero circa circumcissionem, & onus imponendum gentibus legis Mosaicae, ut patet ex act. Apost. 2do Successit Ecclesia graeca ex gentibus collecta, quae & multitudine, & doctrina & viris Sanctis excelluit, & exinde habemus magnos Ecclesiae Doctores; verum ex his ipsis plurimi seducti ab hoc Angelo Abyssi, intulerunt bellum maximum Ecclesiae Christi, docentes perversissima dogmata, & inferentes Schismata contra Petri successores, & Romanos Pontifices, quorum omnium scelestissimus fuit Arius, & ejus haeresis, qua & Wandali, & Gothi per Valentem Imperatorem, ut dictum, depravati sunt; Unde etiam tandem justo Dei judicio exterminata est, & ipsa, & Imperium Orientale graecorum acta sub potestate, & tributa Turcarum, & usque in hodiernum diem perseverat multis erroribus irretita. De his legatur historia Ecclesiastica. 3tio Successit Ecclesia latina, & occidentale Imperium ex conversione omnium gentium in Occidente, maxime post Carolum M. Imperatorem, quod durabit usque ad novissimum tempus, in quo revelabitur filius perditionis. Et Ecclesia tunc ab an. 800 interitum, & quietem habuit ab haeticis in quarto statu militantis Ecclesiae ultra 200 annos, donec surrexit in Gallia, Berengarius, docens in SS. Eucharistia non esse veram Corporis, & sanguinis Christi praesentiam, & transubstantiationem. Satan enim, sive Angelus abyssi pati non potest Ecclesiae tranquillitatem, qui etiam post illum in multis membris suis, impiis hominibus intentavit Ecclesiae bellum, ut patet ex vita, successione, & repressione haeticorum, sed insultus ejus omnes, sine aliqua magna ruina Ecclesiae fuere repressi, tum pietate principum, tum vigilantia Pontificum, & imprimis Dei protectione Prodro-mi enim omnes fuere (ut patet ex erroribus diversis illorum,



lorum, quos docuerunt) Lutheri, & caudae infernalis illius draconis, quam obstetricante inferno Germania peperit in patentem totius Ecclesiae latinae ruinam Ao. Christi 1517 qui ab orco revocavit omnes haereses priores, & hiantem ore expuit in latinam Ecclesiam, ut patet ex infra dicendis. Et ex his jam liquido constat, cur S. Joannes scribens universali Ecclesiae Angelum hunc abyssi malum in triplici lingua posuerit, ut scil. nobis significaret eundem daemonem, qui Wandalorum, & Gothorum, & postea Longobardorum Arianorum sectae imperio praesidens Rex, Dux & Doctor fuit, fuisse, & fore omnium haereticorum Caput, regem, & ducem, & doctorem ac seductorem maxime modernorum haereticorum, qui negant caput visibile ecclesiae.

Verf. 12. *Vae unum abiit, & cum veniunt ad huc duo, vae post haec. \*)*

## §. II.

### *De Sexto Angelo, qui tuba cecinit.*

Cap. IX. v. 13 — 20.

Verf. 13.

I. *Et sextus Angelus tuba cecinit.* Postquam ergo regnum Gothorum, & Longobardorum deletum fuit, Arianaque perfidia penitus ad orcum missa, ab an. Christi 800 Ecclesia Christi quietem habuit ab haereticis usque ad annum 1048. Quo in Gallia Berengarius diaconus surrexit docens, in SS. Eucharistia non esse veram Christi corporis praesentiam. Ao. 1117 Durandus de Wandoch cum alio affectatore in partibus Arragoniae doctuit, matrimonium esse aliud nihil, quam occultum meretri-

\*) Hujus versus explicatio integra desideratur, colligi autem facile potest ex antecedentibus & consequentibus per vae enim primum haeresis Ariana in suis damnis delignatur.

retrotrahitur, sed hi viri exusti sunt, & suppressa haeresis. Sic usque ad annum 1517. Multi quidem insurrexerunt haeretici, sed omnes eorum haereses, tum pietate principum, tum virorum Doctorum, atque Sanctorum vigilantia, tum vel maxime Dei providentia ita fuerunt suppressae, ut nullam grandem, universalem, patentemque ruinam Latinae Ecclesiae, ac Occidentali, & Romano Imperio intulerint, donec an. Christi 1517 Germania obstetricante oreo Lutherum, maximum omnium haeticorum Haeresiarchum, effudit in mundum. Unde, quia S. propheta non obvia quaeque mala, sed principaliter tantum grandia, & maxima attingit, transiens inter medios haeticos, qui prodromi solummodo grandis istius Haeresiarchae fuisse noscuntur, Describit hic ex professio dictum Haeresiarcham, & mala, quae ex ejusdem tubicinio fuisse secuta in quinto Ecclesiae statu. Quod autem per sextum hunc Angelum Martinus Lutherus hic intelligatur vero literalis sensu, constabit ex contextu, si naturam, & proprietates hujus Haeresiarchae ejusque haeresis paucis praemittamus. Immo Cum hic Martinus Lutherus fuerit repertus a Lucifero Rege tenebrarum aptum instrumentum, elegit cum ducem belli sui, in quo constituerat exterminare latinam Ecclesiam ad consequendum finem suum dedit illi pro doctore Angelum quemdam summae malitiae & astutiae, nempe angelum Abyssii, omniumque Haeresiarcharum doctorem, de quo supra dictum, quod habeat nomen latinum exterminans, & de hoc suo nomine ipse Lutherus saepe gloriatur.

2do Consequenter Martinus Lutherus omnium Haeresiarcharum fuit pessimus, & pestilentissimus Haeresiarcha, utpote qui tot perversa dogmata expuit in latinam Ecclesiam, ut vix sit res ulla ad fidem, & ad mores bonos spectans, de qua non docuerit impium aliquid Lutherus, & ejus commilitones, & posterius; Unde secuta fuit, & adhuc sequitur hodie magis tanta confusio, &

& divisio opinionum, ut pene sint infinitae, neque una provincia, aut civitas, aut pagus, aut domus saltem sentiat, sicut altera, imo duo homines vix in una domo in haeresi sua consentiunt; & hoc inde venit, quia haeresis illa in tot, & tam pestilentia capita subdivisa fuit, quorum potissima sunt Thomas Münzerus; Joannes Oecolampadius, Andreas Carolostadius, Zwinglius; Joannes Calvinus; Georgius David, Christophorus Schaplerus; Philippus Melancton, Martinus Bucerus; Joannes Westphalus; Balthasar Parimontanus, Joannes de Leyden, Joannes Spangenbergius; Michael Serverus; Joannes Brenzius; Theodorus Beza; Lucas Sterenbergius, Deistae, seu Trinitarii, Ludovicus Alemannus Atheus &c Legatur desuper Catalogus lindani Episcopi Ruremontensis, in quo Martini Lutheri, omniumque haereticorum patria, origo, & successio describitur.

3tio Indolem hujus haeresis esse, pro Dolor! nimis experti sumus, bella & seditiones movere, quod Lutherus aperte Scriptis, & verbis fecit, & Zwinglii dictum fuit celebratum: Evangelium vult Sanguinem. Ex hac Lutheri doctrina tam seditiosa, atque sanguinaria, libellis, & concionibus contra Deum, & principes sparsis, secuta fuit maxima sanguinis effusio. Rustici enim hac voce Lutheri passim per Sueviam, Alsatiā, Thuringiam & Franconiam per Munzerum, Carolostadium, Bucerum, & alios in rebellionem excitati, monasteria, & templa invaserunt, expilaverunt, & everterunt. Per solam Franconiam ad 300 monasteria; arces nobilium 180 sic vexata, & expugnata sunt; imo ipsis corporibus non parcebant; passim enim trucidabantur, nobiles, & illustres viri, unde secutum est apertum bellum contra rusticos, in quo ultra 130000 agricolarum ceciderunt. Deinde, quot millia in bello civili Helvetiorum per Zwinglium perierunt? sicuta etiam fuerunt bella gallica, & belgica ab anno 1552 usque ad annum 1595 protracta; deinde bellum smalcaldicum Ao. 1547,

deinde bellum Livonium, clades Gallorum, five bellum civile, Calvino dictatore, excitatum; denique bellum Protestantium, quod nostro saeculo an. Christi 1618 usque ad annum Christi 1650 quasi continuo duravit, donec tandem tam flebilis, & contra christianitatem & religionem Cath. damnosissima pax fuit nuper conclusa. Quot centena millia, imo quot millia millium in Europa ferro, igne, peste, & conflictibus exercituum occubere? quot millia Catholicorum Anglia occidit, decapitavit, suspendit, & aliis tormentis interemit, maxime tempore Elisabethae Reginae? imo tam sanguinarius est spiritus hujus haeresis, ut non parcat propriis suis Regibus, & principibus, sicut vidit mundus nuper scandalum inauditum, & horrendum in Carolo Stuarto Rege Angliae, quem Scoti prodidere, & Angli haeretici per processum publicum non audita sua causa decollarunt Dominum suum legitimum.

4to Haeresis Lutheri & commilitonum ejus tria grandia, & horribilia mala, ac tres pestes intulit Ecclesiae Latinae ac Romano Imperio. 1um Est Confusio, & obscuratio Christianae veritatis, & Cath. religionis, quae secuta est ex tot, & tam multiplicibus, & tam diversis contrariis erroribus, quos contra omnes fere articulos fidei sparserunt, sensus Scripturae fuit per eosdem impios haereticos maxime Lutherum depravatus, versiones Biblicorum quasi innumerae, & nulla cum altera conveniens, editae, unde tempore illo, quasi nemo sciebat, quid vel cui deberet credere; 2dum incendium grande, & irritatio animorum statuumque invicem, quod usque ad sanguinem, & bella horribilia & occisiones multorum millium, imo millenorum millium successivis temporibus exarsit, dum enim praedicabant plebi omnem libertatem, & licentiam, scil. Christianis nullam legem five ab hominibus, five ab angelis ullo jure imponi posse, nisi quantum ipsi velint, & coelibatum in Ecclesia Tyrannidem vocabant, Romani Pontificis, Episcopo-

scoporum, & praelatorum Ecclesiae potestatem, & jurisdictionem competentem explodebant, praecepta ecclesiastica omnia laxabant; Principibus saecularibus jus faciebant, diripiendi bona ecclesiastica, principatus, dignitates excepta solummodo sustentatione; subditi insurrexerunt contra superiores suos, excusserunt jugum, & personae ecclesiasticae abjecto habitu, & coelibatu uxores ducebant passim, excutientes omne jugum ecclesiasticae disciplinae. Principes saeculares, nobiles, & Barones odisse ceperunt summum Pontificem, Episcopos, Sacerdotes; arripuerunt Episcopatus, Praeposuras, Beneficia, Monasteria &c. & cum Imperator prohibere vellet, sumpserunt arma, & rebellaverunt legat, qui velit, & videbit Tragoediam horribilem ab an. Christi 1525, ad annum 1650, & necdum finis est in Anglia, Scotia, & Hibernia; nec germania quiescet diu; & qui considerare velit, sine passione, fateri cogetur, haec mala omnia ex pestilentissima hac haeresi pullulasse. 3<sup>ium</sup> Corruptela est omnis honestatis, & morum bonorum, disciplinaeque tam ecclesiasticae, quam politicae; foetor scil. ille horribilis, quem Lutherus post se reliquit ex pestilentissima doctrina fere nullum articulum nec rem ullam ad bonas mores spectantem, reliquit intactam. Ex his patet, non solum movisse hunc Haeresiarcham bellum spirituale, sed etiam corporale Romano Imperio.

5<sup>to</sup> Lingua, ac os Lutheri ac commilitonum ejus fuit horrendum, superbissimum, praesumptuosum, ac audacissimum, quod nulli rei, quamvis sanctae, nulli veritati, quantumvis stabilitae, & antiquae, nulli auctoritati summorum Pontificum, sanctorumque Patrum, imo neque Angelis, neque hominibus, neque Sanctissimae Trinitati parcebat, sed omnia, tanquam os leonis oratione sua, quae solebat esse ardentissima, conculcabat, dilaniabatque contemnendo, calumniando. Tantum legantur ea, quae scripsit, dixitque maxime in publicis Comitibus Wormatiensibus, & sermone de destructione Lib. Contra Regem Angliae.

6to Haeresis haec brevi temporis spatio non solum totam fere Germaniam, excepta Bavaria & montibus, verum etiam omnes fere populos septentrionales infecit, ut deficerent ab Ecclesia latina. Occupavit magnam partem Galliae, Belgii, totam Angliam, Scotiam, Daniam, Sueciam, Hungariae, & Poloniae partem, potissimas, & fere omnes civitates imperiales, & principes Imperii traxit post se, unde cito incrementum sumpsit, & propagata est terra, marique, longe lateque fortis etiamnum est, & pertinaciter durat, quia nititur potentia principum, & divitum, & plausibilis est doctrina haec carnali huic generationi. Dispositum nam reperit Satan hunc mundum, & ideo milit Lutherum, quem Deus etiam permisit, quia omnis caro corruerat viam suam, dum nemo fere amplius contentus suo statu, conformiter illi vivebat. Pruriebant enim dentes populi ad libertatem carnis, Principum, & Nobilium in divitiis, & bona ecclesiastica, & Principatus ejus. Status vero Ecclesiastici erga mulieres, & voluptates, quibus omnibus praedicabat Lutherus, quae ipsi desiderabant. Bene scribit de hac generatione S. Paulus 2. ad Tim. C. 4. Erit enim tempus, cum sanam doctrinam non sustinebunt, sed ad sua desideria coacervabunt sibi magistros, prurientes auribus, & a veritate quidem auditum avertent, ad fabulas autem convertentur; Quales in rei veritate sunt assertiones Lutheri, ut omnis homo prudens mirari merito debeat, tantos Principes fuisse his dementatos; verum ad sua desideria complenda coacervaverunt sibi hujusmodi Magistros, & adhuc hodie continuant.

7mo Tandem haeresis haec peperit sobolem pestilentiorum se, quae est pseudopoliticismus & Atheismus, quos intulere mundo Machiavellus, & Bodinus, & alii, horum libros venerantur Principes Nobiles, & multi viri illustres, etiam qui Catholicorum nomine gloriantur. Haec haeresis, quae prior reliquit intacta, veneno suo

fuo suavi infecit, & occupavit mentes hominum, dirigit consilia Principum, statum reipublicae gubernat, in aulis habitat, & conversatur; docet aliud loqui, aliud sentire, omnibus se accomodare, omnia dissimulare, omnia permittere, ad conservationem status. Haec cauda est, & finis haeresis Lutheri, & commilitonum ejus. Collegerunt enim hanc pestilentiam Machiavellus, & Bodinus, & alii potissimum ex Calvinistica doctrina, & suam addiderunt ex proprio nequiore spiritu daemonis, ut ita, quod per Lutherum efficere non potuit, per pestilentiam posteriorem consequeretur. Haec enim reformationem, & conversionem ad fidem Cath. impedivit; restitutionem bonorum Ecclesiasticorum pessumdedit, fidem simulare docuit, & Catholicorum maxime nobilium potissimam partem ad perversissima principia traduxit; & ita nemo haectenus Europam, & maxime Germaniam nostram curare potuit, quantumvis verbo, & ferro fuerit tentatum; sapientia enim, vel potius astutia hujus mundi praevalet nobis, quia filii hujus saeculi prudentiores filiis lucis, in generatione sua sunt. Impletur in Germania, quod Christus dixit Math. 12. v. 43, 44. & 45. Imo videmus manifeste omnes modernas haeresees tandem ultimo resolvi in Pseudo politicum, & Atheismum, dum unusquisque sibi fingit conscientiam, & religionem, prout vult, ex principiis suis politicis tantum pro forma; Pseudopoliticorum enim, & Atheorum religio nihil aliud esse noscitur, quam mera hypocrisis, dicunt enim in corde suo, quid caro religionem? Non est Deus, non est altera vita; aut contemnunt futura. De his bene scripsit David Ps. 42. Dixit insipiens in corde suo: Non est Deus &c. His praemissis jam videamus in contextu.

II. *Et sextus Angelus tuba cecinit.* Iste Angelus est Martinus Lutherus, Haeresiarcha maximus, unus e ceteris, qui sub septem tubiciniis hic describuntur; iste tuba cecinit praedicando contra indulgentias, & publice disse-

disseminando & scriptis, & verbis, per se, & suos commilitones, in imperio Romano errores, & haereses perfimas, & plurimas, quibus successive totus septentrio, & pene tota Europa corrupta fuit. De occasione, & causa hujus apostasiae vide Doctorem Gabriel Prateolum, Marcaffium Lib 10. Elench. alphab. Haereticorum. Contra hunc Haeresiarcham celebratum est Concilium trident. generale, & Oecumenicum sub Carolo V, & Ferdinando Imperatoribus, Pontificibus vero Paulo III. Marcello II. Paulo IV. Pio IV, & Pio V, in quo unanimi consensu Patrum fuit Lutherus tanquam Haeresiarcha condemnatus, cujus libri prius Romae an. 1520 septimo Calendas Julii condemnati fuerant, & ipse excommunicationi subiectus a Leone X, summo Pontifice, qui etiam indulgentias a se concessas in Germaniam miserat, & Elector Moguntinus propter Consuetudinem Dominicanis promulgandas dederat, quod propter invidiam, avaritiam, & arrogantiam Luthero, & sociis ejus ansam dedit apostatandi; unde sequitur.

Verf. 13. *Et audiivi vocem unam ex quatuor cornibus altaris aurei, quod est ante oculos Dei.*

Verf. 14. *Dicentem sexto Angelo, qui habebat tubam: solve quatuor Angelos, qui alligati sunt in flumine magno Euphrate.* Per altare hic notatur Ecclesia universalis, quantum ad Praelatos, Episcopos, Doctores & sacerdotes una cum Capite existentes; hi enim recte altare vocantur, quia in ipsis, & per ipsos Christianitatis vota preces, & Opera offeruntur quotidie Deo Patri, pex Jesum in coelis, ascenditque de eo fumus compunctionis, & contritionis cordium, unde dicitur esse *aureum*, quia solum Ecclesia vera perpetuo sapientia illustratur aeterna, quam aurum significat. Item notatur esse *ante oculos Dei*, quod maxime Ecclesiae catholicae convenit, quae est semper in oculis Dei, qui eam singulariter custodit, ne errare queat, & defendit, ne superari possit ab inimicis suis. Et si ejus membra peccant,



peccant, paterne castigat eam. Sic promisit Deus Paralip. C. 2. Templo Salamonis, quod figura fuit Ecclesiae Christi, quod oculi ejus futuri essent aperti, & permansuri cunctis diebus. Rem ergo aliquam esse ante oculos Dei significat singularem custodiam; sollicitudinem, curam, & amorem paternum Dei erga illam. Et haec est Ecclesia Christi, quam acquisivit sanguine suo pretioso. Videmus hoc etiam in Gallinis, & aliis matribus, quam intentos oculos semper habeant in suos pullos & filios. *Habet quatuor cornua:* Quia Ecclesia Christi est diffusa per quatuor mundi partes, scil. Orientem, Occidentem, Septentrionem, & meridiem, & quia universalis Ecclesia est congregatio omnium Christi fidelium ex quatuor mundi plagis sub uno capite, quod est summus Pontifex; proinde quotiescunque celebratur concilium generale, Praelati, & Doctores ex toto conscribuntur mundo, unde dicitur: *Et audiui vocem unam ex quatuor cornibus altaris.* Per hanc vocem intelligitur Concil. Trid. quod dicitur procedere ex quatuor cornibus altaris, & esse vox una, quia generale fuit, & in eo fuit unanimi Consensu impius Lutherus cum erroribus suis condemnatus, & Satanae traditus; ideo additur: *Dicentem Angelo*, h. e. Martino Luthero, *qui habet tubam*, h. e. cui permissum erat a Deo pro libidine sua, & inflatione suae superbiae, arrogantiae & audaciae haereses suas pestilentissimas, & plurimas disseminare, & praedicando propagare per se, & per suos &c. *Solve quatuor Angelos:* Sequitur conclusio & definitio generalis Concilii, quae fuit condemnatio Lutheri, & omnium errorum ejus, in qua ipse excommunicatus, & Satanae traditus est; postquam saepe saepius paterne monitus fuit Romae, & aliunde ut resipisceret, & ille semper obstinatio factus, tandem omnino indurabatur. *Solve quatuor Angelos:* Est modus loquendi, quo alterum provocamus ad pugnam, ut in arenam, & bellum descendat nobiscum, quando videmus aliud nullum superesse remedium, quo evadamus. Sic Christus sciens,

satanam intrasse in cor Judae, ut traderet eum, & venderet judaeis, dixit ad eum Joh. C. 13. quod facis, fac citius, & nos, quando ab aliis ita laceffimur ad pugnam, ut non sit evadendi medium, quam se defendere, intrepide pugnae nos accingimus, & insultantem, impudentemque hostem aggredimur. Est ergo vox *Solve* provocativa ad bellum spirituale contra omnem furiam Sata-nae, & totius inferni, qua diripere, & exterminare latinam Ecclesiam mediante hoc Haeresiarcha intentabat. *Solve* est vox imperativa, quia excommunicatio, & condemnatio haec summi Pontificis, & Concilii ansam, occasionem, incentivum impio Luthero, & commilitionibus praebuere, quo magis furerent, verbo, & scripto contra Romanos Pontifices, & Concilia, contra indulgentias, contra coelibatum, contra divitias dignitatem, & potestatem, bonaque ecclesiastica. Patet ex ejus libris, & concionibus, in quibus omnes furias exercuit. Insuper Principes Imperii, & populum, & personas ecclesiasticas, contra Romanum Pontificem, Episcopos, & Praelatos Ecclesiae concitavit, & quasi solvit in exterminium latinae Ecclesiae. Hoc luculenter patet ex iis, quae facta sunt ex hac haeresi pessima, & quae adhuc hodie fiunt. *Solve quatuor Angelos, qui alligati sunt in flumine magno Euphrate.* Per flumen magnum Euphraten intelligitur Romanum imperium, quod vocatur flumen magnum. 1mo Propter multitudinem populorum in eo existentium; Europa enim, in qua Romanum imperium existit, est populosissima, secundum quod dicitur infra Cap. 17. Aquae, quas vidisti, populi sunt, & gentes, & linguae. 2do Quia, sicut Euphrates est quartus fluvius & maximus Paradisi Gen. C. 2. Sic inter quatuor regna principalia, regnum romanum fuit maximum, potentissimum & maxime diuturnum. Dan. C. 2. ut patet ex hist. Rom. Quanta potentia fuerint dominati, & tanquam ferrum confregerint omnes Reges terrae, & sibi fecerint tributarios, tametsi hoc tempore sit exile regnum, & confusione plenum, & in se valde divisum,

divisum, sicut praedixit idem Daniel C. 2. 3to Sicut Euphrates flumen ab initio quidem est maximum, postea tamen in multa flumina dividitur & iterum in rivos, sic regnum romanum maximum quidem fuit; successu temporis tamen imminutum, & in multa regna divisum est, & res publicas, & communitates, quae se per rebellionem, aut defectionem a fide catholica, aut per occasionem aliam subtraxerunt ab eodem, ita, ut hoc tempore maneat exile regnum, & turbatione plenum, ut dictum est. Quaternarius numerus soepe quoque pro universitate sumitur. Sic Math. C. 24. in fine saeculi a quatuor ventis coeli electi per Angelos assumendi dicuntur; Pari modo hic per quatuor Angelos intelligitur universitas malorum hominum, quos Lutherus excommunicatus, & Satanae traditus solvit, & concitavit in bellum contra Ecclesiam Dei: hujusmodi autem sunt in duplici differentia; imo enim concitavit, & seduxit sua pessima doctrina plurimas personas ecclesiasticas, tam sui, quam aliorum ordinum, quos in auxilium evocavit praedicationis suae, & plurimi ultro adhaeserunt illi, ubique locorum spargendo perversissima dogmata. Quales fuerunt Carolostadius, Münzerus, Oecolampadius, Zwinglius, Calvinus, & alii quam plurimi; 2do Ipsosmet principes Imperii, & doctores (quos vocant protestantes) solvit in gravissima bella contra Imperatores, & Reges, in direptionem Ecclesiarum, bonorum ecclesiasticorum, Monasteriorum, & multorum Episcopatum, in odium maximum Pontificum, Episcoporum, Sacerdotum, & Ecclesiae, & in aversionem a fide Catholica, quam majores, & tota eorum progenies, omnesque Sancti, & Docti viri ab origine sua tenuere. Sic defecit Princeps, & Elector Saxoniae, & diripuit Episcopatus, & omnia monasteria per summum nefas. Idem fecerunt Principes, & Electores, Brandenburgensis, & Heidelbergensis, Brunswicensis, Hassiae Landgravius, Reges sueciae, Daniae, & Angliae, & innumeri alii duces, Principes, Marchiones, Comites Palatini, Barones,

nes, Nobiles, totus septentrio; imo quasi totum Imperium Romanum ad Orientem, Occidentem, & septentrionem uno impetu solutum est in bellum contra latinam Christi Ecclesiam, ad tubicinium sexti hujus angelii, non sustinentes tam sanam Concilii Tridentini doctrinam. *Qui alligati sunt*, dicuntur alligati, puta sub imperio, quia impii solent sub jugo Dei esse instar canum alligatorum, qui semper solent latrare, & inquietare, donec solvantur; sic erant tempore illo Principes Imperii, & Reges, & personae ecclesiasticae pleeraeque hinnientes post mulieres; & inhiantes divitiis, honoribus, & bonis ecclesiasticis, diuque ita constituti tenebantur ligati per voluntatem Dei, donec impleta fuit mensura gravissimorum peccatorum in omni statu Romani Imperii, ob quam divina vindicta, & voluntas permisit omnes impios solvi per Lutherum in bellum contra Romanum Imperium, & Latinam Ecclesiam. Unde dicitur: *Solve quatuor Angelos*. Est etiam vox divinae permissionis, sine qua perpetuo inimici nostri ligati sunt, & inermes, & nocere non possunt. 2do Quia jam diu Germania, & Romanum Imperium erat praegrans, & portabat in utero hoc grande malum, & pridem peperisset, nisi divina misericordia expectans poenitentiam hominum prohibuisset, & ligatum tenuisset Satanam cum inimicis crucis Christi, & Ecclesiae: Omnis enim status corruperat viam suam, dum subditus volebat esse liber sine legibus; Ecclesiastici vero status, & ordines sine disciplina, mulieres clamabant, mulieres desiderabant. Ordines Nobilium & Principum sua forte, & statu contenti non erant, satiari non poterant divitiis, fastuque dignitatum, & honorum. Unde videntes opulentissimas Praebendas, & Praelaturas, & Episcopatus, angue pejus odio habere coeperunt personas ecclesiasticas, calumniantes, & carpentes pessimam, & scandalosissimam eorum vitam; omnes denique homines super terram obliti sunt Deum, jacentes conscripti colla tenus in omni coeno voluptatum, & viventes in divitiis

tijis, honoribus, & abundantia, & saturitate, & felicitate rerum omnium; itaque jam pridem parati, & dispositi erant impii in ruinam; sed divina misericordia ligatos eos tenuit usque ad praedefinitum tempus. 3tio Ab an. Christi 800 (quo Imperium Romanum ad Germanos fuit translatum, & hucusque permansit) usque ad annum Christi 1517 per 700 annos stetit Latina Ecclesia, & Romanum Imperium sine universali aliqua ruina sibi ab aliquo Haeresiarcha illata, tametsi enim post Berengarium multae successive haereses surrexerunt; nulla tamen pedem fixit, aut in grande, aut in universale malum serpsit, vel in incendium majus exarsit; sed omnes fuerunt suppressae potentia Imperatorum, & Principum; scil. quia manus Dei ligatum tenebat Satanam, & omnes istos haereticos, qui prodromi erant illius Haeresiarchae grandis, qui solvit omnium impiorum, & ipsius inferni furias contra Latinam Ecclesiam, & Imperium Romanum, qui alligati erant usque ad praedefinitum tempus.

III. Vers. 15. *Et soluti sunt quatuor Angeli, qui parati erant in horam, & diem, & mensem, & annum, ut occiderent tertiam partem hominum.* Sequitur divinae permissionis effectus juxta quam impius hic Haeresiarcha magnam habuit tenebrarum potestatem, in qua magna, horrendaque mala perpetravit, & prosperatus est valde: Non enim ea solum illi adscribuntur, quae ipse fecit, & quorum causa fuit in vivis, sed omnia mala, quae ipsius haeresi, sive per se, sive per alios fuerunt causata. *Primum enim malum est concitatio innumerabilium quasi personarum ecclesiasticarum ex omni statu, quae per Lutheri doctrinam a jugo disciplinae ecclesiasticae, tanquam equi emissarii, hinciebant post sua desideria carnalia, currentes per Europam, & pervertentes multa centena hominum millia; 2dum malum est, quod concitaverit Principes Imperii ad gravissima bella, verbo, & scripto, per se, & suos affectos,*  
&

& posteros haereticos; imo ipsa ejus haeresis causa fuit gravissimorum bellorum & malorum, quae usque huc contigerunt, & usque ad interitum ejus contingent; unde subditur: *Et soluti sunt quatuor Angeli*, h. e. permissum est universitati impiorum hominum, qui malum in temporibus suis perpetrabunt, aut consilium ad hoc dabunt, vel causa erunt, hinc sequitur: *qui parati sunt*, hoc est, qui jam proscripti sunt, & venundati, ut malum faciant in temporibus suis, sicut Achab 3. Reg. C. 21. Venumdatus est, ut faceret malum in conspectu Domini. Hujusmodi in specie erat in primis Fridericus V, Palatinus cum adhaerentibus sibi plurimis, qui tantum Christiani sanguinis effudit, & effusionis causa fuit. Tales etiam omnes Protestantes fuere; talis Henricus VIII, impius Rex Angliae, talis ejus filia Elisabeth, & novissime Gustavus Adolphus, Rex sueciae cum tota sua cauda infernali, qui Germaniam quasi totam usque ad medullas ossium (post ingentem sanguinis effusionem, & infinita quasi flagitia perpetrata, rapinas, homicidia, deflorationes virginum, inquinatio- nes mulierum, sacrilegia &c.) emunxerunt. Et haec omnia mala ex unica Lutheri, & Sociorum ejus impia doctrina tanquam radicali, principali, & prima causa, evenerunt, quae a prima origine ejus usque huc innumerablem fuere subditur: *in horam, & diem, & mens- sem, & annum*. His verbis tempora diversa praeliorum denotantur, quae semper determinatur in certam horam, & diem, & mensem, & annum ex divina providentia, & permissione, & constitutione Belliducum. *Ut occiderent tertiam partem hominum*. Ponitur determinatum pro indeterminato; per tertiam enim partem significatur, plurimos, & majorem partem Christiano- rum interminandos. Homines hic ponuntur promiscue pro bonis, & malis, pro Catholicis, & acatholicis, quos omnes varia sorte bella haec terigere. Porro *per horam, & diem, & mensem, & annum* designantur quatuor tempora, in quibus potissimum homines ad  
bella

bella solventur. Per *horum* namque recte intelligitur Tempus belli rustici, quod fuit breve; ubi tamen per Ligam sueviam, & Antonium Lotharingum, aliosque ultra 130000 cecidere; similiter bella civilia, Helvetiorum, Gallorum, & Belgarum, fuere brevia, sed cruenta: Per *diem* significatur tempus belli Smalcaldici, quod quidem diutius duravit, quam rusticorum; sed Carolus V. Imperator, tot victoriis clarus, illud abbreviavit, devictis, & subjugatis suis hostibus fortissimis. Per *ensem* notatur tempus belli saevissimi, quod gestum est ab anno 1619 usque ad annum 1649, suntque 30 anni perensem, qui habet 30 dies, significati. Dies enim pro anno reputatur frequenter in prophetiis; ut supra dictum. Denique per *annum* totum intimatur reliquum tempus bellorum, & seditionum, quae praeter tria illa principalia bella in Europa alicubi contigerunt, & usque ad interitum hujus haereseos etiamnum sunt futura.

Verf. 16. *Et numerus equestris exercitus vicies millies dena millia.* Per istum exercitum significatur totum corpus omnium Copiarum militarium, quae in Europa aliquando, & alicubi fuerunt productae in pugnam, & post haec producendae sunt per quatuor dictos Angelos in causa istius impiae, & Sanguinariae haereseos: & numerus istarum copiarum est incredibiliter magnus respectu totius Europae, in qua jam an annis 125 tam varie & toties, & tam crudeliter fuit dimicatum in omnibus quasi regnis, principatibus, & rebus publicis per totam Europam, quorum omnium causa fuit diabolica moderna haeresis, & illius sequelae, ut patet ex supra dictis, unde, quia computatis omnibus bellorum omnium Copiis incredibilis exercitus confurgit; S. Joannes etiam ponit maximum numerum, scilicet *Et numerus equestris exercitus vicies millies, dena millia*, h. e. bis millies centena millia, seu, ut arithmetice pronuntiem, ducenti milliones. Est horrendus numerus, & tamen longe major erit numerus pedestris  
exer-

exercitus, quem propheta merito non ponit; posito enim unius exercitus numero alter facile, & recte colligitur; ponitur in Singulari *exercitus*; tamen enim plurimi exercitus toto tempore istius haeresis in Europa ex utraque parte fuerint producti, & etiamnum producendi sunt; recte tamen dicitur, & est unus exercitus moraliter, quia ex una causa, scil. Lutherana, & commilitonum haeresi originem ducunt, & ad unum finem referuntur; quia est punitio Dei, & exterminatio istius carnalis saeculi, quae per occisionem tertiae partis hominum notantur. *Et audiui numerum eorum*; h. e. signanter, & in specie praedictum numerum desuper accepi, & audiui in spiritu, & non a me ipso posui determinatum pro indeterminato.

IV. Vers. 17. *Et ita vidi equos in visione*: In sequentibus convertitur Propheta ad descriptionem alterius partis malorum, scil. bellum spirituale, & in primis describit modum, quo viderit naturam, & proprietates istius exercitus spiritualis, per visionem scil. in spiritu, qui modus videndi, cum mere intellectualis sit, congruit suo objecto, quod est spirituale bellum, sicut prius, scil. auditus congruebat suo objecto, quod erat corporale. *Et ita vidi equos in visione*. Per equos intelliguntur personae ecclesiasticae, & alii homines impii, qui tempore Lutheri excusso jugo disciplinae ecclesiasticae, & fracto freno honestatis, & fidei Cath. instar equorum currebant post Lutherum, & hinniebant post mulieres, & voluptates carnis, quorum ingens erat numerus, exercitus grandis; imo enim, sicut equus non castratus, si solvitur, cristas erigit, caudam in altum tollit, spumat, currit, & hinnit post equas, & ita effectus redditur, ut a nemine capi se sinat, donec despumaverit; ita impii isti, hominesque sacrilegi, non castrati per timorem Dei, per Lutheri doctrinam soluti a freno disciplinae ecclesiasticae, coelibatus, & omnis honestatis, erigere coeperunt cristas Superbiae in altum, spumare



spumare contra Ecclesiam Dei, pervertere homines, hincire post mulieres, & currere post omnes carnis voluptates, & a nemine capi se sinebant, neque sinunt, donec despumaverint in vita sua, & tandem post mortem alligentur in inferno in aeternum. Hujusmodi equi etiam sunt, & per eos literaliter hic intelliguntur omnes praedicantes sive ministri, qui sunt, fuerunt, & erunt grandis exercitus, scil. magistri prurientes auribus, quos haeretici nostri temporis ad sua desideria retinenda, & complenda post Lutherum, & Commilitones ejus primos (quos miserat in mundum ad plurimorum perversionem) coacervarunt, & coacervant, atque concervabunt; 2do equi luxuriantes soluti freno, obvia quaequae conculcant pedibus, nec parcere norunt rebus quantumvis pretiosis, quia sunt animalia irrationabilia; sic equi isti emissarii Calvinus, Zwinglius, Oecolampadius, Carlostadius, & innumeri alii omnes praeteriti, praesentes, & futuri praedicantes, sive ministri salutis (quorum Caput Lutherus, sive Angelus fuit, qui solvit eos) omnia conculcarunt pedibus suis impiis. Soluti enim in florentissimum hortum Ecclesiae, qui erat in Europa, ex permissione iusta Dei, non pepercerunt florentissimis floribus Virginum, quae vitam, & sanguinem dederunt pro Christo Jesu ad tuendam suam virginitatem. Hi impii conculcarunt eas aggressionibus suis spurcissimis, dicendo: oportere eas nubere; tot arbores annosae SS. Patres, & eorum doctrinae & Sacramenta tot annis steterunt; & celebrata sunt tot Concilia generalia florentissima omnis doctrinae sanae, & provincialia similiter; & hortulanorum continua fuit successio scil. summorum Pontificum sive successorum S. Petri, quae contra omnes haereses stetit inconcussa; denique tot fructus hujus horti fuere, qui sunt quasi sancti innumerabiles omnium statuum miracula, & virtutes fidei Cath & doctrinae Theologicae; quae omnia Lutherus cum equis suis emissariis conculcavit, & conculcat vilipendendo, contemnendoque, ita, ut neque Baptismus, neque Christi-

stus, neque B. V. Maria, neque SS. Trinitas, neque SS. Patres, neque successio continua ab Apostolis usque huc, neque invocatio sanctorum, neque liberum arbitrium, quod est summum Dei donum, naturae datum, neque ullus articulus fidei, aut res quaelibet ad bonos mores spectans, secuta sint ab his equis emissariis, & luxuriantibus, quin conculcentur per inscitiam, contemptum, praesumptionem, insipientiam, & impietatem eorum; quae omnia sunt ipsorum pedes, & gressus. Veritatem dico, non mentior: Ego ipse cuperem anathema esse a Christo pro fratribus meis, qui sunt Germani, & Europaei omnes, & tenentur haeresi hac equorum emissariorum excoecati, ut agnoscerent veritatem, quae est in una Sancta, Catholica, & Apostolica Ecclesia Romana Orthodoxa. 3tio Sicut equi veloces sunt in cursu suo consummando, maxime si infellores nansciscantur peritos; ita equi isti emissarii, impii scil. commilitones Lutheri, veloces fuerunt in consummando cursu suo; cito enim invexere haeresin suam in diversa regna, principatus, & regiones, currentes citato valde cursu, & in magna rabie, & furore per totam quasi Europam disseminando suos errores; quia scil. impelluntur valde ab infelloribus suis, qui sunt daemones, ut infra videbimus. 4to Equi valde robusti sunt, ac fortes, unde, si semel freno laxato apertum campum nansciscuntur, plurimum nocent, omnia confringunt, & non facile coarctantur, amplius; sic equi isti emissarii, Lutheri commilitones, erant valde fortes, & sunt adhuc hodie praedicantes, sive magistelli pseudo evangelici, quia nitebantur, & ad huc hodie nituntur potentia Principum, Regum, rerum publicarum, divitum mercatorum, civitatum opulentissimarum, quae omnes simul caudae sunt istorum equorum, ut infra videbimus. Unde grassantur in inexplicabilem, & sanguineis lacrymis descendendam animarum ruinam impune; coarctari enim nequeunt, resistente potentia eorum, qui ipsos suffultos tenent, scil. magistros prurientes auribus, quos ad sua deside-

desideria coacervant, v. g. ad retinenda bona ecclesiastica, Praelaturas, dignitates, Principatus, & Episcopatus; patet ab exemplo, quo piissimus, & fortissimus. Imperator Ferdinandus II, volens semel consulere saluti miserarum animarum errantium, cunctis viribus nitebatur reformare regnum in fide semotis magistris tenebrarum per Imperium Romanum, & impeditus fuit, novissimeque res catholicorum per nuperam compolitio- nem pacis in pejus ac deterius lapsa est. Quia omnes ad resistendum concurrunt, & unanimes fiunt haeretici, eorumque fautores, quando agitur de vera, & catholica fide introducenda, & de restitutione bonorum ecclesiasti- corum, sicut, quando agricola porci unius naribus vult inferre annulum ferreum, ne fruges & terram suffodere possit, & damna facere, omnes alii sues audientes cla- morem concurrunt, gruniunt, insurgunt &c. *Et qui sedebant super eos, habebant loricas igneas, & hyacin- thinas, & sulphureas.* Inducantur, & describuntur his verbis praedictorum equorum infellores, qui alii non sunt, quam daemones. De Haeresiarcha Luthero, omnium illorum equorum impurorum antesignano aper- te constat, quod habuerit familiarem daemonem, qui eundem ad omnia mala impellebat, & calcario addebat. Idem sentiendum de ejus discipulis, & commilitonibus, omnium enim haeticorum caput, ductor, & guberna- tor, daemones sunt, maxime modernorum qui omnes visibile Caput Ecclesiae negant; imo enim, qui sedet super equum, dominatur illi: 2do freno continet sub jugo suo, & ducit, quo vult: 3tio Calcaria addit ad ve- lociter currendum, & impellit, ad locum, & ad omnia facienda, quae vult, ad prosequendum, & fugiendum, & conculcandum simillima ratione possidebantur omnes saepius dicti Haeresiarchae discipuli, commilitones, coactanei, & posthumi innumerabiles, & adhuc hodie possidentur ab impiis daemonibus omnes praedicantes, & magistrelli tenebrarum; dominabantur enim illis, & ad magna flagitia eos impellebant, & ipsi faciebant sine

pudore, abiicientes omnem honestatem, & disciplinam ecclesiasticam, ducebant uxores, & contra omnes fere articulos fidei, & bonos mores tam Sanctos, tam antiquos docebant, & faciebant impudentissime, quae daemones tum vellent. Calcaria addiderunt illis, quae sunt Zelus, & furor quidam mixtus ex superbia, arrogantia, & invidia, quibus impellentibus cito fecerunt, & cucurrerunt strenue disseminando impietates suas, sub specie veri, & boni apparentis, contententes ad magnas, & imperiales in Europa civitates, insinuantisque se apud Reges & Principes, ostendendo illis bona ecclesiastica, dicentes cum Satana: haec omnia dabimus vobis, si cadentes adoraveritis nos; similiter cucurrerunt cito, & hiant ore isti equi emissarii ad personas ecclesiasticas diversorum statuum cantantes canticum ex Apostolo Paulo: melius est nubere, quam uri &c. & sic alijs hominum statibus mentiebantur, quae ipsi desiderabant, & prosperati sunt, & cito fecerunt. Non solum currebant ad loca, & prosequiebantur omnia, quae ipsorum infellores volebant; verum etiam fugiebant, & adhuc hodie fugiunt haeretici, quae daemonibus sunt contraria. 1mo Contrarium fuit illis Signum S. crucis, 2do aqua lustralis, & omnia sacramentalia. 3tio Reliquiae Sanctorum, quibus ab antiquo fugabantur daemones, & adhuc hodie fugantur. Eadem sunt contraria nostris haereticis, fugiunt, odio habent, blasphemant, conculcant. 4to Maximo odio prosequiebantur veritatem Corporis, & Sanguinis Jesu Christi in SS. Eucharistia; idem faciunt nostri haeretici. 5to Beatam Virginem daemones horrent nominari, sic eam habentes odio, ut illud Gen. C. 3. adimpleretur: inimicitias ponam inter te, & mulierem; pene peiores, & nequiores faerunt, & adhuc sunt hodie impii isti equi emissarii, aperientes ora sua blasphema contra eam, quam Angeli, & Archangeli venerantur, quam Reges & principes orbis terrae semper laudarunt, & beatam praedicaverunt, & tanquam matrem Christi pie invocarunt. 6to Odio habent, & fugiunt obedi-

obedientiam, quemadmodum ipsi primi extitere inobedientes creatori suo, & ad inobedientiam induxerunt primos nostros parentes: Sic equi isti emissarii primo frenum obedientiae erga romanam Ecclesiam excusserunt; deinde concitaverunt subditos in rebellionem contra legitimos suos Dominos; status vero Imperii, & ecclesiasticos contra Pontificem maximum, qui solus est, & semper fuit successione perpetua verum Ecclesiae caput. 7<sup>mo</sup> Quid magis daemonibus contrarium & odibile, quam tremendum sacrificium Missae? Idem reperitur in istis emissariis equis, qui missam sustulerunt, veri praecursores Antichristi, qui jage sacrificium penitus auferret Danil. C. 12. 8<sup>vo</sup> Daemones sitiunt bella, seditiones, Christiani Sanguinis effusionem, homicidia, discordias &c. ad quae malorum hominum animos impellunt, quibus dominantur; Simillimi etiam inveniuntur in hoc hi equi emissarii, qui ad bella, & maximam effusionem Sanguinis tuba canebant, & adhuc hodie canunt. Vide Sup: Ex his jam satis liquido constat, infessores istorum equorum alios non esse, quam malos doemones, qui illis dominabantur, & ad omnia mala, quae ipsi solum velle norunt, impellebant, & ad huc hodie impellunt, & quod per istos infessores ad literam intelligantur doemones ex apparatu, & munimento bellico eorum patet, quia statim, & signanter additur his verbis: *Et qui sedebant super eos, habebant loricas igneas, & hyacinthinas, & sulphureas.* Per hoc 1<sup>mo</sup> Qualitas loricarum istorum equitum exprimitur a colore, quo ipso produntur equites isti: *habebant loricas igneas, & hyacinthinas, & sulphureas*, h. e. refulgentes ab igne, & fumo, & sulphure, quae tria in inferno sunt, & ab iis doemones (utpote illius inhabitatores, ascendentes ab ore in spirituale bellum contra Christi Ecclesiam) hic dicuntur metaphorice resplendescere, & loricati esse ad significandum, quales isti sint infessores. Sic Rex habet lorica auream sive deauratam, miles ferream, alii illustriores argenteam &c. unus quisque enim secundum

conditionem sui status, & genus, belli loriscatus incedit. ad idem Verbis etiam significantur literaliter diversa genera loriscarum, in quibus doemones infidentes praedictis suis equis in bello hoc contra Christi Ecclesiam pugnabant, & se objiciebant maxime fortitudine inimicis suis. Et haec diversa loriscarum genera tria sunt; primum est Zelus quidam odii, ac invidiae cujusdam vehementissimae, acerrimaeque, qua satan accendit per suos mendacissimos assecclas corda Principum, nobilium, aliorumque hominum contra Romanam Ecclesiam, Pontificem, Cardinales, Archiepiscopos, Episcopos, Praelatos, ordines religiosorum, & universum Clerum, quam verum hoc sit, constat hodierna ad huc experientia quotidiana, qua videmus incredibili odio, livore, & invidia ardere haereticos contra Ecclesiam Christi, quod primum ac fortissimum munimentum est, quo satan intentionem suam sepivit, & in eo impugnavit Ecclesiam Christi, magnamque ruinam aperuit in Ecclesia Latina. Ubi enim odium, & affectus contrarius, neque sana doctrina, neque consilia, neque ulla admonitio habet locum, unde dicitur in contextu: *Et habebant loricas igneas*; sicut enim ignis urit, & consumit, ita Zelus odii & invidiae adurit hominum corda, & consumit usque inferni novissima.

adum Est confusio maxima, & mirabilis doctrinarum circa res fidei, & bonos mores, qualis non fuit in ulla haeresi: unde occurri illi tam facile non poterat, ut supprimeretur: refutato enim & deleta uno errore, statim alii plures succreverunt, ut jam pene innumerabiles sectae & tam diversae & pugnantes inter se repellantur in Europa. Et hoc iterum est astutissimum Satanae Stratagema, munimentumque, in quo pugnavit contra Latinam Ecclesiam, fecitque stragem maximam; & hoc per loricas *hyacinthinas*, h. e. fumosas denotatur; Color enim hyacinthinus speciem aeris tenet obscurioris; Significatur porro praedicta hujus haeresis confusio per

per similitudinem fumi; 1mo fumus ex igne procedit; 2do aërem obscurat; 3tio Confundit visum; 4to in se confusum quoddam chaos est, & coarctari non potest, & si una ex parte deprimitur, ex altera ascendit; 5o lacrymas exprimit. Simillima est moderna haeresis; 1mo enim est innumerabilium pene, & diversorum errorum confusio, quae ex igne invidiae ascendit; in odium enim Romani Pontificis, & totius Latinae Ecclesiae docebant, & faciebant, quidquid contrarium illi esse poterat. 2do Obscuravit tot, & tam diversis erroribus totam Europam, quae antea erat pura, & lucida per veram fidem instar aëris lucidi, & sereni. 3tio Confundit etiam, & depravavit visum, h. e. intellectum, & rectam rationem hominum, ita ut non amplius videretur, quae sana doctrina esset, & quae via ad vitam aeternam. 4to Est confusum quoddam Chaos ex omnibus quasi antecedentibus haeresibus conflatum, quod coarctari haëtenus non potuit, & quo plus depellitur, iterum, & eo magis ascendit. 5to Lacrymas civit Germaniae ex oculis suis innumerabiles, & adhuc ciet. Cur vero Propheta naturam hujus mali a hyacintho, & non a fumo sumplerit, haec ratio est, quia tametsi omnis doctrina eorum nihil sit, nisi fumus, speciem tamen, & colorem plausibilitatis prae se ferebat; qua oculos hominum carnalium implevere equi isti emissarii, dum singuli docebant, quae placebant secundum carnem & vitam praesentem; doemones enim solent semper mala falsis rationibus colorare, ut homines ad perditionem facilius inducant, ideo insectorum isti cum loricis hyacinthinis congruentissime describuntur in bellum exire.

*Tertium* fuit laxatio omnis disciplinae ecclesiasticae, & honestatis in vitam carnalem, & libertatem carnis, proinde hominibus aperuit Satan mediante hac haeresi viam ad omnia vitia, & voluptates, persuadendo illis per suos ministros viam ad coelos esse facillimam, strataque rosis, Deumque non ita punire peccata homi-

num, sicut Catholici docent; maxime insurgebant contra coelibatum sacrorum ordinum, virginum, & sacerdotum omnem libertatem ad perficienda desideria carnalia permittendo. Satana tanquam rete grande expandit, & fecit hisce ingentem capturam in perditionem aeternam, & ex hoc capite mali ingens luxuriae, & carnalitatis foetor in Europa ascendit; & hoc tertium genus munimentorum sive malorum per *loricas sulphureas* denoratur; Sulphur enim metaphorice foetorem luxuriae, carnalitatis, aliorumque flagitiorum significat. Et haec sunt tria genera loricarum spiritualium, quibus daemones armati atque muniti & tecti in bellum etiam spirituale contra Latinam Ecclesiam processere, grandemque hanc ruinam in illa aperuere.

V. *Et capita equorum erant tanquam capita Leonum &c.* In his & sequentibus verbis Propheta divertit ad descriptionem naturae, & proprietatum, quas praedicti equi habituri erant. Certe horrendum monstrum & portentum abominabile natura eorum esse noscitur, qui ventre, pedibus, & trunco corpore equi, capite leones, ore infernus, & cauda serpentes fore describuntur. De Singulis videamus. ■

imo Dicuntur hi equi habere capita similia capitibus leonum, & hoc aptissime: quemadmodum enim caput leonis est fortissimum, omnia confringit, dentibus suis dilacerat, dispergit &c. ita equi isti emissarii, haereticis modernae buccinatores, articulos fere omnes fidei, quantumvis Sanctos, & antiquitate, autoritateque SS. Conciliorum, & SS. PP. roboratos, ausi sunt aggredi, dilacerare ore suo maledicto, & res quasi omnes ad bonos mores spectantes discerpere; res sacras, sacramentalia omnia, & honorem B. V. Mariae, omniumque Sanctorum masticare dentibus suis impiis. Instar enim leonum, qui furore succensi scintillas ignis ex oculis ejaculantur, ore spumant, rugitus iracundiae edunt, & quid quid obvium dilacerant masticant discerpunt; Sic



Sic impii isti equi emisarii Zelo odii, furoris, & invidiae contra Romanum Pontificem, omnesque praelatos Ecclesiae repleti omnia sacra & sacramenta maledicto ore, & capite suo furibundo invasere, masticavere, dilaceravere, discerpere.

2do Dicuntur exire ignis, & fumus, & sulphur de ore ipsorum. Per ignem ardorem invidiae, livoris, & odii supra diximus intelligi, quo equi isti emissarii prius succensi ab infessoribus suis infernalibus totam quasi Europam contra summum Pontificem totamque Ecclesiam Latinam, ejusque praecepta, mores, & dogmata acerrime incenderunt, eandemque fumo falsae, & confusae doctrinae suae, & foetore carnalis, & luxuriosae suae vitae (quae duo per fumum & Sulphur significari supra diximus) miserrime repleverunt, & turpissime defoedarunt. Et haec tria dicuntur exire de ore ipsorum; quia haec praedicaverunt, & disseminarunt ore suo maledicto; quid enim aliud praedicarent, nisi quo erant pleni? quo vero pleni esse poterant, nisi malo, quo implebantur ab infessoribus suis, qui eadem haec tria adjective portabant in loricis, ipsi vero ministri substantive emittebant ex ore suo, quia videlicet doemonibus adjacet hoc malum velle; impiis vero hominibus tanquam ministris, & instrumentis Satanae, perpetrare, & in mundum inducere. Et horum impiorum hominum os inferno simile: ex quo ascendit, & ascendet in omnem aeternitatem ignis, & fumus, & sulphur, & cruciabunt impios in omnia saecula saeculorum, de quorum ore tria haec exierunt in mundum. Et de his impiis bene scripsit David Ps. 5. quoniam non est in ore eorum veritas, cor eorum vanum est, sepulchrum patens guttur eorum, linguis suis dolose agebant; judica illos Deus Ps. 13. sepulchrum patens guttur eorum, venenum aspidum sub labiis eorum: quorum os maledictione, & amaritudine plenum: veloces pedes eorum ad effundendum Sanguinem; Contritio, & infelicitas in viis eorum.

3tio Nominantur *plagas*, imo ad significandum potestatem hanc sacram super Latinam Ecclesiam in Europa, non sine causa permissam esse a Deo; impleta scil. fuit mensura infinitorum quasi peccatorum, omnis quippe caro corruperat viam suam, & tota Europa fornicata est a Domino Deo suo post superbiam, avaritiam, luxuriam, & omnes voluptatis carnis, praesentisque felicitatis, & ideo concepit, & peperit similem sobolem, scil. dolorem totius orbis; 2do quia non potest major poena populo, aut nationi alicui infligi, quam si Deus permittat eam labi in haeresin, & defectionem a fide vera: ideo solet esse novissima Dei *plaga*, soepe centum, ducentis, & pluribus annis praemonet aliis castigationibus, expectans poenitentiam nostram in bonitate pietatis, & misericordiae suae, donec exardescat ira ejus in ruinam propter impenitentiam nostram. Horrendum est enim incidere in manus Dei, unde Sancte monet Propheta Ps. 2. Et nunc Reges intelligite, erudimini, qui judicatis terram, servite Domino in timore, & exultate ei cum tremore, apprehendite disciplinam, ne quando irascatur Dominus, & pereatis de via justa, cum exarserit in brevi ira ejus. Vide, quae sup. Lib. 1. Cap. 2. dicta fuere.

4to Subditur ruina grandis, quae facta est per tres istas plagas.

Verl. 18. *Et ab his tribus plagis occisa est tertia pars hominum de igne, & de fumo, & de sulphure, quae procedebant de ore ipsorum &c.* Per tertiam partem hominum hic intelligitur pars aliqua maxima totius Christianitatis, quae partim ex ardore invidiae, & odii contra summum Pontificem, & Ecclesiam Romanam, ejusque Ministros (quos ita odiosos reddidere isti equi emissarii mendacibus suis garritionibus) partim ex tanta doctrinarum confusione, & diversitate haeresum, & errorum, & partim carnalis vitae voluptatibus, & libertate carnis, & conscientiae allecta defecit a fide Cath. & periit.

periiit. Unde, sicut supra de tertia parte, quae occisa fuit, de corporali occisione, ita hic de spiritali in sensu literali Propheta loquitur. Quod vero tertia pars Christianitatis a fide Cath. defecerit, facile deduci potest ex computatione tot regnorum, provinciarum, urbium, quae aut infecta hac peste fuerunt, & ad huc sunt, aut omnino deficiendo perierunt a Cath. religione. Multitudo ergo haereticorum omnium si comparatur numero Catholicorum liquido constabit, partem ingentem periisse, & ruinam hujus haeresis esse maximam, & sanguineis lacrymis deplorandam.

Verf. 19. 5to Additur: *Potestas enim equorum est in ore eorum, & in caudis eorum.* Quibus verbis causa malorum subjungitur, sive potestas a Deo permessa, in qua nocuerunt & mala praedicta perpetrarunt; quippe *vocula enim* est conjunctio causalis; imo autem dicitur esse haec *potestas in ore eorum*, quia mentiendo, & aperiendo os suum contra S. Pontificem, totamque Ecclesiam, & Praelatos ejus, reddebant eos supra modum odiosos omnibus hominibus, maxime principibus, & nobilitati, praedicando, non oportere, aut non licere eos habere dignitates, & principatus, & tot divitias propter abusum: item dementabant innumerabilem multitudinem hominum utriusque sexus, & diversorum statuum sua garrulitate; & plausibilitate sermonis, & praedicationis; itaque inducebant miseros ad suam sectam, quam mentiebantur, & jactabant acerrime esse a Deo sibi inspiratam; se missos esse ad relaxandum jugum servitutis diabolicae (sic impii loquebantur de Ecclesia Cath.) unde aperuerunt etiam os suum, & praedicarunt blasphemando, carnes licere comedere omni die, praecepta ecclesiastica servanda nulla; summo Pontifici non obediendum, coelibatum fugiendum, nubendum, & alia horribilia contra omnem honestatem garriebant, & spargebant passim per totam Europam apud Reges, Principes, nobiles, & civitates imperiales, & prosperati sunt in malitia sua facien-

facientes grandem stragem in Ecclesia Latina, unde apposite valde, & Signanter dicit Propheta *ipforum potestatem esse in ore eorum*. 2do Potestas equorum dicitur esse *in caudis eorum*, & quidem in numero plurali ad significandum plures easque diversas esse caudas: 1ma Est eorum hypocrisis, & blandities falsa, qua sicut cauda turpia teguntur; hac & animalia solent blandiri; ita equi isti emissarii, hypocrisi, & blandimentis suis noxiis, quibus populo, & principibus & civitatibus blandiebantur, & omnibus cantilenam cantabant secundum carnis desideria, tegebant turpitudinem, foctorem, & impietatem suae pestiferæ doctrinae, & vitae suae luxuriosae. 2da Cauda erant Protestantes principes, civitates imperiales, res publicae, aliaeque potestates saeculares, quas traxerunt post se in errores pessimos, & in perditionem, ostendendo, & permittendo illis per suam doctrinam falsam, bona, dignitates, & praebendas, Episcopatus, & principatus ecclesiasticos, quibus illi allekti cucurrerunt post magistros istos prurientes auribus, sicut pueri post nuces, & adhaeserunt illis in posterioribus equorum; Et his potentibus suis fautoribus suffulti equi isti emissarii cristas suas erigere, hinnire, & spumare contra summos Pontifices & Latinam Ecclesiam, & aggredi, & conculcare ausi sunt, & adhuc hodie audent. Et haec etiam cauda tegit turpitudinem, & foctorem hujus haeresis; homines enim maxime subditi videntes Reges, Principes, nobiles, & respubl. & tam sapientes, & potentes civitates sectari illam doctrinam, & religionem, dementantur, & non vident turpitudinem, & falsitatem ejus. 3tia Cauda est Pseudopoliticismus, & Indifferentissimus per Machiavellum, Bodinum, & alios impios homines novissime in mundum introductus; item Atheismus, quae duo ex falsis tot, & tam diversis dogmatibus saepius doctorum equorum emissariorum fuerunt secuta, & deducta, & sunt novissima, & extrema hujus haeresis mala, sicut Cauda, quae sequitur corpus; & ab eo enascitur, novissimam, & extre-

extremum illius est membrum. Sicut enim fidei verae Cath. ultima resolutio est in primam veritatem, ita haereticum in pseudo politicisum, & Atheisum: Unde principes, & intelligentiores nostri saeculi videntes discrepantiam modernarum sectarum, odioque habentes Romanum Pontificem, & Ecclesiam Latinam; etiam, qui gloriantur Catholicorum nomine, nulli religioni in veritate addicti sunt, sed mentientes ceremoniae patriae unionem pro status conservatione, & pace simulant, & dicunt in corde suo: Non est Deus Ps. 13. Dixit insipiens in corde suo: Non est Deus.

2to Praedictarum caudarum natura, & proprietates describuntur, iterumque conjunctio causalis signanter additur, ut intelligat Ecclesia Latina, quantum in his perpeffura sit detrimenti, & desolationis; *Nam caudae eorum similes serpentibus, habentes capita* imo assimilantur serpentibus propter noxia sua blandimenta: Sicut enim serpens in paradiso primos nostros parentes seduxit, inducendo eos ad comestionem vetiti fructus; ita impii isti buccinatores seduxerunt nationes plurimas, & adhuc hodie seducunt inducendo homines ad comestionem carnum vetitis diebus, & omnes voluptates, & vitam carnalem. Et hoc efficiunt garritionibus suis mendacibus, blandis tamen, & speciosis ac plausibilibus v. g. ex script. S. quod nihil immundum intret per os Math. Cap. 15, non quod intrat per os, coinquinat hominem &c. melius est nubere, quam uri 1 Cor. Cap. 7: 2do Serpentes difficulter capiuntur, si quis enim apprehendere velit, mordent, occidunt, aut saevam plagam faciunt; sic caudae hujus modernae haereticis, haecenus capi non potuerunt; quis enim capiet haereticorum astutiam? quis extirpabit pseudopoliticisum & Atheisum, qui irreptit etiam in Catholicos? quis dimovebit ex Cathedris pestilentiae viperas sibilantes, & mentientes, scilicet praedicantes, magistros tenebrarum? quis denique capiet principes protestantes, Reges, respublicas, &c.

& alias potestates, civitates imperiales? laudem fortissimam hujus haeresis tentavit apprehendere pientissimus, & fortissimus Imperator Ferdinandus II, & continuavit Ferdinandus III: Sed quid reportaverunt, nisi plagam saevissimam? 3tio Natura serpentum est reptare super terram, & gradi super pectus suum: ita pectore suo isti omnes super terram gradiuntur, h. e. quae terrena sunt, sectantur, voluptates carnis, divitias, & honores, sui-que status exaltationem & conservationem pro fine suo novissimo statuantes, nec non omnia carnis suae, & naturalis libertatis desideria perficiunt. 4to Serpentes calidiores sunt cunctis animantibus terrae. Gen. C. 3. Sic generatio haec est callidior cunctis generationibus. Certe Protestantes callidissimi fuerunt contra Ecclesiam Latinam. Legat quis cancellariam Anhaltinam, & eorum Concilia, quae excogitaverunt contra Catholicos, & romanum imperium, & videbit quam recte eos Prophetam comparet serpentibus utique callidissimis. 5to Ex Dei maledicto posita est inimicitia inter serpentem, & mulierem, inter semen serpentis, & semen mulieris Ibid. Gen. Cap. 3. quanta quaeso divino ex maledicto, & permissione inimicitia posita inter serpentinum hujus haeresis semen, & inter mulierem, quam constat esse benedictam inter mulieres B. Virginem? 6to dicuntur *habere capita* ad significandum nobis, fautores & sequaces istius haeresis fore Reges, & Principes, & potentes, & personas illustres plurimas, qui sunt capita in populo, insuper non absque causa notantur esse capita in plurali, non singulari quia suorum dogmatum caput nec habent, nec habere possunt, & quidquid controversiarum suarum (v. g. de Ubiquitate Christi, de idiomatum divinarum communicatione; de sacramentorum numero, de fide infantulorum in Baptismo; de missae germanicae usu, & ceremoniis usurpandis in eadem, & id genus innumeris) ab uno forte provinciali, regalive conventiculo definitur ab altero, & alio exploditur, & irridetur, quia nulla Spiritus Sancti assistentia infallibili, aut divina

divina promissione de non errando nititur. Item per capita denotantur metaphorice sapientia, intellectus & prudentia terrena hujus generationis, quia superant longe Catholicos; filii enim hujus saeculi prudentiores sunt in generatione sua, quam filii lucis; & hoc constat; experti enim sumus, & experimur, homines istos longe Catholicos superare in struendis occultis machinationibus, stratagematibus bellicis, insidiis, in congregandis divitiis, in mercaturis, & negotiationibus, in ordinandis bellis, muniendis civitatibus, & iis defendendis in legibus instituendis, & conservandis, in externae politicae Splendore, ordinatione, honestissima filiorum educatione &c. Unde Signanter Propheta dicit, quod sint habituri capita, ut praemoneret nos, hanc generationem pessimam magnum Ecclesiae & Romano Imperio facesturam negotium, hinc concludit descriptionem hujus haeresis dicens: *Et in his nocent*, hoc est in praedictis tribus caudarum generibus, quia potissima ejus potentia & pertinacia in his tribus continetur, unde qui amputabit hanc caudam, hoc ipso hanc extinguet haeresin.

Faxit Deus, ut veniat cito potens ille Monarcha, qui subvertat res publicas, & civitates imperiales, & maritimas, nidos viperarum, & cessare faciat garrire Praedicantes, & humiliet omnia, & evanescat haeresis omnis. Nullam haeresin copiosius, & clarius, & per aptiora aenigmata describit Propheta, quam hanc modernam, ut cognoscat Ecclesia Latina, magnum sibi fore negotium cum ea, & ingentia damna se passuram ab ea. Unde nos omnes instruimur, dum ante oculos nostros horrendum hoc monstrum ponitur; ut permaneamus in fide catholica, & orthodoxa, & Romana, & ambulemus sobrie, caste, pie, & Sancte in conspectu hujus horrendae bestiae, ne vituperetur ministerium nostrum, & ita vilescamus; & ne scandalizentur infirmi in luxuriis nostris in commensationibus, & ebrietatibus, & cubilibus, & impudiciis, & in avaritia, & in superbia

bia nostra; sed omnibus praeluceamus verbo, & exemplo, tanquam lucerna accensa in caliginoso loco; apprehendamus disciplinam Domini, ne quando irascatur, & permittat nos, & omnia nostra in Europa ab hac horrenda bestia devorari. Legantur, quae scripta sunt in libello de septem animalibus, & quibusdam secretis aliis super terram Germaniae.

### §. III.

*Appendix nocumentorum ab ipsis malis catholicis causatorum.*

Cap. IX. v. 20 — 21.

Verf. 20.

I. *Et caeteri homines, qui non sunt occisi in his plagis, neque poenitentiam egerunt ab operibus manuum suarum, ut non adorarent daemonia &c.* Continet iste textus mirabilem quandam appendicem nocumentorum a nobismet ipsis Catholicis causatorum, qui perstitimus in fide vera, sed operibus nostris pessimis plurimum nocuimus Ecclesiae Cath. Matri nostrae, & quasi cum hac bestia pugnavimus contra eam. *Et caeteri homines* h. e. reliquiae Catholicorum, *qui non sunt occisi in his plagis*, h. e. qui non defecerunt a vera fide *Et caeteri homines.* Est imperfecta oratio, quia desideratur verbum, sed verbum jam praecessit in praecedenti textu hoc: *Et in his nocent*: proinde signanter omittitur in sequentibus, ut intelligamus, etiam nos portasse ligna, & adhuc portare hodie ad ignem grandem in Europa excitatum, quo minus, & serius extinguatur. Nocumentorum autem ex parte nostra genera sunt duo, primum est sapientia quaedam, ac calliditas serpentina, qua Catholici etiam principes, nobiles, aliaeque potestates opprimunt Ecclesiarum immunitatem gravissime, dum videlicet sub diversis falsis, & coloratis titulis (quos excogitant per se, & suos ministros) usurpant sibi potestatem



statem ecclesiasticam, aut spiritualem, aut ecclesiasticarum personarum redditus, decimas, aliaque bona violenter trahunt sub tributum, onerando impiissime Steuris, pensionibus, & exactionibus aliis; & si ipsis Ecclesia Mater nostra minetur virga excommunicationis; aut actu etiam infligat; rident; spernunt, & pergunt in sua malitia; quod signum pessimum est; Germaniam; & Europam esse in extremo articulo defectionis a vera fide. Pessimum enim Signum est; si filii virgam matris suae spernant, & non curent amplius, & in hac calliditate similes sunt istis haereticis nostris; sicut enim illi aperte rapuerunt; & adhuc rapiunt; & jugum omne excusserunt; ita isti occulte idem faciunt, Opprimendo ecclesiasticam immunitatem emungendo Steuris; & exactionibus; vilipendente gladium Spiritualem Ecclesiae Matris suae: Et ita, quod Patres eorum piissima intentione fundarunt, isti iterum occulte rapiunt; & tamen in egestate sunt, quia benedictio Dei non est in istis: Bene dixit sapiens de istis Prov. 11 C. 24 v. Alii dividunt propria; & ditiores fiunt; alii rapiunt non sua; & semper in egestate sunt. Suadendum ejusmodi esset; ut desisterent mature ab usurpatione potestatis Ecclesiasticae; ab exactionibus, & Steuris, a vilipendio sacerdotum; & inciperent timere gladium Ecclesiae, qui est horrendus, ne veniat super domos eorum & generationes eorum ira Dei; & avertantur retrorsum. Horrendum exemplum in Rege Angliae Carolo Stuarto videmus; cujus antecessores; quia caput Ecclesiae esse voluerunt; iste amisit proprium Caput; & Regnum: Sic punit Deus subinde primum in tertia, & quarta generatione. 2dum Genus sunt gravissima peccata principum; populi; Cleri, aliorumque Statuum; de quibus nulla haecenus poenitentia acta est; ideoque sequitur: *Neque poenitentiam egerunt de operibus manuum suarum.* Propter enormia enim nostra peccata Dominus Deus permisit hanc gravissimam haeresin in Germania; & in Europa; & propter eorum continuationem permittit eam tam diu durare.

durare. Quae enim alia causa reddi potest, quod sub Imperatore Ferdinando II, reformatio fidei, & restitutio bonorum ecclesiasticorum tam feliciter coepta, & tam praeclaris victoriis roborata, tam male tandem cesserit, & finem tam flebilem sortita sit, nisi enormia nostra peccata, de quibus neque poenitentiam agere volumus, neque agnoscere, nos male agere; ita callum obduxit misera Germania in peccatis suis. Proinde Deus in ira sua confrigit coeptam reformationem fidei, & restitutionem bonorum ecclesiasticorum, sicut solet facere pater, qui iratus & gravissime offensus, filium immorigerum exhaereditat, & confringit testamentum, in quo cum scripserat jam haeredem &c. *Ut non adorarent daemonia, & simulacra aurea, & argentea, & aerea, & lapidea, & lignea.* In sequentibus significantur sex enormia peccata, quae ita nocent, quominus Deus misereatur Europae, & depressa hac haeresi exaltet in ea Ecclesiam suam. 1<sup>um</sup> Est occulta idololatria superstitiosorum, quibus scatebat Europa, & maxime Germania ante novissimum bellum, & jam reflorescere incipiunt. Hi enim omnes occultam habent commercium cum daemonibus, qui sicut olim in idolis, ita nunc in iis coluntur, & adorantur, spreto proprio creatore suo, & hoc est peccatum gravissimum; & exprimitur his verbis: *Ut non adorarent daemonia*, 2<sup>um</sup> est avaritia, qua nihil scelestius; & haec describitur metaphorice sub specie idololatriae his verbis: *& simulacra aurea, & argentea, & aerea, & lapidea, & lignea*; Sicut enim ex quinque his materiis plerumque idola olim conficiebantur, quae gentiles adorabant, ita homines aurum, argentum, aes, lapides pretiosos, & ligna habent in amore, & pretio; proinde circa haec potissimum versatur avaritia. Ponuntur enim objecta plura determinata pro omnibus aliis: Cur autem vitium avaritiae sub nomine idololatriae adscribatur, causa est, 1<sup>mo</sup> quia proprium est Prophetis huiusmodi res, sub aenigmate, & metaphorice signare. 2<sup>do</sup> Apostolus Paulus etiam vocat avaritiam

ritiam idololatriae servitutem propter similem enormem malitiam Eph. 5. v. 5. 3tio Sicut idololatria, ita & avaritia facit apostatare a fide 1. ad Tim. C. 6. nam qui volunt divites fieri, incidunt in tentationem, & in laqueos diaboli &c. Radix enim omnium malorum est cupiditas, quam quidam appetentes erraverunt a fide. Hoc experti sumus in principibus & viris plurimis illustribus Europae, & maxime Germaniae, qui Cupiditate bonorum ecclesiasticorum defecerunt a fide. 4to Sicut idololatriae, ita avari colunt, & adorant quasi in hoc saeculo pecunias, praesertim pulchre signatas, & divitias, & res pretiosas hujus saeculi, & confidunt in eis, & saepe fornicantur in eis a Deo, & praeponunt frequenter illas legi divinae, & justitiae. 5to Sicut nihil est vanius, & stultius, & imperfectius idolis, ita minima musca, aut alia quaecunque creatura vivens in majori longe perfectione, & aestimatione est, quam aurum, argentum, aes, lapides pretiosi, & omnia ligna; & tamen homines impii fornicantur in his a Domino Creatore suo, ut etiam saepe deserant illum, & justitiam ejus, proinde subditur per modum admirationis super hoc vitio: *qui neque videre possunt, neque audire, neque ambulare.*

Tertium sunt invidia, odia, ira, rixae, contentiones, cupiditates dominandi, & habendi, & consequenter injusta bella, ex quibus homicidia causantur quasi infinita. Ponitur effectus pro causa. Certe Gallia, & Italia hujusmodi homicidiis particularibus quotidie scatent, neque bellum Mantuanum fuit justum, nec Gallia satis recte suscepit bellum contra Romanum Imperium, adjuvando haereticos, & Protestantes, dum ageretur de introducenda iterum fide Cath. & restitutione bonorum ecclesiasticorum. Et quale gestum bellum est contra Regem Hispaniae, nisi ex innata invidia? Catholici esse volunt, & res Catholicorum disturbant, adjuvant haereticos, & socii eorum sunt in bello, & impediunt

pediunt extirpationem modernae haereticis, armis, pecuniis, & consiliis, neque agnoscunt, aut saltem agnoscere volunt, se male agere; ideo subditur:

Verf. 21. *Et non egerunt poenitentiam ab homicidiis suis.*

Quartum peccatum sunt homicidia privata, quot in utero matris infantes, quot vix in lucem effusi ad occultanda coram mundo peccata mediis illicitis enecantur? Quoties ad acquirenda honorum subsellia, ad dissolvendum matrimonii vinculum miscentur venena? hinc subditur: neque a veneficiis suis.

Quintum est peccatum carnis; his verbis expressum, *neque a fornicatione sua*. Ponitur species pro genere, sub qua omnia vitia carnis includuntur, more saepius in S. Scriptura usitato; & hoc vitium abominabile in tantum regnat in toto quasi mundo, in omnes homines omnium statuum, ut existimare liceret, si nondum praecessisset diluvium, imminere protinus; omnis quippe caro corrumpit viam suam, & pauci amplius statu suo contenti vivunt, flere magis libet super hoc vitio isto tempore, quam plura verba facere.

Sextum est summa injustitia, quae fere ubique regnat; exprimitur his verbis: *A furtis suis*. Denique ponitur species pro genere; injustitia enim post se trahit omnes species furtorum, & nemo tutus est ab ea; impii enim homines non timentes Deum non quaerunt amplius, quo jure haec, & haec accipiant, possideant, aut retineant, sed tantum, quo modo, & quibus mediis haec & plura possint acquirere.

Septimum peccatum, & clausula finalis perditionis nostrae est impoenitentia, quae signanter in hoc contextu additur: *Neque poenitentiam egerunt de operibus manuum suarum. Item: Et non poenitentiam egerunt de*

*de homicidiis suis &c.* Exitialis Sententia! O viri ecclesiastici, & saeculares Europae maxime Germaniae! collyrio inungamus oculos nostros, & videamus periculum instans, visitavit filiam suam Deus, jam a centum annis, & ultra, bellis, pestilentia, fame, haeresi, & aliis plagis flebilibus, & non poenitentiam egimus, sed pergitur nos insensati in luxuriis, avaritiis, & superbiis nostris, & non est; qui facile recogitet imminens periculum. Ah, ah, evigilemus viri fratres, & poenitentiam agamus de operibus nostris malis; Evigilemus, quaeso per amorem Jesu Christi, & salutis nostrae, & posteritatis nostrae, ne quando irascatur Dominus & pereamus de via justa, & devoret horrenda bestia haec totam Europam & non sit, qui eripiat nos. Amen.

*Finis Libri Quarti.*





## LIBER QUINTUS.

IN CAPUT DECIMUM, ET UNDECIMUM.

*De Consolatione Latinae Ecclesiae Post extirpationem haeresum in Sexto ejusdem Statu maxima futura &c. Item de persecutione Anti-Christi, & de septima ac novissima tuba.*

## Sectio I.

IN CAPUT DECIMUM.

*De Consolatione Ecclesiae Latinae, & futura ejusdem exaltatione, & extensione.*

## §. I.

*De Consolatione Ecclesiae latinae & ejus exaltatione in sexto Ecclesiae Statu futura.*

Cap. X. v. 1 — 11.

Vers. 1.

*E*t vidi alium Angelum sortem descendentem de caelo amictum nube, & iris in capite ejus. Solet divina bonitas semper pro necessitate, & calamitate temporum Ecclesiae suae succurrere opportunis remediis, & consolatione, ne succumbat hostibus suis; hoc ipso, quia promisit, quod velit cum ea esse usque ad consummationem saeculi, & quia portae inferni non praevalerunt adversus eam. Hoc etiam paterne praestitit in tempore quinti Ecclesiae Status, quantumvis calamitoso, & desolationis pleno; imo enim e diametro Haeresiarchae illi pestilentissimo, & superius descripto, scil. Luthero S. Ignatium cum societate sua opposuit. 2do Concilium Trid. opera Spiritus S. produxit, quo effectum fuit, ne  
fides

fides catholica, & disciplina ecclesiastica, maxime coelibus in Clero omnino perirent; 3tio etiam Consolat o magna replevit Latinam Ecclesiam per novam, & copiosam sobolem, qua jam floret, & foecunda est America, quantum enim in Europa a fide Cath. discessum, tantum in Indiis, Japonia, China, & aliis plurimis insulis, & terris, imo plus incrementi vera Cath. fides sumpsit. 4to Protexit haëtenus Deus semper Ecclesiam suam providendo Imperatoribus catholicis, inter quos maximus, & Zelotissimus fuit Ferdinandus II. Haec tamen omnia, quia non sufficientia fuerunt ad exterminandam hanc bestiam horrendam, ut constat, & probat ipsa experientia, neque finis malorum est adhuc, S. Joannes posita jam causa principali, & descripturus tantum principaliora, aut quae iis ita connexa haerent, ut omitti nequant, jam progreditur in praesenti capite ad descriptionem illius maximi Monarchae, sub quo depressis, & conversis haereticis modernis incipit status sextus Ecclesiae, status consolationis, humiliabiturque vel maxime Turcarum Imperium, & fides catholica terra, marique rutilabit, & disciplina Ecclesiastica restaurata exaltabitur. Vid. Sup. Lib. 1, S. 3. in Cap. III. §. II.

II. Prius quam ad expositionem hujus textus progrediamur, notandum, istum Angelum, qui hic S. Joanni apparuit, fuisse verum Dei Angelum, & quidem praestantissimae naturae scil. Custodem, & protectorem romani Imperii, sive Euphratis magni. Hic etiam duplicem gerebat personam, primam repraesentativam alterius, nempe magni illius Monarchae futuri, quem S. Joannes describit, dicens: *Et vidi alium Angelum fortem*: alteram vero divini nuntii, revelantis secreta ecclesiastica in illo tempore futura; ideo hoc loquitur in Contextu: *Et angelus, quem vidi stantem supra mare, & supra terram &c.* usque ad finem Capituli. Sic Exodi C. 2. Angelus ille, qui loquebatur, ex rubo cum Moyse gerebat personam Dei, simulque coelestis nuntii,

revelantis Moyſi divinam voluntatem circa filios Iſrael. *Et vidi*: quomodo Prophetæ videant res, aut perſonas futuras, ſupra Lib. 2. dictum fuit. *Et vidi alium*: imo dicitur eſſe alius, quia prædictis hæreticis, eorumque Hæreſiarchæ præſus erit contrarius; colet enim doctrinam ſanam, & zelabit maxime unam, & orthodoxam, fidem Cath. depreſſis & proſtigatis hæreticis terra marique, mores etiam habebit Sanctos, & rectos, & maxime juvabit ad reſtaurandam fidem, & diſciplinam eccleſiaſticam, quam Hæreſiarcha ille impius cum ſuis ſpurcis aſſectis ſolverat. 2do Datum eſt illi præconium ſpeciale a S. Joanne, quod futurus fortis: *Et vidi alium Angelum fortem &c.* Erit fortis in bello, & confringet omnia inſtar Leonis in eo, & victoriæ maximus roborabitur imperio ſuo, & vivet plurimis annis in eo, & humiliabit hæreticos, & republicas, & omnes gentes ſuo, & Eccleſiæ latinæ ſubjugebit imperio; inſuper & Imperium Turcicum (ad orcum miſſa ſectâ Mahometica) confringet uſque ad puſillum regnum; quod ſtabit, ſed ſine potentia; uſque dum veniat filius perditionis, qui non reputabit Deum. Dan. C. 11. *Dicitur deſcendere de coelo*: quia naſcetur ex gremio Eccleſiæ Cath. a Deo mitteretur, atque ex divina providentia præordinatus eſt ſpecialiter in conſolationem, exaltationem afflictiſſimæ tunc Eccleſiæ latinæ, ac depreſſæ nimis, quæ omnia per coelum metaphoriſe ſignificantur. 4to *Notatur eſſe amictus nube*; quia erit valde humilis Monarcha iſte, & ambulabit in ſimplicitate cordis ſui ab adoleſcentia ſua: nubes enim (qua ſplendor, & alia ſolent abſcondi) humilitatem ſignificat, quam ſequitur protectio Dei, itidem per nubem ſignificata, nemo enim magis in protectione Dei, quam humilis Lucæ C. 1. Depoſuit potentes de ſede, & exaltavit humiles. Propterea illi Monarchæ nemo poterit nocere, neque reſiſtere, amictus enim ejus eſt protectio Dei, per nubem ſignificata, quia in protectione Dei coeli commorabitur. 5to *Et iris in capite ejus*. Per irim intelligitur

pax



pax Dei cum terra Gen. C. 19. quam reddet ille universo mundo; extirpatis enim haereticis, & gentium & Turcarum superstitionibus, erit unus Pastor, & unum ovile; & omnes principes confoederabuntur cum eo vinculo arctissimo fidei Cath. & amicitiae, quia unicuique reddet suum, & neminem gravabit contra iustitiam, & ideo iris tanquam insigne ponitur in Capite ejus. 6to *Et facies ejus erat sicut sol*: propter splendorem sanctitatis, & gloriae Imperialis, deinde ob summam intelligentiam, & sapientiam, quam habebit: item propter ardorem charitatis, & Zelum religionis, quo erit praeditus; & denique, quia sicut sol inter sidera in coelo; sic ille inter Principes suos in imperio ambulabit, omnesque ordinem suum tenebunt ambulantes post eum &c. 7mo *Et pedes ejus tanquam columnae ignis*. Per pedes significatur latitudo, & potentia alicujus Imperii Ps. 59. v. 10. in Idumaeam extendam calceamentum meum, mihi alienigenae subditi sunt. Verum, quia multi etiam Tyranni habuerunt magnam latitudinem, & potentiam imperii sui, signanter adduntur proprietates, scil. *Columnae*, & *ignis* Columna significat sustentaculum domus, ejusdemque fortitudinem; ignis vero Zelum religionis, & affectionem charitatis Dei, & proximi. Ignis item omnia domat; sic totalis erit potentia illius Monarchae; regnum enim ejus erit sustentaculum firmissimum, domus scil. Ecclesiae Cath. & domus suae regiae, quia stabilietur regnum ejus ad posteros (usque dum fiat discessio a fide, & reveletur filius perditionis) & potentia ejus Zelo religionis, & charitatis Dei, & proximi rutilabit, & sicut ignis domat omnia, sic ille domabit.

Verf. 2. 8vo *Et habebat in manu sua libellum apertum*. Iste libellus denotat Concilium generale, quod futurum erit maximum, & celeberrimum. Hunc libellum dicitur Angelus habere in manu sua, quia opera, & potentia illius Monarchae cogetur, & defenderetur,

& expedietur, item quia strenue illud exequetur, & pro viribus ad executionem illius juvabit. Et Deus coeli benedicet ei, & dabit omnia in manu, & potestate ejus. Coeterum dicitur liber apertus propter claritatem sensus, & S. Scripturae, dogmatumque fidei Christianae, quae in illo Concilio maximo applicabuntur. *9no Et posuit pedem suum dextrum super mare, sinistrum autem super terram.* Hoc est, dilatabit, & extendet imperium suum mari terraque, subjugabit enim sibi terram, & insulas maris, eritque potentia, & latitudo ejus maxima, quae per pedes intelligi supra diximus 10mo.

Verf. 3. *Et clamavit voce magna, quemadmodum cum leo rugit.* Per clamorem hic intelligitur horror maximus, quem incutiet omnibus populis in terra, & in insulis habitantibus. Propterea clamor ejus comparatur, rugitui, sive clamori leonis; quando enim leo rugit, omnes coeterae bestiae timent, & ipsius fortitudo ostenditur. Unde Prov. C. 20. Sicut rugitus leonis, ita terror Regis. Item clamor iste magnus sunt edicta Imperialia, quibus fidem Cath. & orthodoxam, & executionem illius Concilii mandabit strictissime, & ita per edicta sua terra marique clamabit ad omnes gentes.

IV. *Et cum clamasset, locuta sunt septem tonitrua voces suas.* Tonitrua, quae ad clamorem istius Angeli signantur esse locuta, ii sunt, qui praedicto Monarchae, & ejus mandatis resistent, & percutere eum volent (non enim exigua tunc orietur tempestas) sed quia non valent ei resistere, neque nocere poterunt, S. Joannes jubetur ea non scribere, tanquam inefficacia futura, sed tantum signare ad cautelam, & quod illius regnum, & propagatio verae fidei non sine clamore, & tempestate sint processura; unde dicitur: *Et cum clamasset, locuta sunt septem tonitrua voces suas.* Tonitruum voces sunt, quando sine emissionem fulminis in nubibus tempestates exortae murmurant, aut fulmen sursum emittitur; operantur vero, & nocent, quando fulmine decor-  
sum

fum emisso incendunt, aut percutiunt, ostensa enim est illa futura tempestas S. Joanni ex proprietate, & similitudine naturalis tempestatis. *Et locuta sunt septem tonitrua voces suas*, h. e. principes & magnates illi insurrexerunt, murmurarunt contra; locuti sunt voces suas, h. e. Concilia sua deprompserunt ad resistendum, & percutiendum, sed quia hic Monarcha erit in protectione Dei, ut dictum est, haec omnia non erunt efficacia contra eum, ut noceant.

V. Vers. 4. *Et cum locuta fuissent septem tonitrua voces suas, ego scripturus eram*: Hoc est, postquam mihi istorum Concilia, & secreta fuere revelata, ego ex mandato generali mihi Cap. I. dato, etiam ea eram conscripturus. *Et audiui vocem de coelo dicentem mihi: Signa, quae locuta sunt septem tonitrua, & noli ea scribere.* Duplici ex ratione potest quis prohiberi, ut aliquid non scribat, aut non sciat; 1<sup>a</sup> est, quando notitia illius noceret malum afferendo, aut bonum impediendo, sive de praesenti, sive in futuro; 2<sup>a</sup> est, si rei momentum, aut necessitas, utilitasve non exigunt, ut aliqua scribantur, aut sciantur; sic divina providentia fidelibus suis dilectis in hac vita infinita pene pericula, & tribulationes animae & corporis abscondit, eo quod homini utile non sit, haec praescire, & ipsa Dei bonitas, & providentia jam novit ex omnibus, quantumvis gravibus, ac jam instantibus eripere ac protegere. Ex hac causa S. Joannes prohibetur ea scribere, quae ista septem tonitrua ad Clamorem istius Angeli sunt locuta: ex omnibus enim periculis liberabit eum Dominus, & irrita faciet concilia inimicorum suorum &c. *Signa, quae locuta sunt septem tonitrua, noli ea scribere*, hoc est: hoc scribe, quod locuta sint septem tonitrua, sed voces eorum, h. e. quae locuta sunt, noli scribere.

Vers. 5. *Et Angelus, quem vidi stantem super mare, & super terram, levavit manum suam ad coelum.*

Sequi-

Sequitur altera persona, quam sustinebat Angelus iste, scil. nuntii coelestis revelantis secreta divina in novissimis diebus futura. *Et Angelus, quem vidi stantem super mare, & super terram*, h. e. summum praesidentem, Custodem, & protectorem Imperii illius, quem Daniel Cap. 12. vidit, stantem super aquas fluminis.

Verf. 6. *Levavit manum suam ad coelum, & juravit per viventem in saecula saeculorum, qui creavit coelum, & ea, quae in eo sunt, & terram, & ea, quae in ea sunt, & mare, & ea, quae in eo sunt.* Haec verba continent juramentum testificatorium, quo Dominus Deus per hunc suum nuntium toti generi humano revelat, & in consolationem suorum electorum in vera Cath. Ecclesia, simulque etiam in terrorem impiorum hominum in cathedra pestilentiae congregatorum, testificatur, & confirmat aliquam summi, & maximi momenti veritatem; scil. *quia tempus non est amplius* Ad litteram intelligitur primo: De haereticis, & inimicis crucis Christi, quorum tempus, dies, & malitia finem habebit sub imperio dicti saepe Monarchae, in quorum terrorem, & confusionem aeternam, & simul in maximam Latinae Ecclesiae, & suorum fidelium, & dilectorum servorum Consolationem Angelus iste ita testificatur, & clamat. 2do *Non erit amplius tempus*; post vocem septimi Angeli (in consolationem & confirmationem fidelium) in laboribus, & tribulationibus suis contra impios homines, de quibus 2 Petri Cap. 3. dicitur. Hoc primum scientes, quod venient in novissimis diebus, in deceptione illusores juxta proprias concupiscentias ambulantes dicentes: ubi est promissio, aut adventus ejus? ex quo enim Patres dormierunt, omnia sic perseverant ab initio creaturae. Confirmat itaque istis verbis adventum Domini, & sic cessabunt tempora dolorum, & persecutionum, voluptatum quoque, ac divitiarum, regnorum, honorum, & omnium rerum praesentium delectabilia.

VI. Vers. 7. *Sed in diebus vocis septimi Angeli, cum coeperit tuba canere.* Quis sit iste septimus Angelus, & quae ejus vox Capite sequenti dicitur. Per verba: *In diebus septimi Angeli* novissimum tempus significatur, post quod aliud non erit in aeternum, sed fiet consummatio saeculi, & post consummationem saeculi, consummabitur dies extremi judicii, unde hic dicitur: *Consummabitur mysterium Dei sicut evangelizarit per servos suos Prophetas.* Nam 1<sup>mo</sup> Dies consummationis saeculi & extremi judicii vere est mysterium seu arcanum maximum, soli Deo reservatum, quod nemini revelatum est, neque revelabitur, donec fiat. Math. 24. De die autem, & hora nemo scit, neque Angeli coelorum, nisi solus Pater; 2<sup>do</sup> mysterium etiam est grande solius Dei, quando universa, & singula abscondita cordium nostrorum proferentur in lucem diei illius magni omnipotentis Dei 1 Cor. C. 3. uniuscujusque opus manifestum erit: Dies enim Domini declarabit, quia in igne revelabitur &c. & 1 Cor. C. 4. Itaque nolite ante tempus judicare, quoadusque veniat Dominus, qui & illuminabit abscondita tenebrarum, & manifestabit consilia cordium, & tunc laus erit unicuique a Deo. 3<sup>tio</sup> Hoc mysterium est resurrectio mortuorum 1 Cor. C. 15. Ecce mysterium vobis dico, omnes quidem resurgemus sed non omnes immutabimur, in momento, in ictu oculi, in novissima tuba. 4<sup>to</sup> Hoc mysterium est remuneratio bonorum, & malorum, quod maxime absconditum est ab oculis nostris, usque dum veniat Dominus Apoc. C. 22. Ecce venio cito, & merces mea mecum est, reddere unicuique secundum opera sua; & hoc est grande mysterium Dei, in quo Regius Propheta David valde commotus fuit, & omnes justi in hoc saeculo commoventur in tribulationibus suis Ps. 72. quam bonus Jsrael Deus his, qui recto sunt corde, mei autem pene moti sunt pedes, pene effusi sunt gressus mei, quia zelavi super iniquos, pacem peccatorum videns, quia non est respectus morti eorum, & firmamentum in plagis ipsorum;

ipforum; in labore hominum non sunt, & cum hominibus non flagellabuntur; ideo tenuit eos superbia; aperti sunt iniquitate, & impietate sua; prodiit quasi ex adipē iniquitas eorum, transierunt in affectum cordis &c. Existimabam, ut cognoscere in hoc; labor est ante me, donec intrem in sanctuarium Dei, & intelligam in novissimis eorum. 5to Denique Myſterium hoc est Dei, scil. electio sanctorum ex massa filiorum Adae, quae Soli Deo reservata est, & nemo hominum scrutabitur, quia myſterium est, & absconditum ab oculis nostris usque in diem Domini Rom. 9. 11. Nolo enim vos ignorare fratres myſterium hoc (ut non sitis vobismet ipsis sapientes) quia caecitas ex parte contigit in Israel, donec plenitudo gentium intraret &c. Et tandem concludit: O altitudo scientiae, & sapientiae Dei, quam incomprehensibilia sunt iudicia ejus, & investigabiles viae ejus! Unde frustra se fatigant, qui scrutari volunt punctum praedestinationis, utpote myſterium Soli Deo reservatum in diem iudicii, ubi unicuique reddet secundum opera sua, & secundum adinventiones suas, Deus enim justus est, & absque ulla iniquitate, & non vult mortem peccatoris sed magis convertatur, & vivat. Multi cerebrum suum in hoc puncto, tanquam areneae, meditando extendunt, quibus melius esset orare Dominum Deum suum, & sentire de eo in bonitate, & salutem operari in timore, & tremore &c. quia hoc myſterium Dei, & arcanum est inscrutabile; unde, quo plus scrutantur, eo magis involvuntur maxime volentes sapere. *Sicut evangelizavit per servos suos Prophetas.* Isti servi Dei Prophetae sunt Enoch, Moyses, & Elias, & veteris Testamenti ceteri Prophetae. Deinde Apostoli, & reliqui Doctores, & Praedicatores Novi Testamenti, qui omnes unanimi consensu praedictum myſterium regni Dei suis linguis, & scripturis sacris mundo annuntiaverunt, & praedicaverunt, & adhuc hodie annuntiatur, & praedicatur, & annuntiabitur, & praedicabitur usque ad novissimum diem, quo venturum est,

&

& consummabitur, & non credent homines, donec veniat, sicut factum est in diluvio, quod Noe ultra centum annos praedicavit mundo, & non crediderunt homines, unde Christus Math. C. 24. ait: Sicut autem in diebus Noe, ita & erit adventus Filii hominis; sicut enim erant in diebus ante diluvium commedentes, & bibentes, & nubentes, & nuptui tradentes usque ad eum diem, quo Noe intravit in arcam, & non cognoverunt, donec venit diluvium, & tulit omnes: ita erit & adventus Filii hominis.

VII. Vers. 8. *Et audiivi vocem de coelo iterum loquentem mecum, & dicentem: Vade, & accipe librum apertum de manu Angeli stantis super mare, & super terram.*

Vers. 9. *Et abii ad Angelum, dicens ei, ut daret mihi librum; & dixit mihi: Accipe librum, & devora illum, & faciet amaricari ventrem tuum, sed in ore tuo erit dulce, tanquam mel. Et accepi librum de manu Angeli, & devoravi illum:*

Vers. 10. *Et erat in ore meo tanquam mel dulces; & cum devorasssem eum, amaricatus est venter meus:*

Vers. 11. *Et dixit mihi. Oportet te iterum propheta-  
re gentibus, & populis, & linguis, & Regibus multis.*  
S. Joannes, qui personam totius Ecclesiae gerit, his verbis edocetur, de qualitate, fructu, & effectu superius dicti libri, & haec quidem revelantur sub specie commestionis metaphorice, quia ex gustu, commestione, ac vel maxime ex digestionem ciborum scimus, ac experimur effectus rerum, ac qualitates; sic multa in ore dulcia sunt, & in digestionem amara, & e contra. Pari ratione in spiritualibus, & rebus coelestibus contingit. Vg. Nos homines tam libenter legimus, & cum dulcedine loquimur de tribulationibus, & passionibus SS. Martyrum,  
&

& laudamus mirabiles Sanctorum Dei vitas, & conversationes, & virtutum pulchritudines, & definitiones cum suavitate, & delectatione mentis volvimus, sed si horum vel unum bolum oportet deglutire, amaricatur venter noster, h. e. digestio, praxis, & animalis passio similium, vel longe minorum, gravissime nobis cadit. Caeteri effectus praedicti libri quatuor esse noscuntur ex contextu hujus, & sequentis capitis initio; 1<sup>us</sup> est; quia sanctam, sanam, unanimumque doctrinam fidei, & morum sanctorum continet, & significatur his verbis: *Et erat in ore meo dulce tanquam mel.* Est metaphora, sicut enim mel dulce est in ore hominum, ita verbum sanum, & irreprehensibile est in ore justii, & e contra felamarum est illius impugnatoribus; hinc dicitur Ps. 118. v. 103. quam dulcia faucibus meis eloquia tua super mel ori meo, & de Christo Isaiae Cap. 7. dicitur: Butyrum, & mel comedet; ut sciat reprobare malum, & eligere bonum; Et quia iste liber erit fabrefactum Spiritus S. merito in ore totius Ecclesiae (cujus personam S. Joannes gerit) erit dulce tanquam mel, h. e. acclamabitur illi, & recipietur unanimi Consensu. 2<sup>us</sup>: Erit commotio magna, quae subsequitur; non enim procedet hoc opus Dei sine magnis difficultatibus; & resistentia, & sine sanguine martyrum; quia operibus Dei semper mundus, caro, diabolus restiterunt, & resistent; quod divina sapientia permittit; quo magis elucescat contra Dominum universorum non esse Consilium &c. Prov. Cap. 21. Non est sapientia; non est prudentia; non est Consilium contra Dominum; & hanc tempestatem; primo movebunt potestates saeculares; quae armis resistent magno illi Monarchae, & persequentur eos; qui ambulabunt in conversione populorum ad fidem Catholicam, quam dictus Monarcha terra, marique jubebit praedicari, & amplecti &c. Proinde supra dictum est, quod ad clamorem Angeli stantis super mare; & super terram locuta sint septem tonitrua voces suas. *Vide, quae supra dicta sunt versu quarto.* 2<sup>do</sup> Executio hujus



hujus libri habebit magnam difficultatem in statu Ecclesiastico, quando penitus abolebuntur Venus, & idola auri & argenti, & vita otiosa. Et haec omnia significantur his verbis: *Et cum devorassent eum, amaricatus est venter meus.* Sustinet S. Joannes personam totius Ecclesiae, quae amaritudines, & tribulationes, difficultatesque plurimas sustinebit in executione dicti saepius libri; sed non praevalerunt, neque impedire poterunt inimici ejus hoc opus grande Dei; unde in consolationem, & confortationem ejus statim per Angelum subditur. Tertius effectus, qui est praedicatio Evangelii, ac fidei Cath. gentibus, & populis, & linguis, & Regibus multis; iis videlicet, qui per Mahometismum, aut per schisma, aut per modernam haeresin, aut per aliam sectam defecerunt a gremio Matris suae, quae est Romana Ecclesia; & hoc exprimitur his verbis.

Vers. 11. *Et dixit mihi: oportet te iterum praedicare gentibus, & populis, & linguis, & Regibus multis.* Ecclesiae hoc dicitur, cujus personam S. Joannes sustinet. Et Ecclesia praedicabit illis per eos, quos mittet, & quidem iis praedicabit, qui semel fuerant in fide catholica illuminati, sed defecerunt, ideo signanter additur *iterum praedicare*, ut in novissimo tempore iterum praedicetur & annuntiatur fides Catholica gentibus, & populis, & linguis, & Regibus multis, qui ab Ecclesia defecerunt &c. Et hoc continget in sexto statu Ecclesiae, qui erit status consolationis, & durabit usque ad ultimum, qui erit status consummationis.

## §. II.

*De extensione, & exaltatione Ecclesiae.*

Cap. XI. v. 1 — 2.

Vers. 1.

*Et datus est mihi calamus similis virgae, & dictum est mihi: surge, & metire templum Dei, & altare, & adorantes in eo.*

D d

l. Hia

I. His verbis exprimitur quartus superius dicti Libri effectus, ac finis, qui ex praedicatione Evangelii per divinam misericordiam exsurget; scil. Conversio totius quasi orbis ad unam veram Catholicam, & Apostolicam fidem, ex quo Ecclesia Latina terra, marique longe, lateque dilatabitur, glorificabitur, & consolabitur, quam S. Joannes jubetur metiri ad significandam ejus maximam latitudinem, & multitudinem populorum, qui etiam de longinquo, & ab extremis terris confluent ad illam, sicut Gen. C. 15. jubetur Abraham numerare Stellas coeli, ideo imo subditur: *Et datur est mihi calamus similis virgae.* Calamus seu virga mensura est arundinea, qua solemus aedificia, agros, & alia secundum longum, latum, & profundum metiri; & similem virgam seu calamum, ac arundinem portant Episcopi in dedicatione templorum novorum, qua pavementum, & alia metiuntur. Similis virga S. Joanni dicitur esse data in Spiritu, & metaphorice ad significandam novissimo tempore Ecclesiam fore amplissimam, & quasi noviter aedificandam, & sponso suo Christo Jesu dedicandam. 2do *Et dictum est mihi: Surge.* Jubetur surgere ad significandum templum hoc Dei, vel maxime dilatandum esse, atque in quatuor mundi plagis domum Dei esse aedificandam. *Surge* (מֶלֶךְ בִּדְחַי אֵל) h. e. vade ex Judaea ad omnes partes mundi ad metiendum hoc templum Dei. Ex hoc modo loquendi mandatur S. Joanni in consolationem Ecclesiae suae, quod Gen. C. 13. v. 14. Abraham jubetur, scil. levare oculos versus septentrionem, & versus meridiem, Orientem, & Occidentem &c. 3tio *Et metire templum, & altare, & adorantes in eo.* Per templum, quod jubetur, hic metiri, significatur amplitudo illa maxima, sive nova Ecclesia, quae Ecclesiae Latinae accedet ex conversione gentium in America, Africa, Asia, Europa, cujus jam nostro Saeculo fieri videmus initium laetissimum in India, & Japonia, in China, aliisque partibus. *Per altare* significatur metaphorice honor, & exaltatio sacrificii Missae, quod ubique

que terrarum celebrabitur copiosissime, & glorificabitur nomen Domini nostri JESU Christi, quem magna fide homines in eo adorabunt, unde per adorantes in eo designantur primario sacerdotes, qui ubique terrarum publice in magna multitudine sacrificantes adorant, & adorabunt Deum Patrem, & Filium ejus JESUM in Spiritu, & veritate, & adario etiam homines Christiani notantur, qui amabunt valde audire Missam, & frequentare mensam sanctissimam Domini, & recte dicuntur *adorantes in eo*. De hoc sexto statu Ecclesiae loquitur Christus Math. Cap. 24. ponitque eum pro signo praecedenti novissimam desolationem, & diem adventus sui, dicens: Et praedicabitur hoc Evangelium in universo orbe in testimonium omnibus gentibus, & tunc veniet consummatio. Item Joann. Cap. 10. v. 16. 1. C. 2. v. 2. Mich. C. 4. v. 12.

## §. III.

*De illa terra, quae gentibus, & Antichristo reservatur, & ad Christi Ecclesiam nunquam accedet.*

Cap. XI. v. 2 — 3.

Vers. 2.

I. *Atrium autem, quod est foris templum, ejice foras, & ne metiaris illud, quoniam datum est gentibus.* His verbis Christus instruit Ecclesiam suam per S. Joannem de mirabili secreto, & permissione Dei circa regnum Mahometis, & Antichristi, cujus ille praecursor fuit, & figura est, unde etiam ex generatione hac commixta ex semine filiorum Israel nascetur, & veniet, & regnabit Antichristus filius perditionis. Ideo regnum turcicum nunquam in totum delebitur, sed stabit ex semine hoc Regnum aliquod, de quo loquitur Christus signanter Math. C. 24. v. 15. & Marc. C. 13. v. 14. Itaque ut haec omnia impleantur, data, & permessa est ex secreto, Dei judicio Palestina, & terra Sancta, alia-

D d 2

que

que regna, quae Juda, & Israel olim inhabitabant, gentibus istis, donec compleatur omnis praevaricatio. Hoc divinae voluntatis mysterium experientia habemus, quod videlicet hanc generationem praeterire, ac perire nolit, donec reveletur ex ea filius iniquitatis. Quot enim Reges, & Principes, & Imperatores terram sanctam recuperare conati sunt, qui tamen omnes omnibus suis viribus nihil effecerunt, aut victores immature ceciderunt. Deinde discordia Principum Christianorum quam horrenda semper fuit, & est, & erit? Ut ita semper impedita fuerit exterminatio regni Turcici ex superbia, & malitia nostra, donec impleamus nosmet ipsi Christiani mensuram peccatorum nostrorum, ex qua Dominus incipiet taedere super Ecclesiam suam, & permittet superbire filium perditionis; Sicut taedere coepit in veteri Testamento super Israel 4 Reg. Cap. 10. v. 32. quod fuit figura Testamenti novi, ac Christianitatis, quemadmodum enim Assur se habuit ad Synagogam Judaeam, ita se habet, & habebit Turca ad Ecclesiam populorum; cum priora sub velamine fuerint figura posteriorum. Quantumvis ergo amplitudo Ecclesiae Latinae in sexto statu, ut dictum, magna sit futura, tamen nunquam Palaestina, & terra Sancta, aliaeque Regna in Oriente ad ovile Christi accedent, quia ex his oportet nasci, & venire & regnum accipere filium perditionis, quem accipient Judaei omnes, & congregabuntur ad eum ab Oriente, & Occidente, & Septentrione, & Meridie, & a desertis montibus; & de hoc dicit Christus Joan. Cap. 5. *Ego veni in nomine Patris mei, & non accepistis me; Si alius venerit in nomine suo, illum accipietis.* De terra Sancta autem, & gentium desolatione loquitur Math. Cap. 23. Dico enim vobis: Non me videbitis a modo, donec dicetis: Benedictus, qui venit in nomine Domini: De Jerusalem quoque signanter Luc. C. 21. Et Jerusalem calcabitur a gentibus, donec impleantur tempora nationum; unde sequitur: *Atrium autem, quod est foris templum, ejice foras.* Per Atrium intelligitur

ligitur Palaestina, sive terra Sancta, & Jerusalem, atque Synagoga Judaeorum. Per *Templum* vero Ecclesia gentium Christi. 1<sup>mo</sup> Namque sicut in atrio palatii Regis expectant omnes, donec ad aulam, & audientiam, atque in conspectum illius admittantur. 2<sup>do</sup> Qui in atrio sunt, conspiciunt quidem eminus, & secundum externam aedificaturam Palatium Regis, constitutionem tamen intrinsecam, secreta, & alia, quae in illo condita sunt, non percipiunt, donec intromittantur. 3<sup>tio</sup> Atrium semper respectu palatii solet esse ignobilius, & magis angustius. 4<sup>to</sup> In Atriis servi habitant, & Regis Imperium cum timore expectant, servientes secundum permissionem temporalem &c. Hujusmodi Atrium fuit, & est, & hic describitur rejiciendum in veritate terra Sancta, sive Palestina, ac Synagoga Judaeorum. Quia 1<sup>mo</sup> In veteri Test. omnes expectabant in atrio Limbi, & nemo ad coeli palatium, & in conspectum Dei fuit admissus, donec Verbum Caro factum est, & resurrexit a mortuis, & deduxit omnes in atrio expectantes ad coeli palatium. 2<sup>do</sup> In veteri Testamento omnes sub nube fuerunt, & a longe tantum per speculum & in aenigmate mysteria Dei perspexerunt, quae nos per Christum in palatium suum Regium (quod est Sancta ejus Ecclesia) introducti distincte, & clare cognovimus, vidimus, & audivimus de verbo vitae; sicut dicitur prima Joann. Cap. 1. v. 1. 2. 3. quanto atrium imperfectius est, & ignobilius, & angustius palatio aliquo augustissimo regio, tanto Synagoga Judaeorum fuit imperfectior, ignobilior, & angustior respectu Ecclesiae Christi, in quam plenitudo gentium vocata intravit, & intrabit. 4<sup>to</sup> Synagoga in tempore suo cum omnibus suis filiis serviebat tantum; Ecclesia autem Mater nostra foras misit timorem, diligit, & filii ejus servi non sunt, sed domestici, cives, imo filii Dei, ut scriptum est ad Eph. C. 2. v. 19. 20. ad Gal. C. 4. 1 Joann. Cap. 3. ergo Jerusalem, & quae ipsi subiecta erat, terra, reliquae Synagoga Judaeorum atrium erant; templum vero

ipsa Ecclesia Cath. est. Unde dicitur: *Quod est foris Ecclesiam, ejice foras.* Est modus loquendi, quo imo solent etiam Reges, & Principes decreta sua, quae omnino irrevocabilia, ex ira aut aliquo rei momento esse volunt, confirmare, & decernere, ut immutabilia. Semper permaneant. 2do Res perditae, infatuatae, & desperatae ejiciuntur foras; ita jubetur hic S. Joannes Jerusalem, & terram Sanctam, consequenter totam gentem Judaeorum a iusto Dei judicio jam foris ejectam, iterum ejicere, h. e. confirmat Deus voluntatem, qua disperfit gentem Judaeorum in omnes gentes, & Jerusalem, totamque Palaestinam in potestatem gentium, ita, ut in veritate Evangelica nunquam sit statuta. Tamen enim eversa funditus prima Jerusalem, alia postea in loco, ubi Dominus erat crucifixus aedificata, & religio Christiana ibidem fuerit plantata; non tamen stetit, quia saraceni infestabant, & Cosroe tandem occisis, & in captivitatem ductis omnibus Christianis occupavit eam, quam Mahomet, & Turcarum gentes stabiliter postea tenuerunt usque huc, exceptis annis paucis, quibus Godofridus, & frater ejus extitere Duces in Jerusalem; sed non steterunt omnesque subsequentes expeditiones quantumvis essent maximae, & potentissimae, ad recuperandam Jerusalem, & terram Sanctam ceciderunt in nihilum, & usque huc ejusmodi recuperationem impedire bella, discordiae, & arrogantiae ipsorum Christianorum. Hinc iterum dicitur signanter: *Et ne mettaris illud, quia datum est gentibus.* Est iterum modus loquendi, quo v. g. Belli-Dux, & Rex aliquam suarum civitatum, quam scil. se omnino recuperare, aut propter propinquitatem, aut potentiam suorum hostium, aut propter perfidiam suorum civium se manu tenere non posse, in numeratione, & descriptione regni sui mandat, ut illa non numeretur, & describatur pro aliqua Regni sui parte, ac civitate, sed deleatur omnino ex regni matricula; sic in descriptione regni, ac militantis Ecclesiae Christi, quae in sexto statu quidem amplissima esset



pito, eoquod istae gentes sub eadem quidem secta Mahometis (qui etiam fundator fuit Regni) semper futurae sint; non tamen semper extiterunt sub eodem imperio per successionem ex Mahomete descendente; aliquoties enim regnum fuit mutatum, & translatum eadem manente secta, ut infra vid. Cum ergo hic non describatur ipsum caput impium, quod fuit Mahomet (figura & praecursor Antichristi) sed tempus imperii ab eo descendens, recte nominantur gentes, quae perseverantes in ejus secta tempus praedefinitum implebunt. Ex his patet, quare tot; & tam fortes, & tam Sanctae, piaque expeditiones diversis temporibus contra Saracenos, & Turcas factae, tam flebilem fuerint sortitae exitum; cujus, etiamsi causa non fuerit exigua invidia Graecorum, nostra, militumque peccata, & alia obstacula extrinseca, ac calamitates diversae; haec tamen omnia ex permissione divina contigerunt, ut impleantur scripturae, ut compleantur regna, & tempora, & praevagationes. Erit nihilominus merces operi manuum eorum, qui in tam Sancta intentione laborarunt, & occubuerunt in Domino; neque enim cogitandum est expeditiones illas omnes ab alio fonte, quam instinctu Spiritus S. processisse: hunc in finem, ut & Christiani milites pro nomine Jesu sanguinem effundentes gloriose mererentur, haereditarius hostis fractis viribus in officio contineretur, & obsequio, ne transiret fines suos in exterminium Christianitatis.



## Sectio II.

De Persecutione Anticristi, ac de Septima,  
& novissima Tuba.

## §. I.

## De Tempore persecutionis Antichristianae.

Cap. XI. v. 3 — 13.

Vers. 3.

1. *Et dabo duobus testibus meis, & prophetabunt diebus mille ducentis sexaginta, amicti saccis.* In hoc textu describit Sanctus Joannes consequenter regnum, sive potius tyrannidem Antichristi, desolationem novissimam, descendendo ab Imperio Mahometis ad Antichristum, scil. a figura ad figuratum, a praecursore ad consummatorem omnis iniquitatis, qui nascetur & egredietur, & regnum accipiet ex reliquiis imperii prioris. Hinc etiam habent tempus a Deo ad consummationem praevaricationis, & iniquitatis suae, quam posterior in tot diebus consummabit, quot prior in annis. Hoc utriusque tempus S. Joannes exprimit per quadraginta duos menses, qui, si resolvantur in dies propheticos faciunt annos mille ducentos septuaginta septem & medium, quibus durabit imperium Mahometicum; si vero resolvantur in dies naturales, sicut etiam altero, & vero sensu canonico hic accipiuntur, erit tempus tyrannidis Antichristianae mille ducenti septuaginta septem, & medius dies, quo ultimo, scil. volens ascendere ad coelum, deturbabitur, & mittetur in infernum, ut infra videbimus. Et erit tribulatio periculosissima, & maxima, qualis non fuit, neque ad id usque tempus erit, sicut praedixit luculenter Christus Math. Cap. 24. Mittet divina bonitas praeter alios plures fortissimos in fide Christi, Enochum, & Eliam, qui praedicabunt, & signa magna facient in Nomine Jesu, contra imposturas, & signa mendacia Antichristi, & finito testimonio

D d 5

ab

ab eodem occidentur. Unde sequitur. *Dabo duobus Testibus.* Duo isti testes erunt Enoch, & Elias, quorum primus sub lege naturae, alter sub Mosaica lege vixit. Hi testimonium dabunt de Christo Jesu Nazareno in Signis magnis, & praedicatione sua potenti contra Antichristum, & ejus asseclas; & suadebunt gentibus, & Judaeis, quia ipse sit Messias, & Filius Dei vivi, qui jam venerit in hunc mundum Redemptor, & quod vere in Jerusalem a summis sacerdotibus crucifixus sit; & pro universo mundo mortuus, & resurrexerit a mortuis tertia die, & ascenderit ad coelos, & sedeat a dextris Dei, Judicaturus vivos & mortuos in novissimo die. Unde sicut S. Joannes Baptista testis fuit in primo adventu Christi; ita Enoch, & Elias in secundo ejusdem adventu testimonium de illo perhibebunt; & sicut Apostoli fuerunt illi testes usque ad extremum terrae, quod ipse sit Christus Act. C. I. v. 8. Sic Enoch, & Elias erunt in novissimis diebus. Et hoc est testimonium, quod praedicabunt verbis, & confirmabunt Signis, quoniam Jesus est Christus. quod negabit filius perditionis I Joan. C. 2. Quis est mendax, nisi is, qui negat, quoniam Jesus est Christus; Hic est Antichristus, qui negat Patrem, & filium, Item, Cap. 4. v. 1. 2. 3. *Et dabo:* Ponitur in activo futuro hic; & superius erat positum in passivo praeterito, ad significandum, quod Deus mala solummodo permittat, bonorum vero munerum sit dator, & largitor, qui sicut omni tempore congrua dedit Ecclesiae, & populo suo electo auxilia, & consolationes in tribulationibus, ita vel maxime in persecutione novissima, & omnium tribulationum periculosissima; dabit duobus testibus istis praedictis sapientiam, virtutem, potestatem magnam contra Antichristum, ejus pseudoprophetas, & Pseudochristianos. *Et prophetabunt diebus mille ducentis sexaginta annis.* His verbis exprimitur tempus, officium, & habitus praedictorum duorum testium Christi, & Dei; & quidem tempus eorum dies mille ducenti sexaginta erunt de men-

menſibus quadraginta duobus, quibus tyrannizabit Antichriſtus cum ſuis. Officium illorum erit praedicare. *Prophetabunt*; h. e. praedicabunt gentibus, & Judaeis mundi interitum, & extremum diem judicii, item poenitentiam, & quia Jeſus eſt Chriſtus, & filius Dei, qui judicaturus ſit vivos, & mortuos. Et hic finis eſt, in quem reſervantur ſcil. ad poenitentiam, & converſionem gentium, & judaeorum. De Enoch habetur Eccleſi. C. 44. v. 16. Henoch placuit Deo, & translatus eſt in paradifum, ut det gentibus poenitentiam. De Elia vero Cap. 48. v. 10. Qui (Elias) ſcriptus eſt in judiciis temporum, lenire iracundiam Domini; unde:

Verſ. 4. *Hi ſunt duae olivae & duo candelabra, in conſpectu Domini terrae ſtantes.* Dicuntur olivae, & Candelabra tam paſſive, quam active. *Paſſive*, quia uncti ſunt oleo ſanctitatis, & charitatis, & ſapientiae coeleſtis; *Active* vero, quia effundent oleum ſalutis in vulnera gentium, & Judaeorum, & emollient corda eorum, & illuſtrabunt illos in veritate, & fide in Jeſum Chriſtam, & ſic reſtituent diſperſiones Iſrael. Hinc Chriſtus dicit Math. Cap. 17. v. 11. Elias quidem venturus eſt, & reſtituet omnia & Marc. C. 9. v. 11. Elias cum venerit primo, reſtituet omnia, proinde iterum ſubditur: *In conſpectu Domini terrae ſtantes*; hoc eſt, reſervati ſunt viventes per voluntatem Dei ad poenitentiam, & converſionem gentium, & judaeorum, qui in noviffimis diebus viventes in terra adhaerebunt Antichriſto. Sumitur continens pro contento. Coeterum habitus, in quo circumeuntes, & perambulantes terram praedicabunt, erit ſaccus cilicinus, quali etiam in adventu primo S. Joannes Bapt. Prodibat indutus ex eremo, & praedicabat poenitentiam. Talem enim comoediam & comoedum hujusmodi decet habitus. Hinc erubeſcant, & pudeat praecones, & animarum paſtores ad exemplum mundanorum hominum in aulis, & domibus regum tam mollibus, delicatis, & mundanis veſtimentis incedere.

II. Vers. 5. *Et si quis voluerit eis nocere, ignis exiet de ore eorum &c.* In his, & sequentibus verbis notificatur virtus, & potestas operativa miraculorum, & prodigiorum grandium, quae dabitur his duobus Prophetis, prout ea ad novissimos dies ad confundenda mendacia, & potestatem Antichristi, & pseudoprophetarum ejus erunt necessaria. Sicut enim fuit in diebus Pharaonis in Aegypto per manum Moysis, & Aaron, & sicut fuit in diebus Achab, & Jezabel per manum Eliae; ita erit in novissimis diebus per manus duorum Prophetarum istorum. Hujus autem potestatis prima, & particularis virtus erit, inimicos suos igne perdere, quos Antichristus; & ejus Pseudoprophetae ad occidendum eos submittent, quod frequenter tempore prophetiae eorum continget aperte, & occulte. Unde dictum est: *Et si quis voluerit eis nocere*, hoc est, occidere eos, & perdere, *ignis exiet de ore eorum*, non realiter, & substantialiter, sed imperative. In verbo enim Dei mandabunt igni elementari, & descendet de coelo, & vorabit inimicos eorum. Ita factum legimus per verbum Eliae Prophetae 4 Reg. Cap. 1. 2da Virtus ejusdem potestatis erit generalis, qua omne genus mali in sui auctoris caput convertetur, cadentque inimici eorum in eam semper foveam, quam duobus istis prophetis diversimode fodient, sive in mortem, sive in malum aliud quodcunque. Unde dicitur: *Et si quis eos voluerit laedere, sic oportet eum occidi*, h. e. quodcunque genus mortis illis inimici eorum intentabunt, divina virtute in caput ipsorum convertent. Sic Elies perdidit omnes Prophetas Baal ad torrentem Cison Lib. 3. Reg. C. 18. quem Jezabel cum suis quaerebat in mortem. 3tia Erit in coelum.

Vers. 6. *Ne pluat diebus prophetiae ipsorum*: Sicut factum est in diebus Achab Regis Israel per manum Eliae Prophetae propter impietates, & idololatrias eorum 2 Reg. Cap. 17. Tribus enim annis clausit coelum, ne plueret;

plueret; 4<sup>ta</sup> erit super aquas, quas convertent in Sanguinem; ita Moyses & Aaron fecere percutientes virga aquas, & conversae sunt in Sanguinem Exod. Cap. 7. 5<sup>ta</sup> erit in terram potestas generalis, qua eam percutient, & in ea habitantes, *omni plaga, quotiescunque voluerint*. Sicuti factum est per Moysen Exod. Cap. 8, 9, 10. Ubi percussit terram plagis ranarum, cyniphum, muscarum, & locustarum, fruges autem terrae plagis grandinis tonitruum & fulminum; jumenta plaga pestis; homines plaga ulcerum, tenebrarum, tandemque ipsa primitivorum morte, auri argentique spoliatio-  
ne. Haec, & plura facient in diebus novissimis duo isti Prophetae in conspectu filii perditionis, & in conspectu gentium, & populi Israel, sicut enim in diebus Moysis, & Aaron, ita erit in diebus Prophetarum istorum; & sicut Pharaon in diebus suis in aliquibus similia fecit per suos maleficos, & restitit illis, & populo Dei, ita fiet in novissimis diebus in Filio perditionis, qui tamen longe majorem habebit permissionem, & potestatem, sed non erit similis potestati duorum Prophetarum ipsorum, qui prodigia, & signa grandia in coelo, & in terra, & in aquis, & in frugibus terrae, & in jumentis operabuntur in virtute Dei, & percutient impios plagis magnis, & cruciabunt eos usque in mortem; Filius vero perditionis e contra vero similia (sed non omnia poterit) faciet instar simiae in spiritu nequitiae, & mendacii, & in virtute daemonis, cujus erit, & quem adorabit &c.

Verf. 7. *Et cum finierint testimonium suum, bestia, quae ascendit de abyssu, faciet adversus eos bellum, & vincet illos, & occidet eos*. His, & sequentibus verbis describitur bellum mors, & victoria duorum Prophetarum contra Antichristum, qui vocatur hic bestia ascendens de abyssu. *& cum finierint testimonium suum*, hoc, est, tempus mille ducentorum sexaginta dierum compleverint, testificando de Jesu Nazareno, quod

quod sit ipse Messias, & nemo alius, ut supra dictum est, *bestia quae ascendit de abyſſo, faciet adversum eos bellum*. Per bestiam significatur Antichristus, sive filius perditionis, qui venturus est in mundum in diebus novissimis. 1mo Vocatur *bestia* propter nequissimam suam vitam, quam vivet in luxuriis, & concupiscentiis mulierum; 2do propter crudelitatem immanem, & crudellem immanitatem, quia instar Pardi saeviet contra Christianos; 3tio *bestia* ferox omnia obvia conculcat, & disperdit, neque parcere novit rebus ullis, quantumvis sacris, & sanctis, sic Antichristus omnia sacra, & Sancta Sanctorum conculcabit, jure sacrificium delebit, & Deum Patrum suorum non reputabit, nec quemquam Deorum curabit. Daniel. C. 11. 4to Sicut bestia in hoc nascitur, & vivit, ut mactetur, aut in interitum vadat; ita Antichristus ad hoc nascetur, & venundatus est, & praedeterminatus, ut male faciat semper, & in interitum vadat, & ideo vocatur filius perditionis. *Bestia, quae ascendit de abyſſo, faciet adversum eos bellum, & vincet eos, & occidet eos*; imo dicitur ascendere de abyſſo, quia per abstrusissimas fraudes & artes, per potestatemque tenebrarum ascendet ad imperium, & intrabit in regnum, & exaltabitur super omnia. Item quia potietur thesauris argenti, & auri; & pretiosis quibuscunque, quae in abyſſis terrae & maris abscondita sunt, & dabit, & revelabit ea ipsi Maōzin Dæmon ejus, quem colet; hinc Dan. C. 11. Et dominabitur thesaurorum auri, & argenti; denique abyſſus significat infinitam congeriem aquarum, quae fundum non habeat, aquae autem significant populos, & gentes, & linguas. Apoc. Cap. 17. quae infinitae quasi erunt adhaerentes, & recipientes Antichristum. Et de hac abyſſo ascendet, & exaltabitur ad imperium orbis terrae filius perditionis; 2do *faciet adversum eos bellum*. Ascensio ejus in praesenti, & quae sequuntur in futuro ponuntur: faciet, vincet, & occidet eos &c. Quia non statim, quando intrabit regnum, potestatem habebit faciendi, sed tunc, quando

quando finierint praedicationem suam, permittentur haec fieri a Deo in duos Prophetas suos testes. 3tio *Bellum*, quod faciet adversum eos, erit duplex; alterum in signis, alterum in tormentis: Concertabit enim haec Bestia in signis magnis, sed fallacibus, & arte diabolica factis contra signa, & opera istorum duorum Prophetarum, qui in virtute Dei facient in diebus testimonii sui, & quia adaequare non poterit virtutem suam virtuti duorum Prophetarum istorum ad tyrannidem & tormenta convertetur, quibus eos secundum corpus, & vitam praesentem vincet, & occidet. Et projiciet corpora eorum in plateis coram gentibus, & Judaeis, & illorum mortem curabit promulgari, ut videant, & sciant omnes, quod ipse sit supra omnem virtutem, & potestatem. Unde sequitur.

Verf. 8. 4to *Et corpora eorum jacebunt in plateis civitatis magnae, quae vocabitur spiritualiter Sodoma, & Aegyptus, ubi & Dominus eorum crucifixus est.* Haec civitas magna est moderna Jerusalem. Vocatur magna propter multitudinem & latitudinem famae, quibus in se tunc magna erit. Similiter magna in thesauris, & divitiis, & populis, & gentibus, & linguis; erit enim tunc potentissima, & gloriosissima, & in plateis hujus civitatis vere & realiter jacebunt Prophetarum istorum corpora, sicut etiam, aliorum fervorum Dei, qui in Confessione Nominis Jesu perseverabunt, resistentes fortiter filio perditionis; maxime sacerdotes, & praedicatores, de quibus scribitur Daniel. Cap. 11. Et docti in populo docebunt plurimos, & ruent in gladio, & in flamma, & in captivitate, & in rapina dierum. Cumque corruerint, sublevabuntur auxilio parvulo, & applicabuntur eis plurimi fraudulententer. Et haec persecutio justorum non solum Jerosolymis, verum etiam per totum quasi orbem terrarum saeviet horrendum in modum, & superabit longe alias omnes retrofactas persecutiones, quod Christus Math. Cap. 24. praedixit: Erit enim

enim tribulatio magna, qualis non fuit ab initio mundi, & usque modo, neque fiet. Vocatur spiritualiter, id est allegorice *Sodoma* ob similitudinem omnium flagitiorum, quae in diebus illis Jerosolymis, & in toto orbe terrarum impune, & sine omni timore Dei, & in summa securitate perpetrabuntur, qualis enim tunc Rex, talis grex; unde sicut fecit in diebus illis Sodoma, sic fiet Jerosolymis, & in toto mundo, quando impleverint omnem mensuram in diebus novissimis sub Imperio Antichristi, & ante. Hic Epilogus erit omnium impiorum, qui ab origine mundi in theatro hujus mundi personam suam egere *Aegyptus* appellatur similiter; quia sicut fecit Aegyptus cum impiissimo suo Rege in diebus Moysis, & Aaron contra Deum, ita erit Jerusalem in diebus Enoch, & Eliae cum Rege suo, & falso Messia contra Christum Dominum, & sicut in diebus illis concertabatur Signis, ita & in novissimis. Et sicut Rex Aegypti conatus fuit omnibus modis impedire, ne in terram promissam intrarent filii Israel, ita impedire conabitur Antichristus, ne in terram promissionis Christiani intrent, quae est vita aeterna. Et haec per Allegoriam sunt dicta; praeterita enim fuerunt figura arcanorum, & mysteriorum Dei futurorum, denique ut manifestius indicetur hanc civitatem non fore aliam, quam Jerusalem, additur: *Ubi & Dominus eorum crucifixus est*; quod ad literam de morte Christi intelligitur, qui est Dominus universorum, & sicut in diebus mortis Christi jucundati sunt judaei, & gentes; & populi blasphemantes dixerunt: Si hic a Deo esset, exterminium non cecidisset super eum; ita erit in diebus mortis Enoch, & Eliae, in quibus jucundabuntur, & plaudent manibus super cadavera eorum, & super cadavera justorum, & glorificabunt filium perditionis, pseudo-messiam suum, & extollent eum super omne, quod dicitur Deus, quia potestas illius videbitur illis super omnem potestatem, qua vicit, & occidit duos Prophetas tam potentes, & admirabiles ante in Signis, & operibus;



ribus; propterea etiam judicabunt eos fuisse magos, & falsos prophetas, & ideo illudent eorum cadaveribus, & conspuent, & omni ignomina afficient ea. Unde sequitur.

Verf. 9. 5to *Et videbunt de tribubus, & populis, & linguis, & gentibus, corpora eorum per dies tres, & dimidium.* Sumitur dies pro septimana, quod est tempus destinatum ad labores hominis, sicut dies una. Tribus enim septimanis, & media, superstes triumphabit Antichristus post mortem duorum Prophetarum quibus impii homines comoediam suam ludent super eorum corpora occisa; & ideo non sinent ea poni in monumentis, ut magnitudo, & potestas & Deitas pseudomessiae omnibus hominibus manifestetur, qui vicerit, & occiderit eos; & dicitur: *& corpora eorum non sinent poni in monumentis.* Ex hac victoria ita magnificabitur filius perditionis, ut ascensurus sit in montem Oliveti, ut publice adoretur ut Deus; & ad ostensionem hujus suae divinitatis promulgari curabit ascensionem suam in coelum futuram. Hinc dicitur Dan. C. II. v. 45. Et figet tabernaculum suum Apadno inter maria, super montem inclytum, & veniet usque ad summum ejus, & nemo auxiliabitur ei.

Verf. 10. *Et inhabitantes terram gaudebunt super illos, & jucundabuntur, & munera mittent invicem.* His verbis describitur gaudium & tripudium impiorum, quod durabit viginti quatuor diebus, h. e. tribus Septimanis, & media, in quibus victoria contra duos Prophetas Antichristi super omnia ab hominibus coecis, & impiis exaltabitur, & magnificabitur, quia promulgari curabit ubique suam victoriam contra potentissimos Dei Prophetas; & jactabunt se populi; & tribus & gentes, & omnes linguae accurrent in diebus illis in Jerusalem, ut videant occisa eorum corpora, & Regem illum in majestate sua nimia: & gaudebunt homines valde super morte duorum Prophetarum, & justorum, qui propter  
E c illos

illos occidentur; sicut Herodias laetata est super abscisso capite, & morte S. Joannis Baptistae. Et regi impio trophea erigent, & statuas magnas ubique, & adorabunt homines imaginem ejus & thura litabunt, & sacrificia offerent, uti Deo suo, & Messiae. Et homines jucundabuntur in jucunditate magna, in conviviis, & choreis, in nuptiis, & in omnibus voluptatibus, & omnia desideria carnis perficient, quia existimabunt coeci, quod jam plena requies, & pax post mortem duorum Prophetarum advenerit; excoecati enim praesentium dierum felicitate, novissima sua mala instar furis adventura non perspicient. *Et munera mittent invicem.* Sunt haec Signum amicitiae, quia in diebus illis videntes homines turpissimam mortem duorum Prophetarum, prius tam potentium, & victoriam, & majestatem regis, unusquisque religionem suam deferret, & adhaerebit ei tanquam Alesiae, & omnes fient amici, & unanimes saltem in externa confessione, quod hic sit Messias, quia nemo audebit aliter confiteri, & loqui; in diebus enim illis veniet tyrannis, & persecutio, & praevaricatio ad summum. Sacerdotes enim, & praedicatores, alique Christi fideles annuntiantes & confitentes Patrem, & Filium, & Spiritum S. Et quia Jesus erat Christus Filius Dei, omnes tollentur, & variis, & horrendis occidentur tormentis. Unde dicitur: *Et munera mittent invicem.* De uno pago in alium, de uno oppido in aliud, de una civitate, & regione in aliam, quia post mortem duorum Prophetarum dabitur bestiae potestas etiam in omnes viros potentes verbo, & opere, & ubique terrarum occidentur, & de medio tollentur, & fugient ubique ad montes, loca deserta, & abscondent se in speluncis, & cavernis petrarum & nemo audebit se publice manifestare Christianum. Interim ubique terrarum gaudebunt impii, & lactabuntur, & praevalebunt in omnibus, & Deus coeli non dabit amplius Signa in coelo sursum, neque prodigia in terra deorsum post mortem illorum Prophetarum, qui tempore sui testimonii magna, &

mira-

mirabilia operati erant, & ita plurimos docebant, & in fide conservabant. Hinc in diebus illis vere omnes, etiam Christiani videntes mortem turpissimam Prophetarum & pacem impiorum, & victoriam Regis, & silentium, & taciturnitatem Dei, desuper scandalizabuntur, & deficient, & thura cremabunt regi, & accipient caracterem nominis ejus, & adorabunt imaginem ejus, quam Pseudoprophetae & Magistri ejus ubique erigent, ut infra videbimus; causa hujus laetitiae additur: *quoniam hi duo Prophetae cruciaverunt eos, qui habitabant super terram*; scil. in prodigiis & signis maximis, quae fecerunt in coelo sursum, & in terra deorsum in testimonium, quoniam JESUS erat Christus; percutient enim terram & habitantes in ea omni plaga, quoties, & qualiter voluerint; sicut in diebus Pharaonis fecerunt Moyses, & Aaron, & sicut in diebus Achab Regis Israel fecit Elias.

Verf. 11. *Et post dies tres & dimidium, spiritus vitae a Deo intravit in eos.* Sequitur in his, & posterioribus verbis mutatio dextrae excelsi, qui non sinit diu triumphare impios super justos. *Et post dies tres, & dimidium, hoc est, post tres septimanas, & mediam spiritus vitae intravit in eos,* hoc est, virtus Dei resuscitavit duos istos occisos Prophetas a mortuis. *Et steterunt super pedes suos, & timor magnus cecidit super eos, qui viderunt eos,* scil. ex tam in expectata & subitanea rerum immutatione; sic omnibus impiis continget in altera vita, qui hic afflixerunt justos, & servos Dei injuste, gemitus eorum aeternus revelatus est in consolationem omnium eorum, qui hic opprimuntur, Sap. Cap. 5. Stabunt justi in magna constantia adversus eos, qui se angustiauerunt &c. Videntes turbabuntur timore horribili, & mirabuntur in subitatione insperatae salutis.

III. Verf. 12. *Et audierunt vocem magnam de coelo dicentem eis: ascendite huc. Et ascenderunt in nubes*

*Et viderunt illos inimici eorum.* Haec omnia ad literam accipi, & intelligi oportet, sicut verba sonant; vere enim in testimonium veritatis, & praedicationis suae duo isti Prophetae a mortuis suscitati cum corpore & anima assumuntur in coelum videntibus, & spectantibus omnibus populis, & tribubus, & linguis, quae confluent ex toto orbe terrarum ad Regem in Jerusalem; videns autem hoc Antichristus conturbabitur, & infremet spiritu, & ex magna sua superbia, & praesumptione infernali ipse quoque ad ostensionem suae divinitatis mendacis, & ad retinendos populos in abyssu errorum virtute daemonum elevabit se ex monte Oliveti cum magna maiestate in aera, & veniet usque ad summam ejus detrusurus Enoch & Eliam in terram; sed in eadem hora virtute divina deturbabitur cum summa ignominia, & confusione, & in terrae motu terra aperiet os suum, & vivus descendet in infernum, & omnes ejus Pseudoprophetae, & potissimi adhaerentes occidentur, & magna pars Jerusalem terrae motu corruet, & tunc primum judaei, & gentes reliquae videntes oculis virtutem Dei, & deceptionem sui Regis, & Pseudomessiae convertentur ad Dominum Deum suum; & ad Christum ejus, & percutientes pectora in timore horribili poenitentiam agent, & tunc primum dicent; quod Christus illis praedixit. Benedictus, qui venit in Nomine Domini. Unde dicitur.

Verf. 13. *Et in illa hora factus est terrae motus magnus, & decima pars civitatis cecidit, & occisa sunt in terrae motu nomina hominum septem millia, & reliqui in timorem sunt missi, & dederunt gloriam Deo cogli.*

## §. II.

*De novissima Tuba, ac ultimo vae.*

Cap. XI. v. 14—19.

I. Post tribulationem dierum illorum, & ruinam Antichristi; anni non erunt amplius, sed dies ad poenitentiam humano generi dabuntur, in quibus signa magna, & portenta horrenda in quatuor Elementis, in sole, & in luna, & in stellis, in mari, & montibus fient; dissolutionem coeli, & terrae, extremumque diem iudicii praecedentia; ita habetur Math. 24. Statim autem post tribulationem dierum illorum, sol obscurabitur, & luna non dabit lumen suum, & stellae cadent de coelo, & virtutes coelorum commovebuntur, & tunc parebit Signum Filii hominis in coelo: & tunc plangent omnes tribus terrae, & videbunt filium hominis venientem in nubibus cum virtute multa, & maiestate; & mittet angelos suos cum tuba, & voce magna, & congregabunt electos ejus a quatuor ventis, & a summis coelorum usque ad terminos eorum, & Luc. C. 21. Et erunt Signa in Sole, & luna, & in terris pressura gentium prae confusione sonitus maris, & fluctuum, hominibus arescentibus prae timore, & expectatione, quae supervenient universo orbi; itaque nec menses, nec anni amplius, sed dies pauci erunt, pleni omni miseria calamitatibus, & horrendis portentis; quia pugnabit pro eo orbis terrarum contra insensatos, quales maxime super terram vivent in novissimo tempore. Unde dicit etiam S. Joannes.

Verf. 14. *Quod tertium Vae sit venturum cito.* Hoc enim *tertium Vae* atque Novissimum omniumque horribilissimum, sicut & tubicinium septimum, atque etiam novissimum referuntur ad consummationem saeculi, dissolutionem mundi, ad extremumque diem iudicii: Sicut dictum est Sap. C. 10. v. 5. 6. 7. Caeterum septimus iste Angelus, qui tuba canet, non est malus,

E c 3

sed

sed bonus, scil. S. Michael Archangelus, qui instar Bel-  
 liducis finito bello, & porta victoria receptui aeterno  
 canet ad extremum, & universalem diem iudicii, resur-  
 rectionemque mortuorum, ut in eo manifestentur ab-  
 scoudita tenebrarum & consilia cordium, & milites Chri-  
 sti recipiant proemia, & coronentur omnes, qui legiti-  
 me certarint; hostes vero Dei, & milites diaboli suppli-  
 ciis depucentur aeternis. De hujus Angeli tuba loqui-  
 tur S. Paulus 1 Cor. C. 15. & vocat novissimam tubam.  
 Et 1 Theff. Cap. 4. Quoniam ipse Dominus in jussu,  
 & in voce Archangeli, & in tuba Dei descendet de coe-  
 lo, & mortui qui in Christo sunt, resurgent primi &c.  
 & Christus Matth. Cap. 24. Mittet Angelos suos cum  
 tuba, & voce magna, & congregabunt electos ejus a  
 quatuor ventis &c. itaque ad tubicinium hujus septimi  
 Angeli finietur praefens saeculum; cessabunt buccinae,  
 bella, peccata, & omnes calamitates. Dissolvetur ma-  
 china hujus mundi, novum coelum, & nova terra aedi-  
 ficabuntur, judicabit Deus saeculum per ignem, & con-  
 summabitur mysterium Regni Dei, sicut evangelizatum  
 est per servos suos Prophetas ab origine mundi.

II. Vers. 15. *Et septimus Angelus tuba cecinit :*  
*& factae sunt voces magnae, in coelo, dicentes: fa-*  
*ctum est regnum hujus mundi, Domini nostri, & ( bri-*  
*sti ejus, & regnabit in saecula saeculorum. Amen.*  
 Describitur his & sequentibus verbis laetitia, & jubi-  
 latio grandis jubilantis Ecclesiae super victoriam contra  
 Antichristum, & universum mundum facta, & quoniam  
 aliquando veniet dies Domini magnus, ad ultionem  
 inimicorum crucis Christi, & remunerationem servorum  
 ejus. *Et factae sunt voces magnae in coelo dicentes:*  
 h. e. In Ecclesia triumphante factae sunt magnae accla-  
 mationes Domino Deo, & Christo ejus; voces enim  
 Sanctorum sunt desideria, orationes, laudes, & gratia-  
 rum actiones, quas in consummatione saeculi devicto  
 Antichristo, & exterminatis omnibus ejus affectis de  
 terra,

terra, omnes Sancti Chori Martyrum, Virginum, Angelorum, omniumque sanctorum Christo Regi suo in summo amoris ardore, & submissionis affectu, acclamabunt, dicentes: *Factum est regnum hujus mundi, Domini nostri, & Christi ejus, & regnabit.* Est vox acclamantium Regi victori, qui devictis aliis omnibus regnis, & Regibus jam solus regnat super omnia, & regnum aliud jam non est, quod illi adversetur, aut non subjiciatur, ita acclamabit merito Domino Deo suo, & Christo ejus universa electorum Ecclesia triumphans in consummatione saeculi, quando regnum Antichristi omniaque regna funditus delebit; & ipse sibi constituet regnum, quod durabit in aeternum, & non erit Satan amplius; in praesenti regno militantis Ecclesiae Christi semper fuisse multi reges, sed ille solus regnabit in saecula saeculorum, & illi soli subjicientur omnia, & quidem omnes amici ejus in gloria, Inimici vero ejus in poena sempiterna, & quidem subjectione plena, contra quam rebellare amplius nemo poterit in aeternum. De regno hoc praevidit David. Pl. 109. dicens: Dixit Domino meo: sede a dextris meis, donec ponam inimicos tuos, scabellum pedum tuorum. *Et Dan. C. 2.* In diebus autem regnorum illorum suscitabit Deus coeli regnum, quod in aeternum non dissipabitur, & regnum ejus alteri populo non tradetur; comminuet autem, & consumet universa regna haec, & ipsum stabit in aeternum; sic etiam habetur *Luc. C. 1.* Et regni ejus non erit finis.

Verf. 16. *Et viginti quatuor Seniores, qui in conspectu Dei sedent in sedibus suis, ceciderunt in facies suas, & adoraverunt Deum, dicentes:* Per viginti quatuor Seniores universitas judicantium designatur, qui dicuntur jam sedere in sedibus suis ad intelligendum, judicium extremum & universale esse jam prae foribus, & proxime statimque futurum, ad quod iudices jam praeparati dicuntur sedere in sedibus suis judicialibus.

*Ceciderunt in facies suas, & adoraverunt, dicentes:* Hi sunt actus perfectissimae cujusdam submissionis, subjectionis, & latriae, quibus Sancti in coelo Domino Deo suo in summo amore, pace, & veritate perfectissime subjiciuntur, & ipsum solum adorant, glorificant, & laudant propter magnam gloriam suam in saecula saeculorum.

Verf. 17. *Gratias agimus tibi Domine Deus omnipotens, qui es, & qui eras, & qui venturus es.* Continent verba ista iterum actum justissimae cujusdam gratiarum actionis, cum adscribant Sancti Soli omnipotenti Deo suo, tanquam primo principio, & fonti aeterno honorum omnium, quid quid gloriae, & dignitatis habent in coelo, quid quid enim sumus, & quid quid erimus de omnibus his pater coeli & terrae in veritate glorificandus est, qui haec omnia prior nobis dedit:

Verf. 18. *Quia accepisti virtutem magnam, & regnasti. Et iratae sunt gentes, & advenit ira tua, & tempus mortuorum, judicari, & reddere mercedem servis tuis Prophetis, & Sanctis, & timentibus nomen tuum, pusillis & magnis, & exterminandi eos, qui corruperant terram.* Intimantur his verbis in specie causae hujus magnae solemnitatis, & laetitiae Sanctorum. Prima est, *quia accepisti virtutem tuam magnam, & regnasti.* Est usitatus ad hominem loquendi modus sacrae scripturae, quo exprimitur, quod Deus, qui est in se immutabilis, semperque omnia habet simul in se ad extra, contra omnes impios homines acceperit virtutem, id est, exercuerit, & executus fuerit finaliter contra inimicos suos, & subjugaverit sibi omnes, jam solus regnaturus in aeternum in perfectissima subjectione omnium inimicorum ejus, ut supra dictum, sic dicitur quis accipere gladium suum, & occidere inimicum, etiamsi gladius semper fuerit in ejus potestate, & prius habuerit ad latus, aut in manu. Eodem loquendi modo dicitur Pf. 92. Dominus regnavit, decorem induit, induitus



indutus est dominus fortitudinem, & praecinxit se. Plurima quidem magnalia operatus est Deus in successione temporum, sed in consummatione saeculi, quando occidet Antichristum cum omnibus impiis suis, & horrenda signa faciet, & coelum & terram dissolveth, & in extremo judicio sine exceptione personarum regis, & pauperis justissime judicabit omnes, & retribuet omnibus abundanter, & non filebit, neque dissimulabit amplius iniquitates sceleratorum. Rectissime Ecclesia triumphans jubilat, & acclamat illi, quod acceperit virtutem suam magnam, quasi in manu, & regnaverit jam solus, exterminatis omnibus regibus, & principibus hujus mundi, qui injustitiis, & rapinis, & oppressionibus innocentum pleni sunt. *Secunda causa est; & iratae sunt gentes*, quare iratae sunt, & irascuntur? quia non poterunt amplius in aeternum dominari, neque opprimere, neque affligere justum, neque devorare substantias viduarum, & pupillorum, & pauperum, neque frui amplius in omnem aeternitatem panibus desiderii animarum suarum, sed convertentur ad vesperam, & famem patientur, ut canes, & circuibunt civitatem Ps. 58. Sicut nunc circumeunt civitates eorum viduae, & pupilli, & pauperes, & famelici, & oppressi, & Sancti Dei, & non exaudiuntur. Quia itaque in omnem aeternitatem regnabit solus ille, qui pius, justus, sanctus, rectus & omnipotens est, & e contrario multorum Regum, principum, magnatum, & gentium gloria, nomenque impiorum, prosapia, divitiae, & voluptates veterascent in inferno, in tormentis sempiternis, & irredimilibus; gentes iratae sunt, & irascuntur contra regnum omnipotentis, ac sempiternum Jesu Christi Ps. 98. Dominus regnavit, irascantur populi, qui sedet super Cherubim, moveatur terra, sed ira illorum stulta erit, & tormentum aeternum, & vermis inextinguibilis, quia veterascent, & tabescent in doloribus sempiternis, & erit omnis effectus irae illorum contra Dominum sicut arena maris contra coelum coelorum, & minus. Unde

dicitur Ps. 117. Peccator videbit, & irascetur; dentibus suis fremet, & tabescet, desiderium peccatorum peribit. Erunt enim instar, canum famelicorum inclusorum sine spe egressionis in aeternum, quia & ipsi sine misericordia rapuerunt, & afflixerunt, & occiderunt sine sapientia secundum suam insipientiam in terris. Tertia causa erit: *Et advenit ira tua*, hoc est dies universalis vindictae, dies caliginis, & tempestatis magnae contra inimicos, qui irascantur, sed frustra; quia ira Dei erit iusta, & omnipotens, ipsorum vero ira imbecillis, & omnino impotens in aeternum. Et erit ira eorum contra Dominum, sicut ira formicae contra totum mundum, & minus. De hoc dicitur Ps. 2. Qui habitat in coelis, irridebit eos, & Dominus subsannabit eos, tunc loquetur ad eos in ira sua, & in furore suo conturbabit eos. Ego autem constitutus sum Rex ab eo super Sion montem Sanctum ejus. De hac ira prophetavit idem Psalmista David Ps. 20. Pones eos, ut clibanum ignis in tempore vultus tui; Dominus in ira sua conturbabit eos, & devorabit eos ignis. De hac ira Dei novissima consummationis passim loquitur David & scriptura Prophetarum, ad quos Lector remittitur; & de hac ira canit Ecclesia: Dies irae, dies illa &c. *Quarta causa est: Tempus mortuorum judicari* super hac ira, & iustissima vindicta Dei gaudent omnes Sancti Dei, & expectant eam; unde etiam servos suos consolatur in tribulationibus suis in hac vita, dicens: Mihi vindicta, & ego retribuam. Rom. Cap. 12. Deut. Cap. 32. Hoc est, retribuam in die iudicii extrema, universali, quam omnes iusti & sancti maxime desiderant, & gaudent in ipsa; 1<sup>mo</sup> quia omnes hypocritae revelabuntur, & confundentur confusione horribili, & stabunt iusti in magna constantia adversus eos, qui in mundo lucebant, & praeminebant divitiis, honorum gradibus, & Praelaturis; e contra pusilli illi, qui digni his fuerunt, jacebant in tenebris paupertatis, despectionis, & sub pedibus illorum. 2<sup>do</sup> Omnia ibi revelabuntur, quae hic fue-

re abscondita, & tunc retribuetur unicuique, quod iustum est, & laus erit unicuique a Domino. Hoc ipsum pro scuto patientiae ponit Paulus 1 Cor. Cap. 4. Itaque nolite ante tempus judicare, quoadusque veniat Dominus, qui illuminabit abscondita tenebrarum, & manifestabit consilia cordium, tunc laus erit unicuique a Deo; 3tio quia sine acceptione personarum iudicaturus est omnes, & nemo in oblivione erit, sicut minimus pauper, ita Rex, Praelatus, & dives ad Coloss. Cap. 3, Domino Christo servite, qui enim injuriam facit, recipiet id, quod inique gessit, & non est personarum acceptio apud Deum. Quinta causa est, retributio laborum, tribulationum; & omnium bonorum operum, quae propter Deum in hac vita exantlavimus. *Et reddere mercedem servis suis*; Est genus, quod continet in hoc contextu quatuor species, scil. *Prophetas, Sanctos, & timentes Nomen Domini, pusillos, & magnos*, ad notificandum nobis, quod nemo in oblivione Dei sit futurus, sed unusquisque etiam, qui in hac vita minimus reputabitur, recipiet justam & Sanctam mercedem laborum, tribulationum, patientiae, & omnium bonorum operum; unde dicitur, Baruch 3 C. O Israel! quam magna est Domus Dei, & ingens locus possessionis ejus. Et Jo. C. 14. Non turbetur cor vestrum; creditis in Deum, & in me credite, in domo Patris mei mansiones multae sunt. Sexta causa est, universale exterminium omnium malorum, & impiorum hominum super terram; omnes enim ibi exterminabuntur, & generatio impiorum funditus delebitur, qui ab origine mundi diversis temporibus per sanguinis innocentis effusionem & oppressionem justorum, & per suam sceleratissimam vitam corruperant terram, maxime vero in diebus novissimis corrupturi sunt, sicut Sodoma, & sicut Aegyptus, & sicut in diebus Noe, de quo dicitur Gen. Cap. 6. Corrupta est autem terra coram Deo, & repleta est iniquitate; ibi itaque erit universale exterminium omnium impiorum, quantumvis potentium; quod in-

timatur

timatur his verbis: *Et exterminandi eos, qui corrumpunt terram.*

III. Vers. 19. *Et apertum est templum Dei in coelo, & visa est arca testamenti ejus, in templo ejus, & facta sunt fulgura, & voces & terrae motus, & grando magna.* Ad praedictas acclamationes, laudes, & gratiarum actiones, & desideria triumphantis Ecclesiae; sequitur statim earum exauditió. scil. adventus Christi. *Et apertum est templum in coelo*, hoc est, Filius hominis venit, & apparuit in nubibus, ipse enim est templum Dei vivi Coloss. Cap. 2. Quia in ipso inhabitat omnis plenitudo divinitatis corporaliter, & ipse vocat corpus suum templum Joann. Cap. 2. *Et visa est arca Testamenti ejus in templo ejus*, hoc est, crux Christi, sive signum Filii hominis in coelo. Cur autem Signum S. crucis vocetur arca Testamenti ejus, ratio est, quia sicut in arca testamentum & secreta ejus inclusa, & abscondita manent, donec explicentur, & referentur; ita Crux Christi est vera arca novi Testamenti, in qua mysterium redemptionis nostrae, sive novi Testamenti manet absconditum ab oculis impiorum, usque ad extremum judicii diem, in quo manifestabitur, cujus jam haeredes esse nolunt, existimantes esse stultitiam 1 Cor. C. 1. Nos autem praedicamus Christum crucifixum, judaeis quidem scandalum, gentibus vero stultitiam. Sed quando apparebit & videbitur haec arca, videbunt & ipsi, & gement, sed fero. Apoc. Cap. 1. *Et plangent se super omnes tribus terrae.* Et alia scriptura dicit: videbunt, in quem transfixerunt. Jo. C. 19. Post haec dicuntur: *Facta fulgura, voces, terrae motus, & grando magna.* Per *fulgura* intelliguntur terrores magni de coelo, quia Christus, quando venerit, judicabit terram, & saeculum per ignem. Per *voces*, ejulatus, & ploratus impiorum, & jubilationes Sanctorum notantur. *Terrae motus magni* erunt, quando terra & mare dabunt mortuos suos, & resurgent omnes de sepulchris

chris suis; & quando Christus descenderit cum millibus millium judicare terram. Denique per grandinem indicatur tempestas illa magna, & horrenda, in qua a iudice aeternum damnati deturbabuntur cum Angelis apostatis in ignem aeternum, spiritu oris Christi dicentis: *Ite maledicti in ignem aeternum, qui paratus est diabolo, & angelis ejus.* Et quae in hoc undecimo capite de Antichristo, & extremo iudicio dicta sunt, generalis quaedam est descriptio, & incidentalis, ut Propheta sub septimo tubicinio semel ad finem pertingeret, omissis multis specialibus, & particularibus horrendis de regno Mahometis, & Antichristi, & de novissimis plagis, quae omnia ipsi in sequentibus novem capitibus revelata sunt.

## §. III.

*Concordantia duorum novissimorum Danielis cum tempore, quod S. Joannes posuit.*

I. A tempore, quo ablatum fuerit iuge Sacrificium, & intraverit Antichristus in regnum suum plenum, numerat Daniel mille ducentos ~~septuaginta~~ <sup>quingenta</sup> dies; S. Joannes vero posuit menses quadraginta ~~quatuor~~ <sup>quatuor</sup>, qui faciunt annos tres cum dimidio; dies vero mille ducentos septuaginta septem cum dimidio: discordant ergo diebus duodecim cum dimidio; sed recte; nam Daniel plenos dies regiminis Antichristi; S. Joannes vero novissimus Prophetarum, dies abbreviatos posuit, de quibus loquitur Christus Math. Cap. 24. Et nisi abbreviati fuissent dies illi, non fieret salva omnis caro propter electos. Abbreviabuntur ergo dies duodecim, & dimidius, quo tempore Antichristus volens ascendere post Enoch & Eliam astra, deturbabitur ad infernum. Regnabit ergo & saeviet Antichristus positus in pleno Regno (antecedentia enim tempora, quibus bella geret contra omnia regna, & sibi subjugabit omnia, hic non describuntur) 42 menses, qui faciunt annos 3 cum dimidio, dies vero 1277 cum dimidio; qui si defalcantur a diebus

c. 12. v. 11.

apoc. (3. 5.)

Cap. 12.  
v. 12.

1335, quos Daniel pro consummatione temporis novissimi posuit, remanent ad poenitentiam humano generi post interitum Antichristi 58 dies cum dimidio; sed quia Math. Cap. 24. dicitur, quod de die, & hora illa, nemo sciat, neque Angeli Dei in coelo, dies determinatos a Daniele oportet sumi respectu novissimi diei pro indeterminatis, sicut ponit S. Joannes in Cap. 10. praecedenti, & dicit: *Sed in diebus septimi Angeli, cum coeperit tuba canere, consummabitur mysterium Dei.* Deinde Daniel posuit dies, prout ipsi revelati sunt; novissima & determinata dies adventus Domini illi vero revelata non fuit, quae soli divinae praescientiae, & voluntati reservata est.

*Obijci potest*, quod S. Joannes posuerit pro tempore testimonii duorum Prophetarum 1260 dies, superius vero dictum fuit, post mortem eorum Antichristum adhuc 24 diebus regnaturum, qui simul computati faciunt dies 1284. Hinc plus quam 42 mensibus regnaret Antichristus, & abbreviatura non haberet locum secundum tot dies: *sed* dicitur, quod duo Prophetae illi sint tot diebus prius apparituri, antequam Antichristus sit intraturus in plenum regnum; unde verbum illud: *Bestia, quae ascendit de abyssu, faciet adversus eos bellum*: accipiendum est in praesenti, & non in praeterito.

*Finis Libri Quinti.*



**LIBER**



## LIBER SEXTUS.

IN CAPUT XII. XIII. XIV. XV.

*De quibusdam Specialibus, ac particularibus,  
quae S. Joanni de regno Mahometis, & Anticristi,  
& de novissimis plagis, nec non de novissimo Ecclesiae  
Triumpho, aliisque rebus circa Ecclesiam  
futuris, revelata fuere.*

## PRAENOTANDUM.

Postquam S. Joannes decursum Ecclesiae usque ad consummationem perduxerat, Deus illi quaedam specialia, mirabilia, & horrenda, secreta, & abstrusa mysteria in particulari ostendit, quae in decursu, & consummatione hujus mundi esset permissurus, qualia sunt *regnum Mahometis, & Anticristi, & alia multa*, quae in sequentibus capitibus sub diversis figuris, & aenigmatibus signantur.

*Sectio I.*

IN CAPUT XII &amp; XIII.

*De Bello, quod diabolus per Cosroen, Mahometem, & Anticristum intentavit, & intentabit.*

**B**ellum, quod in sequentibus describitur, est omnium crudelissimum, saevissimum, & maxime diuturnum, quo Princeps tenebrarum Lucifer, si esset possibile, totaliter, everteret Ecclesiam, sed portae inferi non praevalerunt adversus eam. Incipit hoc primum *in Cosroe*, horrendo tyranno, post quem ab Heraclio victum, suscitavit horribilius monstrum *Mahometem*, qui a persis abstulit regnum, & plura occupavit; durat usque huc Turcicum regnum, & occupat imperium plenum Sanguine

guine christianorum, hostis implacabilis & haereditarius. Et quamvis robor illius in consolationem Ecclesiae sit valde deprimendum aliquando, stabit tamen aliquod regnum illius, donec veniat filius perditionis, qui illud resuscitabit, & sanabit plagam illius, & intrabit illud, & subjugabit plurima, & novissime regnabit, & in ipso complebit Lucifer furorem suum.

## §. I.

*De bello, quod Diabolus per Cosroen in Ecclesia excitavit.*

Cap. XII. v. 1 — 15.

Verf. 1.

1. *Et Signum magnum apparuit in coelo. Mulier amissa sole, & luna sub pedibus ejus, & in capite ejus corona stellarum duodecim.*

Verf. 2. *Et in utero habens, clamabat parturiens, & cruciabatur, ut pariat &c.* Sub typo hujus mulieris, quae hic describitur, intelligitur Ecclesia Christi militans super terram. Recte, *mulier*; quia est sponsa Christi, & mater nostra Sancta, regenerans nos per baptismum in filios Dei: *Signum magnum* vocatur, cui contradicetur propter nomen Domini nostri Jesu Christi, quem blasphemabit filius perditionis, & pauci confitebuntur illum amplius in tempore illo propter saevitiam Tyrannidis. In coelo apparuisse significatur, quia Ecclesia quantumvis in terra posita crudelissima quaeque patiatur, & periclitetur, & angustietur, & in tempestatibus, & fluctibus maris hujus mundi inter procellas quarumcunque persecutionum circumagatur; tamen semper in protectione Dei coeli erit, & nunquam deferetur; & nihil fiet contra eam, nisi quae sanctissima Dei voluntas, & Christi ejus, permiserit. Nunquam enim Deus magis vigilat, & praesens est dilectis suis, quam ubi majores tribulationes, acrumnas, angustias, & pericula



ricula in eos permittat. Dicitur haec *mulier amicta sole*: Quia Christus JESUS Dominus Noster (qui est sol justitiae) semper suam Ecclesiam illuminat, informat sua assistentia divina, glorificat, & circumdat protectione sua Sancta, & dicitur in specie: *mulier amicta sole*, quia in novissimis diebus tribulationum saevissimarum maxime JESUS Christus assistet, & quasi informabit intime assistens Sanctos suos (*paucos quidem*) ne deficient. *Et luna sub pedibus ejus*. Per lunam designatur orbis terrae qui crescit, & decrescit quoad Christianitatem diversis temporibus, sicut luna: Et dicitur esse *luna sub pedibus ejus*, propter potestatem, quae data est Ecclesiae a Christo JESU in totum mundum, cui scil. subinde multi, subiade pauci obediunt, quia in temporibus suis secundum voluntatem Dei regna hujus mundi deficient a fide Christi, & aliquando accedunt, hinc etiam specialiter notatur, hic esse sub pedibus, quia in novissimis diebus per inhabitantes orbem terrae eclypsiabitur sol justitiae, Christus JESUS, & Ecclesia ejus, & pauci erunt, qui confitebuntur Nomen ejus Sanctum: e Diametro enim opponent se Principes terrarum, & ministri eorum, quibus scatebit totus mundus instar locustarum, & instar arenae maris, & instar foliorum arborum, & demergentur omnes in infernum propter iram Agni. *Et in capite ejus corona stellarum duodecim*. Per coronam stellarum duodecim significatur universitas Virorum Sanctorum, qui propugnabunt Ecclesiam, & nomen Christi contra torrentem impiorum, quales fuerunt Apostoli tempore persecutionum, quae in primitiva Ecclesia ad 300 annos contra Christianos horrende saevierunt. De his Dan. Cap. 12. qui docti fuerint, fulgebunt quasi splendor firmamenti, & qui ad justitiam erudiunt multos, quasi stellae in perpetuas aeternitates. Et hi omnes sunt *corona, & ornamentum Ecclesiae militantis* in terris, sicut stellae in coelis. *Et habens in utero clamabat parturiens, & cruciabatur, ut pariat*. His verbis exprimitur maxima angustia, dolor necessitas, & periculum,

riculum, in quibus Ecclesia Christi militans, atque ipsa etiam Monarchia Romani Imperii (quae etiam secundo & sensu altero literali per mulierem hanc designatur) versatae sunt, versantur, & versabuntur a facie Draconis, & Bestiae, & Pseudoprophetae. *Primo* tempore Phocae Imperatoris, qui sicut fuit impiissimus, sceleratissimus, & effoeminatissimus, effusus in omnia scelera, & non curans Imperium sibi commissum, ita eo regnante Cosroës Rex Persarum, & tyrannus saevissimus, & Barbari illum tantum non everterunt omnino, occupatis Aegypto, Palaestina & Jerusalem, captis, trucidatisque 90000 Christianis, capta etiam Lybia est, donec ad imperium eVectus Heraclius Armeniam invadit, & memorabili victoria fuso hostili exercitu ipsum Cosroën fugat, & triumphat iterum de Persis, quos aliis gravissimis tribus praëliis vincit, & supprimit, donec tandem crux Christi Sancta ablata, fuerit restituta; hanc ergo angustiam, dolorem, necessitatem, & periculum Ecclesiae Christi & Imperii Rom. videns S. Joannes tempore illo Phocae Imperatoris, describit ea sub aenigmate mulieris parturientis. Haec enim quatuor in parturiente vere comprehenduntur; *habens* ergo in *utero*, hoc est in gremio suo Heraclium futurum Imperatorem, *clamabat parturiens*, prae dolore, & angustia, & *cruciabatur* prae necessitate, & periculo, in quibus tunc stabat, *ut pariat* ex gremio suo per divinam ordinationem miserationemque fortem, & bonum Imperatorem, qui liberaret eam, quod factum est; quamvis postea lapsus in haeresin infelix effectus fuerit, & a Deo desertus, misere perierit, de quo infra. 2do Similem angustiam Ecclesia, & imperium Romanum ex tempore Mahometis patitur usque huc, subinde majorem, subinde minorem ab Imperio Mahometico, sive Turcico, quae bestia fortissima non cessat ex instinctu diabolico prosequi reliquias de semine ejus. 3tio Omnium maxima erit haec angustia in diebus novissimis Anti-Christi, qui sicut erit novissimus regum, ita omnium maxime saeviet,

viet, & iram suam in eo complebit serpens antiquus. Itaque hoc aenigma mulieris parturientis non ad unum, sed ad plura tempora proponitur, sub quibus Deus semper suscitabit masculos Imperatores, & Reges, & Principes, qui defendent Ecclesiam, & Romanum Imperium, ne omnino devorentur ab hac cruenta bestia; una enim Monarchia censetur hoc Imperium a Cosroe usque ad Antichristum, etiamsi aliquoties fuerit mutata, quia habent unum finem exterminandi scil. Christianitatem, & Rom. Imperium.

II. Vers. 3. *Et visum est aliud Signum in coelo: Et ecce Draco magnus, & rufus, habens capita septem, & cornua decem, & in capite ejus diademata septem.*

Vers. 4. *Et cauda ejus traherat tertiam partem stellarum coeli, & misit eas in terram.* Etiam hoc pessimum signum dicitur esse in coelo, quia impli quique, & omnia adversa, quantacunque sint, potestati divinae subjacent, & coarctantur, sic, ut ultra divinam Patris, qui est in coelis, permissionem nihil possint nocere. *Et ecce;* continet haec vox magnam admirationem, praemonitionem, stuporem, & monstrum rei eventurae. *Draco magnus, & rufus.* Hic est Lucifer omnium diabolorum, & impiorum Tyrannorum Princeps, quem, ne & nos seducamur, ipse S. Joannes explicans dicit; *Et projectus est draco ille magnus, serpens antiquus, qui vocatur diabolus & Satanas.* Dicitur vero *draco ille magnus*, propter maximam potestatem, quae data, & permissa est ei a Deo in Sanctos, & Ecclesiam, & Rom. Imperium a tempore praesertim Cosroe, & Mahometis usque ad Antichristum epilogum omnium Tyrannorum, omniumque scelerum, sacrilegiorum, & impasturarum Caput. Serpens, quando crescit in molem, & magnitudinem ingentem, tunc denominatur Draco, quod maxime verificabitur in novissimis diebus in Filio perditionis, *magnus* esse signatur a magnitudine victoriarum, *potentiae stupendae, & imposturarum, sive miraculo-*

rum falsorum multitudine, varietate mirabili, quae in instrumentis suis perpetrabit. *Rufus* vero a sanguine martyrum, & Christianorum, & quidem a sanguine Abel usque ad novissimum, qui occidendus est, pro gloria Dei, & pro Nomine Jesu, quod ipse sit Filius Dei; sicut enim ille ab initio non stetit, & reliquit domicilium suum a Deo datum, ita omnium homicidiorum author est. Item *Rufus* denotatur ab igne infernali, quo torquetur cum suis in saecula saeculorum. Item *Rufus* ob nimiam vehementiam, livorem, & stridorem invidiae, quo flagrat nocere humano generi, & Ecclesiae Christi, & omnia Consilia casta, Sancta, pia, & rationabilia evertere in similitudinem serpentum ruforum, sive bufonum, qui pestilentissimi esse noscuntur. Demum *Rufus* nominatur, quia est, & erit in novissimis diebus maxime, vaferrimus, mille artifex, ut in errorem inducantur, (si fieri potest) etiam electi: Ecce praedixi vobis, Math. C. 24. *Habens capita septem, & cornua decem, & in capitibus ejus diademata septem.* Per *capita septem* significatur universitas Regum, sive potius Tyrannorum, qui regnaturi erant in Monarchia Turcica usque ad finem. Per *decem Cornua* autem significatur, ac intelligitur universitas Regnorum, quae illis subicientur. Dicitur haec omnia habere *Draco*, quia ab eo reguntur, & impelluntur in omne malum, & tyrannidem contra Christianitatem; item quia possidentur ab illo, & in his pugnat, & saevit contra Nomen Domini Jesu Christi, & sponsam ejus Ecclesiam suam. Dicuntur etiam septem esse diademata in his capitibus, quia regia dignitas non deficiet in Monarchia hac turcica donec veniat filius perditionis, non enim peribit regnum turcicum totaliter; & *decem cornua* etiam decem reges sunt, vel potius decem reguli, qui in novissimis temporibus (dissipato in auram Romano Imperio) diademata sibi metipsis imponent, & unusquisque pro se regnare volet, quos filius perditionis vincet, & sibi subiciet; & ita accipiet maximam fortitudinem, & pugnabit

gnabit in his contra omnia, & vincet omnia, quia nimis efficietur fortis, sicut enim bestiae pugnant in cornibus, in quibus est fortitudo eorum, sic bestia haec in multitudine regnorum, & terrarum, quae occupabit, & praeualebit nimis. *Et cauda ejus trahabat tertiam partem stellarum coeli, & misit eas in terram.* Per caudam intelliguntur consequentia hujus Monarchiae diabolicae, quae traxit, & involuit tertiam partem stellarum, hoc est, Ecclesiam graecorum, quae paulatim defecit involuta multis erroribus a Rom. Ecclesia, occasione sectae Mahometicae, & jugo monarchiae Turcicae. Vocantur *Stellae coeli*, quia antea haec Ecclesia florebat viris Sanctis, & pluribus Doctoribus, & nos fere omnia, atque maxima lumina Ecclesiae Christi habemus exprimitiva, & graeca Ecclesia. *Et misit eas in terram*, quia graeca Ecclesia dispersa est, & sic manebit in terra Imperii Turcici usque ad dies filii perditionis, neque conciliabitur constanter Matri Sanctae nostrae, sed in novissimis diebus quasi omnium erit prima, quae adhaerebit filio perditionis, & pseudoprophetis, & pseudo Christo contra mulierem amictam sole, h. e. contra Ecclesiam veram Jesu Christi, & explodere juvabit more suo diabolico Homouision & spiritum sanctum, & adorabit, & adorari faciet super terram salvatorem mundi falsam, impostorem scelestissimum Antichristum. Item per caudam signantur Pseudochristiani, & pseudoprophetae, qui instar draconicae caudae pleni erunt veneno pestilentissimae Doctrinae, & inseparabiliter adhaerebunt Satanae, & sequentur quocunque ierit, operantes secundum voluntatem, & potestatem illi a Deo permissam, & seducent plurimos, sicut praedixit Christus Math. C. 24. Surgent enim pseudochristi, & pseudoprophetae, & dabunt signa magna, & prodigia &c. Hinc dicitur: *Et cauda ejus trahabat tertiam partem stellarum coeli, & misit eas in terram.* Per Stellas coeli intelliguntur Doctores, viri religiosi, & ecclesiastici etiam ex latina Ecclesia, qui in diebus novissimis (quando omnia sur-

sum, & deorsum vertentur, & Deus quasi dormiens, aut impotens omnia impiis ita permittet) scandalizabuntur, & per signa, & prodigia pseudoprophetarum seducuntur, & deficient a fide in Jesum Christum crucifixum Nazarenum, & tradent se voluptatibus carnis, & nubent, & corda immergent in amore, & concupiscentia mulierum, & tunc coelibatus, & castitas scandalum, & ludibrium erunt. Erit enim, sicut in diebus Noe, ut corrumpat omnis caro viam suam, & deleat Deus universum mundum per ignem. *Et misit eas in terram*, quia hi Apostatae uno spiritu adhaerebunt doctrinae falsae pseudoprophetarum, & exhibunt, & turbabunt Ecclesiam Christi horrende, & facient scandala maxima & seducunt populos, & gentes, & persequentur proximos, fratres, & praepositos suos, qui nolent sequi vias, & studia eorum pessima. Hinc Christus monuit Math. Cap. 24. Tunc tradent vos in tribulationem & occident vos, & eritis odio omnibus hominibus propter nomen meum, & tunc scandalizabuntur multi, & tradent invicem, & multi pseudoprophetae surgent, & seducunt multos, & quia abundabit iniquitas, refrigescet charitas multorum.

III. Vers. 5. *Et draco stetit ante mulierem, quae erat paritura, ut cum peperisset, filium ejus devoraret. Et peperit masculum, qui reclusus erat omnes gentes in virga ferrea, & raptus est filius ejus ad Deum, & ad Thronum ejus.* Ista statio ante, & in facie mulieris signat maximam quandam violentiam, & urgentissimam; & continuatam tyrannidem contra Ecclesiam Christi, & Monarchicum ejus imperium Romanum, quam primo exercuit Satan in Cosroe Rege Persarum, qui etiam hic literaliter, & recte est una persona cum Satana; ideoque vocatur draco secundario, & instrumentaliter, quia ipse est membrum, & cauda & in unum tendit finem; scil. ad evertendum Nomen Jesu Christi, & ejus S. Ecclesiam. Item & magis in Mahomete,

mete, & conſequente tyrannico ejus imperio uſque ad annos 1260, & noviffime in filio perditionis Antichriſto, qui complebit ſceleftiora in diebus, quam hi omnes in naturalibus annis; quia ſemel pro ſemper habetur certum, hoc draconis bellum ſaeviffimum & diuturniſſimum incipere a Coſrœe, continuari longiffime in Mahomete, & in ſequente imperio Turcico, & finire in Antichriſto in diebus naturalibus per Danieleſem, & S. Joannem ſignatis, de quibus jam dictum eſt, & dicentur plura; unde etiam ſciant omnes ſub aenigmate draconis tanquam Ducis, & Directoris, & beſtiarum, & cornuum, & capitum, & aquarum & mulierum omnia hæc, cum admiratione etiam, a S. Joanne deſcribi, quia hæc ſunt grandes & mirabiles diſperſiones contra Eccleſiam in probationem Electorum; ideo draco & Coſrœes, Mahometes, & omnes ejus ſucceſſores in Imperio turcico ſub ſecta Mahometica, & filius perditionis complerentum, contra Nomen Jeſu, & Eccleſiam ejus ſunt, & conſtituunt unum corpus, & unam beſtiam ſeu draconem. *Et draco ſtetit ante mulierem, quæ erat paritura.* Hæc verba ſignificant ſummam quandam anguſtiam, & proximum periculum interitus, quam primo ſuſtinuit Eccleſia Chriſti, & Monarchia imperialis tempore Phocæ Imperatoris, quo regnante Rex Perſarum Coſrœes occupavit maxima imperii Romani regna, & ubique devaſtatis Eccleſiis perſecutus eſt, & crudeliter ſine moderatione occidit Chriſtianos, & coepit civitatem Sanctam occiſis ibi 90000 Chriſtianis, abſtulitque S. crucem Chriſti, & niſi divina miſericordia prævidiſſet de liberatore Imperatore forti, tyrannus ille crudelis, & jam magnus factus, ex prædiſ & occupatis tot regnis inſtar draconis devoraſſet forte omnia; ſed divina providentia dedit in gremio filium maſculum, qui liberaret eam. Ideo dicitur: *quæ erat paritura, & cum peperiſſet, devoraret filium ejus;* quia Coſrœes inſolens victoriis venientem ad Imperium Rom. undique afflictiſſimum Heraclium voluit omnino devorare, & habere

p. 22. m.

an. 614.

mortuum. Unde nequidem iniquis conditionibus ab eo pacem obtinere potuit, confidebat enim Tyrannus in magnitudine potentiae suae, & victoriis ante habitis, & in regnis, & exercitibus suis.

IV. *Et peperit Filium masculum, qui recturus erat omnes gentes in virga ferrea.* Hic est Heraclius evellus ad imperium vere masculus, vere vir ab initio fortissimus, qui maximis cladibus repressit insolentiam Cosroe, plures & fortissimos exercitus ejus delevit, ipsam Persiam occupavit, crucem Sanctam in montem Calvariae restituit, dignus sane, qui super omnes gentes regnaret, & forsitan Deus stabilisset regnum ejus, & subiecisset illi omnes gentes, si non per haeresim Monothelitarum recessisset a Deo. Unde quam felix, & amabilis ab initio Deo & Ecclesiae, & Imperio Romano fuit, tam postea infelix, odibilis, & miserabilis factus est. Videant Reges & Principes, & omnes Magnates, quid possint cum auxilio Dei in amicitia ejus constituti, & quam impotentes, & infelices sint recedentes ab eo. *Qui regnaturus erat omnes gentes in virga ferrea.* Per virgam ferream intelligitur maxima, & fortissima quaedam potentia, quam Deus Heraclio fortis instar ferri dedisset, sub qua gentes barbaras in obedientia, servitute, devotione, & jugo continuisset, & omnes sibi subiecisset auxilio Dei, si non recessisset ab eo, & corripisset viam in medio cursus, lapsus in haeresim. Hinc signanter loquitur S. Joannes in imperfecto, *recturus erat*, & non in futuro absolute. Imperfectum enim, & plusquam perfectum non includunt absolutam, & perfectam futuritionem, sed conditionalem. *Et raptus est filius ejus ad Deum, & ad Thronum ejus.* His verbis exprimuntur Dei protectio, tutela, auxilia erga Heraclium, & judicium contra inimicos ejus. Item victoriae maximae, & exaltatio in thronum Imperii Romani: Ista enim spectant ad Deum, & dat cui, & quomodo, & quando & quamdiu vult. Legant tantum qui velint pugnas,

an. 629.

an. 629.



pugnas, & victoriam, & pietatem hujus Imperatoris erga Deum, & crucem Christi, & fateri debebunt illum a Domino Deo coeli fuisse eveſtum ad thronum Imperii Romani, & mirabilem tutelam in tot proeliis contra tam potentes hoſtes, & plures exercitus cum puſſillo grege praefitiſſe illi Deum; ſed quia in medio flore ſuo reliquit veritatem, occultis judiciis divinis etiam fuit derelictus, omnibus impoſterum infortuniis obnoxius, & infelix factus; & datus eſt introitus beſtiae in regnum maximum, ſtabile, & diuturnum ſcil. Mahometi, & ſucceſſoribus uſque ad Antichriſtum in probationem Eccleſiae Catholicae.

V. Verſ. 6. *Et mulier fugit in ſolitudinem, ubi habebat locum paratum a Deo, ut ibi paſcant eam diebus mille ducentis ſexaginta.* Poſtquam Deus vidit, quod res Chriſtianorum atque ipſius imperii Orientis ante faciem beſtiae mox exſurrecturae propter peccata, & malitiam hominum ſubſiſtere non poſſet, atque ipſa fides Cath. per ſuperbiam, & arrogantiam contra ſedem romanam multis paulatim tenebris errorum, haereſum, & ſchiſmatum obſcuretur, tranſtulit ſuam Eccleſiam, atque paulo poſt ipſum romanum Imperium in Germaniam, quae potiffima ex parte adhuc in errore gentilitatis jacebat ſepulta, & adorabat idola. Volens itaque Deus huic populo maximo clementiam ſuam impendere, miſit ex ordine celeberrimo S. Benediſti Sanctiſſimos viros, qui converterunt numine propitio ſucceſſive totam Germaniam, ex quorum numero paucos libet referre S. Goſarius Monachus Treviros convertit; S. Rupertus cum ſociis Bavariam, S. Priminus Saxones occidentales, S. Giſaloniſius Auſtriae Apoſtolus extitit, labore S. Richarii Abbatis Britanni ultra marini, Angli S. Auguſtini S. Bonifacii, & aliorum virorum ſanctorum ope fidem acceperunt Catholicam. S. Wilfridus, Friſos, S. Chilianus Francones convertit. Sic conſtituta tandem Germania in ſumma felicitate ad fidem Jeſu Chriſti per vi-

ros sanctissimos, & plurimos, quos tunc Deus in vineam istam frementibus bestiis submisit, conversa est. Et ex his plurimi fuderunt sanguinem suum pro Christo, quo irrigarent sterilem hanc solitudinem. Itaque pulcherrime dicitur: *Et mulier fugit in Solitudinem*, h. e. Deus transtulit Ecclesiam suam in Germaniam & partes Occidentales, quae metaphorice dicitur solitudo. 1<sup>mo</sup> Quod in ea non habitent homines, nullaque sit socialis vita. 2<sup>do</sup> quod sit latibulum frementium bestiarum; talis erat solitudo germania, Anglia, Britannia versus Occidentem, & Aquilonem, plena bestiis frementibus, h. e. idolorum sacerdotibus, & cultoribus, qui fremebant contra Evangelium Christi, & quia agnitio creatoris, & fides nostra exulabat a cordibus eorum, solitudo aestimabatur: *ubi habebat locum paratum a Deo*, h. e. dispositum ad receptionem fidei catholicae consequenter Ecclesiae Christi, quam superius per mulierem intelligi diximus; Deus enim multis argumentis & internis motibus, illustrationibusque divinis praedis posuit servis suis Germaniam, & partes Occidentales ad conversionem, *ut pascant eam diebus mille ducentis sexaginta*. Per haec verba exprimitur tempus, quo Ecclesia Latina, & Occidentalis durabit, scil. anni mille ducenti sexaginta; dies enim pro annis reputantur, quod frequens est in S. Scriptura. Initium autem hujus temporis sumitur ab exordio Monarchiae Turcicae, & ab exordio conversionis ad fidem Cath. Britannorum, & occidentalium nationum. Et sicut in veteri Testamento Israel hostem haereditarium semper habuit in gentibus, ita populus Christianus, & Ecclesia Christi habebunt gentes Turcarum, omniumque Barbarorum sub secta Mahometica, & juxta se adversarii semper stabunt usque in novissimos annos. Bestia haec plagam magnam gladii accipiet, & abscindet imperium Constantinopolitanum cum terris magnis Monarcha fortis; sed plagam hanc curabit cornu octavum Antichristi, qui intrabit in regnum plenum, & occupabit quasi omnia, & erit sublimis inter omnia, quae

quae in terris sunt. Dixi quasi omnia occupabit! hic enim exurget in reliquiis regni Mahometici Turcarum, & restituet illud cum foenore, & sic erit sublimis inter omnia, quae in terris sunt. *Ut pascant eam*: pascere est refocillare, enutrire, & conservare, quod Deus haecenus paterne Ecclesiae occidentali praestitit, & praestabit semper per praedicationem Evangelii, & exemplo Sanctorum: semper enim, & singulis saeculis misit in vineam suam operarios, & viros Sanctos, ita, ut nunquam defecerit, etiamsi turbata fuit per haeresees maxime Lutheranam.

VI. *Et factum est praelium magnum in coelo &c.* In sequentibus describitur contentio S. Michaelis, & Angelorum bonorum tutelarum, qua negotium, & stabilitionem Ecclesiae Cath. in Germania, & Occidente promovere, & resistentia draconis, & suorum Angelorum malorum, qua impedire, & evertere nitebantur, Et factum est praelium in coelo:

Verf. 7. *Michael, & Angeli ejus praeliabantur cum dracone, & draco pugnabat, & angeli ejus.* S. Michael protector est militantis Ecclesiae, & Angeli ejus, tutelares sunt Ecclesiarum, regnorum, & totius Christianitatis, millia, millium, quorum ipse Dux est, & Princeps, & militat secundum voluntatem Dei cum omnibus suis contra potestatem tenebrarum pro Ecclesia sibi commissa, & in diversis regnis per totum orbem terrarum, pro diversitate temporum diffusa, ac dilata; e contra draco Lucifer est serpens, antiquus, diabolus, & Satan; Angeli ejus sunt mali, & damnati reliqui spiritus, quos mittit in universum mundum ad delendam Ecclesiam, & nomen Christi. Priores ubique in Europa promovebant fidem Christianam; posteriores vero omni modo impedire, & evertere ea conabantur, quae illi plantabant, sollicitando animos conversarum gentium ad defectionem, ad seditiones, & bella, & tyrannidem, & iram contra sacerdotes, & Apostolos Christi.

sti. Item ipsamet in Ecclesia excitando falsos fratres, & filios Belial per haereses, qui faciant confusionem inter Christianos novos, scandalizando, & reliquis gentibus nondum conversis odium pariant, easque a conversione absterreant. Quae omnia quidem draco cum suis, temporibus illis sollicitè tentavit, & alicubi seditiones, defectiones, bella; effusionem Sanguinis Sanctorum, aliaque incommoda ad impediendam Germaniae conversionem, & occidentalium gentium excitavit, nihil tamen efficere potuit, virtute S. Michaelis & reliquorum Angelorum labore, industria, maximaque vigilantia, praecipue vero protectione, virtute, & voluntate Singulari Dei, qua misereri voluit ad preces, & merita Sanctorum virorum, Germaniae, & totius Europae, ideo dicitur in textu:

Verf. 8. *Et non valuerunt, neque locus inventus est eorum amplius in coelo*, hoc est, in Ecclesia Germaniae, sive occidentali; ut impediret, aut eam averteret, quia stabilita est fides Catholica, & per totam Europam latissime diffusa, potentia & pietate Caroli M. an. 800.

Verf. 9. *Et projectus est*, h. e. repulsam passus, proscriptus, & fugatus est cum suo exercitu a S. Michaeli, & exercitu ejus, sicut Rex solet expellere exercitum hostilem e regno suo, quod invasit. *Draco ille magnus, serpens antiquus, qui vocatur diabolus & Satanai, qui seducit universum orbem.* S. Joannes ad litteram hic explicavit, quid per draconem sit intelligendum, scil. Lucifer, qui vocatur draco ob magnitudinem potentiae, acumen intelligentiae, & astutiae magnae nimis. De quibus Gen. C. 3. Ponam inimicitias inter te, & mulierem, & ipsa conteret caput tuum, quod non solum de B. V. M. sed etiam de Ecclesia intelligendum est, contra quam etiam portae inferi non praevallebunt.

VII. Ex his liquet, quantum oporteat vigilare Episcopos, Praelatos, & curatos, Pastores animarum universos

versos super greges sibi commissos, cum Lucifer cum tot millibus millium quotidie & omnibus horis, & minutis, & sine intermissione incumbat nocere, & perdere animas; maxime cum ipsi polleant summa intelligentia omnium rerum, & a Spiritu S. constituti sint ad regendam Ecclesiam Dei. Liquet porro, quantam admirationem, gratiarum actionem, & confidentiam Christus Deus noster mereatur, qui nos homines, coecosque peccatores quotidie in tantis periculis, & insidiis constitutos tam paterne protegit, atque defendit per Angelos suos sanctos, qui summe a nobis amandi, & rogandi semper sunt: videbimus enim mirabilia & horrenda pericula & insidias, quando cortina carnis a nobis deciderit, quae declinavimus per tutelam SS. Angelorum, & divinam providentiam, ne aeternum damnamur. Sed nos quoque oportet semper vigilare, & non dare locum diabolo, quod monet S. Petrus, Petra, & Fundamentum Ecclesiae Christi dicens: 1 Pet. Cap. 5. Fratres sobrii estote, & vigilate, quia adversarius vester diabolus tanquam Leo rugiens circuit, quaerens, quem devoret, cui resistite fortes in fide. *Et projectus est in terram, & Angeli ejus cum illo missi sunt.* Per terram signatur terra, imperium, & Ecclesia Orientalis, in qua dictum fuit Stetisse Ante mulierem tempore Costrae, reje-cto enim ab Ecclesia Occidentali permissum est illi continuare saevitiem suam cum suis in Oriente ob malitiam & peccata illarum gentium, & ob superbiam, avaritiam, ambitionem, errores, & schismata graecae Ecclesiae contra Romanum Pontificem per Mahometem, & Monarchiam illius Turcicam, ut infra videbimus.

VIII. Vers. 10. *Et audiui vocem magnam in coelo dicentem: Nunc facta est salus, & virtus, & regnum Dei nostri, & potestates Christi ejus.* Sequitur gaudium, & laetitia, & aggratulatio triumphantis Ecclesiae super Germaniae, & occidentalium conversione, proprium enim est Sanctorum gaudere in bono, & averfari malum.

lum. *Et audiui vocem magnam in coelo dicentem.* Haec vox est vox victoris redeuntis de bello in coelum, scil. S. Michaelis Archangeli generalis Belliducis, & Protectoris Ecclesiae militantis super terram. *Nunc facta est salus, & virtus, & Regnum Dei nostri, & potestas Christi ejus.* Salus fit a Deo gentibus per conversionem ad veram fidem, quia sine fide impossibile est placere Deo, & salutem consequi. *Virtus* significat gratiam, & illustrationem, & miracula Spiritus Domini, quibus per operarios viros suos fortes, & Sanctos, gentes istas in tenebris, & in umbra mortis sedentes ad fidei veritatem, & ovile electorum perduxit. *Regnum* denotat subjectionem, qua gentes illae creatori, & vero Deo subiciebantur, & incipiebant servire illi, & adorare illum, qui prius idolis serviebant, & daemonia adorabant, & illis in miserrima servitute subiecti erant. Per *potestatem* Significatur jurisdictio Ecclesiae militantis, quam noviter acquisivit super gentes, & populos istos. Dicitur autem potestas Christi, quia ipsius est, & quia acquisivit eam testamento sanguinis sui &c. Et dedit Ecclesiae super terram. *Quia projectus est accusator fratrum nostrorum, qui accusabat illos ante conspectum Dei nostri die, ac nocte,* id est draconis virtus proscripta est, ac relegata a cordibus omnium istarum gentium cum omni sua idololatria, & impiis imposturis, & mendaciis. Vocatur *accusator fratrum nostrorum*, quia ex innata sua superbia semper coram Deo solet exprobrare humanam fragilitatem, & imperfectionem, sicut fecit Job. Cap. 2. Sic spernens simplicitatem maximam fratrum Monachorum temporibus illis evangelizantium, impossibile putabat, ut gentes tam prudentes, & populi tam feroces, & bellicosi, & copiosissimi per homines tam simplices converterentur ab idololatria ad fidem Christi, & ita dicitur illos accusare ante conspectum Dei.

Verf. 11. *Et ipsi vicerunt eum propter Sanguinem Agni, & propter verbum testimonii sui, & non dile-*  
xerunt

*xerunt animas suas usque ad mortem.* His verbis exprimitur victoria, & triumphus servorum, & operariorum Christi, quem de Satana, & Angelis ejus divina sibi gratia assistente tandem reportarunt, & vicerunt, adducendo paulatim omnes nationes Germaniae & occidentis ad ovile Domini sui Jesu Christi, baptizatis ubique millibus millium. Tria porro ponuntur in causa maximae hujus victoriae, scil. *Sanguis agni, verbum Testimonii sui, & quia non dilexerunt animas suas usque ad mortem.* Per sanguinem enim Jesu incrementum, & subsistentiam suam accipit Ecclesia, per praedicationem vero Evangelii plantationem, & per Sanguinem Martyrum irrigationem. Sanguis enim Martyrum irrigatio est Christianorum; *& non dilexerunt animas suas usque ad mortem*, hoc est, tradiderunt se pro amore Nominis Jesu, & pro conversione errantium animarum in omnia incommoda, & pericula mortis, & afflictiones multas, & in ipsam mortem, sanguinem suum fundendo pro Christi nomine; multi enim Martyrio affecti gloriosissime vicerunt. Legantur desuper Annales ab Ao. 600, & infra ad annum usque 800.

Verf. 12. *Propterea laetamini coeli, & qui habitatis in eis.* His verbis pax, & gaudium, & laetitia, & requies indicantur Ecclesiae militantis super terram, cum aggratulatione victoriae, & triumphus facti de suis inimicis; sicut solet consolari civitatem, vel regnum suum, & jubet laetari, & gaudere rediens victor de inimicis suis pessimis, qui crudeliter, & diu afflixerunt illud, & possederunt per tyrannidem.

IX. *Vae terrae & mari; quia descendit diabolus ad vos, habens iram magnam, sciens, quod modicum tempus habet.* His verbis intimatur Ecclesiae graecae, totique Orienti vae, quod significat maximam tribulationem, tyrannidem, servitutem, & persecutionem eventuram ex instinctu diaboli per sectam Mahometicam, & ejus Monarchiam subsequendam, quae Deus ju-

ste

ste erat permissurus ob duram cervicem graeciae, & Orientalis Ecclesiae, gentiumque illarum peccata. *Habens iram magnam*, quia Satan est hostis implacabilis, & haereditarius gentis humanae, qui, si in uno loco, & parte mundi nocere non potest, irascitur, saevit, stridet, & ubi illi a Deo permissum est, nocet, & perdit, & dissipat; hinc, quia turpissimam fugam & repulsam ab occidentali Ecclesia passus fuit, iratus dixit: revertar in domum meam, unde exivi Math. Cap. 12. *Sciens, quod modicum tempus habet*: His verbis exprimitur livor draconis, & ingratitude inexplicabilis contra Creatorem suum tam amabilem, tam benignum, tam misericordem, tam largum, & bonum, qui creavit, & constituit nihilum aeternum Luciferi & Apostatarum Angelorum ejus in tanta essentia, potentia, intelligentia, & sapientia, & prudentia. Omne tempus ipsi breve nimis est ad explendam libidinem livoris, & irae, & invidiae, & superbiae, & praesumptionis contra creatoris sui bonitatem, & voluntatem, & contra genus humanum, cujus naturam assumpsit verbum ejus, propter quod Lucifer cum suis excidit, & reliquit domicilium, & principatum suum. *Sciens, quia modicum tempus habet*. Potissima tempora nocendi, & perdendi animas in veteri testamento jam transierunt, & in lege gratiae ligatus est, ut parum possit: Et quia hoc tempus praesens nocendi, & exercendi livorem suum respectu aeternitatis (ubi totus ligatus cum suis in saecula saeculorum cruciabitur) parvum est, & quasi pro aliquibus tantum momentis reputari potest, hinc dicitur habens iram magnam, quia tempus ipsi nimis breve est ad livorem suum, & nequitiam suam, & imposturas suas, & dominatum superbiae suae exercendum.

Verf. 13. *Et postquam vidit draco, quod projectus esset in terram, persecutus est mulierem, quae peperit masculum*. Hic per masculum Carolus Magnus intelligitur, quem Ecclesia peperit Ao. 800, evchendo illum  
ad



ad romanum imperium, qui primus germanorum Imperator fuit, & Ecclesiam latinam, & occidentalem mire adjuvit, exaltavit, dotavit, defendit, & dilatavit; tantum legantur historiae desuper. *Et videns draco*, hoc est, postquam vidit, quod conversionem gentium occidentalium, & Germaniae impedire non posset, sed rejectus, depulsus, & proscriptus esset in terram Orientem, scil. Palaestinam, persecutus est mulierem sive latinam Ecclesiam, turbando eam, seditiones, & factiones excitando in ea, quod & factum est sub Leone III. Pontifice, qui evocavit Carolum M. per quem etiam in securitatem, & tranquillitatem pristinam est restituta, & hic est ille masculus, quem mulier secundo peperit, scil. evehendo illum ad Imperium Romanum; ipse enim Leo Pontifex coronam Capiti ejus imposuit, & pronuntiavit illum Imperatorem. Item dicitur; *persecutus esse mulierem*: quia serpens ille habet iram implacabilem, & tam inflexibilem livorem erga genus humanum, & Christi Ecclesiam, ut, ubi veritatem, & justitiam Dei impedire, & evertere non potest, saltem nunquam desistat tentare, vexare, & quaevis contraria excitare, quod consolationi esse debet, & informationi omnibus iis, qui in praesenti vita tam immanes, turpes, & horrendas tentationes sustinent contra fidem, castitatem, & omnem Dei justitiam, quorum omnium author est Satan, qui pati non potest, si anima Christiana velit pie vivere. Hinc cogitare debemus, nos esse Dei amicos, & ambulare in via veritatis ad vitam aeternam, si multum tribulamur, & varias sustinemus tentationes.

X. *Et datae sunt mulieri alae duae aquilae magnae, ut volaret in desertum in locum suum, ubi alitur per tempus, & tempora, & dimidium temporis, a facie serpentis.* Aquila magna Carolus magnus est, & Imperium Romanum, quod in illo translatum est ad Germanos; quales omnes Imperatores erunt, qui regnaturi sunt usque ad novissimum. *Duae alae sunt Principis,*

G g

patius,

patus, & potestates, & dominationes, & Electoratus, in quibus volat, dominaturque aquila. *Et datae sunt mulieri* h. e. Ecclesiae, scil. occidentali, ut videmus oculis nostris, & his volat, & sustentatur, & sustentabitur per 1260 annos, *qui sunt tempus, & tempora, & dimidium temporis*; mille enim anni sunt tempus decem saeculorum, & ducenti anni sunt tempora, duo saecula, & dimidium temporis sunt sexaginta anni, quasi saeculum dimidium, quibus durabit Ecclesia Occidentalis; sed computari oportet istos annos incipiendo ab exordio sectae Mahometicae, & Monarchiae turcicae, ubi etiam Deus incepit transplantare Ecclesiam suam in Occidentem: *ut volaret in desertum in locum suum, ubi alitur per tempus, & tempora, & dimidium temporis a facie serpentis*. Haec verba significant, quod Ecclesia Christi (quae in oriente semper fuit instabilis) in Occidente (quod vocatur desertum) sit pedem fixura, nidum suum positura, & sedem suam habitura usque ad novissimum scil. per 1260 annos. Sumitur metaphora, & similitudo ab avibus, quae nascuntur silvas, & arbores, & loca juxta fluentia aquarum in montibus, ubi tutae sunt ab aucupibus, amant nidificare, & ova sua excludere, & generare; sic Ecclesia Christi fugiens ab Oriente a facie serpentis, nidum suum in Occidente posuit, & generavit millia millium Deo in vitam aeternam ex proposito voluntatis Patris per Filium suum Jesum ab aeterno. *Ut volaret in desertum*. Per *volatum* Significatur libertas mulieris metaphoricæ sumpta ab avibus, quae volant alis suis; sic Ecclesia Christi in Occidente habebit libertatem semper profitendi fidem Catholicam *alis Aquilae magnae*, h. e. potestate, & protectione Romani Imperii, quibus volabit semper, & possidebit nidum suum, ut generationem suam perficiat secundum propositum voluntatis Dei; omnes enim Imperatores erunt Catholici usque ad novissimum; *ut volaret in desertum*, h. e. germaniam; ut possideret eam, & *locum suum*; quia etsi per haereticos, & defectiones a fide in Occidente multa amise-

amiserit Ecclesia Christi, tamen semper habebit locum suum praedestinatum a Deo secundum tempora nationum. *In locum suum*, quia in novissimis etiam diebus nidum suum, & sedem suam habebit Ecclesia Christi in occidente scilicet in montibus, & desertis, & cavernis petrarum, *A facie serpentis*; quia in novissimis diebus, h. e. sub regimine Antichristi, Ecclesia habebit locum suum in Occidente, & abscondetur in montibus, & desertis, & cavernis petrarum a facie serpentis. Unde Christus Math. Cap. 24. Tunc, qui in Judaea sunt, fugiant ad montes, & qui in tecto, non descendant, tollere aliquid de domo sua; & qui in agro, non revertantur, tollere tunicam suam.

Verf. 15. *Et misit serpens ex ore suo post mulierem aquam, tanquam flumen, ut eam faceret trahi a flumine.* Aqua, quam serpens misit ex ore suo tanquam flumen, tribulationes sunt maximae, quas per schismata excitavit contra Ecclesiam latinam, quasi per 200 continuos annos. Aqua populi multorum exercituum sunt, quos ex instigatione Satanae ex avaritia & ambitione Imperatores ad intrudendos Antipapas, & Antiepiscopos miserunt contra Ecclesiam latinam. Tantum legantur historiae, strobili illarum tragoediarum circa saecula undecimum, duodecimum, & decimum tertium. Dicitur Signanter: *misit aquam post mulierem tanquam flumen*: quia tribulatio hujus schismatis maxima, & diuturna futura erat; Sicut enim flumen continet multas aquas, & continuo fluit: ita quasi torrentem continuum calamitatum, & tribulationum ex schismatibus, & bellorum moribus orientium. *Misit serpens post mulierem, ut faceret trahi eam a flumine*, h. e. ut fidem Christi, & latinam Ecclesiam, vel sic tandem migrare faceret ex Germania, & Occidente, sed Deus adjuvit Ecclesiam suam, semper restringendo schismata in tempore, donec tandem omnino extincta sunt. Unde additur:

Verf. 16. *Et adjuvit terra mulierem, & aperuit terra os suum, & absorbuit flumen quod misit draco de ore suo*, quia non praevalere poterant, sed in tempore omnes schismatici cum suis exercitibus, quibus Ecclesiam impugnabant, & cogere volebant ad recipienda idola sua turpissima, quae illegitime obtrudebant, perierunt, & mortui terra absorpti, h. e. sepulti sunt. Et Ecclesia Christi accepit quietem, & stabilitatem tranquillam, & ob hoc draco dicitur esse

Verf. 17. *Iratus in mulierem*, h. e. in Ecclesiam latinam, seu Occidentalem (quae est maxima, amplissima, & populosissima) eoquod pessima quaeque tentans vincere non potuit. *Et abiit facere praelium cum reliquis, de semine ejus, qui custodiunt mandata Dei, & habent testimonium Iesu Christi*. Reliqui de semine mulieris sunt reliquiae Christianorum in Graecia, & Orientali Ecclesia hinc inde dispersae, quas draco tam turpem repulsam, & proscriptionem ab occidentali Ecclesia passus summa vi statuit prosequi, & ideo dicitur:

Verf. 18. *Stetisse supra arenam maris*, quibus verbis intimatur abstrusa quaedam meditatio invenientium malorum, quibus se vindicet contra suos hostes, atque vel sic livori, & invidiae suae satisfaciat, & hoc egregie assecutus est, assequitur, & assequetur per sectam Mahometicam, & ejus Monarchiam, tyrannidem, & eam tam diuturnam, & per schismata Graecorum.

## §. II.

*De Bello, quod diabolus per Mahometem & Antichristum intentavit, intentabitque.*

Cap. XIII. v. 1 — 10.

Verf. 1.

I. *Et vidi de mari bestiam ascendentem habentem capita Septem, & cornua decem, & super cornua ejus diade-*

*diademata decem, & super capita ejus nomina blasphemiae.*

Verf. 2. *Et bestia, quam vidi similis erat pardo; & pedes ejus sicut pedes ursi, & os ejus sicut os leonis, & dedit illi draco virtutem suam, & potestatem magnam.*

Bestia haec, quae ascendit de mari, regnum Mahometicum, sive Turcicum est, de quo etiam scribit Daniel Cap. 7. v. 7. Dicitur autem *ascendisse de mari*, quia in insulis maris, & inter maria coepit regnum ejus; & imo quidem dux factus est Arabum. *Septem Capita:* universitatem regum significant, qui regnaturi erunt in hoc regno usque ad consummationem. *Decem cornua* universitas sunt regnorum, & provinciarum, quae subiecta sunt, & subjicientur in novissimis diebus sub cornu novissimo, quod erit Antichristus, ut infra videbimus. *Decem reges* sunt, in quos regnum aliquando scindetur, & ipsum destruent uno tempore, & tradent illud bestiae; ideo dicitur: *Et super cornua ejus decem diademata*, quae sunt coronae regiae & *super capita ejus nomina blasphemiae*. Nomina blasphemiae titulus sunt regum turcicorum, qui continuant superbiam stupendam; & blasphemias contra Dei majestatem, & gloriam, & honorem ejus, qui solus est magnus, & potentissimus, & sapientissimus creator & Fundator coeli & terrae, & Fundator regnorum; & omnium saeculorum. *Nomina blasphemiae* quoque sunt sectae, & Alcoranus, sive lex Mahometica, quae continent admirabiles blasphemias, & falsitates. Dicuntur esse *super capita*, quia omnes, qui regnaturi erunt in regno hoc, uno spiritu secuturi erunt sectam illam, & defendent, & manu tenebunt eam, ut nunquam deficiat. *Nomina Blasphemiae* etiam doctrina sunt Antichristi, qui ultimum cornu, & bestia est, & ipsa etiam octava bestia est, & de septem est, ut videbimus infra Cap. 14. *Et bestia, quam vidi, similis erat pardo, & pedes ejus, sicut pedes ursi, &*

*os ejus, sicut os leonis.* Bestia haec comparatur pardo, propter velocitatem, ferociam; potentiam, fortitudinem, & superbiam, quia regnum hoc futurum erat velocissimum, & ferocissimum contra totam Christianitatem, maxime in cornu novissimo, quod est Antichristus. Pedes dicitur habere, sicut pedes *ursi* ob latitudinem regnorum, quia occupabit, & figet pedem suum longe, lateque maxime in diebus cornu novissimi. Proprium enim est hujus regni omnia aggredi, omnia occupare, & si semel civitatem aliquam obsident, non parcant populis, & pecuniis, & rebus omnibus, neque tempori cedunt, neque cessant facile, donec accipiant eam, & pedem figant, & progrediantur ulterius. Itaque regnum hoc pestilentissimum, & ferocissimum habet pedes robustissimos, & latas plantas instar ursi, in occupatione regnorum, provinciarum, civitatum, Insularum, & locorum hujusmodi; item, quia conculcabit Sancta Sanctorum, instar ursi in rabiem aeti Antichristus novissimum cornu; additur habere *os, sicut os Leonis*; quia hoc regnum confracturum, & comminaturum erit omnia regna super terram, maxime in cornu novissimo. De quo loquitur Daniel Cap. 7. v. 7. 8. 19. 20. 21. 23, 24. 25. Illud enim commovebit, & confringet, & comminuet, & obstupescere faciet universum orbem terrarum, & habitantes in eo, & erit scandalum, & ruina animarum. *Et dedit illi Draco virtutem suam, & potestatem magnam.* Dupliciter Satan virtutem suam, & potestatem aliis dare potest. 1mo Extrinsece scil. assistendo, consilia suggerendo mala, operando effectus praeter naturam, & haec praestitit Mahometi, & regno ejus, praestatque suis; 2do intrinsece informando, possidendo, & quasi assumendo corpus, & animam alicujus hominis, quod factum quidem, & permissum a Deo nunquam fuit, fiet autem, & permittetur in filio perditionis, unde quia Lucifer superbissimus est; & simia, quae conatur aemulari, & imitari in omnibus divinitatem, intreat, informabit, & possidebit, & quasi assu-

met corpus, & animam Antichristi ab utero matris, & intrinsece subsistet ibi inhabitando corporaliter, & operabitur Antichristus ex virtute, & potestate ejus mirabilia; sicut enim verbum Dei assumpsit vere, & hypostatice naturam humanam, ut ita humanitati Christi per unionem hypostaticam fuerit virtus, & potestas divina, quaecunque operandi in coelo, & in terra, in veritate communicata, ad demonstrandum, quod ipse sit Filius Dei: ita Simili modo, sed non in veritate, per opera mirabilia conabitur Satan ostendere, & persuadebit fere omnibus (qui non sunt scripti in libro vitae, & agni) inhabitare spiritualiter divinitatem in Antichristo. Et sic dicitur Draco ille, *dedisse virtutem suam, & potestatem magnam*. Nemo existimet, me consequenter loqui, confundendo bestiam cum Antichristo, nam Prophetæ solent sub aenigmate unius alicujus rei, plura diversis temporibus futura comprehendere, quando ad unum finem & Signum tendunt. Unde quia Mahomet, & successores ejus, & maxime Antichristus (complementum novissimum praevaricationis, & omnium scelerum) unum finem habent, scil. negare, & evertere nomen Domini nostri JESU Christi, omnes unum corpus sunt, & una bestia sunt, & Antichristus maxime & propriissime vocatur bestia, quia ipse erit omnium scelestissimus, potentissimus, & regnum ejus novissimum, amplissimum, & fortissimum; saeviet, & rugiet contra nomen Domini nostri JESU Christi instar Leonis, & conculcabit Sancta Sanctorum instar urfi. Porro quicumque negant JESUM Christum Filium Dei venisse in carne, hi antichristi sunt, & omnes unum corpus constituunt, cujus Caput, & cauda est filius perditionis, & Antichristus. Hinc dicitur: 1 Joannis Cap. 2. Quia Antichristus venit, & nunc multi Antichristi facti sunt, hoc est in membris, & prodromis suis venit, donec ipse veniat in propria persona, ut compleat praevaricationem.

II. Vers. 3. *Et vidi unum de capitibus suis, quasi occisum in mortem: & plaga mortis ejus curata est. Et admirata est universa terra post bestiam.* Verba haec abstrusum sensum continent: 1mo dicitur unum de cornibus ejus quasi occisum in mortem, & additur bestiam habere plagam mortis & gladii, quia futurum est, ut Mahometicum, & Turcicum regnum accipiat cladem, & ruinam quasi ad internecionem, & stabit exile regnum, quod resuscitabit Antichristus, & ipse intrabit regnum, & recuperabit omnia amissa, & addet multa majora, & ipse nascetur, & exhibet ex reliquiis regni hujus. Idem dicitur Daniel C. 7. cum admiratione magna de cornu illo orto ex decem cornibus, quod habebat oculos, & os loquens grandia, & majus erat ceteris 2do additur: *Et plaga mortis ejus curata est*, quod in Antichristo explebitur, qui suscitabit regnum gentium, quod prius cadet plurimum; & hoc majus erit ceteris omnibus ab origine mundi. Unde 3tio dicitur: *Quod admirata sit universa terra post bestiam*, h. e. repululantem, reviviscentem, renascentem, resurgentem ex tam contrita turba, & humiliato, lacerato, & quasi occiso, & agonizante regno gentium. Hinc vim quandam continent verba haec: *Et admirata est universa terra post bestiam*; quia post bestiam compositum est ex post, & bestia; sensus itaque est, quod obstupuerit, & quasi in extasi raptus sit mundus totus super exsurgente & consequente rege illo novissimo omnium gentium qui erit Antichristus.

III. Vers. 4. *Et adoraverunt draconem, qui dedit potestatem bestiae; & adoraverunt bestiam, dicentes: quis similis bestiae? & quis poterit pugnare cum ea?* Haec verba pulchre cum prioribus concordant, adorabunt enim gentes omnes Luciferum corporaliter inhabitantem in Antichristo, existimantes divinitatem seu Deitatem esse, & existere in illo, propter potentiam, & opera & signa maxima, quae faciet in virtute Luciferi, &



& propter sapientiam, & doctrinam, & grandia, quae loquetur ex suggestione illius; ipse in naturalibus Angelorum perfectissimus est, & stupendus in potentia, ex cuius assistentia filius perditionis operabitur mirabilia quaeque, & stupenda permittente sic Deo coeli & terrae propter malitiam hominum super terram, quia implebit mundus in novissimis diebus mensuram praevaricationum; videntes itaque potentiam, & signa, & sapientiam, & portenta magna nimis hominis illius, omnes gentes adorabunt illum, colent eum, ut Deum & Messiam; ideo Subditur: *Et adoraverunt bestiam*; sicut nos adoramus verum filium hominis propter inhabitantem Deitatem. *Quis similis bestiae, & quis poterit pugnare cum ea?* Haec verba significant universam quandam Apostasiam a fide in Deum coeli, & terrae, & maxime in Jesum Christum filium ejus, quod venerit in carne; omnes gentes enim cum Judaeis, & etiam Christiani plurimi videntes potentiam, & sapientiam, & admiranda nimis hominis illius opera, decipientur per malitiam suam, & peccata grandia nimis, ob quae Deus permittet illos labi in sensum reprobum; hi omnes discedent a Domino Deo, & negabunt Jesum filium Dei esse, & venisse in carne, adorabunt filium perditionis, profitendo, ipsum solum esse Deum, & Messiam; unde pulchre subnectitur: *Quis similis bestiae? Et quis poterit pugnare cum ea?* Continent verba ista exprobrationem contra Deum coeli, & Christum ejus, primam quoad essentiam, secundam circa omnipotentiam, quae duo soli uni, & vero Deo, qui creavit coelum & terram, & venit in mundum, competunt. Et in diebus illis impii homines tribuent illi filio perditionis propter stupendam potentiam ejus, & signa mirabilia, quae faciet; & adorabunt eum ut Deum & Messiam, dicentes: *Quis similis bestiae? & quis poterit pugnare cum ea?* Vox exprobrantis est magna nimis contra Deum coeli, & terrae, & contra Christum & contra Sanctos ejus, & contra Prophetas, & servos ejus,

& contra Martyres ejus, & contra omne; quod in coelo, & in terra est, quod scil. nihil simile sit bestiae quoad essentiam, & potentiam, sed ipse Deus sit, & Messias, Figurae hujusmodi exprobrationis praecefferunt in Pharaone, & maxime 1 Reg. Cap. 17. in Goliatho.

IV. Vers. 5. *Et datum est ei os loquens magna, & blasphemias, & data est ei potestas facere quadraginta duos menses.* In sequentibus exprimitur potestas bestiae permissa a Deo, & ob quam omnes gentes adhaerebunt illi, & adorabunt illam ut Deum, imo dicitur: *Datum est ei os loquens magna, & blasphemias;* sumitur instrumentalis causa pro principali, qui erit ejus maxima, & stupenda sapientia, & scientia a Dracone illi data, ex quo loquetur magna, h. e. admirabilia, planfabilia, alta & secreta, quae hominum intelligentiam excedent, per quae seducet omnes gentes ut credant, illum esse Deum, & Messiam; & *blasphemias*, quia negabit Sanctissimam Trinitatem, & Filium Dei venisse in carne. Explodet etiam doctrinam Christi, & novum testamentum totum. *Et data est ei potestas facere menses quadraginta duos.* Hoc est tempus bestiae; quodsi referatur ad durationem universam regni Turcici, erunt tot anni, quot 42 menses habent dies; si vero ad regimen referatur, & tyrannidem novissimam posthumi, sive post bestiae, quae est Antichristus, complementum novissimum, & egilogus regni gentium, pro naturalibus mensibus & diebus sumi debent, eruntque anni tres cum dimidio: tot enim quasi annis durabit regnum turcicum gentium ab origine sui usque ad finem, quot diebus rugiet & saeviet Antichristus; oportet autem includere annos, quibus bestia portabit, & habebit aliquando plagam gladii quasi mortis; quia, etsi maximam ruinam hoc sit accepturum, tamen totaliter non peribit, sed stabit de semine ejus, donec reveletur, & intret in regnum sibi praeparatum filius perditiones.

Vers.

Verf. 6. 3tio Et aperuit os suum in blasphemias ad Deum, blasphemare nomen ejus, & tabernaculum ejus, & eos, qui in coelo habitant. Dicitur aperuisse os suum; Qui prius tacuit Antichristus, quando sederit in plenitudine regni sui, aperiet os non solum per se, sed etiam per suos pseudoprophetas & pseudoapostolos, & evomet odium & blasphemias in Deum. Porro tria ponuntur, quae blasphemabit in specie: *Nomen ejus, & tabernaculum ejus, & eos, qui in coelo habitant.* Nomen Dei est, quod alteri nulli competit, neque in coelo, neque in terra, neque subtus terram, & hoc blasphemabit, & non permittet amplius coli, & nominari, prout Christiani colunt; odium enim & perfidiam hic draco exercet contra nomen Domini (quod est altissimus) cui aliquando similis esse voluit. *Per tabernaculum ejus* intelligitur humana natura, quam verbum Dei assumpsit, & corporaliter divinitas inhabitabit, & inhabitat in coelo. Blasphemias in hoc tabernaculum evomet Antichristus cum suis, & occidet omnes, qui colent illud, aut confitebuntur, Deum venisse in carne, & Christum crucifixum esse Messiam; isti, qui *in coelo habitant*, sunt S. Apostoli, & Martyres, qui pro nomine Jesu passi sunt; & annuntiaverunt nomen ejus mundo. Item Christiani maxime doctores, & praedicatores existentes tunc adhuc in militante Ecclesia (quae coelum soepe vocatur in scriptura) & resistent illius perfidiae & potestati: hos omnes blasphemabunt & traducent coram omnibus gentibus, Antichristus, & ejus asseclae. Hinc Christus praedixit Math. Cap. 24. & eritis odio omnibus hominibus propter nomen meum.

Verf. 7. 4to Et datum est ei bellum facere cum Sanctis, & vincere eos. Hoc primario intelligitur de Enoch, & Elia, ut vid. Sup. Cap. 11. Secundario vero de omnibus, qui restituri sunt Antichristo, & pseudoprophetis, & pseudoapostolis ejus, & praedicabunt, & confitebuntur nomen Domini nostri Jesu Christi crucifixi.

fixi. Ibi abundanter implebitur dictum S. Pauli, dicentis: Nos praedicamus Jesum Christum crucifixum Judaeis quidem scandalum, gentibus vero stultitiam. Victoria autem bestiae, quae ascensura est de abyssu contra Sanctos, id est, justos, pios, & timentes Deum, erit tantummodo super terram, & in praesenti vita duplicatur. 1mo In stupendis operibus, & imposturis abstrusissimis; & in applausu doctrinae, & sapientiae ejus magnae, quibus judaei & omnes gentes uno spiritu credent, & adhaerebunt illi magis, quam veritati, quam Sancti, & justi Dei uno spiritu illis cum Enoch, & Elia praedicabunt. 2do In potentia, & nervo belli, & amplitudine regnorum maxima, & impietate, & perfidia gentium, & judaeorum, quorum omnium occasione, & auxilio passim justi Dei mactabuntur sicut pecora, quia nemo indemnis poterit confiteri, & praedicare nomen Domini Jesu Christi Filii Dei. 3to *Et data est illi potestas in omnem tribum, & populum, & linguam, & gentem.* His verbis potentia regni ejus praedicitur, quae talis erit, qualis nunquam fuit ab origine mundi; ipsi enim adhaerebunt uno spiritu omnes tribus & populi, & linguae, & gentes; Hisce etiam explicatur, & exprimitur calamitas temporum illorum. Per tribus intelliguntur reliquiae judaeorum, qui omnes uno spiritu ex omnibus angulis mundi, in quos fuere dispersi, congregabuntur, & fortitudinem accipient, & quasi volabunt ad Filium perditionis, & accipient illum pro Messia, & inexplicabiliter saevient in Christianos, qui confitebuntur, & annuntiabunt nomen Domini Jesu Christi, quod ipse fuerit Messias; ligatus est enim (donec intret plenitudo gentium) furor, & perfidia, & potestas eorum. Hinc dicit significanter Christus Joann. Cap. 5. Ego veni in Namine Patris mei, & non accepistis me si alius venerit in nomine suo, illum accipietis &c. Per *populos* signantur Christiani, qui, & si populus electus sint, tamen deficient (paucis respective exceptis) a Deo creatore suo, & amabilissimo redemptore Jesu ad idololatriciam

latriam Antichristi. Hoc salvator Luc. Cap. 18. v. 8. praedixit: Veruntamen filius hominis veniens, putasne, inveniet fidem in terra? Per *omnem linguam* intimatur, nullam fore in diebus illis nationem, & linguam sub sole, ex quibus non omnes quasi ad unum consensuri, & adhaesuri sint filio perditionis contra verum, & amabilem Deum suum, creatorem coeli, & Christum ejus, quae ingratitude nullis lacrymis satis deplorari potest. Per *omnem gentem* nobis datur intelligi, quod, sicut ab origine mundi, & origine Ecclesiae Christi gentes orientales, & septentrionales nunquam steterunt in fide diu, sed perpetuum bellum moverunt inter se (sicut experientia constat) ita vel maxime in diebus novissimis omnes uno spiritu & furore solventur cum Antichristo in exterminium christianitatis, quia illas facile seducet stupendis suis signis, & prodigiis mendacibus.

Verf. 8. *6to Et adoraverunt eam omnes, qui inhabitant terram, quorum non sunt scripta nomina in libro vitae Agni, qui occisus est ab origine mundi:* id est, omnes reprobi tribuent illi cultum latriae, relicto vero Deo suo, & Christo ejus. *Scripti in libro vitae,* electi sunt Dei; liber vero *vitalis Agni* praescientia Dei, & scrutatrix cordium, ex qua etiam ab aeterno disposuit regnum suum, & voluit unicuique dare secundum opera sua in filio suo Jesu Christo. Unde Apostolus ad Rom. Cap. 8. dicit: quos praescivit, & praedestinavit, conformes fieri imaginis filii sui, ut ipse sit primogenitus in multis fratribus, quos autem praedestinavit, hos & vocavit, & quos vocavit, hos & justificavit, quos autem justificavit, hos & glorificavit. Hic liber vitae (secundum nostrum captum) similis est Catalogo praeceptoris in schola, quem conficit ex profectu in virtutibus, ac doctrina singulorum, & eum promulgari curat in fine anni; & tunc singuli, qui digni sunt, ascendant ad altiora, aut proemiis, & laudibus ornantur; sic faciet nobis Deus in fine mundi, in novissima die; & tunc

tunc apparebit, quod nemini fecerit injuriam, sed omnibus secundum opera distribuerit, & distribuat proemia, aut poenas aeternas; opera enim illorum sequuntur illos. Item similitudo Regis est, qui victis hostibus, & parva victoria civibus, & militibus suis fidelibus, & fortibus largitur proemia, ignavis autem, & timidis, & proditoribus poenas, & ignominias. *Qui occisus est ab origine mundi;* Verba haec continent causam mortis Christi, & immolationis ejus in cruce, sunt peccata totius generis humani perpetrata ab origine mundi, ob quae crucifixus, & mortuus est, ut reconciliaret omnes homines Deo Patri. Hoc prophetavit Isaïas Cap. 53. v. 4. & Cap. 56. 57. 58. Si ergo Deus voluit in manibus impiorum tradi, & mori filium pro peccatis nostris, quid nos dicemus, si in nos, & in Ecclesiam suam permittat praevalere impios homines, Tyrannos, quorum persecutione corripimur, & emendamus, & deducimur ad vitam aeternam. Hinc ordinarie impli praevalent in praesenti saeculo, & justī, qui causam Dei zelant, opprimuntur, & succumbunt impiis, maxime permittetur a Deo in diebus filii perditionis, ut, quicumque zelaverint Nomen Domini Jesu Christi, sive in armis, & exercitibus belli, sive in doctrina veritatis contra bestiam, illi succumbant, perdantur, & occidantur. Ad intelligendam, & inculcandam Ecclesiae, ac toti Christianitati futuram hanc stupendam permissionem divinam subdit Propheta:

Verf. 9 & 10. *Siquis aurem habet, audiat; Qui in captivitatem duxerit, in captivitatem vadet; qui in gladio occiderit, oportet eum gladio occidi.* In captivitatem ducere, & gladio occidere propria militum, & bellorum sunt; sensus ergo hic est. Quicumque Rex, Princeps, aut populus Christianus voluerit resistere bestiae in bello, succumbet, & occidetur, & captivus ducetur; cum enim in novissimis Diebus exterminium mundi instet, Deus permittet, sanctissimos, & fortissimos,

mos,

mos, & fidelissimos quosque servos suos vinci, & martari instar victimarum, ut numerus Martyrum impleatur. Unde in diebus illis non erit fortitudo, aut victoria, & nemo poterit stare in bello a facie bestiae, & exercituum ejus; maxime vero tunc confortabuntur judaei, & erunt in maximo numero, & saevient in eos, qui confitebuntur Nomen Domini Jesu Christi crucifixi prae omnibus gentibus. Itaque in diebus illis erit victoria Christianorum vinci, pati, cruciari, manere fideles in fide in Dominum Jesum Christum Crucifixum, & mori. Hinc additur signanter; *Hic est patientia, & fides sanctorum*; hanc novissimam & stupendam desolationem Christianorum in passione sua Christus Dominus noster allegorice intimavit nobis, quando jussit emere gladios, & postea dixit Petro: *Converte gladium tuum in locum suum; omnes enim, qui acceperint gladium, gladio peribunt.*

## §. III.

*De turpissimo, & scelestissimo idolo, Antipapa, qui lacerabit Ecclesiam Occidentalem, & adorare faciet bestiam primam.*

Cap. XIII. v. 11 — 18.

Vers. 11.

1. *Et vidi aliam bestiam ascendentem de terra, & habebat cornua, duo similia agni, & loquebatur sicut draco.* Bestia ascendens de terra est pseudopropheta, & annuntiator filii perditionis, quod ipse sit Christus, & ipse erit dextera illius manus, in qua operabitur mirabilia tam insignis, quam in bellis unde Daniel Cap. 11. dicitur. Et mittet manus suas in terras, bestia dicitur *ascendere de terra*, quia Antichristus cum suis occupabit tyrannidem, in Oriente, & inter maria; hic autem surget, praevalebit, & saeviet in terra, quae est contigna inter maria, in qua hoc tempore romanum imperium, regna, & terra sacerdotalis continentur, significatur

catur habere *duo cornua similia agni*, quia apostata erit, Christianus, & exsurgat clam, & fraudulentem, & congregabit judaeos, qui in diebus illis valde erunt ubique multiplicati, & uno spiritu adhaerebunt illi, & intrabit terram sacerdotalem exercitu magno, & occupabit sedem Petri, & occidet novissimum Pontificem, Successorem ejus, & fundet sanguinem Christianorum, maxime eorum, qui praesunt, tanquam aquam in circuitu Jerusalem, & dispergentur Ecclesiae in deserta, & solitudines, & sylvas, & montes, & in cavernas Petrarum, quia percutietur pastor, & dispergentur oves; erit enim sicut in die passionis Christi, qui ibi ad novissimam desolationem respexisse videtur, quando dixit: scriptum est enim percutiam pastorem, & dispergentur oves; Tunc lacerabitur Ecclesia latina, & fiet totalis discessio a fide, & revelabitur filius perditionis per hunc pseudopropheta, quod ipse sit Christus. Item notatur habere *duo cornua similia agni*, quia habebit potestatem stupenda loquendi, & operandi, sicut in veritate de Christo dicitur Luc. Cap. 24. Qui fuit vir Propheta potens in opere, & sermone coram Deo, & omni populo, quae duo erant quasi cornua Christi, ut jam dictum Cap. 5. in quibus pugnabat, & vincebat judaeos, & gentes. Similem, & stupendam potestatem habebit ille pseudopropheta; sed non in veritate, & ex Deo, sed a dracone, in quibus seducet habitantes in terra; unde subditur: *Et loquebatur sicut draco*; hoc est, talem illi draco dabit sapientiam, & astutiam loquendi, & seducendi homines, ac si ipse in persona in carne ambularet super terram. Denique haec duo cornua lex, & Prophetiae sunt, in quibus sicut testimonia, & figurae pulcherrimae & plurimae continentur in veritate de Christo Jesu Nazareno Crucifixo, ex quibus etiam probavit, & discipulis in Emaus manifeste ostendit (exponendo illis omnia a Moyse, & Prophetis, quae de ipso scripta erant Luc. Cap. 24. v. 27.) Quod ipse sit Christus Filius Dei; ita idolum illud scelestissimum haec duo, i. e. testimonia librorum legis, & propheta-



phetarum quasi capiti suo imponet, veluti cornua, & impugnabit in illis, & ex iis quemcunque, & demonstrabit fallaciter, nunc venisse Christum, & redemptorem gentis judaeae, & Deum gentium, Regem scilicet Jerusalem & confirmabit Signis, & in scandalum inducentur plurimi Christiani, & quasi omnes deficient a confessione nominis Jesu Nazareni crucifixi; prius autem tollentur, qui praesunt, pastores animarum Dan. C. 11. v. 32, 33, 34, 35.

Verf. 12. *Et potestatem prioris bestiae omnem faciebat*; quia habebit omnem potestatem tenebrarum, sicut filius perditionis, in qua majora, & magis stupenda operabitur ad inducendas omnes gentes ut credant, quod ille sit Christus, qui venit in mundum. Ille enim pseudopropheta uno spiritu agglutinatus erit filio perditionis, & zelabit ejus honorem super omnia; unde additur: *faciebat potestatem omnem in conspectu ejus*; quae verba significant honorem, & glorificationem alterius propter ea, quae operatur, & loquitur in conspectu aliorum propter alterum ad extollendam auctoritatem ejusdem; unde sequitur: *& faciet terram, & inhabitantes in ea adorare bestiam primam, cujus curata est plaga mortis*. Dupliciter faciet, terram & inhabitantes in ea adorare bestiam. 1mo Quia subjiciet illi bello terras plurimas; 2do vere faciet persuasionem, ut inhabitantes terram adorent cultu latriae Regem Jerusalem (qui erit diebus illis famosissimus) tanquam Deum ac Christum, qui erat venturus in mundum; de plaga bestiae jam supra dictum. Quomodo vero, & quibus mediis hoc sit effecturus, atque tot gentes, & populos, ipsosque Christianos in tantam dementiam, & scelus inducturus sit, subditur porro:

Verf. 13. *Et fecit Signa magna, ut etiam ignem faceret descendere de coelo in terram in conspectu hominum.*

Verf. 14. *Et seduxit habitantes in terra propter Signa, quae data sunt illi facere in conspectu bestiae, dicens habitantibus in terra, ut faciant imaginem bestiae, quae habet plagam gladii, & vixit.*

Verf. 15. *Et datum est illi, ut daret spiritum imagini bestiae: ut loquatur imago bestiae, & faciat, ut, quicumque non adaraverint imaginem bestiae, occidantur.* Ista omnia fient ad literam, & horrenda nimis erunt ea omnia, quae Deus in diebus illis, propter peccata hominum, & ad probationem electorum suorum permittet. Ceterum signa illa omnia faciet, partim ex occulta virtute daemonum; erit enim stupendus magus, qualis nunquam fuit ab origine mundi. Unde demerabit etiam Christianos plurimos. De imagine autem bestiae sic erit in novissimis diebus: tolletur sacrificium ubique terrarum, & hostiae sacrae, quae ubique conquirentur studiose, pedibus conculcabuntur, & in ignem projicientur, aliisque majoribus contumeliis afficientur a judaeis maxime, qui tunc soluti erunt, & praevalerunt ubique, altaria destruentur, sacratae vestes sacerdotum, & templorum ornamenta, & altaria comburentur igne; reliquiae sanctorum conculcabuntur; vasa autem auri, & argenti, & pretiosa quaeque colligentur, & erigetur ubique idolum abominationis, sive imago Antichristi Regis Jerusalem, in quo daemonia inhabitabunt, quae loquentur, & signa facient, & haec erit abominatio desolationis, de qua Christus Math. Cap. 24. Cum videritis abominationem desolationis, quae dicta est a Daniele Propheta &c. In diebus illis conquirentur Christiani, & trahentur ad altare, & cogentur adorare imaginem bestiae, scil. Regis Jerusalem, quod ipse sit Christus, & Deus, qui venerit visitare populum suum, & congregare eum a dissipatione sua inter gentes, & a iugo, & servitute Christianorum; & quicumque noluerint sic adorare, miris modis & exquisitis tormentis cruciabuatur, & occidentur, quia bestia, & pseudoprophetæ

phetae ejus quasi ubique supremam manum, & nervum armorum habebunt, cui nemo resistere poterit, & tunc victoria Christianorum tantum erit pati, vinci, mori, & exterminari. Erit enim calamitas, sicut in diebus Regis Antiochi 1 Machab. Cap. 1. qui vera figura fuit, & sicut in diebus Diocletiani, & acerbior. Et dispergetur Ecclesia, sicut liber involutus, quando a vento difficitur, lege Lib. 1 Machab. Cap. 1. & habes vivam imaginem dierum novissimorum; similiter tempora illa recogita, quibus Diocletianus, & Maximianus saevierunt in exterminium Christianitatis totius, quae tamen omnia non nili figura fuerunt novissimae abominationis & desolationis, & crudelitatis Antichristianae, quae erit longe crudelior, & abominabilior. Hinc Math. Cap. 24. dicitur: Erit tunc tribulatio magna, qualis non fuit ab initio mundi, usque modo, neque fiet. Maxime autem differet persecutio novissima ab omnibus antecedentibus, quia in tempore illo erit maxima, & incredibilis seductio hominum propter stupenda signa, quae permittentur ab illis fieri. Item magna erit etiam defectio propter exquisitissima tormenta, & diuturnos, & acutissimos cruciatus inventos, quae expavescentes homines deficient, & adorabunt idola bestiae erecta; ideo pauci erunt in diebus illis, qui subsistent in confessione veri Dei. & Nominis Jesu Nazareni crucifixi; hinc illa vox: quis similis bestiae? & quis poterit pugnare cum ea?

Verf. 16. *Et faciet omnes pusillos, & magnos, & divites, & pauperes, & liberos, & servos, habere characterem in dextera manu sua, aut in frontibus suis.*

Verf. 17. *Et ne quis possit emere, aut vendere, nisi qui habet characterem, aut nomen bestiae, aut numerum nominis ejus. Hic sapientia est.*

Verf. 18. *Qui habet intellectum, computet numerum bestiae. Numerus enim hominis est: & numerus ejus sexcenti sexaginta sex.*

H h 2 : 

II.

II. Haec verba continent 1mo tormentum famis; qua Christiani sic exterminabuntur ex tabulis suis, ut veniant, & cogantur adorare idolum, sive imaginem bestiae, ut possint emere sibi necessaria ad vitam. Sicut enim fames hominem maxime, diuque cruciat, & sero permittit mori; ita erit tormentum acutissimum, & potentissimum, quo homines ad adorandum idolum abominationis trahentur. 2do Impedimentum structum omnis negotiationis, quam quia homines etiam maximi aestimant, & nihil non tentant, ut eorum commercia, & negotiationes libere illis permittantur, quod videmus in mercatoribus, & quotidiana experientia constat de omnibus, maxime plebeis hominibus. Hinc hoc impedimentum erit laqueus magnus, ut adcrent homines imaginem bestiae, & deficiant a confessione nominis Jesu Christi crucifixi Nazareni. Quod autem ad characterem spectat, sic erit; sicut Reges solent in honorem & memoriam nativitatis, regiminisque cadere numismata aurea, in quibus eorum imago, nomen, & tempus certorum annorum, & insignia inscribuntur, & quibus, sicut ex ungue Leonis, gradus dignitatis & majestatis cujusque agnoscat, & celebretur: simile quid, & crudelius fiet in diebus illis; omnes, qui adhaerebunt filio perditionis, habebunt certum quendam characterem, sive signaculum impressum, ad modum, quo balneatores, & alii gerere solent, plebei quidem in frontibus, nobiliores autem in dextera manu, & quicumque, & quotiescunque aliqui adolebunt incensum, & adducentur, ut adorent imaginem bestiae, ipsi statim accipient per impressionem illam figuram bestiae, & quicumque illud signum habuerit, & ostenderit, omnem habebit libertatem emendi, vendendi, proficiscendi, & omnia alia negotiandi, & faciendi, & quicumque non habuerit, & ostenderit, neque vendendi, aut emendi, neque negotiandi, neque proficiscendi, neque aliud quidquam agendi publice habebit potestatem. Quandocunque enim, & ubicunque aliquis hujusmodi deprehenderetur, captivus ducetur, & crucia-

cruciabitur, & ad idola abominationis trahetur, & si noluerit adorare, crudelissime occidetur. Erit laqueus iste magnus, quod, ut pleniorum effectum suum sortiatur, in omnibus portis civitatis, & in oppidis, & in foro, & in omnibus nundinis, & in viis publicis, & in omni portu marino (quia omnia in potestate illorum erunt in diebus illis) ponentur artissimae custodiae, & erigentur in his omnibus idola, sive imagines bestiae dicta de causa, & quicumque aut in portis civitatis, aut in oppidis, aut in foro vendentium, aut ementium, aut in itineribus publicis, aut in portis marinis reperti fuerint, & non habebunt characterem bestiae, rapiuntur statim ad idola ibidem erecta, ut adoleant incensum, & adorent imaginem bestiae, quod ille sit Christus, qui venit in mundum, scil. Rex Jerusalem, & accipient characterem bestiae, & si quis noluerit adorare, cruciabitur, torquetur, & tandem occidetur, & haec erit patientia illorum in diebus illis. O quam gloriosa, & ardua erunt martyria, & quanto desiderio victoriae sancti in coelo spectabunt agones militum Christi pugnantium in stadio, & quantum suavitatis odorem dabunt in coelo, in conspectu Dei, & Agni cadentes victimae! Videtur sponsus Ecclesiam suam leniter demulcere ad constantiam, perseverantiam, & victoriam Cant. 4. C. Veni de Libano Sponsa mea, veni de Libano, veni, coronaberis de capite Amanae, de vertice Sanir, & Hermon, de cubilibus leonum, de montibus pardorum. S. Propheta sex hominum species enumerat, quas bestia faciet habere characterem, scil. *Pueros, & magnos, divites, & pauperes, liberos, & servos.* Nihil in hoc libro ponitur sine causa, & omnia continent sapientiam. Per *pueros* notantur parvuli, & infantes, qui nascentur in diebus illis, aut nati sunt prius & baptizati quia filius perditionis & pseudopropheta ejus abolebunt omnem baptismum in nomine SS. Trinitatis factum, & faciendum; unde curabunt, & cogent omnes parvulos, juvenes, & puellas accipere characterem bestiae in fronte, & abjicere

baptismum a Jesu Christo Nazareno crucifixo institutum. Infantes autem, qui nascentur in diebus illis, baptizari prohibebunt, & cogent accipere in fronte characterem bestiae, & si quis pater, aut mater curaverit baptizari filium, aut filiam suam, cruciabitur, & occidetur. Hinc dicit Christus Math. Cap. 24. *Vae autem praegnantibus, & nutriendis illis diebus.* Per *magnos* signantur adulti; per *divites* vero Principes, & Potentes, & nobiliores in populo. Per *pauperes* plebs; per *liberos* res publicae; per *servos* demum infima foex hominum, servorum, ancillarum, & mancipiorum, qui omnes accipient characterem, & imaginem bestiae adorabunt. *Et ne quis possit emere, aut vendere, nisi qui habent characterem, aut nomen bestiae, aut numerum nominis ejus.* Haec in idem recidunt, eruntque certum Signum, quo omnes affeculae ejus, & cultores insignientur. Vocatur hoc signum *character*, quia imprimetur, continebitque certas literas in certa lingua, *nomen* vero, quia illae literae expriment, & formabunt nomen ejus. Denique *numerus*, quia eadem literae significant numerum 666, *numerus hominis & nomen ejus, & numerum annorum ejus*, quo nasceretur. Hic *Sapientia est. Qui habet intellectum, computet numerum bestiae: numerus enim hominis est, & numerus ejus sexcenti, sexaginta sex.* Provocat S. Propheta humanum ingenium ad solvendum hoc aenigma. Sciendum est, quod liber Apocalypseos fuerit scriptus in lingua graeca, ubi non habetur numerus iste expressus 666. Sed graecum nomen *ἄρτεμος*, quod duo habet, imo Interpretatur *vel* significat contrarius, 2do Continet secundum literas hunc numerum 666. Literae enim certae apud graecos sicut apud latinos certum numerum significant, & ita interpres in latino non secundum significationem rei, sed numeri interpretatus est *ἄρτεμος* & posuit: *Et numerus ejus sexcenti sexaginta sex, ἄρτεμος* adjectivum est, & proprium antonomastice erit filio perditionis, contrarium esse vero Christo, & omni, quod dicitur Deus. Unde Salvator noster dedit illi

illi nomen Antichristus, compositum ex ἀντί, quod significat latine *Contra*, & χριστός, quod significat messiam, sive promissum salvatorem mundi, ἄνθρωπος itaque proprium & substantivum nomen ejus non erit, sed nomen ejus, quo vocabit se, & in quo omne genu illi flectetur super terram, erit Christus. Hinc Salvator Mathaei Cap. 24 toties praemonet, ne permittamus nos seduci in diebus illis, quando dicitur. Ecce hic est Christus, aut illic, nolite credere, ecce in deserto est, nolite exire; ecce in penetralibus, nolite credere; aenigmatis ergo hujus est interpretatio. *Character* literae sunt, haebraicae, quae imprimuntur in omnium dextera manu, aut in fronte, significantes graece χριστός, latine vero Christus. Et quia non erit Christus, sed antichristus, sive contrarius Christo in omnibus, S. Joannes in graeco posuit, quod nomen ejus sit *numerus hominis*, & numerus ejus ἄνθρωπος, id est, contrarius Christo; sive antichristus, ut appellat noster salvator. Et Latinus interpres hoc fuit interpretatus in Latino, & numerus ejus sexcenti, sexaginta sex, quem numerum constituunt literae graecae ἄνθρωπος. α enim 1. v. 50. ρ. 300. & 5. μ 40, ο 70. & σ 200 significant, quae simul juncta facient numerum 666. Porro numerus iste 666 numerus mensium est, qui constituunt annos 55, & medium, numerum scil. annorum, quibus nascetur, & vivet bestia: Anno enim Christi 1855, & in dimidio nascetur bestia, scil. saeculo nono hujus millenarii, & vivet etiam 55 annos cum dimidio; in summaque furia, & potentia nimia saeviet, & exterminabit una cum suo pseudopropheta Ecclesiam, & disperget gregem Christi, & occidet, & vincet fideles omnes propter potestatem, quae data est illi mensibus 42 in omnem tribum, & populum, & linguam, & gentem, facere bellum contra Sanctos Dei, & vincere illos per illud tempus, quo sedebit in pleno regno. Interim implebuntur dies bestiae prioris (scil. sectae, & Monarchiae Mahometicae) anni 1260, nam in saeculo ultimo, in primo secundarii anno, suo-

que vitae quinquagesimo quinto & dimidio occidetur filius perditionis Spiritu oris Jesu Nazareni crucifixi, & convertentur reliquiae judaeorum, & dicent: Benedictus, qui venit in nomine Domini, & tunc coeli impetu magno solventur, & Deus judicabit populum suum, De die autem, & hora nemo scit, neque Angeli coelorum, nisi solus Pater Math, Cap. 24.



## Sectio II.

IN CAPUT XIV & XV.

De Gloria & Triumpho Ecclesiae.

§. I.

De Gloria, & Triumpho SS. Martyrum, qui in diebus illis pro nomine Jesu, & Patris ejus fortissime morientur.

Cap. XIV. v. 1 — 13.

1. *Et vidi, & ecce Agnus stabat supra montem Sion, & cum eo centum quadraginta quatuor millia, habentes nomen ejus, & nomen Patris ejus scriptum in frontibus suis.*

1. *Et vidi: Et ecce Agnus stabat supra montem Sion.* Hic Agnus Christus Dominus est, vocaturque Agnus, quia sicut in passione sua tanquam agnus ductus est ad victimam, & in morte derelictus ab omnibus, ita in diebus illis erit Agnus in suis Martyribus, qui passim mactabuntur, ut pecora, & ducentur ad mortem, derelicti etiam ad hoc a Deo, & omnibus hominibus, sine auxilio, & liberatione; exhibebit enim se Christus Dominus in diebus illis sicut Agnum, permittendo omnia inimicis crucis in servos suos in exterminium eorum ex hoc saeculo. *Stare* dicitur, quia pugnabit pro iis, & cum iis in agone cruciatuum, confortando illos, ne deficiant



ficient in tormentis, sic dicitur Acto. Cap. 7. quod S. Stephanus in Martyrio viderit coelos apertos, & filium hominis stantem a dextris virtutis Dei. *Super montem Sion.* Per montem *Sion* Ecclesia Christi designatur, cui tanquam caput universale semper praesidet, sed in diebus illis quasi surget, & stabit tanquam supremus Bellidux, & pugnabit, & confortabit milites suos in tormentis ad victoriam. Haec enim est victoria contra tyrannos, & tunc maxime erit, scil. pati, vinci, mori, & exterminari, ac tolli de hoc mundo, *Et cum eo centum quadraginta quatuor millia.* Per hunc numerum determinatum designatur universitas Sanctorum Martyrum, qui in maxima multitudine occumbent, perseverantes in confessione nominis Jesu, & Dei Patris ejus. Unde additur: *Habentes nomen ejus, Et Nomen Patris ejus scriptum in frontibus suis.* Quae verba significant manifestam, & publicam confessionem Jesu Christi crucifixi Nazareni, & veri Dei Patris ejus, in qua morientur, & occidentur a bestia. Dicuntur autem *stare cum Agno*, id est, ad pugnandum, & praeliandum cum bestia. Et hi erunt Doctores, Praedicatores, pastores, & rectores animarum, maxime sacerdotes, qui ex diversis statibus sacris Ecclesiae militantis publice se objicient, & resistent bestiae, & pseudoprophetis ejus, stabuntque pro populo Christiano. De his praedixit Dan. Cap. 11. v. 33. 34. 35. & docti in populo docebunt plurimos, & ruent in gladio, & in flamma, & in rapina dierum, cumque corruerint, sublevabuntur auxilio parvulo, & applicabuntur eis plurimi fraudulenter, & de eruditis ruent. Ceteri timentes tormenta, & tyrannidem nimiam fugient a facie bestiae, & abscondent se in locis desertis, in solitudinibus, in speluncis montium, & in cavernis petrarum. Item dicitur ad distinctionem reliquorum Christianorum, & ad specialem gloriam eorum, quod habuerint *nomen ejus, Et nomen Patris ejus scriptum in frontibus suis*, & infra dicitur, quod cantaturi sint quasi canticum novum, & quod nemo possit dicere canticum illud, nisi

illa 144000, sed de hoc infra. Porro ponitur numerus iste 144000, quem facit numerus signatorum. Supra Cap. 7. per 12 tribus descriptus ad significandam universitatem, ac multitudinem magnam ex diversis, sacrisque Ecclesiae statibus occidendorum. Sacri enim Ecclesiae status quasi tribus sunt quaedam, quarum 12 tribus Israël in veteri testamento fuerunt figura.

II. Verf. 2. *Et audiui vocem de coelo tanquam vocem aquarum multarum, & tanquam vocem tonitruus magni: Et vocem, quam audiui, sicut Cytharocordorum Cytharizantium in Cytharis suis.*

Verf. 3. *Et Cantabant quasi canticum novum, ante sedem, & ante quatuor animalia, & seniores: & nemo poterat dicere canticum, nisi illa centum quadraginta quatuor millia, qui empti sunt de terra.*

Verf. 4. *Hi sunt, qui cum mulieribus non sunt coinquinati, virgines enim sunt, & sequuntur agnum, quocunque ierit. Hi empti sunt ex hominibus primitiae Deo, & Agno.*

Verf. 5. *Et in ore eorum non est inventum mendacium. Sine macula enim sunt ante thronum Dei.* Haec omnia magis de militante, quam triumphante Ecclesia intelliguntur, in iisque exprimuntur virtutes, & gloria, & fortitudo istorum servorum Dei. *Imum Est ardens, & fortissima eorum praedicatio, & confessio nominis Jesu, & Patris ejus, ideo superius dicitur, habebant nomen ejus in frontibus suis. Et audiui vocem de coelo, tanquam vocem aquarum multarum, & tanquam vocem tonitruus magni.* Haec vox, vox est praedicantium & confitentium nomen Domini Jesu Christi, & Patris ejus in novissimis diebus contra bestiam. Dicitur *vox aquarum multarum*; quia sicut multitudo aquarum edit sonitum, & saltus hominum animos reddit attentos, & horrorem incutit; item aquae mundant, & liquefaciunt; sic erit praedicatio eorum in cordibus populorum, quos docebunt, & conservabunt in fide, & confessione nominis

nis Jesu, & Patris ejus. Dicitur vox, *tanquam vox tonitruui magni*. Tonitru quatuor habet. 1mo fulguris coruscationem. 2do fragorem. 3tio deiecit fortissima quaeque, quae attingit; unde etiam 4to timorem & horrorem maximum hominibus solet incutere. Talis erit vox siue praedicatio servorum Christi in novissimis diebus, coruscabit enim signis magnis contra bestiam, & pseudoprophetas ejus, & erit fortis & vehemens, sicut rugitus leonis, & confringet, & dejiciet portenta maxima bestiae, & pseudoprophetarum suorum; unde multis timorem Dei, & horrorem futurorum malorum incutient, stabiliunt populos suos in fide, & confessione nominis Jesu, & Patris ejus, ut non deficient ad bestiam, & non accipiant characterem ejus, & non adorent imaginem ejus. Unde quia in his illos superare non potest, convertetur cum omnibus ministris suis ad tormenta, & mactabuntur servi Dei, sicut mactari solebant in diebus solemnibus Phae oves, & boves, & reliqua pecora campi. Et hinc dictum est Capite praecedente, quod permissum sit illis bellum facere contra sanctos, & vincere illos. 2dum est comitas, & concentus virtutum, & morum, & concordia animorum ad invicem, quae praedicationem eorum reddent suavem, & acceptabilem in cordibus populorum suorum, & in conspectu Dei & Agni. Ideo additur: *Et vocem, quam audiui sicut vocem Cytharodorum Cytharizantium in Cytharis suis*. Magnam emphasin continet haec comparatio, qua exprimere voluit Propheta suavitatem morum, & animorum concordiam, & charitatis vinculum, & sanctitatem vitae servorum Christi illorum, qui in novissimis diebus pro nomine ejus, & pro nomine Patris ejus praedicaturi sunt contra bestiam. Sicut enim multi Cytharoedi bene concordantibus cytharis suis Cytharizantes in unum pulcherrimum concentum edunt, animos excitant ad laetitiam, & mirram habent vim, & energiam commovendi corda hominum, sic praedicatio verbi Dei semper est valde potens ad faciendam conversionem peccatorum, & imitationem omnium

omnium eorum, quae dicuntur, si eam suavis conversationis, vitae integritas, & simplicitas morum, comitas, virtutum concentus, fraternae charitatis vinculum, & concordia animorum comitetur. Sunt enim haec quasi anima praedicationis Verbi Dei, & in his laudantur specialiter servi illi, & milites Christi, qui in diebus novissimis, quando Ecclesia, & status sacri sursum deorsumque dispergentur, uno spiritu arctissime conjuncti stabunt pro populo, & docebunt eum, & objicient se publice bestiae & pseudoprophetae ejus, & praedicabunt nomen Domini Jesu, & Patris ejus, & adventum ejus ad judicium; & nemo alius audebit resistere bestiae, nisi 144000; sed fugient a facie ejus in loca deserta aut deficient, & accipient characterem, & adorabunt imaginem bestiae. Unde sequitur. 3tio *Et cantabant quasi canticum novum*: Signatur hic confessio nominis Jesu, & Patris ejus, & professio castitatis virginalis, sive coelibatus, quae duo in diebus illis rarum, & quasi novum quid erunt in hominibus super terram propter tyrannidem bestiae & pseudoprophetarum ejus; fiet enim discessio totalis a fide, & omnis caro corrumpet viam suam, & ambulabunt homines in concupiscentiis carnis, & mulierum & personae ecclesiasticae in magno numero corrumpentur; & apostatabunt, & deficient a fide, & ducent uxores, & erit facies Christianitatis foeda & horrenda nimis, qualis nunquam fuit: & quia fides in Dominum Jesum Christum, & Patrem ejus verum Deum in retro saeculis per tempora sua floruit, non vocatur canticum absolute novum sed *quasi novum*, referendo illud ad dies illos novissimos omni praevaricatione, & corruptione plenos. *Cantare* hic metaphora est, & significat idem, quod publice praedicare, annuntiare, & profiteri ore cum laetitia, & libertate animi magna, & in his omnibus adhuc gloriari, & exultare spiritu, quia neque tunc Ecclesia Christi militans sine consolatione erit, quamvis desolata, & exulans, & dispersa a sedibus suis potestativis super terram. Nam in diebus illis novissimis consolatio erit  
Eccle-

Ecclesiae Catholicae videre milites suos multa pati, torqueri, constanter mori, & exterminari pro nomine Jesu, & Patris ejus veri Dei. *4to Ante sedem, & ante quatuor animalia, & viginti quatuor seniores.* Haec verba intelliguntur, tam de militante, quam de triumphante Ecclesia, quibus isti SS. Martyres exhibebunt magnam laetitiam in stadio suo tam fortiter, & tam constanter pugnantes, & triumphantes de bestia, & pseudoprophetis ejus per mortem victoriosam. *Cantare ante aliquem* est laetitiam, & gaudium exhibere, quod praestabunt illi moriendo fortissime, & constantissime in confessione, & praedicatione nominis Jesu Christi, & Patris ejus etiam tenentes simul domicilium virginalis castitatis, seu coelibatus sacerdotalis; quia in diebus illis non solum tyrannizabitur contra fidem, & Jesum Christum, verum etiam contra virginali castitatem, & coelibatum sacerdotalem; bestia enim erit in concupiscentia mulierum. Dan. C. 11. v. 37. Unde sequitur: *5to Et nemo poterat dicere canticum, nisi illa Centum quadraginta quatuor millia.* Verba haec continent abstrusam Dei praescientiam aeternam, quae fuit revelata S. Joanni circa paucitatem eorum, qui in diebus illis stabunt ad informationem, & doctrinam fervorum suorum, ne scandalizentur, & inducantur in errorem, quando haec fient, & *nemo poterat dicere canticum illud, nisi centum quadraginta quatuor millia.* O quam paucus est numerus respectu tantae multitudinis super terram! quia in diebus illis erunt quasi mille mali pro decem: & centum pro uno bono, & fideli Christi servo. *Et nemo poterat Sc.* Continent haec verba difficultatem, & arduitatem magnam, ob quam tantum scandalum & defectio erit in diebus illis; scilicet nimia tyranni crudelitas in tormentis, corruptela, & malitia hominum super terram, signa, & portenta nimia pseudoprophetarum, potentia bestiae super omnem terram, silentium. Dei in coelo sursum, & sublatio justorum in tantis tormentis sine respectu deorsum. Ponitur autem in imperfecto, *poterat*, quod signi-

significat futuritionem contingentem voluntatum humanarum; absolutam vero ex parte praescientiae Dei, qui multi contendunt in agone, & multi current in stadio, sed non accipient bravium, quia deficient propter saevitiam, & metum tormentorum bestiae, & propter Signa, quae data sunt illi facere & vincere Sanctos Dei in exterminium & mortem *Et nemo poterat dicere &c.* quia in diebus illis praevalabit caro, & concupiscentia ejus adversus spiritum, & mulieres destruent omnes status Ecclesiae, & non erit fortitudo, quia erunt homines, se ipsos amantes, arbores autumnales, bis mortuae in fide, & castitate; 6to *qui empti sunt de terra*, id est Electi De hoc mundo, & praeservati ad vitam aeternam; qui empti sunt in cives coelestis Jerusalem pretio Sanguinis Jesu & pretio proprii sanguinis, quem effundent pro nomine ejus.

Verf. 4. 7mo *Hi sunt, qui cum mulieribus non sunt coinquinati*; iidem servaverunt coelibatum sacerdotalem, quod erit speciale, & rarum quid in diebus illis 8vo *Virgines enim sunt*; dicuntur virgines, 1mo quia nullo vitio carnis maculabunt se, 2do quia nunquam labentur, ut accipiant characterem bestiae, aut adorent imaginem ejus, sed servabunt se immaculatos a bestia, sicut virgines a procis; & manebunt fideles Deo, & Agno perseverantes in fide catholica. Sciendum est enim, quod in diebus illis propter crudelitatem, & diuturnitatem, & timorem bestiae, & propter potentiam ejus multi ex fragilitate cadent, & adorabunt bestiam, qui postea iterum compuncti, confirmabuntur in fide Cath. confitentes peccata sua, 9no *Hi sequuntur agnum, quocunque ierit*. His verbis 1mo exprimitur virorum illorum perfecta obedientia, qua ad omnia ardua, & aspera ibunt, ad quae Spiritus Christi impulerit, sive ad tormenta, sive ad carceres, sive in mortem; ipsi ibunt gaudentes pro nomine Jesu confitentes, quod ille sit Christus, filius Dei. 2do Significatur perfecta quaedam imitatio; qua imitabuntur caput suum, ac Belliducem in vita, ac conversam

versatione sua super terram; erunt enim pauperes, mansueti, humiles, afflicti, angustiat, eiectionis de sedilibus & possessionibus suis secundum; Illud Hebr. C. 11. v. 37. & 38. in solitudinibus errantes, in montibus, & speluncis, & in cavernis terrae; & hoc erit etiam speciale in diebus illis, quod scilicet in contemptum Jesu Christi Nazareni illi, qui praedicabunt hoc nomen, quod ipse sit filius Dei altissimi, passim lacerabuntur flagellis, & spinis, & crucifigentur crudelissime, & subannabuntur a judaeis, & gentibus; & ipsi tanquam agnus mansuetus, qui ducitur ad victimam, non aperient os suum, recogitantes, & prae oculis vivaciter habentes exitum dilectissimi, & innocentissimi sui Magistri Jesu Christi. *10mo Primitiae Deo & Agno.* Primitiae sunt primi, & selectissimi fructus agrorum, & vinearum &c. qui Deo offerantur; reliqui deinde fructus vocantur fructus simpliciter. Ager, & vinea Christi est Ecclesia, militans super terram; primi ejus fructus virgines sunt, & qui servant coelibatum personae Deo consecratae; ceteri fructus populi christiani sunt, unde dicitur, quod hi centum quadraginta quatuor millia empti sint ex hominibus primitiae Deo, & Agno. Quibus verbis indicare vult, & superius jam satis ostendit, quod isti Sancti martyres tantum ex statibus ecclesiasticis, & sacris sint futuri, scilicet doctores, Praedicatores, Rectores, & Pastores animarum, maxime sacerdotes, qui in odium sacrificii Missae ubique de medio tollentur, de reliquo populo Christiano hic nihil exprimitur, sed dubium non est, maximam multitudinem ubique terrarum occidendam esse, quia plurimi etiam indocti, animati verbo, & exemplo suorum pastorum, confortati gratia Dei in fide fortiter catholica morientur: & hoc satis indicatur superius C. 7. v. 9. 13. & 14. *Hi empti sunt ex hominibus*, hoc est, electi, & segregati ab aliis hominibus, qui nubunt, & saecularia tractant, & sunt soli Deo & Christo ejus sacrati, & mancipati.

Verf. 5. *11mo Et in ore eorum non est inventum mendacium.* His verbis denotatur illorum sanctorum Marty-

Martyrum veritas, & simplicitas cordis, in quibus ambulabunt in tempore malo, & non sinent se decipi erroribus pseudoprophetarum, habentes pro scuto veritatem, & simplicitatem cordis sui, neque erit securius scutum in diebus illis contra deceptiones pseudoprophetarum maximas, & pessimas, quam simplicitas cordis sui, qua praemuniti in diebus illis nihil credant, nisi in Dominum Jesum crucifixum, & quod Cath. fides ab antiquo docuit. Hoc scuto usi sunt filii Israel tempore Antiochi i Mach. Cap. 2. dicentes: Moriamur omnes in simplicitate nostra. *Et in ore eorum non est inventum mendacium*: quia praedicabunt, & docebunt omnem veritatem, & nulla haeresi, nullo errore, aut hypocrisi, circumventionem fratrum, fallacia, deceptione, pseudopopulitia (quibus tunc mundus scatebit, sicut tempore aestivo & caloris scatet terra locustis) erunt infecti; sed stabunt simplices, & recti coram Deo, & hominibus. Unde denique subditur: 12mo *Sine macula enim sunt ante thronum Dei*, quia custodient se immaculatos, ab hoc saeculo scelestissimo, quod erit foex omnium retro saeculorum; quidquid enim mali, & praevaricationis ab origine mundi perpetratum, aut perpetrari omissum est, in illo tempore repetetur, aut complebitur. Ideo hic tanquam speciali praerogativa laudis attribuitur Sanctis illis martyribus, quod sint sine macula extituri ante thronum Dei.

## §. II.

*De Voce trium Angelorum, & voce e  
Coelo.*

Cap. XIV. v. 6 — 13.

Verf. 6.

I. *Et vidi alterum angelum volentem per medium coeli, habentem Evangelium aeternum, ut evangelizaret sedentibus super terram, & super omnem gentem, & tribum, & linguam, & populum; dicens magna voce.*

Verf.



Verf. 7. *Timete Dominum, & date illi honorem, quia venit hora judicii ejus, & adorare eum, qui fecit coelum, & terram, & fontes aquarum.* Primus Angelus Christus est, qui fuit annuntiator paternae voluntatis, & vocatur angelus testamenti Malach. C. 3. nunc alter angelus post Christum status Apostolorum est, quos misit in universum mundum ad praedicandum Evangelium, alter dicitur; quia immediate Christus misit eum, & quia immediate illi successerunt in praedicatione verbi Dei. Itaque Angelus iste alter, quem Joannes vidit volantem per medium coeli habentem in manu Evangelium aeternum &c. status est sacerdotalis (vel potius S. Michael in persona illius) qui in novissimis temporibus secundum propositum voluntatis Christi Jesu fundatoris sui reflorescet, & accipiet pennas, & pennae jungentur pennis, & coalescent in alas, & exsurgat, & progredietur, & exaltabitur, & volabit per medium coeli. Per *coelum* Ecclesia militans hic intelligitur, quam exornabit, & laetificabit conversatione sua sancta, & apostolica, quae per volatum metaphorice significatur, quod autem videbit habere illum Evangelium aeternum in manu sua, haec est interpretatio. Evangelium aeternum, elogia divina sunt, & aeterna, quae Deus per filium suum revelavit apostolis suis, & dedit illis in manum suam per quatuor Evangelistas. In manu igitur habere dicitur, quia statui apostolico primitus concedidit Evangelium suum, & quia proprium est statui illi annuntiare verbum Dei, unde subditur: *ut Evangelizaret sedentibus super terram, & super omnem gentem, & tribum, & linguam, & populum* per *sedentes* notantur Reges, Principes, Dominationes, nobiles, & omnes, qui praesunt, & dominantur super terras, & gentes, & tribus, & linguas, & populos. Appellatur eorum evangelizatio *vox magna*, quia erit ardens, & fortis eorum praedicatio, & digitus Dei erit cum ipsis.

Verf. 7. *Timete Deum, & date illi honorem, quia venit hora judicii ejus, & adorare eum qui fecit coe-*

*lum & terram, & fontes aquarum.* Est emphatica praedicatio illa, & summa rei, quae ad salutem necessaria, scil. timere Deum, & dare illi honorem, & eum adorare. Addit ad persuadendum duo valde efficacia motiva: primum est, quod sit creator coeli, & terrae, & maris, & fontium aquarum, quae quatuor reliquas creaturas omnes in se continent, & ponuntur hic tanquam quatuor genera omnium mirabilium Dei, sicut sunt, ut consideranti patebit; adum est iudicium; hora enim iudicii instituta est ad hoc, ut cuique detur secundum opera sua, quia venit hora iudicii ejus, & est praesens, & in januis; Et haec duo sicut semper aptissima sunt, ad conservandos homines in obsequio erga Deum suum in vitam aeternam; ita in diebus illis eorum consideratio jugis erit valde necessaria ad faciendam victoriam contra bestiam. Porro praedicatio hujus angeli ad duo debet referri tempora; primum erit, quo gentes, & populi, & linguae, & Reges redeant ad fidem Cath. & hoc dicitur Cap. 18. & in executione hujus status apostolicus sacerdotum magnam praestabit Ecclesiae operam, sicut & maxime in conversione peccatorum ad Dominum Deum suum per veram poenitentiam, & haec fient, antequam bestia (Turcicum imperium) accipiet plagam, & labetur primo Babylon, quae est regnum gentium, de quo infra. *Secundum* erit novissimum saeculum, in quo refrigeret charitas multorum, & fiet discessio a fide, & revelabitur filius perditionis, & in illo tempore resistet status ille fortissime, & elevabit vocem suam ardore magno ineensus erga nomen Domini nostri Iesu Christi, & Patris ejus, & praedicabit intrepide inhabitantibus terram, ut timeant Dominum Deum, & dent illi soli honorem, & gloriam, & adorent illum, qui creavit coelum & terram, & mare, & fontes aquarum & quod in proximo sit, ut veniat, & judicet mundum per ignem; & erudient hac sua praedicatione multos ad justitiam Dan. Cap. 11. Perambulantes terram, habentes evangelium aeternum in manu sua, perficient magna & mirabilia

bilis in digito Dei, & non in potentia, & nervo hujus mundi, & hoc erit in novissimo tempore, quando Babylon, quae est regnum hujus mundi, ruet, & consummabitur igne; sed de hoc infra.

II. Vers. 8. *Et alius angelus secutus est, dicens: Cecidit, cecidit Babylon illa magna, quae a vino irae fornicationis suae potavit omnes gentes.* Babylon & Babel idem sunt, & interpretantur *confusio*, sive *commixtio*, & habet in hoc libro magnum mysterium, quod S. Joannes sub ejus figura, & aenigmate describit; habet autem duplicem significationem. Primo significat speciale regnum gentium, quod sicuti in veteri testamento filiis Israel, sic in novo christianitati semper adversatum fuit, & adversabitur usque ad consummationem saeculi, & hoc est regnum turcicum, quod fundavit Mahomet, & consummabit Antichristus, & hoc regnum congruentissime vocatur Babylon, quia est commixtum ex diversis gentibus, & nationibus, & quia ejus secta constata est, ex gentilismo, judaismo, christianismo, habetque sic diversissima dogmata, vel potius errores, ut patet ex ejus Alcorano. Item quia civitas Babylon potentissima, nobilissima, & quasi metropolis erat regni gentium. 2do Babylon est hic mundus cum delitiis & voluptatibus suis, sive regnum hujus mundi, prout scilicet est congregatio omnium malorum hominum sub Rege suo Lucifero adversus justos, & in hoc sensu locutus est Christus Dominus de mundo ad suos Apostolos. Joan. C. 15. v. 18. 19. Duae enim quasi civitates, & duo quasi regna sunt super terram, una Sion, sive Jerusalem, quae habet Regem Christum, & cives ejus sunt omnes justi, & electi ab Abel usque ad novissimum, qui victurus est, & inde constituitur regnum Christi, altera est Babylon, quae habet Regem Luciferum, & cives ejus sunt omnes mali, & reprobi homines a Cain usque ad filium perditionis; ex his constituitur regnum gentium, & omnium impiorum hominum, & vocatur mundus; cujus principatum & ruinam sub typo describit inferius. Utroque sen-

fu, & quidem literali, fumitur in textu posito Babylon, unde etiam bis ponitur, Cecidit: quorum unum ad regnam speciale turcicum, alterum vero ad regnum universale hujus mundi referri debet, ut videbimus. *Et alius angelus secutus est dicens.* Iste angelus duplicem repraesentat personam, annunciantis, & repraesentati, aliusque non est absolute, sed repraesentative; est enim idem S. Michael, qui supra annuntiat lapsum turcici imperii, & ruinam novissimam regni hujus mundi. Deinde simul etiam repraesentat Monarcham illum fortem sub quo turcicum imperium ac gentium aliquando cadet, & accipiet plagam gladii, & plagam quasi mortis; atque sic quali in persona ejus S. Angelus gratulatur Ecclesiae Christi militanti super terram, & consolatur eam de lapsu regni turcici, five gentium. *Secutus* esse priorem dicitur, ratione scil. annuntiationis & futuritionis rei, quia intra tempora illa suscitabit Deus virum de Principibus terrae, qui amputabit bestiae cornu illud magnum, quod est regnum Constantinopolitanum, graecum, & Orientale, & occupabit sedem bestiae. *Cecidit, Cecidit*, est vox laetitiae, & aggratulationis super aliquo facto, quod diu desiderabatur, & expectabatur. *Cecidit, Cecidit*: annuntiavit in praeterito in consolationem Ecclesiae, & totius Christianitatis, quae ob diuturnitatem, & potentiam nimiam regni turcici ingemiscit, & quasi desperat de ruina & humiliatione ejus aliquando futura. *Cecidit, Cecidit* praeteritum ponitur pro futuro, quod est attestatio alicujus rei infallibiliter futurae. *Cecidit, Cecidit*: quasi diceret: tam certum est futurum, ut cadat aliquando turcicum imperium, quantumvis potens, & amplum, & forte, & fortunatum nimis, ac si jam cecidisset; idem erit de interitu universali hujus mundi, qui diu expectatus a piis, & non est creditus a malis. *Cecidit, Cecidit*: Duplici ex causa bis ponitur: 1<sup>mo</sup> ad confirmandam veritatem rei tam magnae, & tam seriae, & quae tam avide expectatur, tam vehementer desideratur, & tam diu differtur; 2<sup>do</sup> quia primum *Cecidit* de ruina,

&

& lapsu imperii turcici, ac gentium speciali, alterum vero de interitu universali regni hujus mundi futuro intelligitur; de quo plura inferius. *Cecidit, Cecidit Babylon.* Est verbum emphaticum, & ponitur ad exprimendum lapsum, & ruinam ejus in duplici sensu, in quorum imo bestia cadet de sua sede, quae est Constantino-  
polis, & regnum orientis; cadet de potentia, & de amplitudine regnorum, & populorum, de fastu superbiae suae, & humiliabitur usque ad exile regnum. In secundo sensu cadet mundus de voluptatibus suis, de delitiis suis, de gloria, & pompa sua, de omnibus divitiis, & omnibus desideriiis suis, in quibus nunc cives ejus, id est, mundani homines fornicantur a Deo creatore suo, & vivunt sine timore ejus; hic mundus cum omnibus suis delitiis exspirabit, & impii mittentur in stagnum ignis, & tormentorum, & tunc desiderium peccatorum peribit, quia amor mulierum non erit amplius; & voluptates carnis, divitiae, honores, thesauri, & principatus evanescent, nec agri, arbores, aut vineae dabunt fructum suum, quia omnia stabunt in centro aeternitatis: mali quidem rotabuntur in aeternis flammis, & cruciatibus sine omni consolatione secundum mensuram delictorum; electi vero quiescent in aeterna, & perfecta felicitate sine omni desolatione. *Cecidit Babylon illa magna:* Vocatur magna a potentia, & amplitudine & fortitudine regnorum super terram, & a superbia sua, qua se extollebat in praesenti saeculo super pauperes, humiles, simplices, & justos, & deprimebat, despiciebat, & quasi peripsema a longe respiciebat illos. Magna etiam denominatur ab innumerabili multitudine impiorum, & reproborum, & ab infinita peccatorum magnitudine & enormitate. Unde subditur: *quae a vino irae fornicationis suae potavit omnes gentes,* tria substantiva ponuntur, quae continent magnam energiam malitiae ejus. *Vinum* inebriat, *ira* in rabiem, & tyrannidem agit, fornicatio denotat apostasiam a vero Deo Creatore coeli, & terrae, & a Christo ejus. Vinum itaque irae fornicationis ejus est efferrata ma-

litia sectae Mahometicae, qua potavit omnes gentes, id est, lactavit, infecit, & seduxit, & tyrannide armavit eas contra christianitatem semper & apostatare ac deficere fecit a cultu veri Dei, sicut constat ex historiis ab omnibus retro saeculis. Et hoc in primo sensu: In secundo sensu vinum irae fornicationis ejus sunt haereses, & delitiae, & voluptates, & immunditiae mundi hujus, quibus inescatae, & inebriatae nationes hominum non agnoverunt Creatorem suum, aut non glorificaverunt in operibus justitiae, sed defecerunt in vanitate sua, & fornicati sunt ab eo, qui plasmavit illos. Et haec fornicatio continget vel maxime in tempore novissimo, & in diebus filii perditionis, qui potabit vino isto irae fornicationis omnes gentes, & faciet eas ebrias tyrannide, & portentis suis, ut fornicentur, & deficiant a fide in Dominum Jesum Christum, & Patrem ejus.

III. Vers. 9. *Et tertius Angelus secutus est illos, dicens voce magna. Siquis adoraverit bestiam, & imaginem ejus, & acceperit characterem ejus in fronte sua, aut in manu sua:*

Vers. 10. *Et hic bibet de vino irae Dei, quod mixtum est mero in calice irae ipsius, & cruciabitur igne & sulphure in conspectu angelorum sanctorum, & ante conspectum agni, & fumus tormentorum eorum ascendet in saecula saeculorum:*

Vers. 11. *Nec habent requiem die ac nocte, qui adoraverunt bestiam, & imaginem ejus, & si quis acceperit characterem nominis ejus.*

Vers. 12 *Hic patientia sanctorum est, qui custodient mandata Dei, & fidem Jesu. Angelus iste, novissimus Pontifex est. Dicitur tertius a Christo, & S. Petro successore ejus, & antecessore illius, quia vocabitur Petrus juxta prophetiam S. Malachiae Archiepiscopi, & Primatis Hyberniae. Iste Pontifex gubernabit Ecclesiam in magnis & novissimis tribulationibus, & exurgente paulatim quaestione, ac haeresi horrenda de adventu Christi, & Messiae (quem bestia de terra exurgens annuntiabit*

bit esse Regem Jerusalem, scil. filium perditionis & antichristum) clamabit voce magna contra eum, & contra aedificas ejus judaeos, gentes, & Christianos etiam apostatas, per definitiones apostolicas, & literas ad omnes Principes, & populos, & totam Christianitatem, ut custodiant mandata Dei, & fidem in Dominum IESum Christum crucifixum Nazarenum, & ab haeresi illa stupenda (quod Christus IESus, qui passus est a judaeis, fuerit impostor, & quod primum nunc in mundum venerit verus salvator & Messias expectatus tot saeculis a judaeis, & gentibus) non permittant se dementari. Haereticis enim haec stupenda nimis exurget, & condemnabitur ab Ecclesia, antequam intrabit filius perditionis in plenum regnum suum, & quia regnum illud durae cervicis, & epilogus omnis praevaricationis est, Pontifex ille utetur opera virorum apostolicorum (de quibus supra) & mittet illos ad confirmandos populos in obedientia, & fide in Dominum IESum Christum crucifixum, & in Patrem ejus, & Spiritum Sanctum & in illis etiam clamabit voce magna dicens: *Si quis adoraverit bestiam, & imaginem ejus, & acceperit characterem in fronte, & in manu sua, & hic bibit de vino irae Dei, quod mistum est mero in calice ipsius, & cruciabitur igne, & Sulphure in conspectu angelorum Sanctorum, & ante conspectum agni: & fumus tormentorum eorum ascendet in saecula saeculorum, nec habent requiem die, ac nocte, qui adoraverunt bestiam, & imaginem ejus.* Haec omnia secundum literas accipienda, & intelligenda sunt de damnatione aeterna eorum, qui in diebus illis quantumvis malis a justitia Dei & fide in Dominum IESum Christum crucifixum Nazarenum deficient, & docent haec omnia timorem veri Dei, & novissimorum, qui post mortem Dei, & Christi IESu est unicum scutum in populo ad faciendam victoriam contra bestiam, & pseudoprophetas ejus. *Siquis adoraverit bestiam &c. & hic bibit de vino irae Dei, quod est mistum mero in calice ipsius.* His verbis genus poenarum aeternarum exprimitur, quod est

ira irreconciliabilis in omnem aeternitatem, qua nihil gravius esse potest damnatis. Vocatur vinum a vehementia divinae iustitiae, & vindictae. Dicitur *mistum mero in Calice irae ipsius*; quia dabit unicuique secundum mensuram delictorum, in tantum enim cruciabuntur, in quantum peccaverunt. *Et cruciabuntur igne, & sulphure.* His species prima tormentorum ponitur, quae est aeterna combustio, & quamvis tanta, tamque innumerabilia in inferno sint tormenta, quae nec dici, nec aestimari possunt, breviter tamen in his duobus omnia comprehenduntur tormenta. Erit enim ignis non ad lucendum, sed miserorum corpora ad concremandum, erit quoque ibi sulphur, quod fomentum igni praestabit, & foetorem gignet intolerabilem, ac per hoc ex igne foetor, & ex foetore ignis procreabitur, 2da species tormentorum est confusio aeterna, quae intimatur his verbis: *In Conspectu angelorum sanctorum, & ante conspectum agni*: quia tota curia coelestis, & Agnus videbunt in omnem aeternitatem turpissima peccata eorum, ob quae iusto Dei iudicio in omnem aeternitatem ita cruciabuntur; tegere enim suas spurcicias, & abominationes non poterunt amplius, quia secretum Cordis erit sublatum. 3ta Species est aeternitas, his verbis significata: *& fumus tormentorum eorum ascendet in saecula saeculorum*; ubi enim fumus semper ascendit, ibi semper ignis est, quia ergo fumus dicitur ascendere in saecula saeculorum, etiam tormenta erunt in saecula saeculorum, h. e. in omnem aeternitatem: ex inferno enim nulla est redemptio. 4ta Species iisdem verbis significatur, quae erit blasphemia, livor, invidia, odium, & stridor dentium contra omnipotentem Deum, quae ascendent de tormentis eorum in saecula saeculorum. Et vocatur pulcherrime fumus, quia non appropinquabit ad Deum coeli, & terrae, sed irridebit illos, qui fuit ante saecula. Unde etiam eorum blasphemia erit enervata nimis, & dispergetur, & explodetur, & evanescet in nihilum, sicut fumus in aëra; & hoc erit cruciamentum eorum nimis horrendum in omnem aeter-



aeternitatem, quia volent se vindicare, & non poterunt; volent liberari a tormentis suis, & non erit redemptor, appetent satiare famem, & sitim, & nemo dabit; recogitabunt, quae amaverunt in vita sua, & non habebunt; cupient mori, & mors fugiet ab iis; desiderabunt annihilari, & comburi, & finire tormenta sua magna nimis, & conservabuntur, & quasi pascantur in illis in omnem aeternitatem; terra enim oblivionis erit ibi. O filii hominum, recogitate novissima vestra, & in aeternum non peccabitis; 5<sup>a</sup> species est, *quod nullam habeant requiem, die ac nocte*; id est, nullum somnum, nullam refocillationem, nullumque vel minimum intervallum, quo non crucientur. *Hic patientia Sanctorum est, qui custodiunt mandata Dei, & fidem Jesu.* Insertur hoc ex consideratione priorum, scil. tormentorum aeternorum, ad quae respicientes vivaciter Sancti Dei patienter omnia ferunt in praesenti vita, ut evadant supplicia aeterna. Unde etiam in diebus novissimis considerantes servi Dei novissima justorum, & damnatorum sustinebunt tormenta bestiae, quantumvis ardua, & diuturna nimis, & manebunt fideles in dilectione Dei, & in fide Jesu Christi, & vincent bestiam, & qui non vincet, sed adorabit bestiam, aut imaginem ejus, & acceperit characterem, sive occulte, sive aperte, sine misericordia damnabitur, & nulla excusatio accipietur super saevitiam, & tyrannidem nimiam bestiae. Hinc ad confirmandos, & praemonendos omnes christianos ad fortiter moriendum, & superanda momentanea tormenta praedicari, & promulgari voluit toti christianitati tormenta damnatorum aeterna, quae minatur etiam omnibus Christianis, qui adoraverint bestiam, aut imaginem ejus, & characterem acceperint; ideo signanter dicitur: *siquis adoraverit &c. hic bibet.*

IV. Vers. 13. *Et audiivi vocem de coelo dicentem mihi: Scribe: Beati mortui, qui in Domino moriuntur. Amodo jam dicit spiritus, ut requiescant a laboribus suis; opera enim illorum, sequuntur illos.* Vox ista vox est Ecclesiae militantis Christi in novissima tribula-

tione Antichristiana constitutae, quae aggratulatur justis ante horam tentationis ex hoc mundo per mortem auferendis, & simul dolet vices suas propter instantem horam tribulationis; tentationis, & agoniae horrendae, & periculosa nimis. Erit quippe magnum beneficium Dei, & misericordia paterna quae tollet plurimos electos peste, fame, & bello ante tempus illud omnibus tentationibus, fallaciis, & calamitatibus plenum. Legantur ea, quae dicta sunt Lib. 3. Cap. 7. *Beati mortui, qui in Domino moriuntur*, id est, o felices illos, qui ante horam tentationis, in qua instar parturientis angustiamur, & premimur undique, in gratia Dei discesserunt ex hac vita. *Amodo jam dicit spiritus, ut requiescant a laboribus suis, opera enim illorum sequentur illos.* Continent haec verba consolationem corporum, & animarum pie defunctorum; *corporum* quidem: quia requiescunt in tumulis suis, & quasi in lectulis dormiunt, & praestolantur resurrectionem in gloriam, & liberationem ab omnibus laboribus, doloribus, & periculis, quibus praesens vita scatet. *Animarum* vero, sive spirituum, quia opera illorum sequuntur illos, propter quae erunt in gloria, & luctum aut moestitiam non habebunt amplius, aut periculum, aut tentationem non patientur amplius, & erroribus, & quaestionibus tyrannorum non subicientur amplius. Et nemo poterit illos persequi, & perdere amplius, sed requiem habebunt die ac nocte in conspectu Dei, & agni & angelorum Sanctorum. *Beati mortui, qui in Domino moriuntur.* Ponitur praeteritum, & praesens: ista verba magnam continent energiam, & admonent omnes homines, praecipue in tempore ultimo, ut hanc mortem beatam recogitent, quando saevit tyrannis Antichristi instar torrentis in totam christianitatem, & paulo post cremabuntur omnia pretiosa hujus mundi igne, itaque tunc non erit aliud desiderabile super terram, quam mori in Domino, & exterminari secundum corpus ex hac vita, ut spiritus salvus fiat. *Beati mortui, qui in Domino moriuntur.* Est vox quasi parturientis, & agoni-

agonizantis tempore longo, quia in diebus illis Christiani exquisite, & diu torquebuntur, & tarde dabitur illis mori.

## §. III.

*De futura extirpatione haeresum.*

Cap. XIV. v. 14 — 20.

Vers. 14.

I. *Et vidi, & ecce nubem candidam, & super nubem sedentem similem filio hominis habentem in capite suo coronam auream, & in manu sua falcem acutam.* Descriptio ista messis, & vindemiae abstrusum quoddam aenigma continet, sub quo describitur futura evulsio, & eradicatio haereticorum & turcicarum gentium, quae fiet sub venturo illo Monarcha magno, & Pontifice Sancto, quia adhuc semel consolabitur Deus Ecclesiam suam, antequam veniat tempus tenebrarum, & caligine plenum, quod erit novissima tribulatio Antichristi. Et haec est illius interpretatio; quem vidit sedere super nubem candidam Monarcha fortis est, quia regnum ejus, quod per sedere significatur, erit Sanctum, & stabilitum in protectione Dei altissimi. Vocatur *similis filio hominis*, ob similitudinem virtutum magnarum, & arduarum, in quibus imitabitur salvatorem suum Jesum Christum; erit enim humilis, mansuetus, verax, amator justitiae, fortis in proelio, sapiens, & zelator divinae gloriae implebitur aliquo modo in eo illud Isaiae de Christo vaticinium Cap. 11. Requiescet super eum spiritus sapientiae, & intellectus, spiritus consilii, & fortitudinis, spiritus scientiae & pietatis, & implebit eum Spiritus timoris Domini &c. *Habet in capite suo coronam auream*, quia Rex erit magnus, & dives, & potens, & erit Dominus Dominantium, & Reges gentium vincet, & plenus erit charitate Dei. Legantur, quae dicta sunt Cap. 3. De Sexto statu Ecclesiae. *Falx*, quam dicitur habere in manu sua, exercitus est magnus, & fortis nimis, quo transfodiet regna gentium, & respublicas, & civitates munitas; dicitur

citur ideo *acuta*, quia nullum proelium erit sine interfectione hostis, sive victoria. Sic dicitur de Jonatha, & Saule 2 Reg. C. 1. Sagitta Jonathae nunquam rediit retrorsum, & gladius Saul nunquam reversus est inanis; sic erit exercitus illius Regis, & Monarchae fortis. Dicitur falcem habere in manu sua, quia Consilia ejus dirigentur in manu sua, & ad quaecunque ibit, sicut dicitur de Alexandro magno, & quia exercitus ejus obediit illi perfecte, & conglutinator illi amabit illum, proinde sicut baculum versabit illum, & operabitur in illo magna, & stupenda, & admirabilia.

II. Vers. 15. *Et alius Angelus exivit de templo, clamans voce magna ad sedentem super nubem: Mitte falcem tuam, & mete, quia venit hora, ut metatur, quoniam aruit messis terrae.* Vox haec, vox est exhortantis vehementer ad bellum, sive ad eruenda Zizania haereticorum & turcarum; angelus autem, qui exivit de templo, & ita clamavit magnus ille Pontifex est, quem suscitabit Deus in diebus illis, & ipse ex instinctu Dei exhortabitur, & inducet Monarcham illum ad bellum hoc sacrum expediendum. *Mitte falcem tuam*, h. e. exercitum fortem tuum, & *mete*, hoc est, abscinde, evelle, & eradica haereticos, & gentes barbaras, *quia venit hora, ut metatur, quoniam aruit messis terrae*; hoc est impleta est mensura peccatorum, & abominationum, ob quae venit, & est nunc tempus, ut abscindantur, & evelantur de terra. Et haec ex divina revelatione habebit Pontifex, quibus excitabit corda Principum, & confirmabit inire ad suscipiendum bellum illud, & Deus suscitabit corda militum, ut uno spiritu Monarchae illi forti adhaereant, *quoniam aruit messis*, & matura facta est ad comburendum igni; est *metaphora*, significatque haereticorum, & gentium exterminationem.

Vers. 16. *Et misit, qui sedebat super nubem falcem suam in terram, & demessa est terra.* His omnibus felix rerum successus exprimitur secundum omnia verba Pontificis illius Sancti futurus: *& demessa est terra*;  
quia

quia ille occidet, & in servitutem rediget gentes haereticas, & Turcas, & occupabit terras eorum:

Verf. 17. *Et alius angelus exivit de templo, quod est in coelo, habens & ipse falcem acutam.* Falx ista, alter est exercitus, quem congregabunt, & mittent in auxilium Regi suo magno status Ecclesiastici artissime confoederati. Unde dicitur; quod angelus iste exiverit de templo, h. e. de statibus suis ecclesiasticis, quos templum figurat, quod est in coelo, id est, in Ecclesia militante, quam To coelum significat: Qui autem exiisse dicitur, magnus ille Bellidux est, quem constituet Pontifex ille magnus super illum exercitum magnum ad delendas, & evertendas gentes haereticas, & Turcas.

Verf. 18. *Et alius angelus exivit de altari, qui habebat potestatem supra ignem, & clamavit voce magna ad eum, qui habebat falcem acutam; dicens: mitte falcem tuam acutam, & vindemia botros vineae terrae, quoniam maturae sunt uvae ejus.* Iterum vox est exhortantis ardenti Zelo facta ad fortiter agendum, ad pugnandum, & faciendum victoriam de inimicis Ecclesiae, qui in tantum depressoerant eam; bestia enim, (quae est turcicum imperium) occupatura est prius Italiam, & occupabit ubique multa, & angustabit Christianitatem, ut extrema necessitate compulsa, etiam tentatura sit extrema; & prosperabitur multum nimis, & lacerabit bestiae sedem, & regnum, & haereticorum perfidiam mittet ad infernum. Hinc ponuntur signanter Duae species, scil. *messis & vindemiae*, quarum prior gentes, posterior vero haereticos significat; gentes enim barbarae per communes glebas; haeretici vero, qui jactant se Christianos; per botros terrae silvestres intelliguntur. De his intelligitur illud per allegoriam Joann. C. 15. v. 1-7. Est magna haec, & abstrusa metaphora. Ecce enim Deus dedit temper gentibus terram, & regnorum amplitudinem, populum vero electum suum posuit inter sepes angustiarum, sicut & modo suam Ecclesiam, quae est vinea Domini Sabbaoth. Per messem ergo seu potius glebas, & Zizania terrae gentes, per botros vero vineae (quae est Ecclesia Christi) silvestres haeretici ad literam intelliguntur, quia Christus vitis erat, ex qua duo genera botrorum nascuntur in vinea sua, quae est Ecclesia; 1mo Verae uvae, quae sunt veri Christiani; 2do Silvestres, qui sunt haeretici & vocantur labruscae.

Verf. 19 *Et misit angelus falcem suam acutam in terram, & vindemiavit vineam terrae.* Haec verba iterum insinuant prosperitatem, certitudinem & evidentiam in attestante de rebus istis futuris in tempore suo in consolationem Eccle-

Ecclesiae suae Sanctae, quia Dominus locutus est, & faciens faciet. *Et misit in lacum irae Dei magnum.* Lacus istae irae Dei magnus, est pressura, live torcular, & vindicta divinae justitiae in gentes & haereticos, in quem lacum semper illos, & istos demerlit in tempore suo, in consolationem populi Israel, & Ecclesiae Christi, ne dicerent in gentibus: ubi est Deus eorum &c. De hac ira, live vindicta dicitur Ps. 77. Et excitatus est tanquam dormiens, tanquam potens crapulatus a vino & percussit inimicos suos in posteriora. Opprobrium sempiternum dedit illis. Et lacus iste exterminium est gentium, & haereticorum, in quod misit eos Monarcha fortis permittente voluntate, & cooperante divinae justitiae, vindictae, & irae omnipotentis virtute. Quia Deus causa principalis est, instrumentalis autem homines.

Verf. 20. *Et calcatus est lacus extra civitatem, & exivit sanguis de lacu usque ad froenos equorum per stadia mille sexcenta.* Haec verba significant maximam effusionem sanguinis, & iram, & indignationem Dei contra suos inimicos. *Et calcatus est lacus;* id est, commota est ira super gentes extra civitatem sanctam, & Palaestinam, quae data est gentibus, donec veniat filius perditionis. *Et exivit sanguis de lacu usque ad froenos equorum.* Est Hyperbole, significatque maximam quandam, ac talem effusionem sanguinis, ut in sanguine occisorum equi quasi nataturi sint. Equi enim, quando natant in aqua usque ad froenos, solent mergi. Per stadia mille sexcenta iterum est Hyperbole; denotatur enim ingens illa strages, quam longe lateque christiani exercitus edituri sunt contra inimicos.

#### §. IV.

*De Triumpho & gloria maxima, quam judaei, & Christiani superstites post interitum Antichristi dabunt omnipotenti Deo, & Filio ejus Jesu Christo.*

Cap. XV. v. 1-4.

Verf. 1.

1. *Et vidi aliud signum in coelo magnum, & mirabile, angelos septem, habentes plagas septem novissimas, quoniam in illis consummata est ira Dei.* De his septem plagis, & septem angelis dicitur infra.

1. Verf. 2. *Et vidi tanquam mare vitreum mistum igne, & eos, qui vicerunt bestiam.* Hi, qui vicerunt bestiam sunt imo reliquiae Christianorum, qui fugiendo, latendoque tempore tyrannidis antichristianae interitum filii perditionis superpervivent; 2do per istos, qui vincent bestiam, reliquiae judaeorum

daeorum intelliguntur, qui videntes & superviventes praedicti filii perditionis iudicium horrendamque mortem dabunt gloriam Deo, & Jesu Christo filio ejus, & salvi fient. De his dicitur Dan. C. 12. Beatus, qui exspectat, & pervenit usque ad dies mille trecentos triginta quinque. *Per mare vitreum* fons baptismatis designatur, in quo merguntur Christiani, & translucidus est per sanctificationem Jesu Christi instar vitri. Additur hoc *mare mistum esse igne*, ad significandum spiritum vivificantem, & sanctificantem animas in baptismo, qui per ignem significatur, & hi, qui vicerunt bestiam, dicuntur stare super mare vitreum, quia post interitum Antichristi reliquiae Judaeorum aliique Christiani liberi (qui metu tyrannidis in baptizati manebunt) baptizabuntur in nomine patris, & filii, & Spiritus S. Et confitebuntur nomen Domini Jesu Christi, quod ille sit verus filius Dei, & verus Messias; ascendentes vero de lavacro baptismi fortissime stabunt in gratia Dei, & in confessione Jesu Christi Crucifixi Nazareni, & glorificabunt super omnia Dominum coeli & terrae, qui creavit omnia. Hinc notantur habere cytharas Dei. Per Cytharas Dei intelliguntur maximae laudes Dei, quas tribuent illi, manifeste videntes veritatem, & virtutem & omnipotentiam ejus. Item significant applausus, & jubila, & gaudia inexplicabilia, in quibus gaudebunt inenarrabiliter, videntes misericordiam Dei, quam fecit cum ipsis praeservando eos a tantis periculis & interitu magno. Applaudent illius bonitati, & justitiae instar millium Cytharoedorum cytharizantium in Cytharis suis, &

Verf. 3. *Cantantes canticum Moyfi servi Dei, & Canticum agni.* Per canticum Moyfi confessio unius veri Dei, & per Canticum agni Confessio Jesu Christi filii Dei significatur, quae duo Filius perditionis tollet super terram; vocatur autem *Canticum Moyfi, & canticum agni*, quia confessio, & fides in unum verum Deum, qui creavit coelum & terram, & omnia, quae in iis sunt ad vetus Testamentum, fides vero in Jesum Christum ad novum Testamentum per appropriationem spectat. & cum in novissimis diebus reliquiae judaeorum cum superstitibus Christianis jungendae sunt per veram fidem, pulchre dicuntur hic Cantantes Canticum Moyfi servi Dei, & canticum agni dicentes. *Magna, & mirabilia sunt opera tua, Domine Deus omnipotens, justae & verae sunt viae tuae, Rex saeculorum.*

Verf. 4. *Quis non timebit te, domine, & magnificabit nomen tuum? Quia solus pius es? Quoniam omnes gentes venient, & adorabunt in Conspectu tuo, quoniam iudicia tua manifesta sunt.* Continent haec verba applausum maximum, quem facient divinae majestati videntes iudicium, & omnipotentem

MANUM,

manum, quam exercebit super filio perditionis, & Pseudo-prophetis ejus. Unde primo confitentur pñm esse Dominum, & Deum omnipotentem a magnitudine, & mirabilitate operum, quae exercebit ibi super filio perditionis manifestissime, & superabit, & confundet gloriosissime opera ejus, vel potius imposturas, quibus in tantum dementavit judaeos, gentesque, ut crediderint ipsum esse Messiam: 2do Regem saeculorum proclamabunt, quia sua sapientia fundavit omnia retro saecula solus in justitia & veritate, quae duo continentur in veteri, & novo testamento, quorum utrumque illi manifeste agnoscent. Viae enim Dei sunt stupendae, & admirabiles processus ejus ad extra a creatione primi hominis usque ad novissimum; fundatae tamen sunt viae hae per mirandam sapientiam incredibili justitia, & veritate, quae duo nunc abscondita sunt, & maxime erant in diebus filii perditionis ab oculis multorum, sed post interitum ejus stupendum, & maxime in die judicii extremi omnibus patebunt. Unde summe glorificabunt Dominum coeli, maxime circa missionem filii sui unigeniti, & Spiritus Sancti, quos & in operibus glorificabunt Deum, dicentes: *Iustae & verae sunt viae tuae Rex saeculorum*, fiet hoc juxta prophetiam Christi Math. C. 23. Dico enim vobis, non me videbitis amodo &c. Id est, in novissimis diebus. 3tio Dabunt etiam illi gloriam propter judicia sua mirabilia, & abstrusa nimis; judicia enim ejus ad extra, circa creationem, Conservationem, & gubernationem humani generis, abyssus multa, quae in diebus novissimis, maxime autem in extremo die judicii manifestabuntur. Ex qua manifestatione sequentur: 1mo timor Domini his verbis: *Quis non timebit te Domine?* 2do magnificentia nominis ejus inenarrabilis per haec verba: *Et magnificabit nomen tuum.* 3tio Confessio pietatis, sive fidelitatis Dei his verbis; *Quia tu solus pius es.* 4to Ex hac manifestatione omnes gentes ab origine mundi agnoscent Dei justissima esse judicia per verba: *Et venient.* 5to Credent omnia mysteria etiam damnati in his verbis: *Et adorabunt in Conspectu tuo;* imo & daemones credent Jac. C. 2. v. 19.

*Hucusque Venerabilis Vir, & Servus Dei Bartholomaeus Holzhauser.*







## CONSPECTUS

LIBRORUM, SECTIONUM, ET PARAGRA-  
PHORUM NUMERUS PAGINAM INDICAT.

### LIRER I.

IN APOCALYPSIS TRIA CAPITA PRIORA.

*De septem Statibus Ecclesiae Catholicae a Christo usque  
ad consummationem saeculi futuris, & significatis  
per septem Ecclesias Asiae; Item per septem Stellas,  
& septem candelabra.*

#### Sectio I.

IN CAPUT PRIMUM.

*De Introitu libri Apocalypsis.*

- §. I. *De inscriptione, auctoritate, fine, & ma-  
teria libri Apocalypsis. Cap. I. a v. 1. usque  
ad v. 8.* pag. 171
- §. II. *De Auctore, & de modo, quo S. Joannes  
Apocalypsin vidit, & scripsit. a v. 9 — 12.* 180
- §. III. *Descriptio Ecclesiae militantis, ex simili-  
tudine Christi S. Joanni revelata. a v. 13 — 20.* 185

#### Sectio II.

IN CAPUT SECUNDUM.


*De primis quatuor Ecclesiae militantis  
Statibus.*

- §. I. *De primo Ecclesiae militantis statu, qui est  
Seminativus a tempore Christi, & Apostolo-  
rum usque ad Neronem. Cap. II. a v. 1 — 7.*

197

K k

§. II.

- 
- §. II. *De secundo Ecclesiae militantis statu, qui est irrigativus per tempora decem persecutionum usque ad Constantinum M. a v. 8 — 11.*  
pag. 211
- §. III. *De tertia Ecclesiae militantis statu, qui est Doctorum incipiens a Sylvestro Papa, & Constantino M. usque ad Leonem III. S. P. & Carolum M. a v. 12 — 17.*  
219
- §. IV. *De quarto Ecclesiae militantis statu, qui est pacificus a Leone III. S. P. & Carolo M. Imperat. usque ad Leonem X & Carolum V. a v. 18 — 28.*  
226

### Sectio III.

#### IN CAPUT TERTIUM.

*De reliquis tribus Ecclesiae militantis Statibus.*

- §. I. *De quinto Ecclesiae militantis statu, qui est status Afflictionis incipiens a Leone X, & Carolo V. usque ad Pontificem Sanctum, & Monarcham fortem.*  
pag. 238
- §. II. *De sexto Ecclesiae militantis Statu, qui erit Status Consolationis, incipiens a Pontifice illo Sancto, & Monarcha illo forti, & perdurans usque ad Nativitatem Antichristi. a v. 7 — 13.*  
257
- §. III. *De septimo, & ultimo Ecclesiae Statu, qui erit Status Desolationis incipiens a Nativitate Antichristi, & perdurans usque ad finem mundi. a v. 14 — 22.*  
270

### LIBER<sup>o</sup> II.

#### IN APOCALYPSIS. CAPUT IV & V.

*De Natura Ecclesiae, ac Regni Christi, & de libro secretorum Dei circa ea, quae, S. Joanni hic ostenduntur.*

#### Sectio I.

## Sectio I.

### IN CAPUT QUARTUM.

*De Natura Hierarchica Ecclesiae militantis.*

- §. I. De quibusdam prae-notandis, quae ad intelligenda sequentia duo Capita, & aliorum scitu necessaria sunt. pag. 278
- §. II. De Natura Hierarchica Ecclesiae Christi, quae S. Joanni hic ostenditur, & revelatur. a v. 1 — 11. 281

## Sectio II.

### IN CAPUT QUINTUM.

*De libro secretorum Dei.*

- §. I. Quid sit liber scriptus intus, & foris, signatus sigillis septem. a v. 1 — 4. pag. 290
- §. II. De Acclamatione Christo facta ob ejus Apertionem. a v. 5 — 14. 295

## LIBER III.

### IN APOCALYPSIS CAPUT VI & VII.

*De Apertione, & Expeditione septem sigillorum, & de Consolatione tam triumphantis, quam militantis Ecclesiae post tribulationes perpeffas.*

## Sectio I.

### IN CAPUT SEXTUM.

*De Apertione, & expeditione sex primorum sigillorum.*

- §. I. De Apertione primi, secundi, tertii, & quarti Sigilli, & de quatuor equis. a v. 1 — 8. pag. 303.
- §. II. De Apertione quinti sigilli. a v. 9 — 11. 311
- §. III. De Apertione sexti sigilli. a v. 12 — 17. 316



## Sectio II.

### IN CAPUT SEPTIMUM.

*De Consolatione tam militantis, quam triumphantis  
Ecclesiae post perpeſſas tribulationes.*

- §. I. *De Consolatione, & liberatione Ecclesiae militantis a jugo, & persecutionibus Tyrannorum. a v. 1 — 8.* 323
- §. II. *De Consolatione triumphantis Ecclesiae super perpeſſis tribulationibus, & super victoriis, quas SS. Martyres ob persecutiones reportarunt. a v. 9 — 17.* 328

## LIBER IV.

### IN APOCALYPSIS CAPUT VIII & IX.

*De Aſertione ſeptimi ſigilli, & de ſex primis Angelis, qui tuba cecinerunt.*

## Sectio I.

### IN CAPUT OCTAVUM.

*De quatuor primis Angelis, qui tuba cecinerunt.*

- §. I. *De Aſertione ſeptimi ſigilli. a v. 1 — 6.* pag. 336
- §. II. *De duobus primis Angelis, qui tuba cecinerunt. a v. 7 — 9.* 340
- §. III. *De tertio, & quarto Angelo. a v. 10 — 13.* 345

## Sectio II.

### IN CAPUT NONUM.

*De quinto, & ſexto Angelo.*

- §. I. *De quinto Angelo. a v. 1 — 12.* 349
- §. II. *De ſexto Angelo. a v. 13 — 20.* 369
- §. III. *Appendix nocumentorum ab ipſiſmet malis Catholicis cauſatorum, a v. 20 — 21.* 400

## LIBER



## LIBER V.

IN APOCALYPSIS CAPUT X & XI.

*De Consolatione latinae Ecclesiae post extirpationem  
haeresum in sexto ejusdem statu maxima futura &c.  
Item De Anticristi persecutione, ac de septima, &  
novissima Tuba.*

### Sectio I.

IN CAPUT DECIMUM ET UNDECIMUM.

*De Consolatione Ecclesiae latinae, & futura ejusdem  
Exaltatione, & extensione.*

- §. I. *De Consolatione, & Exaltatione latinae Eccle-  
siae in sexto ejusdem statu futura. a v. 1—11.* pag. 406
- §. II. *De Extensione Ecclesiae latinae a Cap. XI.  
v. 1—2.* 417
- §. III. *De illa Terra, quae gentibus, & Anti-  
christo reservatur, & ad Ecclesiam Christi  
nunquam accedet. a v. 2—3.* 419

### Sectio II.

IN CAPUT UNDECIMUM.

*De Persecutione Anticristi, ac de septima, &  
novissima Tuba.*

- §. I. *De Tempore persecutionis Antichristianae.  
a v. 3—13.* pag. 423
- §. II. *De novissima Tuba, ac ultimo vac. a v.  
14—19.* 437
- §. III. *De Concordantia duorum Novissimorum Da-  
nielis cum tempore, quod S. Joannes posuit.* 445

## LIBER VI.

IN APOCALYPSIS CAPUT XII. XIII. XIV. XV.

*De quibusdam specialibus, ac particularibus, quae S.  
Joanni de regno Mahometis, & Anticristi revelata  
fuere*

fuere, & de novissimis plagis, nec non de novissimo Ecclesiae triumpho, aliisque rebus circa Ecclesiam futuris.

### Sectio I.

#### IN CAPUT DUODECIMUM, ET DECIMUM TERTIUM.

*De bello, quod Diabolus per Cosroen, Mahometem, & Antichristum intentavit, & intentabit.*

§. I. *De bello, quod Diabolus per Cosroen in Ecclesia excitavit Cap. XII. a v. 1 — 15. pag. 448*

§. II. *De bello, quod Diabolus per Mahometem, & Antichristum intentavit, intentabitque Cap. XIII. a v. 1 — 10. 468*

§. III. *De turpissimo, & scelestissimo Idolo Antipapa, qui lacerabit Ecclesiam occidentalem, & adorare faciet omnes bestiam primam. Cap. XIII. a v. 11 — 18. 479*

### Sectio II.

#### IN CAPUT DECIMUM QUARTUM, ET QUINTUM.

*De Gloria, & Triumpho Ecclesiae.*

§. I. *De Gloria, & Triumpho SS. Martyrum, qui in diebus illis pro nomine Jesu, & Patris ejus fortissime morientur. Cap. XIV. a v. 1 — 5. pag. 488*

§. II. *De voce trium Angelorum, & voce e coelo. Cap. XIV. a v. 6 — 13. 496*

§. III. *De futura Extirpatione haeresum. Cap. XIV. a v. 13 — 20. 407*

§. IV. *De Triumpho, & gloria maxima, quam judaei, & Christiani superstites post interitum Antichristi dabunt omnipotenti Deo, & Filio ejus Jesu Christo. Cap. XV. a v. 1 — 4. 510*

Finis Conspectus.

—

*Aliqua irrepsere Menda graviora, quae Lector  
benevolus sic corriget.*


<i>loco</i>	<i>pag.</i>	<i>— linea</i>	<i>leg.</i>
prae caeteris	173	— 22	prae ceteris, & sic deinceps.
cult	176	— ult.	Math C. ult.
qui manu, dum	179	— 5	qui manu, postquam
peccando pupugerunt	179	— 9	peccando pupugimus.
& medicinis	185	— 17	& in medicinis.
ac toti	188	— 14	ac loti
in definiendis	189	— ult.	in definiendis
quibus	193	— 36	qua
Jesu Christi	199	— 24	Jesu Christo
non deferendo	205	— 8	non deferendo
oculos	206	— 18	oculus
ex nobis	212	— 5	ex vobis
graecarum	231	— 21	graecorum
in quarto statu usque ad Berengarium a Carolo Magno	232	— 1—2	in quarto statu a Ca- rolo M. usque ad Berengarium.
& orco	233	— 22	ex orco
in contaminatis	235	— 33	incontaminatis
tribulo	239	— 3	tributo
inquam	240	— 10	in quam
Haeresiarchiae	240	— 15	Haeresiarchae
in imperfecto	247	— 4	in imperfecto
soepius	eadem	— eadem	saepius, & sic saepe, saepissime deinceps
vere	242	— 14	vitam
alius soepius	257	— 15	alias saepius
circa eaque	278	— 4	circa ea, quae
visione	283	— 32	visioni
nichilo	289	— 26	nihilo
confirmatur	309	— 3	confirmatur
pasche	318	— 20	paschae
vaticina	325	— 19	vaticinia
& intervium	329	— 30	continuo versari, & intervire
confessionem	331	— 6	confusionem
quae dicuntur hic per- cussa	343	— 4	qui dicuntur hic per- cussi
sub die	350	— 10	sub dio
gens Wandalica	eadem	— 18	ad gentes Wandalicas
aeternam	352	— 33	externam

loco	pag.	lin.	leg.
volentes	353	30	omittitur.
agos	357	7	agros
haec	eadem	11	hae
tenentur	366	ult.	tenetur
orco	370	9	orco
Haeresiarchum	eadem	10	Haeresiarcham
determinatur	382	27	determinantur
an annis	383	25	ab annis
& sacramenta	385	27	de sacramentis
qui sunt	eadem	33	quot sunt
calcario	387	23	calcaria
ab ora	389	33	ab orco
guttur	393	32	guttur
laudem	398	1	caudam
consumnationis	413	9	consummationis
judaeam	420	18	judaicam
non posse	422	33	non posse desperat,
Alesiae	434	17	Melliae
irredimilibus	441	29	omittitur, aut leg. non ultra finiendis
prosequi	460	34	persequi
praedis posuit	458	19	praedisposuit
qui erit	474	12	quia erit
ruinam hoc	474	33	ruinam regnum hoc
duplicitur	476	7	dupliciter
disiicitur	483	7	disjicitur
v. 1-13.	488	15	v. 1-5.
silentium, Dei	493	35	silentium Dei

*Cetera maxime quoad interpunctiones benevolus  
lector facile corriget.*









100  
100  
100  
100  
100



